


CONFERENTIAE THEOLOGICO MORALES, SEU CASUS...

Benjamin Elbel, Josè Maria
Fonseca de Evora





CONFERENTIÆ
THEOLOGICO
MORALES,
SEU
CASUS CONSCIENTIÆ
DE
RESTITUTIONE

TUM IN GENERE,
TUM ETIAM IN SPECIE,
Secundùm Generalia Mo-
rum Principia

Ex probatis Doctoribus practice
resoluti,

AUTHORE
P. Fr. BENJAMIN ELBEL,
Ord. FFr. Min. Recoll. Almæ Provinciæ
Argentiniæ, seu Superioris Germaniæ SS.
Theologiæ Lectore Jubilato.

*Editio quarta, à prioribus Mendis expurgata
& correctâ.*

AUGUSTÆ VINDEL.
Sumptibus MATHIÆ WOLFF, Bibliopola.
M DCC XXXVII.





Reverendissimo, & Illustrissimo
Domino, Domino

LEOPOLDO
ERNESTO,

Ex Antiquissimis Liberis Baronibus
DE


FIRMIAN,
Metropolitanæ Ecclesiæ
Salisburgensis,

Nec non
Cathedralis Passaviensis, & Tri-
dentinæ

CANONICO,

Reverendissimi Consistorii Salisburg.
PRÆSIDI DIGNISSIMO

Domino, ac Patrono nostro
perquàm Gratoso.



Illustrissime, & Reverendissime
 DOMINE, DOMINE &c. &c.
 Mæcenas!

E*regrinum fortassis, & prima fronte minus oportu-
 num videbitur nonnemini, quòd TE hodie in Patronum
 hujus opellæ selegerim, qui,
 dum anno proximè præterito sub Gratosissimis Auspiciis Celsissimi & Reverendissimi
 Patruï tui Domini, Domini Leopoldi,
 Archi-Episcopi Salisburgensis, & Principis nostri Clementissimi, &c. Theses Publicas decretoriæ pugnae, seu Publicæ Disputationi subjeci, TE in primarium Antagonistam, & Adversarium meum provocare præsumpsi; verum, si libuerit maturius perpendere, hinc ipsius opusculi materiem,
 X 3 illinc*

DEDICATIO.

illinc verò præclaras animi tui dotes, quibus pro diversa rerum exigentia in re litteraria & Adversarii, & Patroni partes haud minori facilitate, quàm dexteritate in TE suscipere natus es, arbitror sanè, neminem fore, qui meum hoc Consilium non approbet velut maximè oportunum.

Et verò, ut ab ultimo exordiar, neminem facile, qui TE perspectum satis habet, neminem prorsus latere poterit, in TE uno cuncta, eaque præstantissima rei litterariæ ornamenta atque præsidia confluisse, quæ vel à Natura, vel à fortuna, vel denique à virtute proficiscuntur. A natura sortitus es ingenium perspicacissimum, & vivacissimum, naturalémque in litteras propensionem, ut velis; à florentissima fortuna, ut possis; ab eximia verò virtute, ut gaudeas litteris, ac litteratis esse Patrocino: illud enim, quod TIBI naturaliter inditum est, ingenii acumen, quantum industria, & virtute excoluisti! jam in ipsis trivialibus scholis reliquis TIBI Coëtaneis eminentior, palmam nedum disputare, verum etiam miranda quadam dexteritate præripere assueveras; ad subtiliora postmodum evectus Studia, quantos, quàm-

DEDICATIO.

quàmque præclaros feceris progressus, tametsi silentio præterire voluissem, satis tamen luculenter loquerentur tua in impugnandis aliorum placitis modestiæ sociata claritas, in tuendis, & propugnandis propriis soliditas; tua in perorando facundia, & in persuadendo efficacia. Ceriè, dum anno proximè præterito in hac Alma, & Celebratissima Universitate Salisburgensi ad solenniter congregatum Senatum Academicum, reliquosque copiosissimè confluentes Auditores tuos in honorem D. Ivonis verba fecisses è pulpito, nemo prorsus ex tot, tantisque ingenii, doctrinæ, pietatisque laude Clarissimis Viris exstitit, cui tuam in Superos pietatem, ac zelum, inque rem litterariam amorem vel invitus non persuasisse, quivè tuam animorum victricem eloquentiam condebitis non extulisset encomiis.

At verò, Salisburgum pereximiæ hac talentorum, virtutumq; tuarum prærogativa in admirationem raptum fuisse, mirentur illi, quibus perspectum non est, Romam ipsam Ejusdem non tam spectatricem exstitisse, quàm commendatricem. Vix pedem in urbem intuleras, jamque vel in ipso limine præ-

DEDICATIO.

clara indolis tuæ, & veræ, utpote non in solius splendore Sanguinis, sed & in soliditate virtutum fundata nobilitatis quosdam velut radios aliorum oculis, immò verò & mentibus iniecisti. Cernebaris illicò vel in ipsa ætatis tuæ flore altiore gerere spiritum, mente supra ætatem viri præditus, condecoratus admiranda morum integritate, suavitate, & elegantia, ad aliorum quoque mores in officio continendos, quippe cujus exemplum, immò verò cujus vel solus etiam aspectus morum Censura esse posset; unde (Superiorum dicam, an Superum potius Consilio?) sapientissimè factum est, ut in celeberrimo illo S. Apollinaris Collegio, vix non prius, quàm ibidem extiteras Novitius, Novitiorum (uti vocant) Magister aliorum moribus vel coërcendis, vel reformandis præficereris. Hanc verò Moderatoris Provinciam TIBI concreditam, quanta cum Sapientiæ, discretionis, cæterarumque virtutum (quæ Moderatorem decent, & ornant) laude administraveris, vel ex eo satis colligere licet, quòd Novitii tuæ tunc curæ concrediti nil unquam molestius à TE tulerint, aut portasse existimârint, quàm quòd iisdem tuam citius sanè, quàm

DEDICATIO.

quàm optâssent, præsentiam, conversatio-
nisque exemplum subtraxeris. At, quid de
Novitiis commemoro, cum ipsimet S. N. Pon-
tifici Maximo **BENEDICTO XIII.**

maximo in pretio fueris, quippe qui abitu-
rientem TE nedum singularibus extulit lau-
dum preconiiis, verum etiam extraordina-
riis quibusdam dotavit Privilegiis, atque in-
dultis pontificiis? Nimirum quemadmodum
ignominia vitiorum, ita honor, ac gloria vir-
tutum est pedissequa. Nedum à natura, sed
à Patria etiam educatione ita comparatus
eras, ut majorum tuorum exemplo magnam
in mundo fortunam aut invenire posses, aut
facere; ast, honores, gloriam, opésque, quas
Patrocinante TIBI Amplissimæ Familiæ
Primogenitura in statu Politico Mundus
promiserat, infrà TE esse ratus, generoso
contemptu ad pedes Christi Domini abjecisti,
quatenus in statu Ecclesiastico DEO libe-
rius, immò totus vacare posses; noveras
enim, DEUM voluisse primitias frugum
præ reliquis sibi offerri, hominemque longè
feliciori sorte DEO consecrari, quàm Mun-
do. At, erit, erit profecto dies, quo die Numi-
ne vices alternante TU velut, Clarissimum

X 5

Fir-

DEDICATIO.

Firmianæ Prosapiæ lumen, super candela-
brum positus, Ecclesiam clariùs illustrabis:
erit profecto dies, quò pro toga Tiaram, Epo-
midémque Episcopalem portabis, & pro va-
na hujus mundi gloria felicissimo cum sænore
diadema speciei recipies de manu Domini
ad Tuam, Tuæque Illustrissimæ Domûs im-
mortalem gloriam; hoc etenim nobilissimum
illud sanguinis, virtutis, & fortunæ contu-
bernum in TE repertum portendit.

Tamet si autem ea, quæ mox obiter recen-
sui, rationum monumenta me neutiquam
impulissent ad implorandum tuum Patroci-
nium, certè illud unum me satîs, superque
animare potuisset, quòd TU Firmianus sis,
& ego Franciscanus: etenim quæ Firmia-
dum erga pauperculam nostram Religionem
Seraphicam munificentia; quæ mea vicissim,
nec mea duntaxat, sed totius Conventus no-
stri Salisburgensis, immò totius Ordinis no-
stri Seraphici erga Illustrissimam Domum
Firmianam debita observantia infinitis pro-
pe titulis obærata, ille demum comprehendet,
qui gratiarum inde in nos effusarum compre-
henderit terminum, quamquam qui termi-
num hunc assequi, aut complecti valeat, pro-
ditu-

DEDICATIO.

diturus sit nunquam. Satis profecto esset meminisse vel solius Celsissimi Patruī Tui, Leopoldi Antonii Eleutherii, Clementissimi Principis, & Archi-Episcopi nostri Salisburgensis, cujus munificam in nos Clementiam, tametsi alto vellemus præterire silentiō, inanimata nihilominus loquerentur, & deprædicarent monumenta. Et quid multis! opusculum hoc, quod Firmiana munificentia lucem aspicit, cuinam alteri, præterquam Firmiano consecrandum erat? Ita sanè sine cunctatione statuendum, & pro modulo meo enitendum mihi fuit, nisi ingratitudinis notam portare, simulque palmaris injustitiæ redargui voluissem, quippe qui à primo ad ultimum in hac opella notissimam illam, omni Jure fundatam, omniumque sensu & consensu approbatam Maximam toties inculco, scilicet cuius quod suum est, esse reddendum, & tamen id, quod utut exiguum, totum quantum sive auctorem, sive rem ipsam spectes, Firmianum est, non Firmiano, sed alteri cuius demum, dedicandum reddidissem; quæ, cum ita se habeant.

Tuum jam Reverendissime & Illustrissime Domine, Domine Macenas! Tuum, inquam,

DEDICATIO.

inquam, esse videtur, ut hoc meum, qualecunque demum grati animi obsequium æquibonique consulas: opusculum hoc, quod Tuam se in tutelam conferre gestit, rebus adnumera Tuis, quotque in eodem characteres conspicias, totidem devinctissimi erga TE Tuamque Illustrissimam Domum animi testes, ac testeseras crede. Fave igitur, & favendo diuvive ad Illustrissimorum Parentum tuorum consolationem, totiusque Aniciæ Familiæ Firmianæ Gloriam, immò ad totius Ecclesiæ emolumentum; id, quod totis exopto præcordiis, & unà mecum totus

Illustrissimæ & Reverendissimæ

Dominationi Tuæ

Devotissimus Conventus Salisburgensis

PP. Franciscanorum.

Licen-

Licentia Ordinis,

LECTIS Approbationibus AA. VV. PP. LECTO-
rum SS. Theologiæ, Tractatum: *De Restitu-
tione tum in Genere, &c.* Auctore Adm. Vene-
rando Patre BENJAMIN ELBEL, Provinciæ
Nostræ Germaniæ Superioris, sive Argentinæ in
Conventu Salisburgensi SS. Theologiæ Lectore
Jubilato conscriptum, Typis publicis exarandi
facultatem præsentibus concedimus, reliquis de
cætero servatis servandis juribus.


Signatum in Conventu Nostro Augustano ad
Sacrum Christi Sepulchrum die 10. Julii A. 1732.
sub Nostro Chyrogapho, Officii que Nostri Si-
gillo Minori.

*Fr. Godefridus Stüve, SS. Theol.
Lector jubil. totius Ordin. S. P. N.
Francisc. Definitor, & Nationis
Germano-Belgicæ Commiss. Gen.*

**Facultas Admodum Reverendi P. Ministri
Provincialis.**

EGO Fr. Kilianus Kazenberger Ord. Fratrum Minorum
S. Francisci Recollectorum, SS. Theologiæ Lector Ju-
bilatus Provinciæ Argentinæ, seu Superioris Germaniæ Mi-
nister Provincialis, hiscè, quantum in me est, **Facultatem**
concedo, ut *Conferentia Theologico-Morales de Restitu-
tione tum in Genere, tum in Specie &c.* à V. P. Benjamin
Elbel, in Conventu Nostro Salisburgensi SS. Theologiæ
Lectore Ordinario, compositæ, atque à Theologis ad id
deputatis lectæ, & censuræ, prælo dari possunt. In cu-
jus fidem has officii mei Sigillò munitas dedi in Conventu
Nostro Rastadiensi die 8. Mensis Maji, Anno 1731.

*Fr. Kilianus Kazenberger,
qui supra mppriâ.*




Privilegium Cæsareum.

CUm S. Cæsareæ Majestatis Privilegio cautum sit omnibus, & singulis Typographis, & Bibliopolis, ne Libros à nostri Ordinis Patribus editos vel imposterum edendos imprimant, recudant, aut alibi recufos intra S. R. Imperii, Regnorumque, ac Ditionum hæreditariarum Domus Austriacæ fines adducant, vendant, vel distrahant absque assensu vel Facultate dictorum Patrum sub gravissimâ mulctâ &c. &c. Hinc ego F. Kilianus Kazenberger p. t. FFr. Min. Recoll. Provinciæ Argentinæ, seu Superioris Germaniæ Minister Provincialis D. Mathiæ Wolff, Bibliopolæ Augustano Facultatem concedo in impressione *Conferentiarum Theologico-Moralium de Restitutione tum in Genere, tum in Specie*, à V. P. BENJAMIN ELBEL, SS. Theologiæ Lectore compositorum dictô Privilegiô utendi. In quorum fidem has manu meâ subscriptas, & Officii mei Sigillô munitas dedi in Conventu nostro Ratiensi die 8. Mensis Maji Anno 1732.

F. Kilianus Kazenberger,
qui suprà mppriâ.

Appro-



Approbatio Theologica.

DE Mandato Admodum Reverendi P.
Provincialis hunc Tractatum, cui
Titulus: *Conferentie Theologico-Morales
de Restitutione &c.* à V. P. Benjamin Elbel,
Provinciae nostrae Argentinensis, seu Ger-
maniae Superioris SS. Theologiae Lectore
actuali singulari Studio elaboratum, ejus-
demque sub Praesidio Salisburgi summa
cum laude, & applausu solenni publicè
propugnatum attentè legi, nec quidquam
in eo, quod sive Regulis Orthodoxae fi-
dei, seu bonis moribus dissentaneum es-
set, inveni. Quin lubens attestor, prae-
sens Opusculum mole quidem parvum, si
Doctrinae, quam continet, fructus &
emolumentum spectetur, opus esse sat
magnum, & quàm Curatis, quàm Curandis
in utròque foro comprimis utile. Cùm
porro

porro à facili, quod Author adhibet, & ad cujuslibet morali scientia utcunque instructi captum attemperato dicendi genere, clara itidem, & succincta methodo commendari plurimum mereatur usque eò, ut nihil reliquum videatur, quod in hoc genere desiderari amplius possit à prudenti Lectore, quid mirum, si cum hujus, tum ante hac Typis evulgatorum, quæ idem Author elucubravit, operum Editio iterata in desiderio sit plurimorum, quorum expectationi ut satisfiat, nedum nihil moror, sed optârim, ut præsentis *Conferentie Theologico Morales* unà cum reliquis in publicam lucem, & communem omnium, quot quot negotium Animarum vel agunt, vel agere intendunt, utilitatem iterum atque iterum prodeant. Ita censeo in conventu nostro Salisburgensi ad B. V. Mariam in Coelos Assumptam die 31. Mensis Martij 1731.

F. Victorianus Steidle,
ejusdem Ord. ac Provinc.
SS. Theologia Lector Emerit.
ac p. t. Provinc. Diffinitor.

Præ-




APPROBATIO II.

PRæsentes *Conferentiæ Theologico - Morales de Restitutione tum in genere, tum in specie*, ex munere mihi, ab Admodum R. PP. Kiliano Kazenberger p. t. Almæ nostræ Provinciæ Germaniæ Superioris Ministro Provinciali Actuali, ac Superiore Observandissimo, delato, diligenter perlegi, easdémque omnigena eruditione fœcundas, ac utilissimís casibûs, eximia cum soliditate, ac gratissima claritate resolutis, adornatas perspexi. *Quare, cùm reddant Cæsari, quæ sunt Cæsaris*, hoc est, unicuique suum, & *quæ sunt DEI, DEO*, nimirum minimè impingendô in Regulas Fidei, Morum, aut rectæ rationis, sed potius se in illis fundandô, æquum & iustum est, ut iisdem ad Eximii Authoris perennem honorem, ac legentium largam utilitatem lucis publicæ splendor reddatur. Ita censeo in Conventu Salisburgensi Fratrum Minor. Recollectorum 30. Aprilis 1731.

F. Leo Stehle Lector Emeritus
p. t. Guardianus ibidem.

)(

Appro-



Approbatio Censoris.

Conferentiæ hæ Theologico-
 Morales non modò in Catho-
 lica dogmata, morùmque regulas
 nihil offendunt, sed Thesaurum
 Doctrinæ practicæ in materia re-
 stitutionis complectuntur, pluri-
 bus casibus veluti totidem clavi-
 bus reſeratum ; prodeant ergo in
 lucem ad instructionem tam con-
 feſſariorum quàm pœnitentium.

Imprimatur H. S. Franc. Joſ. de Handl,

Ex Vic. 15. Junii 1730.

Joann. Gotthardus
L. B. de Vöblin,
Vicar. General.

SS. Theol. Lic. Ser. &
Rev. Princ. & Epiſcop.
Auguſt. Conſil. Eccleſ.
Maj. Pœnitentiarius &
Librorum Cenſor.

Elen-



Elenchus Conferentiarum & Casuum in hoc opusculo resolutorum.

Conferentia I.

De Restitutione in genere, ejusdemque radicibus. Pag. 1.

C A S U S.

- I. De quodam vini negotiatore, inducente præfectum Gabellarum ad dissimulandam exactiorem illarum. 11
- II. Cujusdam feripetæ, qui jaculando feras intulit magnum damnum &c. 15
- III. De eo, qui mutuum à se postulatum negavit alteri, unde is magnam incidit jacturam, & pusillanimitatem. 20

Conferentia II.

De mensura restitutionis in genere, nec non de restitutione debita à possessore bonæ fidei. 27

C A S U S.

- I. De quodam Cive Augustano, tempore belli Bavarici comparante & emente suppellectilem à militibus raptam. 41
- II. De quodam Aurifabro, qui ex massa argenti subtracta cuidam Monasterio calicem confectum, eidem Monasterio vendidit bona fide. 46

XXX 2

III. De

❧ ❧ ❧

III. De eo, qui triennio bona fide possederat
fundum alienum.

Conferentia III.

De restitutione debita ex delicto formali injustæ
acceptationis à possessore malæ fidei. 60

C A S U S.

- I. Cujusdam Officialis, qui suo Principali ultra
salarium sibi constitutum annuatim notabilem
summam subtraxerat. 74
- II. Cujusdam pœnitentis, qui jam ante tres annos
equum furtô abstulerat. 78
- III. Cujusdam famulæ, quæ speciali industria
assueverat victualia minori pretio comparare,
residuum verò pretii non Domino suo, sed sibi
applicare.

Conferentia IV.

De restitutione debita ex delicto formali injustæ
damnificationis. 95

C A S U S.

- I. De quodam Caupone, qui, ut plures sibi attra-
heret hospites, cerevisiam, & alia victualia mi-
nori pretio vendidit, non sine aliorum præju-
dicio. 102
- II. De quodam Advocato, non satis defendente
causam sui clientis. 106
- III. De quodam Filio-familias, subdolè impe-
diente suum Parentem, ne quid legaret ad pias
causas. 109

Con-

Conferentia V.

De obligatione restituendi, debita ex cooperatione ad injustam damnificationem. 119

C A S U S.

I. De quibusdam latrunculis, deprædantibus & malè tractantibus, vel potiùs torquentibus, misellum Rusticum. 134

II. Cujusdam Studiosi, qui de alterius Consilio pecunias Oenopolæ debitas in vacantiis dilapidaverat. 138

III. De quodam Caupone fures recipiente ad hospitium. 141

Conferentia VI.

De obligatione restituendi, debita ex Contractu. 152

C A S U S.

I. De vendente equum cæcum pro vidente. 163

II. Cujusdam Onopolæ, vendentis vinum lymphatum carius, quàm purum. 167

III. Cujusdam Professoris Hungarici Augustæ petentis imagines cupro incisas pro Thesibus, seu Publica Disputatione. 171

Conferentia VII.

De restitutione debita ex læsione proximi in bonis spiritualibus animæ. 183

C A S U S.

I. Viduæ, quæ pauperi Studioso subministraverat media necessaria ad prosecutionem Studiorum, sub spe jungendi cum illo manus in Matrimonium. 194

XX 3

II. De

II. De quadam Vetula, quæ puellam sinistrè informando decepit, ut imprægnaretur. 198

III. De quodam juvene sollicitante puellam ad carnalia, & fraudulenter eandem inducente ad connubium. 201

Conferentia VIII.

De restitutione debita ex læsione proximi in bonis Corporis. 210

C A S U S.

I. De Rustico, qui alium ligone percutiendo occidit. 219

II. De quodam Nobili provocato ad duellum, qui & provocantem occidit. 223

III. Cujusdam puellæ ab alio nobili stemmate nato violenter oppressæ. 227

Conferentia IX.

De restitutione debita ex injusta læsione famæ. 237

C A S U S.

I. Cujusdam juvenis in terminis nimis generalibus sese accusantis de detractionibus hinc inde factis. 250

II. Cujusdam famulæ, suam coancillam graviter objurgantis, & ob furtum commissum hinc inde diffamantis & denigantis. 254

III. De quadam saga, quæ aliam mulierem innocentem apud Judicem diffamavit velut complicem malorum, & expertem in eadem arte. 257

Con.

Conferentia X.

De restitutione debitâ ex injusta læsione proximi in bonis fortunæ. 271

C A S U S.

- I. Cujusdam Uxoratæ, quæ marito ignorant non pauca subtrahere, & prolibus ex prior Matrimonio à se susceptis impendere assueverat. 281
- II. Cujusdam puellæ, quæ de bonis Parentum suorum notabilem summam subtraxerat. 285
- III. De quodam mendico, qui, cum ex communi cassa pauperum non obtinuisset sustentationem necessariam, cœpit hinc inde furari etiam in Ecclesiis. 290

Conferentia XI.

De circumstantiis restitutionis. 301

C A S U S.

- I. De quodam juvene, qui puellam imprægnaverat, & postea sparsit, eam ab alio fuisse imprægnatam. 311
- II. Cujusdam ancillæ, quæ evertendo domum invenit tres dugatos. 317
- III. Cujusdam possessoris iniqui, qui de Consilio Confessarii centum voluit restituere per tertium quemdam, cujus tamen infidelitate non pervenerunt ad manus Domini. 321

Con-

Conferentia XII.

De causis excusantibus à restitutione.

331

C A S U S.

I. Cujusdam Viduæ illustris, quæ à creditoribus
conventa fuit, ut solveret debita à marito con-
tracta. 345

II. De quodam juvene nimis prodigo, qui ob
negatum sibi à Curatore subsidium pecunia-
rium, incidit magnas misérias. 350

III. Cujusdam Studiosi, qui non obstantibus
multis debitis in sæculo contractis, voluit in-
gredi Religionem. 352



CON.

CONFERENTIA PRIMA.

De
Restitutione in genere, ejus-
démque radicibus.

SUMMARIUM.

1. Restitutio est redditio debiti alterius &c.
2. Radices ultimatae restitutionis congruè assignantur duæ:
3. Etsi alii quatuor, alii omnino quinque assignent.
4. Traduntur nonnullæ regulæ generales restitutionis, semper ante oculos habendæ.
5. Obligatio restituendi oritur ex læsione solius justitiæ commutativæ.
6. Satisfit cuidam instantiæ in contrarium factæ.
7. Præceptum restituendi principalius est affirmativum;
8. Etsi secundariò, & minùs principaliter negativum dici possit.
9. Restitutio ad salutem est necessaria, non simpliciter, & necessitate medii, sed necessitate præcepti duntaxat.

R. P. Elbel, de Restit.

A

19. Re-

10. Resolvitur Casus I. de quodam Negotiatore Vini, inducente alium ad dissimulandam exactionem Gabellarum &c.
11. An uterque à Confessario obligandus sit ad restitutionem?
12. Si Dominus Gabellarum aliquid debeat subdito, isque alia via illud obtinere nequeat, licitè subtrahet gabellas per modum tacitæ compensationis.
13. Idque etiam in casu; quo Princeps supponitur gabellas alteri elocasse.
14. Resolvitur Casus II. cujusdam feripetæ, qui jaculando feras in magna quantitate, peccavit contra justitiam;
15. Unde in foro externo condemnatus ad multam pecuniariam, illicitè ageret plures jaculando feras sub titulo & prætextu tacitæ compensationis.
16. Ad restitutionem tamen pro ipsis feris nec ipse, nec alii fortè participantes tenentur in foro conscientiæ &c.
17. Nisi tales feræ jam actu inclusæ, aut omnino cicuratæ, fuissent sub actuali dominio Principis.
18. Et quid, si quis feram continuò se, suaque invadentem & infestantem trucidet?
19. Resolvitur Casus III. de eo, qui mutuum negavit alteri, propterea furtum sacrilegum committenti, & capitis condemnato.
20. An teneatur propterea refarcire damna aliis secuta?
21. Et quid, si hujusmodi damna prævidens, pecuniam alteri ex justitia debitam solvere neglexisset?
22. Obligatio restituendi non oritur ex omni, & quavis actione injuriosa.

23. Un-

De Restitut. in genere, ejusdémque radicibus.

23. Unde Prælati Beneficium prætermisso digniori minùs digno conferens, non tenetur ad restitutionem.
24. Insuper actio externa injusta opere externo debuit fuisse consummata &c.
25. Injusta detentio rei alienæ non est peccatum distinctum ab injusta ablatione.
26. Neque verum est, animam defuncti tamdiu detineri, & cruciari in purgatorio, donec hæres pro ea restituat.
27. Solvitur quædam instantia contra hæc.

S. I.

Præmittuntur, & breviter resolvuntur quæsitæ scitu necessaria ad debitè resolvendos Casus de restitutione in genere, ejusdémque radicibus.

QUæres primò, quid sit Restitutio?
R. Restitutio est redditio debiti alteri. **I.** Vel, ut alii dicunt: est rei acceptæ redditio, vel damni illati compensatio. Ita cum *communi* Theologor. Lessius *l. 2. c. 7. dubitat. 4. n. 15.* Sporer *tract. 4. Theol. mor. c. 2. n. 1.*

Bonitas hujus descriptionis facile colligitur ex ipsa nominis Etymologia; etenim restituere idem sonat, ac aliquem iteratò statuere in possessionem, vel dominium rei suæ: at hoc fit, dum redditur alteri, quod ipsi debetur, sive dein ob rem

ab eo acceptam, siue ob injustam accepti-
nem, aut damnificationem, siue denique ex
contractu: ergo benedicatur, quod restitu-
tio sit redditio debita alterius &c.

Quæres 2dò, quæ, vel quot sint radices
restitutionis?

2. *Ex* cum Laymanno *lib. 3. tr. 2. c. 1. n. 2.*
& *communi* aliorum. Radices restitutionis
ultimatæ congruè assignantur duæ, scilicet
1. *ex re accepta*, & 2. *ex injusta acceptione*,
vel læsione: etenim qui rem alterius acce-
pit, vel possidet, etsi optima fide, utpote
existimans, & firmiter credens, esse suam
&c. nihilominus quamprimùm advertit,
eam esse alienam, tenetur illam restituere,
si possit; idque titulò rei acceptæ. A for-
tiori is, qui rem alterius injustè accepit,
aliumvè damnificavit, tametsi inde nihil
prorsus acceperit, aut possideat, ut si alte-
rius segetes, vel domum combussisset &c.
tenetur restituere, & damnum injustè illa-
tum compensare, secundùm *omnes*; id-
que titulò injustæ acceptionis, vel læsio-
nis.

3. Scio equidem à P. Sporer *cit. n. 9.* recen-
feri quatuor radices immediatas restituti-
onis, scilicet 1. *ex re accepta*. 2. *ex injusta*
acceptione. 3. *ex injusta damnificatione*,
& 4. *ex contractu*. P. la Croix *l. 3. p. 2.*
n. 18. superaddit quintam, scilicet *ex lege*
positiva; quia, inquit ille, si tuum animal
occi;

De Restitut. in genere, ejusdémque radicibus. §

occiderit meum, jus in certis casibus statuit, teneri te ad restitutionem damni, quamvis nec sit accepta, nec injusta acceptio, vel damnificatio, neque contractus &c. ergò duntaxat ex lege positiva. Fatetur tamen idemmet, etiam hanc radicem, sicut & illam ex contractu aut damnificatione injusta commodè reduci posse ad illas duas radices ultimas, mox à nobis recensitas; nam ad obligationem ex injusta acceptione reduci potest obligatio ex damnificatione injusta, quippe quæ est quædam acceptio, vel subtractio rei alienæ, quamvis subtrahenti sit inutilis: ad eandem reduci possunt obligationes restituendi ex contractu, & lege positiva; quia in his præsupponitur injusta læsio aut præcavetur, eò quòd quandoque soleat, & sæpè possit intervenire. Ita La Croix. Placuit proin hæc insinuare, prioribus verò regulis fundamentalibus quasi ab omnibus receptis respondendo in hære: certò enim, qui in examine respondebit duas esse radices ultimas restitutionis, ubique audietur.

Hic etiam velut oportuno locò subnectendas duxi nonnullas regulas generales restitutionis, benè memoriæ imprimendas, & semper ante oculos habendas à Confessario; quarum prima concernit possessorem bonæ, altera possessorem malæ fidei.

I. Itaque Regula est hæc: mensura restitutionis ex delicto materiali ratione rei acceptæ, est *quantitas possessionis*, id est: Possessor bonæ fidei tenetur restituere tantum, quantum de re aliena adhuc possidet, vel quantum inde factus est ditior.

II. Regula est hæc: mensura restitutionis ex delicto formali quocunque est *quantitas damni illati*; id est: possessor malæ fidei tenetur restituere tantum, quantum intulit damni, sive inde aliquid possideat, sive nihil. Porro pro restitutione ex contractu debita, observanda erunt sequentia duo axiomata.

I. Omnis res, qua casu perit, suo Domino perit.

II. Omnis res, qua culpa perit, culpabili perit, id est, illi, qui culpam commisit, juxta proportionem tamen culpæ & contractus initi, veluti rectè observat Sporer *tr. 4. c. 2. n. 10. & 11.* quem vide.

Quæres 3tio, utrum hæc obligatio restituendi oriatur ex sola læsione justitiæ, vel etiam ex læsione aliarum virtutum? v. g. charitatis, pietatis &c. &c.

5. R. Eam oriri ex læsione solius justitiæ, & quidem commutativæ duntaxat, non item ex læsione aliarum virtutum. *Ita DD. communissimè.* Ratio est: quia actus, quo constituitur æqualitas, eaque arithmetica inter datum & acceptum, inter damnum, ejusque reparationem, est proprius solius justitiæ

De Restitut. in genere, ejusdémque radicibus. 7

justitiæ commutativæ: atqui restitutio est actus, quô constituitur ejusmodi æqualitas: ergo &c.

Dices tamen contra hoc: Superior vel Magistratus non æqualiter distribuens bona communitalis inter cives, peccat contra justitiam distributivam duntaxat, & tamen obligatur ad restitutionem. Rursus 2. qui quempiam impedit à consecutione alicujus beneficii, non peccat contra justitiam commutativam, & tamen tenetur ad restitutionem: ergo falsum est, hanc obligationem oriri ex læsione solius justitiæ commutativæ.

R. Ad primum cum distinctione. Su. 6. perior vel Magistratus &c. peccat contra justitiam distributivam duntaxat &c. si cives in illa bona nondum habuère jus quæsitum, concedo, si supponantur jam habuisse jus quæsitum, nego ant. cum cons. Itaque sciendum, & bene animadvertendum est hoc locô, reperiri bona communitalis in duplici differentia; nam alia sunt, quorum distributio pendet quasi ex solo arbitrio Superioris, veluti sunt quædam officia publica v. g. Medici, Consulis &c. ad quæ nullus habet jus quæsitum, proindeque si Princeps, Superior, aut Magistratus hujusmodi officia inæqualiter distribuat, utpote conferendo minùs digno, prætermisso digniori, huic ad nullam tenetur restituti-

tionem; quia solam justitiam distributivam læsit. Alia autem dantur bona singulis ex Communitate membris debita & destinata, ita, ut ante distributionem singuli jam habeant jus quæsitum; ut si aliquis Benefactor legando destinet v. g. sylvam aliquam eô pacto, ut singuli cives singulis annis certam aliquam portionem lignorum seu asserum inde percipiant; vel si leget mille aureos, eo fine, ut ex eorum censu annuo certæ quædam Virgines, aut studiosi pauperes annuatim juxta cujusvis merita vel inopiam certam portionem recipiant &c. quo casu Superior inæqualiter distribuens peccat necdum contra justitiam distributivam, sed etiam contra commutativam, cujus ratio est hæc: quia, cum talis Benefactor & fundator æquam proportionem servari voluerit, perinde est, ac si singulis certam pecuniæ summam assignasset, veluti rectè observat Mastrius *Theolog. Mor. disp. 7. q. 1. n. 9. fin.* Ad alterum similiter dicendum, eum, qui aliquem à consecutione alicujus beneficii impedit sine dolo vel fraude, non teneri ad restitutionem, quia supponitur, quod ille alter nondum habuerit jus quæsitum respectu illius beneficii: at verò si vi, dolò vel fraude illum impediat, utique obligabitur, quia delinquit contra justitiam commutativam: esto enim talis nondum supponatur habuisse

De Restitut. in genere, ejusdémque radicibus. 9

buisse jus strictum ad hujusmodi beneficium, habuit tamen jus strictum contra quemcunque, ne per vim vel fraudem impediatur à consecutione talis beneficii, prout amplius constabit ex dicendis infra c. 4. a. n. 96. Vide etiam de hoc Felix Potestas tom. 1. p. 2. n. 2355. vel Babenstuber tr. 7. disp. 4. a. 1. n. 3. in fine.

Quæres 4to, sitne præceptum restituendi affirmativum, vel verò negativum?

R. Est principaliter affirmativum. Ita 7. contra Mastrium cit. Lessius, Sporer, Pontius, Herincx & alii plures. Ratio est: quia illud præceptum censetur affirmativum, quò intenditur positio alicujus actus: atqui hoc præcepto intenditur positio alicujus actus, scilicet restitutionis; quippe quo solo reparatur damnum, & obtinetur æqualitas inter partes læsas: ergo &c.

Dixi tamen: *principaliter affirmativum*, negari enim minimè potest, quin saltem secundariò, implicite, & minùs principaliter sit negativum, utpote fundatum in illo septimo præcepto decalogi: *non furtum facies*: enim verò hoc ipso, quòd jubeamur reddere alienum, implicite & virtualiter jubemur, illud non retinere: ergo hoc præceptum est virtualiter & implicite negativum; & hoc ipso juxta naturam præceptorum negativorum obligat, semper ac pro semper sub ea ratione, quà negati-

vum est, scilicet in tantum, ut non retineamus alienum *rationabiliter invito Domino*. Bahenstuber cit. *disp. 4. a. 1. n. 7.* Lugo tom. 1. *de justis. disp. 8. sect. 2. n. 19.*

Quæres 5^{to}, an. vel quomodo restitutio sit necessaria ad salutem?

9. R. Est necessaria, non quidem simpliciter, seu, (ut alii loquuntur) necessitate medii, quasi verò sine illa etiam inculpabiliter non facta salus æterna neutiquam posset obtineri: sed est necessaria necessitate præcepti duntaxat. Ratio prioris est: quia restitutio non est ad salutem necessaria per modum medii collativi gratiæ, sed potius, ut per eam cessetur à peccato, & hoc evitetur; quo modo necessaria etiam est ad salutem observantia aliorum præceptorum; quam ob rem omnes admittunt, ab hoc onere excusare ignorantiam, & impotentiam restituendi, prout inferius videbimus: ergo dici non potest, esse necessariam necessitate medii. Ratio autem posterioris, quòd scilicet necessaria sit necessitate præcepti, passim colligitur tum ex Scriptura. *ad Rom. 13. Reddite omnibus debita &c.* item *Tobia 2. Videre, ne fortè furtivus sit hædus: reddite eum dominis suis, quia non licet nobis aut edere ex furto aliquid, aut contingere;* tum ex eo etiam, quòd conservatio justitiæ sit necessaria ad salutem, quippe qua in materia gravi læsa conservari nequit status gra-

De Restitut. in genere, ejusdémque radicibus. 11

gratiæ: atqui justitia conservari nequit absque restitutione rei ablatæ: ergo &c. Unde illud notissimum Sancti Augustini effectum epist. 25. ad Macedonium, relatum c. 1. 14. q. 6. *Si res aliena, propter quam peccatum est, reddi possit, & non reddatur, pœnitentia non agitur, sed fingitur. Si autem veraciter agitur, non remittitur peccatum, nisi restituatur ablatum, si restitui possit, ut dictum est.*

J. II.

Proponuntur, & breviter resolvuntur Casus practici, de restitutionis natura & necessitate.

CASUS PRIMUS.

Titius ingentem vini quantitatem transportari curavit ex Austria occasione navali: ne verò nimiam vectigalium summam propterea solvere cogeretur, hinc cuidam vectigalium Præsecto aliquot urnas vini per modum regalis, vel potius Schmirbalis (ut vocant) gratis obtulit, animò illum inducendi, ut dissimulata exactiori inquisitione acceptaret vectigal pro certa vini quantitate, obiter quasi computata: quò factum, ut Titius feliciter evaserit præfatum onus, non solvendo vectigal pro quinquaginta circiter urnis. Jam dubitare licet 1. an, vel quomodo deliquerit? 2. an teneatur ipse, vel etiam Præsectus vectigalium ad aliquam restitutionem?

R. ad

10. R. ad primum. Probabiliter nedum Titius, sed etiam Præfectus peccavit contra justitiam. Ratio est: quia vectigalia justo titulo imposita, ex justitia commutativa præstari debent; cum enim Princeps vel Magistratus serviat Reipublicæ, jure merito ab eadem prætereendere possunt ea, quæ sibi sunt necessaria, tum ad propriam sustentationem, tum etiam ad portanda alia plura onera publica, utputa ad reparandas & conservandas vias publicas, flumina, pontes &c. atqui vectigalia ab Imperatore, aliisque Principibus præsumi debent justè imposita: ergo non solus Titius, inducendo Præfectum, verum etiam ipse Præfectus ad hujusmodi dissimulationem inductus, per se loquendo peccavit contra justitiam: fortassis etiam contra juramentum fidelitatis, quod hujusmodi officiales officium aggressori communiter præstare debent, & solent. Videatur Lessius *l. 2. c. 33. dubit. 8. n. 56.* La Croix *l. 3. p. 2. n. 269.* Pro praxi tamen Confessarius interrogare debet hujusmodi poenitentem, qua conscientia tunc temporis processerit? & an non putaverit se graviter peccare?

11. R. jam ad 2dum. Suppositâ semper justitiâ Gabellæ, primariò quidem Titius; secundariò autem, & in defectum illius Præfectus teneretur ad restitutionem defraudati, ob rationem jam datam. Nec dubi-

De Restitut. in genere, ejusdémque radicibus. 13

dubitandum, quàm in foro externo deprehensi, nedum ad hanc summam, verùm etiam ad multò majorem multam condemnarentur. Nihilominus cùm multi Doctores dubitent, immò negent, leges tributorum & vectigalium obligare in conscientia ad actum, præsertim quando non exiguntur à Præfectis; Insuper cùm multi viri sapientes dubitent prudenter, an tributa & vectigalia in tanta quantitate (uti hodie fieri experimur) justè exigantur (constat enim, quòd intra spatium unius sæculi memoratum vectigal in singulas urnas vini ad minùs tribus florenis alicubi sit actum) hinc ego cum Molina, Lugo, Marchantio *tom. 3. p. 3. tr. 2. tit. 6. q. 5. Sporer tract. 1. in decalog. c. 5. num. 156. La Croix l. cit. n. 282. & aliis sapientibus viris existimo, hujusmodi poenitentem ex post facto non esse facile condemnandum à Confessario ad restitutionem; tametsi ante factum omnimodis inducendi sint & persuadendi ad exactam solutionem. Vid. Mastrius *Theolog. mor. disp. 6. n. 19. Herincx part. 3. disp. 7. n. 83.**

Dices, Princeps mihi aliquot millia debet, de quibus ne unum quidem ampliùs florenum sperare licet: haberem tamen commodam occasionem aliquando subtrahendi vectigalia, & occultè compensandi debitum, sin minùs ex toto, saltem ex parte: an licitè hoc faciam?

&. Ne

12. R. Ne dubites de hoc pro foro conscientie. Ratio est: quia ubi debitum est certum, & solutio illius aliâ viâ recuperari non valet, ibi datur locus occultæ compensationis, juxta communissimam DD. quam etiam tenent Laymann *l. 3. tr. 3. p. 1. c. 1. n. 9.* Molina *disp. 691.* Navarrus, Lopez &c. ergo si tuum debitum sit certum, illudque aliâ viâ recuperare non valeas, tutâ conscientiâ illud, etiam privata, & propria auctoritate compensabis.

At verò (inquis) Princeps vectigalia sua elocavit alteri, qui mihi nihil debet.

13. R. Hoc non obstante licitè uteris tacita compensatione. Ratio est: quia condutor non habet in te majus jus, quàm habuit Princeps; quippe qui plus non potuit conferre in illum elocando vectigalia: ergo cùm ratione debiti jus Principis respectu tui fuerit elisum in tantum, ut illud tacita compensatione potueris subtrahere, etiam non obstante hujusmodi elocatione justè uteris hoc tuo jure. Et certè hujusmodi Redemptores vectigalium vix unquam patientur damnum; quandoquidem ob plurimas subditorum fraudes, quas ipsimet nōrunt intervenire, longè minoris ea redimant, quàm valerent; proptereaque in ipso contractu censentur esse parati ad subeundas hujusmodi subtractiones, uti rectè notârunt Lessius *l. 2. c. 33.*
dubis.

*De Restitut. in genere, ejusdémque radicibus. I §
dubit. 10. n. 75. Sylvester, Gabella, Petrus
Navarra, Herincx cit. disp. 7. n. 82.*

CASUS SECUNDUS.

Sempronius feripeta contra prohibitionem
Principis non paucos cervos ac cervas, capras,
capreolósque globo trajecit: qui tandem a Vena-
toribus deprehensus, captus, & ad satis amplam
pecunia summam coactus fuit. Jam vero à vin-
culis absolutus sciscitatur è Confessario 1. an se-
ripeta peccent jaculando feras? 2. an sibi non
liceat deinceps jaculari feras, eolusque saltem,
dum multam hanc pecuniariam tacite compen-
saverit? Quid respondendum?

R. Ad primum, Si Princeps justè pro- 14.
hibuit venationem (veluti regulariter lo-
quendo supponi debet) Sempronius &
quicumque alius feripeta peccat contra ju-
stitiam. Ratio est: quia non solum agunt
contra justam prohibitionem (ratione cu-
jus inobedientiæ justè puniri possunt) sed
etiam contra jus venandi, quod (ut sup-
ponitur) in tali loco soli Principi compe-
tit. Ex quo liquet, nedum sinistram, sed
& iniquam esse persuasionem illorum, qui
credunt, hujusmodi venationem vacare
omni culpa; etenim præterquam quòd
hujusmodi feripetæ lædant jus Principis,
insuper se (fortassis etiam uxorem; pro-
lesque suas) exponunt evidenti periculo
dam

damnorum gravissimorum, sive in ære, sive etiam in cute luendorum. Accedit, quòd tales sæpe sæpius sese exponant periculo vitæ vel propriæ, vel alienæ, scilicet vel occidendi Venatores insidiantes, vel ab iisdem subeundæ mortis, uti jam sæpius quàm par est, evenit.

15. R. ad 2dum. Non ampliùs fas est Sempronio jaculando petere feras sub schemate tacitæ compensationis. Ratio desumitur partim ex eo, quòd justo præcepto Superioris, itémque sententiæ justæ Judicis, non innixæ falsæ præsumptioni facti particularis, teneamur etiam in foro conscientiæ acquiescere, & nos accommodare: Sententia autem Principis, ejusdemque præceptum justum est: ergo; partim etiam ex eo, quòd tacitæ compensationi locus non detur, nisi debitum sit certum & liquidum: at, minimè certum, immò verò ne quidem probabile est, Principem aliquid debere Sempronio ob multam justè impositam: ergo &c. Unde is protinus venando feras, nedum læderet jus Principis, sed insuper se, suosque exponeret evidenti periculo gravioris damni & multæ: ergo à Confessario omnimodis dehortandus est. Vide Reiffenstuel *Theol. mor. tr. 7. disp. 5. n. 16.* Illsungen *tr. 4. disp. 3. n. 173.* La Croix *l. 3. p. 1. n. 962.*

Dices,

Dices. Ergóne Sempronius obligatur ad restitutionem pro feris hætenus injustè captis, aut occisis?

R. Nec Sempronius, neque alii inde 16. participantes, quibus fortè præfatas feras vendidit, tenentur ad restitutionem pro ipsis feris: 2. si tamen Sempronius venando Principi intulit grave damnum ex eo, quòd tam multa animalia occidendo, sobolem ferinam notabiliter extinxisset (unam enim vel alteram feram duntaxat capere aut occidere, regulariter loquendo non reputatur grave damnum, nec graviter peccaminosum, nisi forsitan quis ex officio, & ob datum Salarium obstrictus esset, feras talis sylvæ ejusdem Dōmino restituere, ait rectè Reiffenstuel *loc. prox. cit. n. 19.*) aut ob venationis frequentiam feras fugasset &c. teneretur resarcire hujuscemodi damnum, arbitriò viri prudentis, & rem intelligentis dimetiendum. Ratio prioris est hæc: quia Princeps in ipsas feras sylvestres, utpote adhuc vagabundas, & naturali libertate gaudentes, nullum habuit dominium: ergo celsère in dominium Sempronii primò capientis, seu occupantis. Ratio autem posterioris desumitur à contrario: quia secundum dicta Princeps supponitur habere jus strictum, ne jus venandi, utpote sibi proprium, ab alio lædatur modò jam dicto:

R. P. Elbel, de Restit.

B

con.

consequenter si Sempronius graviter læsit jus Principis (de quo vix dubitandum; quandoquidem fertur, tam multas occidisse feras) tenetur ad compensationem damni. Minimè tamen ambigo, quin damna à se illata jam satis compensaverit per multam persolutam; cum justitia vindicativa non solum attendat æqualitatem, sed insuper delicti quantitatem & qualitatem; quam ob rem feripetæ plerumque satis rigorosè tractari solent, uti exempla monstrant.

17. Dictum tamen fuit, Sempronium non teneri ad restitutionem pro ipsis *feris vagabundis, & libertate naturali adhuc gaudentibus*; Secus quippe dicendum foret, si alias feras jamjam conclusas, vel omnino cicuratas fuisset jaculatus, uti cum communissima DD. tenet Sporer, & Reiffenstuel *ubi suprà dist. 5. n. 20.* eò ipso enim, quod hujusmodi animalia supponantur jam capta & inclusa, vel cicurata, jam substant itrieto dominio includentis, consequenter ea auferens infert veram injuriam Domino, cum obligatione restituendi, saltem per se loquendo, etsi plerumque hujusmodi homines pauperuli ob inopiam & moralem impotentiam per accidens excusentur ab isto onere, quo casu tamen à Confessario seriose admonendi, & dehortandi sunt.

Dices

Dices adhuc : At ego tantam patior infestationem ab istis feris (cervis scilicet) ut profectò opus esset, diu, noctúque vigilare, & ejulare ad eas abigendas & fugandas: quin & nuperrimè agrum domui meæ vicinum depasta fuit fera quædam pessima, quam propterea in vindictam criminis globulò trajeci: ergòne propterea malè egi, vel ad ullam restitutionem condemnandus sum?

R. In foro interno neutiquam te condemno, mi bone Vir, quin potius compatior tuæ miseriæ, etenim haud ignoro, quòd etiam contra hominem te injustè invadentem justæ defensionis cum inculcata tutela locus sit, præsertim si toties te invaderet, ut ad te, tuæque servanda, quasi diu, noctúque armatus stare cogere-
ris. Idcirco P. Vega in sua Summa *part. 1. c. 39. casu 2.* cum Cordova, Lopez, & Navarra rectè resolvit, Principes graviter peccare, & ad restitutionem damnorum teneri, si per abundantiam ferarum subditos suos ita premi sinant, ut quasi diu, noctúque vigilare, agròsque suos custodire cogantur, quin tamen eos servare valeant incolumes; quia Principes tutà conscientia non possunt suos subditos nimium gravare, multò minùs eorum bona auferre, aut destruere, nisi id exigat bonum publicum, vel necessitas publica: at hæc

certe non exigit tantam ferarum abundantiam: ergo &c. Facile etiam credo mi bone Vir, damnum ex incurfu ferarum tibi imminens longè majus, & intolerabilius videri, quàm illud, quod ex simili justa defensione Principi imminet contra suum jus venandi, proptereaque in his circumstantiis quas enarrasti, pro hoc foro conscientiae ego cum Covarruvia, Medina, & Lessio cit. l. 2. c. 5. dubit. 9. n. 45. te absolvo ab omni culpa & poena: at verò an te feripetam deprehensum in foro externo Judex tam facile sit absoluturus, dubito. Tu videris.


CASUS TERTIUS.

CAjus multis liberis, nec paucioribus debitis gravatus, totus quasi desperabundus, venit ad Titium optimum suum amicum, humiliter rogans, quatenus in tantis pressuris vellet sibi succurrere, & ad minùs centum florenos creditò dare, quibus partim liberorum suorum necessitatibus prospiceret, partim etiam ab importunissima creditorum suorum vexa se redimeret. Verùm Titius timore perdendi suam pecuniam petitum Caji absolutè recusavit: quam ob rem iste aggressus Ecclesiam, unum, alterúmve calicem cum Ciborio abstulit, vendiditque: sed paulò post deprehensus ac confessus, capite plexus fuit. Querit jam Titius 1. an hac mala sibi habeat
im-

De Restitut. in genere, ejusdémque radicibus. 21

imputare? 2. an teneatur resarcire damna, tum Ecclesia, tum aliis Creditoribus, tum denique Uxori, ac liberis Caji inde secutis? Quid respondendum?

R. ad primum, Titio præfata mala & 19.
damna neutiquam imputanda esse. Ratio est: quia nec existit illorum causa physica, ut de se patet, neque moralis; esto enim ex charitate fuisset obligatus ad dandum commodatò centum florenos (nisi rationabiliter eorum amissionem prævidisset) hæc tamen denegatio nec Creditoribus extorsit pecuniam, nec Cajum coëgit ad furandum calices ac Ciborium, nec denique Judicem compulit ad condemnandum capitis, sed hæc omnia merè per accidens, & præter intentionem Titii forsitan contigerunt, ad quæ impedienda is nulla lege fuit adstrictus, præsertim cum sine periculo amitendi pecuniam suam commodare ei nequiverit: ergo Titio nullatenus imputanda veniunt præfata damna. Profectò nec ullus Judex illum propterea condemnaret alicujus culpæ. Ex quo ulterius



R. jam ad 2dum quæsitum. Titius 20.
nullum prorsus damnum resarcire tenetur. Ratio est: quia juxta unanimum Doctorum Sententiam obligatio restituendi oritur ex læsione solius justitiæ com-

B 3

mu.

mutativæ, non verò ex læsione aliarum virtutum v. g. charitatis, pietatis, misericordiæ &c. atqui Titius negando centum florenos Cajo postulanti, non læsit justitiam commutativam, fortè nec charitatem: ergo &c. Et certè nullus monstrari potest titulus, ex quo Titius ad talem compensationem teneretur; non enim ex re accepta, aut injusta acceptione, cum nihil prorsus acceperit; neque ex injusta damnificatione, quippe qui nullum damnificavit; nec denique ex aliquo contractu, aut positiva lege, veluti liquet ex specie facti, hætenus enarrata: ergo &c.

Dices. Ad quid, si supponamus Titium fuisse debitorem Caji, huncque ex negatione debiti in desperationem actum, attentasse furtum Sacrilegum?

21. &c. Esto etiam hoc supponatur: esto insuper Titius prævidisset, Cajum ex denegatione debiti justè prætensi actum iri in omnimodam desperationem, & furaturum, nihilominus ab onere compensandi præfata damna absolvendus esset, idque hac ratione; quia negatio solutionis debiti non fuit per se causa furti Sacrilegi, neque mortis subsequenti, quippe qua stante, & non obstante Cajus potuisset, ac debuisset non furari, nec Titius supponitur aliunde fuisse obligatus ex justitia ad impensam
- pe,

pediendi hujusmodi damna : ergo licèt negando solutionem debiti deliquerit contra justitiam commutativam , minimè tamen condemnandus est ad compensanda illa damna merùm per accidens, & contingenter inde subsecuta : sed solùm ad ea, quæ ex negatione debiti per se fuissent subsecuta, utputa si Cajus propterea fuisset passus aliquod lucrum cessans, aut damnum emergens , veluti amplius patebit ex dicendis infrà C. 3. à n. 67. Vide etiam Sporer *tr.* 4. c. 2. n. 55.

§. III.

Corollaria ex dictis inferenda.

Colliges ex hætenus dictis primò, obligationem restituendi non oriri ex 22.
omni, aut quavis actione injuriosa. Ratio est : quia non ex omni actione justitiæ opposita alteri aufertur id , quod jam suum erat , veluti patet ex læsione justitiæ distributivæ, vel legalis præcisè talis. Quin etiamsi quis lædat justitiam commutativam, sed sine damno alterius, ut si quis cum Uxore Titii committat adulterium merè occultum , nulla etiam prole inde suscepta, non tenetur ad restitutionem , sed solùm ad satisfactionem, id est, ad amicam reconciliationem cum

offenso, exhibendo eidem speciale obsequium, vel petendo veniam &c. Ratio autem est: quia restitutio strictè, & propriè accepta significat reparationem damni, alteri in rebus suis illati: ergo is, qui alteri nullum damnum effectivè infert, non tenetur ad restitutionem. Ex quo liquet, restitutionem differre à satisfactione, quia hæc consistit in amica reconciliatione, illa autem in damni illati compensatione: unde fit, quòd DEO quidem satisfacere, nihil tamen restituere valeamus. Vide Babenstuber ubi suprà *disp. 4. a. 1. n. 4.* Laymann *l. 3. tr. 2. c. 1. n. 3.* Sporer *tr. 4. c. 1. n. 13.*

23. Colliges 2dò, Prælatum, qui confert beneficium non curatum digno, prætermissio digniori, peccare quidem contra justitiam, & quidem graviter, non tamen teneri ad restitutionem. Ratio est: quia lædit solam justitiam distributivam. At verò si instituto concursu, relicto digniori conferat beneficium curatum digno, peccat graviter, & tenetur insuper ad restitutionem. Ratio est: quia hoc modò lædit justitiam commutativam; eo ipsò enim, quòd concursus instituat, facit contractum quemdam innominatum, *dandi scilicet beneficium illi, qui inventus fuerit ceteris dignior*: ergo Clericus ad examen accedens, & suo competitori (omnibus pen-

De Restitut. in genere, ejusdémque radicibus. 25

penfatis) prævalens, acquirit jus strictum ad tale beneficium, pro quo tam strenuè decertavit. Vide de hoc Felix Potestas *tom. 1. p. 2. n. 2660.*

Colliges 3tò, obligationem restitutionis 24.
non contrahi, nisi jus alterius per actionem externam injustam lædatur. Ratio facilis est: quia nisi actio injusta exterior intercedat, jus alterius effectivè nunquam lædatur, nec fiet inæqualitas inter partes: at hòc ipso nulla opus est restitutione. Unde qui aufert pecuniam, vel vestem, quam putat alienam, postea autem agnoscit, non esse alienam, sed suam, etsi in affectu interno graviter forsitan deliquerit, ad nullam tamen restitutionem adstringitur, ob rationem mox datam. Felix Potestas *l. cit. 2664.* Sporer *c. 2. n. 36.* & alii DD. communiter.

Colliges 4tò, quòd, esto injusta rei 25.
alienæ detentio non sit peccatum distinctum ab injusta illius ablatione; nam injusta detentio censetur continuata ablatio, & utraque opponitur eidem formaliter præcepto; nihilominus fatendum sit, tantò amplius aggravari peccatum, quantò diutius voluntariè retinetur res aliena; quia detinendo semper continuatur peccatum, immò verò etiam augetur secundum intrinsecam rationem injustitiæ, si ex tali detentione major molestia, aut damnum

B 5

pro-

proximo accrescat; uti rectè docent Lessius *de justit. l. 2. c. 12. dubit. 3. & 4.* Laymann *lib. 3. tr. 2. c. 2. n. 3. in fine.* Vasquez, & alii plures.

26. Colliges 5tò, inanem esse illam quorundam de plebe persuasionem, quâ credunt, restitutionem ad salutem ita esse necessariam, ut anima defuncti tamdiu detineatur in purgatorio, donec Hæres locò ipsius restituat. Ita Theologi communiter, teste Dicastillo apud Joseph. Vogler *de restit. in gen. q. 3. n. 39.* & Babenstuber *tr. 7. d. 4. a. 1. n. 10.* Ratio est: quia vel defunctus in vivis fecit, quantum potuit, aut certè, quantum debuit sub peccato gravi ad implendum hoc præceptum restituendi, vel, non fecit? si hoc posterius; profecto non in purgatorio, sed in ipso inferno erit; privatus omni spe redemptionis. Si prius; æquitati non foret consentaneum, eum tamdiu cruciari in purgatorio, quamdiu hæres ex sua culpa non restituit; & certè si hæres nunquam restitueret, talis anima deberet cruciari in purgatorio per totam æternitatem; quod tamen inconveniens & absurdum esse, nemo prudentum non videt.

Dices: Constat ex pluribus historiis fide dignis, hujusmodi animas post mortem apparuisse viventibus, & monuisse hæredes, vel alios, ad faciendam suo nomine resti-

restitutionem, quatenus ē purgatorii flammis liberarentur.

27. R. cum P. Babenstuber *cit. n. 11*. hoc argumento plus non evinci, quā animabus sæpissimè prodesse restitutionem, ut citius liberentur: quod omnino concedendum est; nam talis restitutio sæpe fit à viventibus velut opus satisfactorium, vel etiam ex affectu commiserationis, quæ instar orationis juvat ad impetrandam mitigationem, vel etiam abbreviationem pœnarum; vel denique, quia illi, quibus restitutio fit, aut elemosyna præbetur, excitari solent ad suffragia pro defuncto &c.

CONFERENTIA SECUNDA.

De
Mensura restitutionis in genere, nec non restitutione debita ex delicto materiali à Possessore bonæ, vel etiam dubiæ fidei.

SUMMARIUM.

28. Generaliter loquendo id, & tantum est restituendum, quod, & quantum ablatum, vel damno datum fuit.

29. Per

29. Per accidens tamen subinde quis excusari potest.
30. Quisnam censendus sit possessor bonæ, & quis dubiæ fidei?
31. Mensura restituendi ex delicto materiali à possessore bonæ fidei est: quantitas rei possessæ.
32. Nemo tenetur restituere, nisi certò agnoscat rem esse alienam.
33. Fructus ex re aliena percipi soliti, multiplices recensentur.
34. Possessor bonæ fidei non tenetur restituere fructus merè industriales, bene verò naturales & mixtos.
35. Detractis tamen expensis, & melioramentis tum necessariis, tum etiam utilibus.
36. Quantum temporis sit necessarium ad præscriptionem rei alienæ?
37. Quid possessori agendum, ubi incipit dubitare, an non possideat alienum?
38. Possessor bonæ fidei licitè rem restituit furi; si pretium pro ea expensum aliâ via recuperare non valeat.
39. Idipsum multi DD. permittunt possessori malæ fidei.
40. Modò post veritatem agnitam rem illam non diu detineat.
41. Resolvitur Casus I. de quodam cive Augustano, qui tempore belli Bavarici multam suppellectilem Bavaris ereptam à militibus Cæsareis exiguo pretio emit;
42. Unde non amplius tenebatur restituere eam, quæ personis laicalibus; bene verò illam, quæ Ecclesiis, vel personis Ecclesiasticis fuerat erepta.
43. Esto etiam hanc licitè potuerit emere, animò illam denuò suis Dominis postea fortè comparituris restituendi.

44. Et

44. Et quid, si res illæ injustè fuissent ablatae Barbaris?
45. Quomodo milites prædam justè partam hostibus denuò eripiunt, eamque in loco tuto reponunt, jure Cæsareo fiunt Domini ferum mobilium?
46. Non item rerum immobilium, nec earum, quæ gaudent privilegio postliminii.
47. Resolvitur Casus II. cujusdam Aurifabri, qui bona fide emerat quandam massam argenti, & calicem ex ea confectum vendidit eidem Monasterio, cui argentum erat subtractum.
48. An propterea teneatur aliquid restituere huic Monasterio?
49. Et undenam colligendum, quòd possessor ex re aliena factus sit ditior?
50. Resolvitur Casus III. cujusdam, qui bona fide quadriennio possederat fundum alienum;
51. Hinc probabiliter non tenetur restituere fructus bona fide consumptos, etsi ex illis fuerit factus ditior;
52. Bene tamen illos, quos percepit post litis contestationem.
53. Cuilibet Domino competit potestas rem suam, ubicunque demum existat, evincendi.
54. Quinimmo Possessor, etiam bonæ fidei, tenetur eam propria sponte restituere legitimo Domino, saltem per se loquendo.
55. Et quid si talis v. g. ob ruditatem non agnoscens obligationem suam, eam absumat?
56. Qui rem alienam bona fide emit, eodémque pretio rursus vendidit, ad nihil tenetur: & quid, si majus lucrum inde cœpisset?
57. Possessor bonæ fidei, quantum valeat prætereintuitu melioramentorum?
58. Qui

58. Qui rem alienam omnino gratis accepit à fure, tenetur eandem immediatè restituere Domino, & non furi.
59. Qui post ortum dubium, an res, quam possidet non sit aliena, culpabiliter non inquit veritatem, tenetur postea Domino restituere, nedum rem ipsam, sed etiam fructus à tempore dubii exorti inde perceptos.
60. Et quid, si talis possessor modò in bona, modò autem in mala fide extitit?

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus de restitutione faciendâ à possessore bonæ fidei, seu ex delicto materiali.

Quæres primò, quantum generaliter loquendo sit restituendum?

28. R. Generatim id, & tantum restituendum est, quod & quantum ablatum, vel damno datum est. Hanc velut generatim regulam restitutionis ex communi DD. tradit noster P. Sporer *tr. 4. in decal. c. 2. n. 56*. Ratio hujus est facilis: quia restitutio est actus justitiæ commutativæ, vi cujus reparari debet jus læsum, & introduci æqualitas: atqui hæc æqualitas obtinetur ex eo, quòd restituatur id, & tantum, quantum ablatum, aut damno datum fuit: ergo, saltem.

tem per se loquendo id, & tantum est restituendum &c.

Dixi : *Saltem per se loquendo* ; quando 29.
enim possessor bonæ fidei rem ablatam non amplius habet, vel saltem non in toto, quasi per accidens deobligatur ab hoc onere, veluti habetur *l. item veniunt §. prater hac. ff. de petitione hæreditatis.* Abbas in *c. gravis. n. 6. de restitut. spoliat.* & Laymann *l. 3. tr. 2. c. 3. n. 1.* idque amplius patebit ex dicendis hac Conferentia.

Quæres 2dò, quisnam dicendus sit possessor bonæ, & quis possessor dubiæ fidei?

R. Ille est possessor bonæ fidei, qui rem 30.
ita possidet, ut putet, esse suam, aut certè ignoret esse alienam, utputa quia illam acquisivit ex aliquo titulo de se translativo domini v. g. hæreditatis, legationis, donationis, aut emptionis &c. Sporer *cit. tr. 4. c. 2. n. 87.* Reiffenstuel *Theolog. mor. tr. 7. dist. 3. n. 20.* Babenstuber *tr. 7. disp. 4. art. 2. n. 2.* ubi rectè ait, dubiæ fidei possessorem illum esse, qui nec habet rationem saltem probabilem existimandi rem esse suam, nec existimandi, esse alienam ; unô verbo : qui suspendit iudicium de hoc, sitnè res, quam possidet, sua, vel verò aliena.

Quæres 3tò, quænam sit mensura restitutionis ex delicto materiali, seu quantum possessor bonæ fidei teneatur restituere?

R. Men-

31. R. Mensura restitutionis ex delicto materiali est *quantitas rei possessa* sive in natura, sive in emolumento, ita scilicet, ut possessor bonæ fidei, posteaquam certò scit, rem esse alienam, teneatur restituere tantum, quantum de re aliena adhuc possidet, sive in natura, sive in fructu, vel alio emolumento, utputa quia inde factus est ditior &c. Communis DD. S. Thom. 2. 2. q. 62. a. 6. Scotus 4. dist. 15. q. 2. Ratio fundamentalis hæc est: quia non licet scienter retinere rem alienam, Domino rationabiliter invito: at, nisi talis possessor restitueret, utique illam scienter retineret; quia supponitur jam certò agnoscere, rem esse alienam: ergo &c. Quia tamen nullo alio titulò, quàm rei alienæ possessæ tenetur ad restitutionem; hinc nequit obligari ad restituendum plus, quàm adhuc actu possidet, sive in natura, sive in emolumento &c. qua ratione l. item veniunt proximè citata, rectè dicitur: *eos autem, qui justas causas habuissent, quare bona (hæreditatis) ad se pertinere existimassent, usque conduntaxat, quò locupletiores ex ea re facti essent, condemnandos.*

32. Dixi etiam: *posteaquam certò scit &c.* Etenim si dubitet solum, an res fortè non sit aliena, & adhibita morali diligentia, gravitati rei proportionata, dubium illud vincere non possit, rem licitè sibi retinet, vel

vel consumit. Ratio est: quia in dubio melior est conditio possidentis. Idem est tenendum de eo, qui probabiliter quidem, vel omnino probabilius existimat rem esse alienam, simulque verè probabiliter putat esse suam; tunc enim prudenter judicat, rem esse suam, adeoque licitè non restituit, vel absument, patrocinate sibi titulo possessionis. Babenstuber *cit. a. 2. n. 3. ex commun.*

Quæres 4to, an Possessor bonæ fidei teneatur etiam restituere fructus ex re aliena perceptos, & quos?

Ante responsionem animadvertendum est, hujuscemodi fructus à Theologis communiter distingui in naturales, industriales, & mixtos. Naturales appellantur, quos res, vel natura ex se ipsa producit, nullo, vel vix ullo hominum labore aut industria interveniente, veluti sunt foetus animalium, poma arborum, herbarum, & gramina. Industriales dicuntur illi, quos res ex se nullatenus progignit, sed ex solo labore atque industria illius, qui tali re utitur, proficiscuntur; uti est quæstus, vel lucrum, quod quis capit ex negotiatione cum pecunia, v. g. emendo vili pretio, occasione temporis aut loci: pecunia enim est res sterilis, ac proinde hujuscemodi quæstus non pecuniæ, sed industriæ ea utentis est adscribendus. Mixti fructus vocantur, qui partim ex ipsa re, seu natura, partim etiam ex hu-

33.

R. P. Elbel, de Restit. C mana

mana industria proveniunt, uti sunt segetes agrorum, & alia hujusmodi, quæ ferendo gignuntur. His superaddi meritò possunt fructus civiles, hoc est, tales, qui ex jure, & obligatione alterius oriuntur, uti sunt certæ pensiones v. g. pro elocatione domûs &c. Denique alii ex memoratis fructibus dicuntur pendentes, alii percepti, alii percipiendi. Pendentes sunt, qui nondum à solo, & re fructificante separati existunt; ut poma adhuc in arboribus, frumenta, & segetes adhuc solo adhærentes. Percepti sunt, qui vel jam reconditi in horreis, vel saltem jam sunt collecti, ut recondantur. Percipiendi vocantur, qui percipi quidem potuerunt, revera tamen non sunt percepti. Hoc supposito

34. R. ad quæsitum 1. Possessor bonæ fidei non tenetur restituere fructus merè industriales, bene tamen 2. naturales & mixtos, si adhuc existant, & necdum præscripti sint. Ita DD. communissimè. Scotus 4. dist. 15. q. 2. a. 2. Laymann ubi suprà tr. 2. c. 3. La Croix, Sporer &c. Ratio prioris est: quia fructus merè industriales sunt lucra, non rem alienam, sed propriam industriam sequentia: ergo quemadmodum quilibet est Dominus propriæ suæ industriæ, ita & talis lucri. Ex quo palam sequitur, eum, qui cum aliena pecunia, sive bona, sive etiam mala fide ludendo, lucratus est v. g. 100, non teneri

neri restituere hoc lucrum, sed duntaxat alienam pecuniam. Ratio autem posterioris hæc datur: quia quævis res fructificans suo Domino fructificat: atqui fructus naturales, sicut & mixti sunt fructus ipsius rei, uti facile constabit perpendenti ea, quæ *num.* mox præcedenti diximus: ergo illius sunt, cujus est ipsa res. Unde rursus colliges, quòd, si tu frumentum tuum in alieno agro seminasti, quantumvis bona, & fortassis optima fide, nihilominus segetem ex illo natam teneris restituere illi, cujus est ager; quia non est fructus tuæ industriæ, sed potius agri, seu fundi alieni; idque verum est, & manet semper, etsi Dominus ipse nullos ex suo agro collegisset fructus &c. &c.

Nihilominus velut Possessor bonæ fidei 35.
justè prætereendere poteris nedum expensas, quas ipse Dominus facere debuisset, utputa pro agricultura, aut pro frumento seminato, seu sparso; verum etiam pro melioramentis necessariis, & Domino utilibus; cujus ratio hæc est: quia non teneris restituere plus, quàm quod est alienum; atqui labor tuus, tuæ expensæ, vel etiam melioramenta &c. non sunt aliena, sed tua: ergo hæc omnia jure meritò detrahere, & in utroque foro prætereendere potes; secus enim Dominus reciperet ultra id, quod suum est, & hòc ipso teneretur ad restitutionem. Hac de causa *l. fructus ff. soluto matrimonio*
C 2. *diti.*

dicatur: fructus non intelliguntur, nisi deductis impendiis. item l. fundus. ff. familia herbiscunda, habetur: nullus casus intervenire potest, qui hoc genus deductionis (impendiorum scilicet in fructibus) impediat. Quo circa ulterius notandum hic venit, possessorem neutiquam teneri ad restitutionem illorum fructuum, quos jam præscripsit. Unde

Quæres 5to, quantum temporis spatium requiratur ad usu capiendos, seu præscribendos fructus ex re aliena perceptos?

36. R. Requiri triennium. Ratio est: quia sunt res mobilis: ad præscriptionem verò rerum mobilium cum titulo sufficit triennium, etsi ad præscribendas res immobiles requiratur longius tempus, scilicet, decennium inter præsentis, inter absentes autem spatium viginti annorum, uti latius diversis ex juribus probat Laymann *l. 3. tr. 1. c. 8. n. 13*. Ex quo rursus vides, fieri posse, ut possessor bonæ fidei titulô usucapionis aquirat dominium in fructus ex fundo alieno ante triennium collectos, non tamen in ipsum fundum, quippe ad quem, ceu rem immobilem, præscribendum jura requirunt majorem temporis tractum. Videatur Laymann *loc. cit.* Sporer *n. 89.* aut Babenstuber *tr. 7. disp. 4. a. 2. n. 25.*

Quæres 6to, quid Possessori bonæ fidei agendum, ubi incipit dubitare, sitne res, quam possidet sua, vel aliena?

R. Si

R. Si dubitare incipiat ex levibus duntaxat 37.
motivis aut fundamentis, non tenetur inda-
gare veritatem, aut contra seipsum instituere
inquisitionem; quemadmodum nec Judex,
aut Superior ex hujusmodi levibus motivis
ad inquisitionem procedere potest, aut de-
bet; meritò proin hujusmodi dubium velut
merum scrupulum contemnet. At verò si
motiva dubitandi sint gravi fundamento ni-
xa, tunc tenetur diligentia morali, & humana
(quæ tantò debet esse major, quantò res est
gravior, de qua dubitatur) inquirere; Se-
cus enim exponeret se periculo graviter
damnificandi alterum, & eò ipsò evaderet
possessor malæ fidei. Si tamen adhibita hujus-
cemodi diligentia dubium vincere non po-
test in tantum, ut certò agnoscat rem esse al-
terius, tutà conscientiâ se resolvet, quòd ad
nullam restitutionem teneatur, tametsi omni-
bus pensatis probabilius videretur esse aliena.
Ratio est: quia ut jam dictum fuit n. 32. pos-
sessio bona fide cœpta prævalet contra om-
nes rationes non convincentes, veluti latius
ostendit P. Sporer c. 2. n. 93. ubi de hoc fun-
datè discurrit. Potestque de eodem videri
Sanchez l. 1. mor. c. 10. n. 9. Lugo disp. 17. sect. 4.
Babenstuber cit. disp. 4. a. 2. n. 36. & seqq.

Quæres 7timò, an possessori bonæ fidei
liceat rem furtivam restituere furi, ad recu-
perandum suum pretium pro ea expensum,
casu quo illud aliter recuperare non potest?

38. R. affirmativè. Ita satis communiter Doctores; nominatim Dicastillo *l. 2. rr. 2. disp. 5. dubit. 4.* Lessius *de just. l. 2. c. 14. dubitat. 3.* Herincx *disp. 8. q. 4. n. 77.* contra Laym. Molinam, & alios nonnullos. Ratio hujus nostræ opinionis hæc est: quia neque justitia, neque charitas hujusmodi possessorem in his circumstantiis obligat ad reddendum rem furtivam v. g. equum Domino immediatè, & non furi; justitia enim obligat duntaxat, ut alterum non damnicemus, utque eidem rem suam restituamus, quando id possumus sine gravi, vel æquali damno: at, hoc in nostro casu supponitur non posse fieri: neque verum est, quòd possessor rem furi restituendo, ponat in statu positivè deteriori, sed potius eam reponit in illum statum, quem prius habuit. Charitas etiam, quæ, ut dicitur communiter, *incipit ab Ego*, suadet, ut in pari causa unusquisque suis potius rebus prospiciat, & consulat, quàm alienis, quando id fieri potest mediò aliquò licito: atqui rescissio contractûs cum fure initi est medium licitum: ergo cum possessor aliàs deberet subire æquale damnum amissione sui pretii, non est, cur à fure illud non possit repetere, eidemque rem furtivam reddere. Et certè oppositum nulla ratione efficaciter evincitur, veluti latius ostendunt DD. citati, præsertim verò Herincx, Sporer à n. 121.

&


& Babenstuber *a. 2. n. 16.* ubi AA. fundamenta evertunt.

Major tamen controversia est inter Doctores, utrum id ipsum permittendum sit possessori malæ fidei, utputa qui scienter rem emit à fure. Quocirca quidem potior pars respondet negativè; quia (inquiunt) cum talis rem alienam mala fide emerit, Domino rationabiliter utique invito; hinc non solò titulò rei acceptæ (sicut possessor bonæ fidei) sed etiam titulò injustæ acceptionis tenetur ad restitutionem, eamque vero Domino immediatè, & non furi faciendam, tametsi ob id cogeretur subire jacturam sui pretii; secus enim Dominus maneret rationabiliter invitus. Hoc tamen non obstante sat multi graves Doctores, uti Lessius *cit. n. 21.* Lugo, Tamburinus, Diana, pluribusque allegatis, Sporer *l. cit. n. 123.* probabile censent, hujusmodi rem, etiam à possessore malæ fidei, licitè restitui furi immediatè, casu quo is pretium suum aliter recuperare non posset. Ratio eadem hic videtur urgere: quia sibi quisque consulere potest præ altero.

Accedit, quòd etiam talis possessor, rescindendo contractum, & v. g. equum furi restituendo, non ponat illum in statu positivè deteriori, sed potius relinquit in eodem statu, quo prius exstiterat; immò verò hòc ipsò imponit furi obligationem naturalem,

eum ulteriùs restituendi legitimo Domino. Quòd autem fortassis prævideat, eum ex malitia furis nunquam rediturum ad verum possessorem, est merè per accidens: nec censetur ad tale peccatum cooperari, sed potiùs permissivè se habere, quippe quod sine gravi suo damno impedire non potest. Et certè, si malæ fidei possessor hunc equum priùs furi abstulisset, postea autem animadverteret, se ex tali furto magnam incursum jacturam, procul dubio ad se indemnem servandum, eundem equum licitè reponeret in eo loco, ubi illum priùs invenit, scilicet apud furem: ergo idem licitè faciet ob eandem rationem, non obstante mala fide, quã priùs illum emerat; quibus de causis hanc sententiam judico verè probabilem in praxi.

40. Illud tamen Doctores communissimè monent, tam possessorem malæ, quàm etiam bonæ fidei obligari ad illico restituendam hujusmodi rem furi, quamprimùm agnoscit, eam esse alienam, ita, ut si secus faciant, quivis teneatur vero Domino compensare omne lucrum cessans, vel etiam omne damnum emergens ex tali culpabili detentione rei alienæ.



§. II.

Proponuntur, & breviter resolvuntur Casus practici, de obligatione restituendi, incumbente Possessori bonæ fidei.

CASUS PRIMUS.

Titius civis Augustanus tempore belli Bavarici in castris Casareis à militibus multam suppellectilem, quæ profanam, (utputa cantaros, orbis, lectos, culciras &c.) quæ spirituales etiam (scilicet tintinabula, cruces, candelabra, calicem &c.) misera Bavorum genti tunc temporis ereptam respectivè vilissimo pretio coëmerat. Tandem verò sedatis nonnihil fluctibus bellicis conscientia stimulis adactus quasivit 1. an tuta conscientia potuerit hujusmodi merces comparare? 2. an casu quo Domini illarum vellent denuo easdem recuperare, vel eodem pretio redimere, teneatur in conscientia illas restituere saltem pro eodem vili pretio? Quid Confessarius respondebit interroganti?

R. ad primum quæsitum, Titium nostrum tuta conscientia potuisse sibi coëmere suppellectilem illam profanam, personis laicalibus ereptam; non tamen spirituales, vel eam, quæ personis Ecclesiasticis fuit erepta. Ratio hujus responsionis, & disparitatis hæc est: quia esto in bello justo (quale ex utraque parte communiter habebatur

C s

illud

41,

illud Bavaricum) licitum sit militibus (cum consensu tamen suorum Belliducum) diripere bona omnia tam mobilia, quàm immobilia laicorum, etiam innocentium; si ita visum fuerit ad suppressionem; vel etiam justam vindictam ab hoste sumendam; neutiquam tamen licet diripere bona Ecclesiæ, vel personarum Ecclesiasticarum; quippe quæ non sunt membra Reipublicæ Sæcularis, neque hostes, ac per consequens ob delictum à Republica, vel Principe commissum puniri non debent: esto igitur Titius noster licitè potuerit coëmere bona illa sæcularium, quorum milites erant Domini, non tamen licitè (saltem per se loquendo) coëmit bona Ecclesiastica, aut personarum Ecclesiasticarum; quia milites horum non habebant verum Dominium. Videatur Felix Potestas *tom. 1. p. 2. c. 1. n. 2316.* Herincx *part. 3. disp. 13. n. 87.* vel Molina *locò proximè citando.* Ex quo

42. R. jam ad 2dum, Titium non ampliùs ex Justitia teneri (etsi charitas aliud suadeat) ad restituendam suppellectilem personis Laicalibus, utpote non Privilegiatis ereptam, ne quidem pro eodem vili pretio. Ratio patet ex mox præmissis; quia cùm milites Cæsarei jure belli illius dominium obtinuerint, quò pauperculi illi extitère privati, eò ipsò potuerunt illud validè transferre in quemcunque, & quolibet, quantumvis exiguo

quo pretio, consequenter & in Titium nostrum: at, h c ips , qu d iste obtinuerit verum dominium, non amplius tenebatur ex iustitia illam restituere, ne quidem pro eodem vili pretio: ergo. At ver  suppellectilem illam personis Ecclesiasticis, aut Ecclesiis ereptam restituere tenebatur, ob rationem jamjam insinuatam. Vide Molinam *de iustit. to. 1. tract. 2. disp. 121. n. 3.*

Dices: erg ne Titius peccavit co mendo pr dictam suppellectilem indifferenter, esto dubit isset, an non fuerit erepta Ecclesiis, vel personis spiritualibus, seu Ecclesiasticis?

R. non peccavit, modo habuerit intentionem, & animum eodem vili pretio rem emptam restituendi, si ex post facto resciret, hujusmodi suppellectilem personis Ecclesiasticis fuisse raptam   militibus. 43. Rationem hujus subministrat Molina *mox cit. disp. 118. n. 15.* Quia omnino prudenter & verosimiliter credere licuit, eam esse talium personarum voluntatem, ut scilicet hujusmodi res potius pervenirent ad manus alicujus Catholici, cum spe aliquando eas eodem vili pretio redimendi, qu m ut pervenirent ad manus aliorum v. g. A Catholicorum, aut Jud orum, sine ulla spe, unquam aliquid de iis obtinendi, prout procul dubio contigisset. Rect  tamen docet idem Molina *l. cit.* Etiam tales personas teneri, tum in conscientia, tum in exteriori etiam

etiam foro, solvere pretium illud exiguum pro iis à possessore expensum; quia Emptor supponitur utiliter gessisse negotium Domini, Ecclesiæ scilicet vel personæ Ecclesiasticæ. Secus dicendum, si Emptor pretio magnò emisset, quia in hoc supposito non gessisset utiliter negotium Domini, adeoque hic non teneretur ad tantam refusionem. Videatur Lessius *de just.* l. 2. c. 14. *dubit.* 3. n. 20. Mezger *tom.* 3. *tr.* 12. *disp.* 33. a. 1. n. 4.

At quid (ais) si milites Cæsarei præfatam suppellectilem Bavaris eripuissent per meram rōinam, vel etiam furtivè, utpote contra voluntatem Imperatoris, aut suorum Belliducum, sicut revera calamitōso illo tempore pluribus contigisse novimus?

44. R. si de hoc constitisset, Titius noster salvâ conscientia eam coëmere nequaquam potuisset (nisi fortè animò, postea illam eodem exiguo pretio restituendi suis Dominis comparituris:) Ratio est: quia hōc ipso quòd injustè rapta supponatur, raptōres nullum in eam obtinuère dominium; consequenter nec potuerunt eam tuta conscientia alienare: ergo neque Titius comparare: certum quippe est, quòd hōc modò iniquitati rapientium quodammodo cooperatus fuisset, non sine scandalo, & periculo eodē animandi ad continuandas, & inferendas miseris ulteriores rapinas, quam
tam

tam facile non commisissent, si nullos, qui rapta iniquè solverent, emptores scivissent. Molina cit. tom. 1. de just. tr. 2. disp. 118. n. 2.

Dices adhuc. Quid si autem milites hostibus prædam justè partam denuò eripiant, sicut novimus illo tempore à militibus Cæsareis aliquot mulos ære tributario à Gallis in Suevia collecto onustos, denuo ereptos, & interceptos fuisse: cujus hæc erunt?

R. si hostes prædam injustè rapuerint, 45.
tunc ea demum illis erepta restituenda erit suis Dominis, quippe qui illorum dominium nunquam amiserunt; etsi Victores justè possint prætere compensationem industriæ, & operæ, vel etiam periculi in recuperanda præda exantlati, cum hoc utiliter gesserint pro Dominis, ut supponitur. At verò, quia secundum dicta bellum illud Bavaricum ex utràque parte justum habebatur à Viris doctis; hinc credere jubemur, illud tributum à Gallis justè fuisse collectum; quò suppositò dicendum, milites Cæsareos, qui rursus interceptè prædam illam, evasisse illius Dominos, posteaquam eam in tuto collocarunt; nam quemadmodum Galli jure belli illius semel partem obtinere Dominium; ita eodem jure militibus Cæsareis denuo eandem intercipientibus idipsum est concedendum: nec tenebantur amplius summam illam restituere Subdi.

Subditis, utpote qui jam amiserant illius dominium. Et licet milites Cæsarei, utpote stipendiō conducti ad defendendum Patriam, videantur fuisse ex iustitia obligati ad evincendam hostibus prædam, evictamque pristinis suis Dominis restituendam, jure tamen Cæsareo *C. si quid bello. ff. de capt. & postlimin. revers.* sancitum est, ut *res mobiles*, quæ bello ex hostibus recuperantur, fiant capientium, quando ad tutum locum ab hostibus erant perductæ, aut per diem naturalem (moderna praxi vix per sex horas, ait Sporer) erant possessæ.

46. Dictum fuit *res mobiles*; nam immobiles denuo ab hostibus recuperatæ pertinent ad antiquos Dominos *l. si captivus. §. expulsis hostibus ff. de captivis, & postlim. revers.* Præterea ex rebus mobilibus excipiuntur illæ res, quæ gaudent Privilegio postliminii; uti sunt naves oblongæ, equi, muli &c. qui proin hostibus erepti, denuo restitui debent pristinis Dominis. Ita Molina *cit. n. 5. Dicastillo l. 2. to. 1. disp. 10. n. 44.* quem referens sequitur la Croix *l. 3. p. 2. n. 113.*

CASUS SECUNDUS.

SEmpronius Aurifaber emit quandam argenti conflatam massam 40. florenis ad pondus ordinarium, ex qua confecit calicem, quem rursus optima fide vendidit certo cuidam Monasterio
pro

pro 70. florenis. At verò interposito medico temporis intervallo certò audivit, argentum illud fuisse furtivè subtrahum eidem Monasterio, cui calicem vendiderat; unde scire cupit, an in conscientia teneatur aliquid restituere Abbati illius Monasterii, cui argentum fuerat ablatum. Quid Confessarius respondebit, vel observabit circa Sempronium?

R. Confessarius examinabit Sempronium, an de præfato argento aliquid adhuc habeat, an verò totum illud impenderit calici confecto? si adhuc aliquid inde habeat, tenetur illud restituere. Ratio est: quia etiam possessor bonæ fidei, posteaquam certò agnoscit, rem esse alienam, tenetur illam adhuc existantem restituere, sive in natura, sive in æquivalenti v. g. reddendo pecuniam: ergo si de tali massa argenti adhuc aliquid possideat Sempronius, etsi optima fide illud emerit, tenebitur illud restituere præfato Monasterio. 47.

At verò, si totam illam massam supponatur impendisse calici elaborando, ad nihil amplius tenebitur Monasterio. Ratio est: quia, ut supponitur, de massa illa aliena nihil amplius possidet, ne quidem in emolumento, neque inde factus est ditior, quandoquidem pro ea expenderit propriam suam pecuniam puta 40. florenos: atqui possessor bonæ fidei nihil tenetur restituere, nisi rem alienam actu possideat, aut inde evaserit ditior, veluti omnes tenent,
nomi-

nominatim Bonacina *de restit. disp. 1. q. 2. pu. 1. n. 9.* Dicastillo *disp. 5. de restit. dub. 1. n. 112.* Lessius *lib. 2. c. 14. dubit. 1. n. 4.* Sporer, & alii. ergo &c.

Dices forsitan. Titius fertur præfatum calicem vendidisse 70. florenis, pro argento autem expendisse 40. duntaxat: ergo ex re aliena factus est ditior.

48. R. negando conseq. Nam excessum illum (triginta scilicet florenos) non obtinuit velut pretium rei alienæ, scilicet argenti, sed velut pretium artis, industriæ, ac laboris sui. Esto igitur in hoc casu dici possit factus fuisse ditior occasione rei alienæ, non tamen factus est ditior ex re aliena; ferè quemadmodum si fur ludendo cum pecunia furtim ablata lucretur v. g. 100. non tenetur hos reddere Domino illius pecuniæ furtivæ, quippe qui non sunt fructus pecuniæ, ceu rei de se sterilis, sed fructus industriæ, aut fortunæ: neque talis fur dicitur factus ditior *ex re aliena*, sed duntaxat *occasione rei alienæ*. Vide Tamburin. *in decalogo lib. 8. tr. 3. c. 3. n. 7.* Babenstuber *tr. 7. disp. 4. a. 2. n. 6.*

Dices adhuc: undenam igitur colligendum, an talis possessor ex re aliena factus sit ditior, vel non?

49. R. Inde colligendum est, quòd fuerit factus ditior, si propter illam rem alienam in suis propriis inveniatur aliquid, vel aliquid

quod emolumentum, quod non haberet defacto, nisi habuisset illam rem alienam, ita tamen, ut illud alienum non fuerit mera occasio quasi accidentalis, sed causa, vel quasi causa hujuscemodi emolumenti. Exempli gratia; si rem alienam sibi donatam, rursus bona fide donavit alteri, cui alias nihil donasset, non propterea censetur factus ditior, quia totum illud, quod defacto possidet, adhuc haberet. At verò si ex propriis donasset tantum v. g. 100. florenos, censetur totidem factus ditior. Similiter, si vestem alienam valde pretiosam v. g. constantem 60. florenis bona fide attrivit, ita, ut si eam non habuisset, debuisset atterere propriam, etsi minus pretiosam v. g. 10. florenis tantum constantem, reputabitur factus fuisse ditior decem tantum, & non 60. florenis, ideoque satisfaciet restituendo ipsam vestem attritam, cum decem superadditis. At verò, si vestem propriam adhuc pretiosiore aliena v. g. 100. florenis constantem attrivisset, non tenebitur restituere 100., sed 60. duntaxat florenos; quia de re aliena nunquam accepit, vel possedit plus, quam vestem 60. florenis æstimatam, ut supponitur. Vide de hoc P. Sporer *cit. c. 2. à n. 102.* ubi hanc materiam pluribus casibus, & exemplis dilucidat, more suo, practicè, & sapienter, ad cujusvis captum.

R. P. Elbel, de Restit.

D

CA.

CASUS TERTIUS.

CAjus pradium quoddam ab aliqua vidua mille
taleris emptum quadriennio integro, optima
fide, ac pace possedit, eo verò elapsò à Privigno di-
ctæ viduæ jamjam defunctæ, coram Judice con-
ventus, eidemque lis contestata fuit. Cùmque idem
Privignus probasset, testamentum paternum, vi-
cujus dictum pradium ad manus viduæ immédia-
tè pervenerat, inofficiosum fuisse & penitus nul-
lum, tandem ipsum pradium evicit. Jam verò qua-
rit Cajus, quomodo in foro conscientia se debeat
gerere, quidvè, vel quantum tum de fundo, tum
etiam de fructibus hætenus perceptis restituere
teneatur. Quid respondendum interroganti?

50. R. ex dictis n. 34. & 35. Cajum teneri
nedum ad restitutionem fundi, utpote alie-
ni, jam evicti, uti supponitur in specie fa-
cti; verum etiam ad restitutionem fru-
ctuum, non quidem illorum, quos primò
annò possessionis suæ pacificæ collegit (hos
enim velut possessor bonæ fidei statim præ-
scripsit post elapsum triennium, secundum
dicta n. 36.) sed eorum duntaxat, quos per-
cepit ultimò trienniò ante litis contestatio-
nem, si tamen adhuc existent; etenim si eos
jam consumpsisset bona fide, non teneretur
amplius ad illorum refusionem, uti n. 31.
diximus. Et ita tenent DD. communissi-
mè, Palao, Laymann, Haunold, quos re-
fert

fert, & sequitur Illung *tr. 4. disp. 3. n. 49.* Idque probatur tum ex *l. bonæ fidei 48. ff. de aquirendo rerum dominio*, & clarius adhuc ex *l. 22. C. de rei vindicat.* ubi habetur, quod possessores etiam bonæ fidei post litis contestationem præstare debeant fructus exstantes universos, quamvis ante litis contestationem eorum dominium acquisiverint. Tum etiam ex eo, quod jus naturale dicet, lucrum ex re aliena ipsius rei vires agere, omnemque rem fructificare Domino suo: atqui prædium fuit Privigni: ergo huic debuit fructificare, nisi leges obstitent in contrarium. Nec poterit Cajus ab illo (Privigno scilicet) prætere *Interesse* suæ pecuniæ, 1000. scilicet Talerorum expensorum pro prædio; siquidem de his ille nihil possedit: etsi illud, sicut & ipsum *Capitale* prætere *posset* ab ipsa Vidua, vel ejusdem hærede, si supponantur adhuc exstare: sin minus, hoc damnum suo debet imputare infortunio. Justè tamen ab eodem Privigno prætere *det* omnes expensas necessarias, & melioramenta, in prædio, & fundo excolendo vel necessariò, vel saltèm utiliter facta, veluti dictum fuit *n. 35.* & amplius constabit ex dicendis *n. 57.*

At quid (inquies forsitan) si Cajus fructus omnes, etiam ultimo triennio ante litis contestationem perceptos jam consumpsit, ita tamen, ut inde evaserit ditior, vel quia

fuis pepercit, vel quia in horum defectum propriis expensis alios debuisset sibi comparare, tenebiturnè pro his aliquid rependere?

51. R. juxta communissimam Theologorum, quam tenent etiam Azorius, Molina, Tole-
 tus, Rebellus, & alii plures, quos referens
 sequitur Laymann *l. 3. rr. 2. c. 3. n. 5. la*
Croix l. 3. p. 2. n. 211. etiam tales fructus, ut-
 pote æquivalenter adhuc exstantes tenetur
 possessor restituere, saltem de jure naturæ.
 Ratio est: quia revera sunt fructus rei alie-
 næ: naturâ autem æquum est, neminem
 alterius detrimento fieri locupletiozem, uti
 dicitur *l. 14. ff. de condict. indebit.* ergo de ju-
 re naturæ restitui debent. Nihilominus
 opposita Sententia Recentiorum Juristarum,
 nominatim Haunoldi *rr. 3. n. 281.* aliorum-
 que, quos sequitur Illsung, *cit. 5.* etiam
 probabilis est: licet enim, quantum est de
 jure naturæ, hujusmodi fructus æquivalen-
 ter exstantes restitui deberent, jus tamen
 positivum bonæ fidei possessori tales fru-
 ctus non in natura, sed æquivalenter dun-
 taxat exstantes satis clarè videtur concedere
 sine onere restitutionis; partim ne rerum
 alienarum cura, & cultura maneat impræ-
 miata; partim etiam, ne bonæ fidei posses-
 soris conscientia gravetur, & sæpè sæpius
 propter difficilem lucri æstimationem scrupulis exponatur. Sic *l. certum 22. Cod. de*
rei vind. possessor bonæ fidei tantum fructus
 exstan-

exstantes jubere prastare. Similiter l. sed & loci
4. § post litem 2. ff. finium regendorum. dicitur,
quod si possessor fructus bona fide percepit, lucrari
eum oportet. Denique §. si quis à non domino,
institut. de rerum divisione de tali possessore di-
citur: naturali ratione (id est, æquitate) pla-
cuit, fructus, quos percepit, ejus esse pro cultura,
& cura, & ideo, si postea Dominus supervenerit,
& fundum vindicer, de fructibus ab eo (scilicet
emptore fundi alieni) consumpris agere non
poteft. Et hanc opinionem in praxi utriusque
fori tutam esse, & observari, testantur Re-
bellus, Thom. Sanchez, Pinellus, & Faber
apud P. Illsung l. cit. Ex quo facile colliget
prudens Confessarius, quidnam in his cir-
cumstantiis suo clienti habeat consulere.

Dices adhuc: sed quid de illis fructibus,
quos Cajus lite pendente, ultimo, quinto
scilicet anno, percepit?

R. Eviçtô prædiô tenetur restituere hos § 2.
fructus à tempore litis contestatæ perce-
ptos, aut percipiendos, tametsi inde forsan
non esset ditior factus: nisi tales fructus pro-
venissent ex melioramentis à Possessore ad-
jectis. Ita Palao *disp. un. de justit. in genere pu.*
24. §. 8. n. 4. Haunoldus, & Illsung *cit. n. § 2.*
Ratio est: quia tempore litis motæ quasi
suspenditur jus, & dominium rei, & fru-
ctuum, ut contestata lite per sententiam Ju-
dicis restituantur ei, etiam pro tempore li-
tis pendentis, qui rem evicerit; qua ratione

l. 25. §. 7. ff. de hereditatis petitione. Dicitur: quoniam post litis contestationem omnes incipiunt mala fidei possessores esse &c. scilicet fictione juris: ergo cum Cajus noster causa ceciderit, tenebitur consequenter fructus illos omnes ultimo anno perceptos refundere.

§. III.

Corollaria ex dictis inferenda.

53. **C**olliges ex hætenus dictis primò, quemlibet Dominum rem suam à quocunque demum possessore, etiam bonæ fidei posse recuperare, & evincere, quamdiu illa exstat, ita quidem, ut non amplius teneatur restituere, aut refundere pro ea pretium. Ratio est: quia ipse semper manet verus Dominus illius rei; neque enim ipsò invitò potuit rei dominium in possessorem bonæ fidei transferri: aliunde verò neque ex delicto, neque ex contractu quidpiam debet possessori: ergo &c. Excipiendus duntaxat est casus, quò quis modico pretio emit rem furtivam, animò reddendi eam vero Domino, veluti jam superius *n. 43.* dictum fuit; quia tunc Emptor censetur utiliter gessisse negotium Domini, ut colligitur *inst. de obligationibus, qua quasi ex contractu. §. 1. item l. 2. si quis absentis. ff. de negotiis gestis.* Videatur Lessius *l. 2. c. 14. dubit. 3. n. 20.*

Lugo

Lugo *disp. 17. sect. 1. n. 1.* Babenstuber *4. 2. n. 11.*

Colliges 2do, possessorem ipsum, posteaquam certò agnoscit rem esse alienam, adeoque restituendam, teneri propria sponte quamprimùm moraliter loquendo fieri potest, eam restituere Domino. Ita *ex communi* Tamburin. *in decalog. l. 8. tr. 3. c. 3. §. 1.*

Ratio est: quia quævis res, ubi demum existat, clamat ad suum Dominum; unde si talis post agnitam obligationem suam non restituat, eo ipso evadit possessor malæ fidei, consequenter ut talis deinceps tenebitur restituere nedum rem ipsam, verum etiam omne lucrum cessans, & damnum vero Domino emergens ex hujusmodi iniqua detentione, veluti ampliùs dicetur *confer. proximè secutura.* Lessius ubi supra *c. 14. dub. 1. n. 2.* Babenstuber *4. 2. n. 3. fin.*

Dixi tamen: *posteaquam certò agnoscit, rem esse alienam, adeoque restituendam &c.* Tamen si enim aliquis agnosceret rem priùs bona fide acquisitam, esse alienam; si tamen ob ruditatem v.g. non apprehenderet suam obligationem restituendi, proptereaque eam consumat, probabiliter non tenetur restituere, nisi ad id, quantum inde evasit ditior. Ita tenet Laymann ubi supra *c. 3. n. 1. in fine.* Et ratio à pari colligi potest: quemadmodum enim pœnitens, esto sciat se peccasse etiam graviter, si tamen inculpabiliter non agnos-

cens obligationem contrahendi, hujusmodi peccatum retineat, dicitur bona fide confessus; ita in nostro proposito talis homo dici potest possessor bonæ fidei, quantum ad consumptionem inculpabiliter factam, licet non in omni rigore, eo quod non ignoraverit rem esse alienam, veluti ex dictis supra n. 30. facile colligi poterit.

- §6. Colliges 3^{ti}o ex dictis n. 47. Eum, qui rem furtivam bona fide emit, eandemque postea bona fide eodem pretio, vel omnino minori vendidit, non teneri quidpiam restituere Domino postea forte comparituro. Ratio inde sumitur; partim quia non est factus ditior; partim etiam, quia res illa apud ipsum non amplius existat, neque formaliter in natura, neque etiam æquivalenter in aliquo emolumento. Si tamen rem vendendo majori pretio, inde familiam suam auxisset, probabiliter teneretur ad restitutionem hujus excessus, quippe qui censetur aliquid rei alienæ æquivalenter adhuc existantis habere. Excipe tamen: nisi possessor talem excessum merâ sua industria sibi comparavit, eo quod rem alibi distraxerit, ubi novit, eam plus valere, quod à Domino factum minimè fuisset; quia talis excessus reputatur merces fructus industrialis, quem non tenetur possessor bonæ fidei restituere, secundum dicta n. 34. Vid. Lessium l. 2. c. 14. dubit. 1. n. 4. Tambur, ubi supra n. 10. & 12.

Col.

Colliges 4to, possessorem bonæ fidei pro
melioramentis sive necessariis, sive utilibus 57.
in re aliena factis, non posse plus subtrahere,
aut de jure prætere, quàm illum valo-
rem, aut illud quantum, quò ipsi Domino
constitissent. Quare si talis possessor pro
arbore v. g. plantata expendit unum ducatum,
seu 4. florenos, Dominus autem ean-
dem arborem potuisset comparare pro uno
floreno, non poterit ille plus prætere,
quàm unum florenum intuitu arboris. Ratio
est: quia hoc scilicet (unicus scilicet flore-
nus) & non plus cedit in utilitatem veri Do-
mini, & hoc solò ex alterius plantatione cen-
setur factus ditior. Id ipsum à fortiori dicen-
dum foret, casu quo eadem arbor jam iterum
decrevisset in tantum, ut defacto prudentum
judiciò jam non pluris æstimeretur, quàm
pretii unius floreni. Quin immò, tamen si
supponatur eadem arbor defacto crevisse in
tantum, ut jam valeret 10. aut plures flore-
nos, Dominus tamen non teneretur pro ea
plus, quàm unum florenum refundere; quia
huic (cujus erat fundus) & non possessori
crevit arbor: ergo pro hoc augmento valo-
ris nihil prorsus tenetur restituere, sed solas
illas expensas, quas ipsemet tunc temporis,
quo plantata fuit arbor, facere debuisset.
*Sanchez in decal. l. 2. c. 23. n. 140. Lugo
disp. 17. Sect. 3. n. 52. & 61. Tambur. cit.
tr. 3. c. 3. §. 5. a. n. 13.*

D 5

Col.

58. Colliges 5tò, eum, qui rem furtivam omnino gratis, & sine propriis expensis, sive ab ipso fure immediatè, sive ab alio obtinuit, post agnitam veritatem cujus sit, teneri eandem immediatè restituere Domino, ita, ut tutà conscientià eam non possit redde-
re furi, vel alteri, à quo accepit, nisi fortè habeat timere infamiam, aut nisi moraliter certus sit, rem ab illo altero indubitanter restitutum iri. Ita Lessius *l. 2. c. 14. dubit. 3. n. 13.* Dicastillo *dubit. 4. n. 104.* & alii. Ratio est: quia restitutio ex re accepta immediatè fieri debet illi, cujus est res, quando nulla causa excusans occurrit in contrarium: atqui talis tenetur restituere ex re accepta, & quia simul supponitur nullas fecisse expensas, neque timendum esse periculum infamiæ, vel alterius damni, planè nulla intervenit causa excusans: ergo tenetur immediatè restituere Domino, & non furi, vel alteri: ergo.

59. Colliges tandem 6tò, possessorem, qui obortò dubiò mala fide, & culpabiliter Dominum rei inquirere neglexit, teneri postea eidem comparenti non tantum restituere rem ipsam, sed etiam fructus consumptos, vel alienatos, ex eo tempore, quò dubitare cœpit. Ratio est: quia ab eo tempore cœpit esse possessor tam malæ, vel certè dubiæ fidei; atqui possessor tam malæ fidei, quàm etiam dubiæ, si hic negligat culpabiliter

liter inquirere veritatem, tenentur ex post-
facto recompenſare omnia damna juxta
proportionem culpæ illata: ergo &c. Les-
ſius *cit. n. 25.*


Dices adhuc. At quid tenendum de illo,
qui primò rem poſſedit bona, poſtea verò
mala fide? vel è contra, qui prius mala fide,
poſtea verò bona poſſidens, rem, vel ſal-
tem fructus inde perceptos conſumpſit?

R. Talem in foro conſcientiæ teneri ad 60.
reſtituendum illud duntaxat, quod con-
ſumpſit, quando erat poſſeſſor malæ fidei.
Ratio eſt: quia talis, eo ipſo, quòd mala
fide conſumpſerit, obligatur ad menſuram
reſtitutionis malæ fidei poſſeſſori incumben-
tis: atqui huic incumbit nedum rem ipſam,
ſed etiam fructus rei mala fide conſumptos
reſtituere, uti ſtatim dicetur: ergo. Illos
autem, quos bona fide conſumpſit, non
amplius tenetur reſtituere ſecundum dicta

n. 34. Videatur Lugo diſp. 17. Sect. 3.

n. 68. Tambur. cit. §. 6.

n. 1.



CON-

CONFERENTIA TERTIA.

De
Restitutione debita ex delicto
formali injustæ acceptionis à pos-
sessore malæ fidei.

SUMMARIUM.

61. Quisnam reputandus sit possessor malæ fidei?
62. Culpa alia est Theologica, alia Juridica.
63. In conscientia nullus tenetur ad restitutionem
titulò injustæ acceptionis, nisi commiserit cul-
pam Theologicam.
64. Post Sententiam tamen Judicis tenetur, etsi ta-
lem non admiserit.
65. Culpa Theologica venialis duntaxat multiplici
ex capite committi potest.
66. Qui intulit grave damnum per furta minuta,
probabiliter tenetur ad restitutionem; tamen
auferendo nunquam peccaverit mortaliter.
67. Mensura generalis restituendi, incumbens pos-
sessori malæ fidei, est quantitas damni illati.
68. Tenetur insuper restituere fructus ex re aliena,
tamen Dominus eos nunquam percepisset.
69. Licitè tamen in foro conscientie subtrahit ex-
pensas, & emolumenta necessaria.
70. Et quid de melioramentis merè voluptariis re-
nendum?
71. Resolvitur Casus I. de quodam Officiario, qui
suo Principali annuatim certam summam sub-
traxerat,

72. Et

De Restitut. debita ex injust. accept. &c. 61

72. Et subtrahendo malè fecit, esto cum ordinario suo salario difficulter, vel omnino non potuerit subsistere.
73. Nec excusandus est ex eo, quòd labores sibi videantur immensi, vel antea nunquam prævisti.
74. Neque ex eo, quòd officiales sibi similes alibi locorum soleant magis salarari.
75. Consequenter ad restitutionem condemnandus est.
76. Resolvitur Casus II. cujusdam pœnitentis, qui jam ante triennium equum furtò abstulerat.
77. Quem proin saltem in æquivalenti tenetur restituere, etsi is interea periisset, casu, quò non similiter periisset apud suum Dominum.
78. In dubio, an apud dominum periisset, adhuc fur ille condemnandus est ad restitutionem.
79. Quomodo practicè indaganda sit quantitas damni ab hujusmodi possessore malæ fidei illati?
80. An is, qui heri abstulit vinum, illudque mox consumpsit, teneatur ad restitutionem, si idem vinum hodie apud dominum simili casu periisset?
81. Et quid, si fur illud in hodiernum diem reservasset?
82. Resolvitur Casus III. cujusdam famulæ, quæ studiosè quæsierat merces minori pretio comparare, residuum autem pecuniæ non Domino suo, sed sibi applicavit;
83. Unde lucrum illud non quidem Mercatori; sed
84. Domino suo tenetur restituere.
85. Solvitur quædam instantia contra hoc.
86. Qui grave damnum intulit cum ignorantia concomitante, non tenetur ad restitutionem;
87. Sicut nec ille, qui quidem operi illicito vacans, pro possibili tamen studuit damnum præcavere.
88. Neque ille, qui ex culpa veniali duntaxat domum, aut vineam non satis custodivit; 89.

89. Etsi tales probabilius ad aliquam saltem restitutionem teneantur.
90. Qui scienter intulit damnum grave, ignorans tamen invincibiliter, illud esse tam grave, non tenetur ad restitutionem totius damni.
91. Quâcum cautela Confessarius debeat procedere cum similibus.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos circa restitutionem à possessore malæ fidei faciendam.

QUæres primò, quisnam dicendus sit possessor malæ fidei?

61. R. Ille meritò reputatur possessor malæ fidei, qui scit, rem, quam contrahat, & possidet, esse alienam, aut certè ex ignorantia vincibili, & culpabili credit, esse suam, & non alienam. Ita cum communi Doctorum tradit Sporer. Ratio hujus facilè colligitur ex dictis suprâ n. 30. quemadmodum enim ille, qui inculpabiliter ignorat rem esse alienam, aut invincibiliter putat, esse suam, rectè dicitur possessor bonæ fidei, eò quòd illam possideat sine peccato; ita ab opposito is, qui scienter, vel saltem ex culpabili ignorantia rem alienam contrahat, aut possidet contra voluntatem Domini, rectè appellatur possessor malæ fidei; cum id nunquam fieri valeat sine peccato.

Quæ-

Quæres 2dò, quænam culpa necessaria sit ad hoc, ut possessor malæ fidei ob injustam acceptionem ad restitutionem teneatur?

Ante responsionem breviter advertendum, & sciendum, culpam ut sic communiter à Doctõribus dividi in *Theologicam*, & *Juridicam*. *Theologica* dicitur, quæ hominem in conscientia coram DEO verè reddit culpabilem, adeoque est verum peccatum, sive mortale, sive veniale: & cum ad Theologos pertineat specialiter considerare ea, quæ ad ultimum finem nostrum conducunt, aut ab eo retardant (sicut facit omne peccatum) ideò hæc culpa appellari consuevit *Theologica*, id est, à Theologis specialiter considerata. Culpa *Juridica* (ideò sic dicta, quia à Jure, vel Juristis pro foro præsertim exteriori, & Politico attenditur) describitur, quòd sit omissio alicujus diligentiae, quâ proximi damnum impediri potuisset, sive dein coram DEO, & in conscientia sit peccatum, sive non. Et hæc culpa *Juridica* rursus dividitur in *latissimam*, *latiorem*, *latam*, *levem*, & *levissimam*. *Lata*, est omissio diligentiae, quam homines ejusdem conditionis communiter adhibere solent. *Levis*, est omissio diligentiae, quam accuratiores duntaxat, & prudentiores homines illius conditionis, seu professionis adhibere assueverunt. Denique culpa *levissima*

suma reputatur omissio diligentiae, quam diligentissimi tantum, ac prudentissimi adhibere solent in simili negotio. Res hæc declarari solet sequenti exemplo. Titius v. g. domo egressus, non clausit ostium, proptereaque fures ingressi rem quampiam abstulerunt &c. censetur commisisse culpam Juridicam latam, quia non claudendo ostium omisit diligentiam, quam alii homines etiam mediocriter diligentes adhibere solent.

At, si supponatur clausisse quidem, ita tamen, ut facile ab aliis aperiri potuerit, culpam levem commisit; nam bene claudere prudentiores duntaxat, & diligentiores solent. Denique si supponatur clausisse ostium, at, non tentasse, an pessulus sit obdurus &c. reputatur commisisse culpam levissimam; quia intermisit diligentiam, quam diligentissimi tantum, & accuratissimi adhibere solent. Porro culpa *latissima* dicitur etiam dolus apertus, dum nimirum quis aliquid agit, vel omittit, damni inferendi causâ, quod inde imminere prævidet. Culpa *latior*, quam etiam appellant dolum præsumptum, datur in eo, qui proximi damnum non intendit quidem, illud tamen ex actione sua, vel omissione actionis secuturum prævidet. Hôc notatô

63. & ad quæsitum. Ad hoc, ut possessor titulô injustæ acceptionis in foro conscientiae,

tiae, & ante Sententiam Judicis obligetur ad restitutionem, necessum est, ut commiserit culpam Theologicam, nec sufficit commisisse meram culpam Politicam, seu Juridicam. Ita communissime Theologi. Mastrius, Sporer, Reiffenstuel, Haunoldus, Illsung *tr. 4. disp. 3. n. 4.* La Croix *l. 3. p. 2. n. 172.*

Ratio est: quia radix hujus restitutionis fundatur in injuria formali: at, qui non committit culpam Theologicam, non est formaliter injuriosus, neque huic damnum moraliter imputari valet: & certè hanc ob causam à fatuis non postulatur reparatio damni, si quod intulere, quia scilicet illud fecerunt sine culpa Theologica, ait La Croix *l. cit.* Denique repugnat, in foro conscientiae quempiam obligari propter injuriam, nisi commiserit injuriam; atqui ubi nulla fuit admissa culpa Theologica, ibi pariter in foro conscientiae nulla datur injuria: ergo neque obligatio restituendi ante sententiam Judicis.

Dixi: *ante sententiam Judicis*; etenim ubi Judex aliquem condemnavit ad reparationem damni, cum sola culpa Politica in foro externo admissa, illati, tenebitur talis etiam in foro conscientiae sese accommodare, & damnum illatum reparare, veluti communiter tradunt DD. Sporer *cit.* Illsung *l. cit. n. 8.* Mezger *disp. 32. a. 6. §. 1. n. 5.* Ba-
benstuber *art. 3. n. 9.* Reiffenstuel *tr. 9. disp. 5. n. 90.* Ratio est: quia ad acuendam

R. P. Elbel, de Restit.

E

Ci-

Civium diligentiam Judex justè procedit ad puniendas hujuscemodi culpas etiam Juridicas, uti habetur tum *ex c. ult. de injuriis, & dam. dat.* tum etiam *ex l. 44. ff. ad legem Aquilianam*: atqui justæ Sententiæ Judicis quivis etiam in foro conscientię tenetur parere, nisi hæc innitatur falsæ præsumptioni alicujus facti particularis; secus enim Sententia foret inefficax ac frustranea, facileque eluderetur Judicis auctoritas, nec unquam obtineretur finis legis, qui est, *reddere cives magis cautos* circa evitanda ejusmodi damna: ergo &c. Loquimur autem hîc præcisè de restitutione fundata in radice injustæ possessionis; nam de ea, quæ in contractu fundatur, paulò post plura dicemus.

At quid de eo (inquies) qui cum culpa Theologica quidem, at veniali duntaxat ab altero quidpiam accepit, aut graviter illum damnificavit, tenebiturnè ad compensationem totius damni?

65. Ante responsionem rursus advertendum est, culpam venialem in damnificatione, vel ablatione rei alienæ duplici ex capite committi posse; primò quidem ob parvitatem materiæ, ut si quis alteri obulum duntaxat injustè auferat: quò casu certum est, non oriri obligationem restituendi, aut reparandi tale damnum, nisi sub culpa veniali, juxta illud Augustini suprà n. 9. relaturn: *non dimittitur peccatum, nisi restituatur ab-*

ablatum. 2dò, fieri potest, ut quis venialiter solum peccet, non ob parvitatem materiæ, quippe quæ de se satis est gravis, & notabilis, sed ob indeliberationem, & inadvertentiam, ut si quis ex motu 2dò primo alterius gemmam projiciat in ignem, aut fluvium &c. Porro inadvertentia rursus dupliciter contingere potest, scilicet 1. ut quis nec damnum materiale, nec formale adverterit, veluti in exemplo mox dato fieri posset, ubi quis gemmam projiceret in aquam, eò quòd putet non esse, nisi merum vitrum, ideòque neque advertit gravitatem materiæ, neque gravitatem malitiæ in tali projectione comprehensæ. 2. fieri potest, ut quis advertat quidem gravitatem materiale, non item formalem; ut si quis animadvertat quidem, materiam alteri ablatam esse gravem, at invincibiliter putat, se propterea non graviter peccare, quia v. g. existimat, Dominum, utpote valde divitem, idcirco non damnificari graviter, nec esse graviter invitum; vel etiam ideò, quia materiam illam revera gravem successivè tantum, & per furta minuta abstulit, ita, ut licet totam materiam scienter, & volens abstulerit; ideòque sine ignorantia materiali, tamen cum ignorantia formali gravis peccati, ita, ut nunquam apprehenderit (nequidem in ultimo furto) se graviter peccare. Jam de hoc casu potissimum

controvertitur inter Doctores, utrum hujusmodi fur sub peccato mortali teneatur ad restitutionem, & refusionem gravis damni, tametsi de re ablata nihil amplius possideat; nam si adhuc aliquid possideret, procul dubio ex titulo rei possessæ illud teneretur restituere, & si auferendo mortaliter peccasset, etiam in ultimo furto solum, teneretur ad restitutionem titulô injustæ acceptionis. His notatis

66. R. ad quæsitum. Qui alteri rem gravem abstulit scienter, seu cum advertentia materiali damni, esto non cum formali, uti fieri assolet in furtis minutis, tenetur sub gravi culpa damnum refarcire, etsi nihil amplius possideat de ablato, nec unquam graviter peccarit auferendo. 2. Qui verò rem alienam auferendo, aut destruendo, venialiter tantum peccavit, eò quòd nec formalem, nec materiale gravitatem damni adverterit, non tenetur sub gravi culpa illud compensare. Ita re ipsa tenent Haunoldus *tr.* 2. *n.* 194. Illsung *tr.* 4. *disp.* 3. *n.* 10. & 16. Babenstuber *ubi supra* *tr.* 7. *disp.* 4. *a.* 3. *n.* 12. & 15. La Croix *l.* 3. *p.* 2. *n.* 185. & 244. ubi pro eadem opinione citat Lug. *disp.* 8. *a.* *n.* 68. Tambur. *lib.* 8. *tr.* 3. *c.* 2. §. 5. *n.* 6. Carden. *in Cris.* 2. *dissert.* 23. *n.* 90. Ratio autem hujus responsionis, & disparitatis inter utrumque membrum hæc est: quia qui sine omni advertentia tam materiali, quàm formali gravis damni aliquid ab alio abstu-

abstulit, ad hujus restitutionem tenetur præcisè ob injuriam illatam, ita, ut hæc sit unica causa restitutionis, cum supponatur nihil amplius possidere de ablatis: ergo si injuria non fuit, nisi venialis, etiam obligatio restituendi, & refarciendi damnum, nequit esse major; quàm fuerit injuria, & quia effectus nequit excedere causam suam, hinc clarè sequitur, talem obligari non posse ad plus, quàm ad id, quod correspondet culpæ veniali, veluti dicitur *n. 89*. E contra, ubi damnum fuit illatum cum advertentia saltem materiali, seu materiæ gravis, ibi mensura restituendi desumenda non est præcisè ex gravitate damni realis, neque ex sola gravitate aut levitate injuriæ, sed ex *quantitate damni, scienter, & voluntariè illati*; quando quidem recta ratio, & lumen naturæ nobis congenitum dicitur, *damnificantem teneri ad resurgendum tantundem alteri, quantum scienter, & voluntariè nocuit*: atqui damnum supponitur re ipsa grave, simulque voluntariè, & scienter illatum, quia damnificans totam illam materiam scienter, etsi successive auferendo, realem gravitatem materiale damni totius sufficienter agnovit. Nec cuiquam absurdum videri debet, quòd ex pluribus culpis, & obligationibus levibus tandem possit consurgere obligatio gravis, quando plures illæ materiæ in mortali hominum æstimatione tandem coalescunt in unum

aliquid, puta, grave damnum proximo illatum; nam si quis singulis anni diebus accipiat unum solidum mutuum, in fine anni illæ singulæ acceptiones, quamvis de se leves, coalescent ratione materiarum, & causabunt obligationem gravem reddendi totam summam illorum solidorum, tamen si ex his non fuerit factus ditior ille, qui accipit mutuô: at verò, eadem est ratio in nostro casu: sicut enim mutuum accipiens tenetur idèò, quia scivit se rem alienam accipere cum onere naturali tantundem restituendi, etsi ad gravitatem formalem nunquam attendisset; ita profecto in nostro casu fur tenebitur damnum refundere, quia re vera in singulis furtis minutis advertit, se contrectare, aut consumere alienum, utique cum obligatione & dictamine naturæ, tantundem refarciendi, etsi peccati gravitatem non adverterit unquam. Videatur Illiung *l. cit. n. 16. & seq.*

Quæres 3tiò, quænam ergo sit mensura restitutionis, incumbens possessori malæ fidei ex titulo injustæ acceptionis?

67. R. iuxta dicta superius *n. 4.* Est *quantitas damni illati.* Itaque talis injustus acceptor tenetur restituere 1. ipsam rem in individuo existentem, vel, si non amplius existat, ipsius valorem 2. omnes ejus fructus, tam naturales, quàm mixtos. 3. item omne lucrum cessans, & damnum emergens vero

Do.

Domino ex iniqua ablatione, aut injusta detentione. Ita sanè communissimè DD. S. Thomas 2. 2. q. 16. a. 6. Scotus 4. dist. 15. q. 2. a. 4. Molina, Lessius &c. Et habetur expressè in jure. *L. bonæ fidei. ff. de acquir. rer. dom. L. fructus ff. de rei vindicat. item L. Domum. C. de rei vindic.* Ratio autem hæc est: quia qui voluntariè violat Justitiam commutativam, tenetur restituere ad æqualitatem, secus enim Justitia nunquam obtineret finem suum: at, nisi omnia mox enumerata restituat possessor injustus, nunquam fiet æqualitas, nec Dominus unquam recipiet tantum, quantum haberet, nisi re sua fuisset iniquè privatus: ergo necessum est, ut talis possessor nedum rem ipsam, sed & fructus &c. restituat. Vide Sporer tr. 4. c. 2. n. 131.

Sed quid de illis fructibus, quos possessor iniquus quidem percepit, Dominus autem nunquam percepturus fuisset, quippe, qui talem fundum nunquam coluisset?

R. Etiam hos tenetur restituere. Ratio 68. est: quia omnis res suo Domino fructificat: ergo etiam fructus talis fundi Domino suo crescunt à quocunque demum plantentur, aut percipiantur: ergo etiam huic debent restitui, esto aliàs illos nunquam percepisset. Lessius de justit. l. 2. c. 12. dubit. 17. n. 118. Sanchez l. 2. in decalog. c. 23. n. 126. & alii communissimè. Secus tamen dicen-

dum foret, si nec possessor iniquus aliquos fructus percepit, neque Dominus ipse aliquos percepisset; tum quia is nullum indammum patitur; tum etiam quia fundus supponitur non fructificasse: consequenter pro fructibus nihil debetur, sed solus fundus.

Dices: at nunquid etiam iniquo possessori licebit subtrahere expensas factas, sicut & melioramenta tum necessaria, tum utilia etiam?

69. R. affirmative. Ratio eadem reddi debet, quæ superius *n. 35.* de possessore bonæ fidei data fuit: quia alias Dominus plus reciperet, quam ipsi debetur. Accedit, quod etiam iniquus possessor rem meliorando, negotium Domini utiliter gesserit: ergo æquitas naturalis dicitur, etiam huic congruam compensationem esse debitam. Ex quo Navarrus, Sanchez, Lugo *tom. 2. de just. disp. 17. Sect. 3. n. 66.* & alii rectè inferunt, quod, si talis res aliena unà cum melioramentis nondum detractis pervenit ad Dominum suum, hic in conscientia teneatur satisfacere possessori iniquo. Et licet jura huic negent actionem petendi expensas pro melioramentis factas; quia tamen hæc lex est pœnalis, pœna autem juxta communissimam Doctorum non obligat ante Sententiam Judicis, sequitur, quod Dominus ante Judicis Sententiam obligetur naturali ob-

obligatione ad refundendas hujuscemodi expensas; etsi hoc ipsum Sanchez *l. 2. moral. c. 23. a. 143. & 144.* aliique multi haud improbabili-ter negent.

Quæres adhuc 4^{to}, an etiam pro meliora-
mentis voluptuariis, id est, non necessita-
tis, vel utilitatis, sed quasi meræ voluptatis
gratiâ factis, v. g. fontanis, arboribus non
fructiferis &c. possessor malæ fidei aliquid
possit prætere, aut subtrahere?

R. cum P. Sporer *c. 2. n. 85. & communi* 70.
aliorum, etiam à possessore malæ fidei (à
fortiori id ipsum concedendum est posses-
sori bonæ fidei) hujusmodi melioramenta
subtrahi posse, si salva re aliena possint de
facili ab ea separari, uti sunt v. g. specula,
statuæ, picturæ, Horologia pretiosa &c. &c.
At verò, si ea sint taliter constituta, ut sine
damno ab aliena re separari non amplius
possint, uti fieri amat cum arboribus, aliis-
ve plantis, solo adhærentibus, fixis, &
jamjam radicatis in illo; item, cum ima-
ginibus depictis in parietibus immediate &c.
possessor malæ fidei nihil potest prætere-
re, sed debet sibi imputare, quòd cogatur
amittere eas expensas, quas circa rem alie-
nam scienter, & quidem citra consensum,
vel utilitatem legitimi Domini fecit, uti
pluribus probant Sanchez, Lugo, Molina
disp. 712. & alii. Possessori tamen bonæ
fidei conceditur facultas libera, non tantum

E s

aufe.

auferendi ejusmodi melioramenta, ubi ea separari possunt de facili; sed etiam cogendi Dominum ad solvendum pro iis, quantum ipse expendit, aut certe ad sibi vendendam totam rem justo pretio, deductis melioramentis. Ita Tambur. *in decal. l. 8. sr. 8. c. 3. n. 14. fin.* Sporer *c. 2. n. 85.*

§. II.

Proponuntur, & breviter resolvuntur Casus practici, de obligatione restituendi ex delicto formali injustæ acceptionis.

CASUS PRIMUS.

Tertius quidam officialis fatetur, se Domino suo, cui erat à servitiis, jam à 20. annis subtraxisse annuatim ad minus 100. florenos, idque sequentes ob causas 1. quòd pro obtinendo suo servitio debuerit facere multas expensas, vel veriùs loquendo schmirbalia aut honoraria, uti vocant, quæ tunc velut pauperculus & egens, debuit ab aliis credito mutuare, & interim annum interesse solvere. 2. quòd cum ordinario salario à Domino suo sibi annuatim constituto nequeat Uxorem, liberos, & familiam suam honestè, & juxta rationem statûs alere. 3. eò quòd sibi persuaserit, Dominum suum faciliùs posse carere 100. florenis, annuatim subtrahendis, quippe quorum defec-
tum

Etum nunquam animadverteret, & hoc ipso agere non ferret. Jam ad hanc facti speciem dubitare licet 1. an Titius noster tutâ conscientia potuerit subtrahere schmirbalia seu honoraria illa hinc inde sacra. 2. an justè potuerit aliquid prætere ex eo, quòd cum salario annuo sibi constituto nequiverit sustentare familiam suam?

R. ad primum negativè. Ratio responsionis patet; quia nullus prorsus titulus suffragatur Titio, vi hujus Domino suo licitè aliquid subtrahere, aut prætere possit ab eo, præsertim cum expensas illas non fecerit intuitu Domini sui, neque in illius, sed in proprium commodum, pro acquirendo scilicet servitio; atqui, sine justo titulo non licet furripere alienum: ergo iniquè egit subtrahendo aliquid intuitu dictarum expensarum.

R. ad 2dum pariter negativè. Ratio est: 72. quia Dominus neutiquam tenetur alere totam familiam suorum famulorum, neque iisdem dare salarium juxta quantitatem familiæ, aut liberorum, sed juxta proportionem servitiorum, ac meritorum; esto proin Titius nequiverit alere suam familiam ex suo ordinario salario, minimè tamen licuit subtrahere Domino.

Neque ex eo capite excusandus est, quòd existimaverit, Dominum facilius carere posse 100. aut pluribus &c. quippe quorum subtractionem nunquam sentiret; nam, si talis

talis prætextus justam præberet causam surripiendi alienum, planè cuilibet pauperum liceret subtrahere ditioribus, aut certè ditissimis, modò hi non adverterent hujusmodi subtractionem. Et quæ tunc, amabo! quæ foret facies Reipublicæ? Liquet proinde, Titium nostrum per se loquendo esse obligandum ad restitutionem omnium, quæ hætenus annuatim iniquè subtraxit suo Domino: esto per accidens fortè ob impotentiam physicam, aut moralem excusetur, si nihil habeat, quod reddat.

At (inquiet forsitan Titius) labores, quos subire cogor, revera sunt quasi immensi, & tales, quos nunquam prævideram, nec credideram, eos fore tantos. Salarium è contra est, respectivè exiguum, ita, ut nulli locorum tam tenuiter salarari soleant officiales mihi similes: expensæ, pariter ad conservandum statum meum multæ sunt, & nimis copiosæ: quidni ergo tantum subtrahere liceat, quantum opus habeo ad honestè alendam familiam! præsertim, cum & jus naturæ dicat, & me obliget ad providendum uxori, ac liberis, aliunde verò non inveniam, quo succurram inopiæ nostræ?

73. R. Esto labores tui videantur quasi immensi, nec antea prævisi, è contra salarium tuum respectivè exiguum, minimè tamen licebit deinceps aliquid sub hoc prætextu sub-

subtrahere. Ita profecto clarè colligere licet ex propositione sequenti *n. 37.* ab Innocentio XI. damnata: *famuli & famula domestica possunt occultè heris suis surripere ad compensandam operam suam, quam majorem judicant salariò.* Ratio autem damnandi hanc opinionem & doctrinam, seu etiam praxin, est multiplex. 1. quia acceptando (immò etiam propria sponte cum multis expensis, honorariis atque schmirbalibus, uti paulò ante fatebaris quærendo hoc tuum servitium, te obligasti ad serviendum pro hoc, & non pro majori salario: ergo injustè agis, aliquid ultra subtrahendo. 2. quia procul dubio alii plures hos tuos labores libenter subirent pro eodem salario: ergo tibi non debetur majus. 3. quia Dominus tuus satisfacit justitiæ compensando labores tuos pretio mediocri, immò etiam pretio infimo, eò præsertim, quòd servitia ultrò oblata ab Officialibus, quodammodo vilescant; atqui salarium tuum æquat ad minùs pretium infimum, certè non constat illud esse inferius pretiò infimo, neque de hoc facile præsumi debet, sed potius de opposito: ergo injuriam manifestam infers subtrahendo aliquid tuo Principali, præsertim cum is fuerit in certa possessione bonorum suorum. Vide de hoc Dicastillo *lib. 2. tr. 2. disp. 9. dub. 7. La Croix l. 3. p. 1. n. 974.*

Nec refert, quòd alibi locorum oficiales 74.
tibi

tibi similes tam tenuiter salarari non soleant; nam quemadmodum merces non ubique æquali, sed in uno majori, in alio verò loco minori quidem, justò tamen pretio veneunt; ita & labores seu famulitia pro locorum diversitate, majori, aut minori famulorum abundantia, diversimodè compensari assueverunt, ita, ut in uno veneant summo, in altero medio, & in tertio loco infimo pretio justè compensentur, veluti sapienter advertit P. Viva *ad proposit. n. 73. ab Innocentio XI. damnatam. n. 6.* ergo ex hoc capite nihil licebit subtrahere.

75.

Esto etiam jus naturæ dictet, te obligari ad providendum tuæ familiæ; at, minimè dictat, esse huic providendum mediis illicitis, aut ob hanc causam alteri, quod suum est, auferendum. Unde potius dictat, te teneri ad omni modo possibili compensanda damna Domino tuo illata. Dictat insuper, te teneri ad parcendum sumptibus non necessariis, aut minùs necessariis. Neque verò opus est, ut aliis tibi similibus officialibus in omnibus (præsertim quoad vestium pompam, famulorum, famularumve copiam) te parem portes; præsertim si alii id faciant ex propriis bonis & mediis patrimonialibus, vel alio subsidio &c. &c.

CASUS SECUNDUS.

SEmpronius jam ante triennium à Titio voluit emere equum 60. florenis; verum quia pro
hoc

hoc pretio obtinere non potuit, tandem eundem clam abstulit, moxque cuidam Judæo vendidit pro 80. florenis. Haud multò post conscientia stimulis agitatus, voluit rescindere contractum animò restituendi equum suo Domino, verùm Judæus responderat, equum jamjam periisse. Unde dubitat Sempronius, an, vel quantum defacto restituere teneatur Titio?

R. Sempronius velut possessor malæ fidei, & fur iniquus, teneretur per se loquendo restituere 1. ipsum equum, si is adhuc existeret, & 2. omne damnum emergens Titio, aut lucrum cessans ex carentia sui equi, detractis duntaxat expensis, quas Titius ipse in alimentando suo equo necessariò facere debuisset. Ita omnes. Et ratio hujus responsionis desumi debet ex dictis mox suprà n. 67. Verùm, cùm equus supponatur jamjam periisse; hinc dicendum, quòd Sempronius locò equi (nisi is simili casu aut infirmitate apud Dominum suum certò periisset) teneatur restituere valorem equi, quo Domino valuisset, ita, ut non satisfaciatur præcisè restituendo 60. quos jam semel dare voluit, aut 80., quos ipse à Judæo obtinuit, sed tenetur tantum, quantum juxta prudentum existimationem Dominus accepisset, ut si is eum vendidisset pro summo pretio v. g. 100. teneatur Sempronius restituere totidem. Si verò Titius equum reservasset in hodiernum diem, quò jam decre-

76.

decrepitus non valeret, nisi 50. satisfaciet restituendo 50. unà cum refusione totius damni emergentis, & lucri cessantis &c. Ratio clara est: quia secundum dicta *l. cit.* mensura restitutionis possessori iniquo incumbens est quantitas totius damni illati: atqui, si Titius pro suo equo obtinisset 100. Sempronius autem redderet duntaxat 60. aut 80. non compensaretur totum damnum Titio illatum: ergo &c. Videantur de hoc Tamburinus *l. 8. decal. tr. 3. c. 2. §. 7. à n. 6.* Sporer ubi *suprà c. 2. n. 147. & seqq.* Laymann *l. 3. tr. 2. c. 4. n. 4.* Lefsius *cit. dubit. 16. n. 105.*

77. Dixi tamen per parenthesis 1. *nisi equus apud Dominum simili casu, aut infirmitate periisset &c.* Etenim si talis equus (idem dicendum de aliis) jam habuisset morbum, aut defectum aliquem naturalem, ut proin etiam apud Dominum manens certò periisset infirmitate, vel etiam eodem casu, quò apud possessorem periit v. g. iustò hostium incurso, aut si incendio, vel aquarum illuvie &c. consumptus fuisset, liberabitur Sempronius ab onere restitutionis; idque propterea, quia ex tali suppositione Titio nihil intulit damni in effectu: at, qui revera effectivè non damnificat alterum, ad nullam tenetur compensationem: ergo &c. Secus dicendum foret, si equus apud Dominum manens periisset quidem, sed

sed injuria alterius v. g. injusti invaloris, aut raptoris; nam quemadmodum talis invalor contraheret obligationem restituendi, ita & tu eundem præveniendo, iniqua tua ablatione eandem obligationem in te transtulisti, uti rectè notârunt, Molina, Lessius Dicastillo l. 2. de justis, tr. 2. disp. 2. dub. 4. n. 75, Sporer tr. 4. c. 2. n. 162. Lugo disp. 18. sect. 6. n. 142.

Dixi 2dò: nisi certò periisset; etenim si 78.
solum dubitetur, an non forsitan apud Dominum similiter periisset? adhuc tenebitur Sempronius noster ad restituendum valorem equi, hac ratione: quia in dubio debet esse melior conditio Domini, ceu possessoris rei suæ, qua privari nequitam debet, nisi certò constet de amissione, seu interitu. Ita cum communi DD. Sylvester, Reginaldus, Lessius l. 2. c. 12. dub. 15. n. 92. Dicastill, l. cit. Tambur. l. 3. tr. 3. c. 2. §. 8. n. 5. Sporer cit. n. 163, qui tamen cum Lugone n. 187. probabile existimat, in tali casu possessorem iniquum solum teneri ad restituendum pro rata dubii.

At verò, inquires, hoc ipsum difficile, immò impossibile videtur, divinare scilicet, an res illa apud Dominum periisset, vel non? item, quantum damnum, aut lucrum cessans è carentia suæ rei Domino emerseit? quis enim hoc divinabit?

79. &. Fateor equidem, hoc oppidò difficile esse, & satis incertum. Verum, quemadmodum in aliis rebus ab hominum arbitrio, & existimatione dependentibus, dum veritatem ipsam attingere non valemus, jubemur sequi, amplecti, seu etiam indagare id, quod prudentium judicio verosimilius apparet; ita sanè in hoc puncto nostro id, quod verosimilius apparet, sequendum est, & amplectendum.

Et nunquid si tu scires, Titium tibi aliquid debere, ignorares autem quantum, omnem moveres lapidem ad deprehendendam omnimodam veritatem, qua non apprehensa prætenderes tantum, quantum tibi debitum verosimilius existimares? Vade igitur, & idipsum observa erga proximum tuum, & bene tutus eris in tua conscientia; nam in hac materia de restitutione tutissimâ via incedimus, sequendo, & observando illa duo, lumine naturæ nota principia: *quod tibi vis fieri, alteri feceris; & quod tibi non vis fieri, alteri ne feceris.* Inquirendum proinde est in tali casu diligenter 1. quanti revera pretii, & valoris equus tunc temporis fuerit? 2. an Domitianus non fuerit passus damnum emergens ex eo, quòd forsitan propriis expensis debuerit sibi procurare alium equum? vel lucrum cessans ex eo, quòd suo equo fuisset usus ad hunc aut illum laborem, vel vectu-

De Restitut. debita ex injust. accept. &c. 83

veſturam lucrativam &c.? item 3. an, vel quo tempore, aut quo pretio eundem equum vendidiſſet? 4. quantum aliis ſuis equis aſſueverit lucrari? item 5. quantas ſoleat facere expenſas in alimentum, & pabulum aliorum equorum?

Et vel maximè 6to, an radix morbi, quò equus periit, fuerit inveterata, an verò obièrit duntaxat ex aliquo alio accidente: v. g. ob incuriam poſſeſſoris, vel nimios labores? Hæc & ſimilia oportet, immò neceſſum eſt accuratè conferri, & omnibus maturè perpensis cum aliquo viro rem intelligente, diſcreto ac prudenti deliberare, aut concludere, ad quantam reſtitutionem tenearis. Tutiffimum quoque foret per tertium quendam rem cum Domino conferre, & convenire, quantum is rationabiliter prætendat intuitu talis furti, modò id ſine periculo manifeſtationis, vel alterius damni gravioris fieri valeat.

Dices adhuc: at quid, ſi ego heri abſtulſſem vinum aut frumentum; illudque mox conſumpſiſſem mala fide, hodie verò incurſu hoſtili, vel alio caſu fortuito omne reliquum vinum aut frumentum conſumptum ſit, quòcum pariter aliud heri à me ablatum certò fuiſſet conſumptum, tenebörne aliquid compenſare Domino?

&c. cum diſtinctione. Vel enim heri 80. jam erat præviſum periculum interitüs aut
F 2 dire.

direptionis hodiernæ, vel non? si non: certè teneberis restituere totum pretium vini, aut frumenti. Ratio est: quia illud mala fide iniquè consumendo, illicò contraxisti obligationem compensandi damnum, & reddendi æquivalens toti illi valori, quem heri habuit frumentum à te consumptum; quæ obligatio tolli nequit, nisi actu restituas. At verò, si heri quidem aliquale periculum, non autem totum, vel tantum fuit prævisum, quantum hodie probavit eventus, teneberis quidem adhuc aliquid restituere, non tamen integrum pretium; quia quantò majus periculum interitûs prævidetur, tantò minoris æstimari solent merces, uti patet tempore imminētis naufragii.

Quin immò, si heri illud periculum jam certò, & infallibiliter fuisset prævisum, te ab omni onere restitutionis liberat Tamburinus *loc. cit. n. 10.*; tum quia res certò peritura nihil æstimatur; tum etiam, quia Dominus in talem consumptionem tacitè consentire præsumitur: quis enim (inquit Doctor proximè citatus) non vellet panem v. g. à te potius, quàm ab igne devorante consumi? Lugo *tom. 1. de just. disp. 18. sect. 4. n. 77.* Molina *tom. 3. disp. 726.* Lessius *l. 2. c. 12. dub. 15. n. 95.*

Dices. Si vinum, aut frumentum heri ablatum conservâssem illudque hodie communi

communi incendio periisset, profecto nullus me condemnaret ad restitutionem: ergo nec teneor, tametsi illud heri nullo etiam periculo præviso consumpserim, quia revera nullum damnum intuli Domino.

Re. Negando paritatem; nam si tu frumentum aut vinum illud conservasses, heri effectivè nullum damnum intulisses: & sicut frumentum adhuc mansisset sub dominio illius, cujus ante erat, ita pariter periculum interitus: omnis quippe res, quæ casu perit, Domino suo perit; consequenter si hodie periisset communi incendio, tu ab onere restitutionis liber evasisse. At verò, si tu heri mala fide frumentum illud, aut vinum jam consumpsisti, statim in ipso momento consumptionis effectivè damnificasti Dominum, & obligationem restituendi contraxisti, uti jam dictum fuit: & quemadmodum vinum illud, vel frumentum heri consumptum hodie non amplius existit in rerum natura, ita hodie non amplius potuit perire Domino suo. Vide Laymann l. 3. tr. 2. c. 4. Sporer 6. 2. n. 166.

CASUS TERTIUS.

CAja famula jussa ab Hero suo, ut quadam victualia v. g. Theæ, Caffee, Saccarum &c. assignato certo pretio emeret à Mercatore B. hoc prætermisso victualia illa emit ab alio Mercatore

catore C. à quo illa obtinuit minori pretio, & tale commercium jam ab uno, & altero anno, exercuisse fatetur, ita tamen, ut illud, quod de pretio supererat, non amplius suo Hero, sed sibi, velut lucrum singularis industria sua attribuerit, ac servaverit. Unde jam quarit 1. an Mercatori B. teneatur aliquid restituere? 2. an verò lucrum illud tuta conscientia sibi reservare valeat, vel etiam Hero suo reddere teneatur?

82. R. ad primum. Caja nihil tenetur restituere Mercatori B. Ratio est: quia huic nihil ademit, quod jam suum erat. Et licet videatur quodammodo illum defraudasse lucro justo, quod inde percipere potuisset; quia tamen ad tale lucrum nullum habuit jus actuale, nec in re, neque ad rem; hinc Caja respectu Mercatoris B. non egit contra Justitiam commutativam; consequenter nec tenetur ad aliquam recompensationem huic Mercatori faciendam, uti facile colligetur ex dictis supra n. 5.

Dices forsitan: tale lucrum de voluntate Domini jam erat destinatum pro Mercatore B. ergo hic jam habuit jus saltem ad rem in præfatum lucrum; quod, cum formula inique læseris, haudquaquam ab onere restitutionis eximenda erit.

83. R. Etiam dato hoc, quod lucrum illud fuerit quodammodo destinatum pro Mercatore

catore (de quo dubitari posset) profecto illud nondum erat destinatum absolute, velut aliquid de jure debitum, sed potius sub conditione; si Mercator pro pecunia illa suas merces extradiderit; quod, cum defacto nondum contigerit, dicendum, quod Mercator B. nullum adhuc jus habuerit in illam pecuniam; quemadmodum nec Dominus pecuniæ habuit jus in merces Mercatoris, nisi illas actu emeret, esto Mercator jam prius fuerit paratus ad eas vendendas. Secus tamen resolvendum existimarem, casu quo talis Dominus jam antecederet convenisset cum Mercatore B. universaliter paciscendo, quod ab eoduntaxat hæc aut illa victualia velit emere, ita, ut Mercator vicissim esset obligatus eas pro certo pretio vendere, & procurare, prout sæpe fieri amat à magnis Dominis: hoc enim supposito Mercator vi pacti obtinisset jus ad lucrum, quò à famulis, aut famulabus, aliisque officialibus privari non posset sine injuria, & onere restituendi, sin minus totum lucrum, saltem pro spe lucri.

R. jam ad 2dum. Caja nequit tutâ conscientia sibi reservare id, quod de pretio à suo Domino data supererat. Ratio hujus est: quia pecunia, quamdiu non expenditur pro mercibus, manet sui Domini: neque verum est, quod is voluerit ab-

84.

negare Dominium illarum, quamprimum eas tradidit Cajæ famulæ suæ, sed voluit duntaxat tradere id, & tantum, quantum pro comparandis victualibus existimavit necessarium. Profecto experientia quotidiana probat, hanc esse voluntatem Dominorum, ita, ut inter centum vix unus reperiatur, qui velit hujusmodi excessum remanere famulis aut famulabus suis: atqui certum est, esse illicitum, reservare excessum illum pecuniarum contra voluntatem Domini; ergo hunc tenetur restituere.

Dices. Si Caja à Mercatore B. victualia illa emisset, debuisset totam illam pecuniam expendere, nec Dominus quidquam amplius inde recepisset; uti supponit Casus: ergo ex eo, quòd singulari sua industria eas ab alio Mercatore emendo, aliquid reservaverit, neutiquam condemnanda est ad hujus restitutionem.

85. R. Negando Consequent. quia, ut jam dictum, Dominus non censetur renunciâsse, aut voluisse renunciare dominio pecuniæ, quæ remaneret in manibus famulæ suæ, quippe aliunde obligatæ ad fideliter gerendum Domini sui negotium. Quemadmodum ergo tali pecunia incendio, vel alio casu fortuito consumpta, Dominus amittit illius dominium, non item si industria famuli aut famulæ incendio fuisset erepta:

erepta, tunc enim debet restitui Domino; ita prorsus in nostro casu fieri necessum est. Pro praxi tamen in hoc casu Confessarius gnaviter advertat 1. an Famula talem pecuniam sibi reservaverit ex quadam speciali, & extraordinaria industria Domino indebita? (quod rarò quidem contingere natum est) 2. an merces à Mercatore C. comparatæ fuerint ejusdem bonitatis cum illis, quas emisset, à Mercatore B.? 3. an Dominus Cajæ sit valde dives, generosus, & liberalis; ita, ut non soleat de similibus minutiis multum curare? si sic: facilius poterit dissimulare onus restitutionis ob rationabiliter præsumptum Domini consensum; idque præsertim tunc, si Cajæ nihil amplius habeat, & totum jam consumpsit: è contra si Dominus sit austerus, ac rerum suarum tenax, nec aded dives, & præsertim si merces ab alio Mercatore C. comparatæ non fuissent ejusdem bonitatis cum mercibus Mercatoris B. nec industria, vel labor Cajæ extraordinarius in iis comparandis, certò præfatam pecuniam tutâ conscientia neutiquam sibi poterit reservare, quandoquidem hæc revera sit aliena, & his stantibus Dominus credi debeat rationabiliter invitus. Multò minùs permittendum erit Cajæ, ut idipsum protinus præsticet; sed vel tenebitur accedere Mercatorem B. vel certè opportuna occasione

F s

quæ

79. R. Fateor equidem, hoc oppidò difficile esse, & satis incertum. Verum, quemadmodum in aliis rebus ab hominum arbitrio, & existimatione dependentibus, dum veritatem ipsam attingere non valemus, jubemur sequi, amplecti, seu etiam indagare id, quod prudentiū judicio verosimilius apparet; ita sanè in hoc puncto nostro id, quod verosimilius apparet, sequendum est, & amplectendum.

Et nunquid si tu scires, Titium tibi aliquid debere, ignorares autem quantum, omnem moveres lapidem ad deprehendendam omnimodam veritatem, qua non apprehensa prætenderes tantum, quantum tibi debitum verosimilius existimares? Vade igitur, & idipsum observa erga proximum tuum, & bene tutus eris in tua conscientia; nam in hac materia de restitutione tutissimā via incedimus, sequendo, & observando illa duo, lumine naturæ nota principia: *quod tibi vis fieri, alteri feceris; & quod tibi non vis fieri, alteri ne feceris.* Inquirendum proinde est in tali casu diligenter 1. quanti revera pretii, & valoris equus tunc temporis fuerit? 2. an Dominus non fuerit passus damnum emergens ex eo, quòd forsitan propriis expensis debuerit sibi procurare alium equum? vel lucrum cessans ex eo, quòd suo equo fuisset usus ad hunc aut illum laborem, vel vectu-

veſturam lucrativam &c.? item 3. an, vel quo tempore, aut quo pretio eundem equum vendidisset? 4. quantum aliis suis equis assueverit lucrari? item 5. quantas soleat facere expensas in alimentum, & pabulum aliorum equorum?

Et vel maximè 6to, an radix morbi, quò equus periit, fuerit inveterata, an verò obièrit duntaxat ex aliquo alio accidente: v. g. ob incuriam possessoris, vel nimios labores? Hæc & similia oportet, immò necessum est accuratè conferri, & omnibus maturè perpensis cum aliquo viro rem intelligente, discreto ac prudenti deliberare, aut concludere, ad quantam restitutionem tenearis. Tutissimum quoque foret per tertium quendam rem cum Domino conferre, & convenire, quantum is rationabiliter prætendat intuitu talis furti, modò id sine periculo manifestationis, vel alterius damni gravioris fieri valeat.

Dices adhuc: at quid, si ego heri abstulifsem vinum aut frumentum; illudque mox consumpsissem mala fide, hodie verò incurſu hostili, vel alio casu fortuito omne reliquum vinum aut frumentum consumptum sit, quòcum pariter aliud heri à me ablatum certò fuisset consumptum, tenebòrne aliquid compensare Domino?

R. cum distinctione. Vel enim heri 2o. jam erat prævisum periculum interitûs aut

F 2

dire.

directionis hodiernæ, vel non? si non: certè teneberis restituere totum pretium vini, aut frumenti. Ratio est: quia illud mala fide iniquè consumendo, illicò contraxisti obligationem compensandi damnum, & reddendi æquivalens toti illi valori, quem heri habuit frumentum à te consumptum; quæ obligatio tolli nequit, nisi actu restituas. At verò, si heri quidem aliquale periculum, non autem totum, vel tantum fuit prævisum, quantum hodie probavit eventus, teneberis quidem adhuc aliquid restituere, non tamen integrum pretium; quia quantò majus periculum interitùs prævidetur, tantò minoris æstimari solent merces, uti patet tempore imminentis naufragii.

Quin immò, si heri illud periculum jam certò, & infallibiliter fuisset prævisum, te ab omni onere restitutionis liberat Tamburinus *loc. cit. n. 10.*; tum quia res certò peritura nihil æstimatur; tum etiam, quia Dominus in talem consumptionem tacitè consentire præsumitur: quis enim (inquit Doëtor proximè citatus) non vellet panem v. g. à te potius, quàm ab igne devorante consumi? Lugo *tom. 1. de just. disp. 18. sect. 4. n. 77.* Molina *tom. 3. disp. 726.* Lessius *l. 2. c. 12. dub. 15. n. 95.*

Dices. Si vinum, aut frumentum heri ablatum conservàssem illudque hodie communi

communi incendio periisset, profecto nullus me condemnaret ad restitutionem: ergo nec teneor, tametsi illud heri nullo etiam periculo præviso consumpserim, quia revera nullum damnum intuli Domino.

R. Negando paritatem; nam si tu frumentum aut vinum illud conservasses, heri effectivè nullum damnum intulisses: & sicut frumentum adhuc mansisset sub dominio illius, cujus ante erat, ita pariter periculum interitus: omnis quippe res, quæ casu perit, Domino suo perit; consequenter si hodie periisset communi incendio, tu ab onere restitutionis liber evasisse. At verò, si tu heri mala fide frumentum illud, aut vinum jam consumpsisti, statim in ipso momento consumptionis effectivè damnificasti Dominum, & obligationem restituendi contraxisti, uti jam dictum fuit: & quemadmodum vinum illud, vel frumentum heri consumptum hodie non amplius existit in rerum natura, ita hodie non amplius potuit perire Domino suo. Vide Laymann l. 3. tr. 2. c. 4. Sporer 6. 2. n. 166.

CASUS TERTIUS.

CAja famula jussa ab Hero suo, ut quadam victualia v. g. Thee, Caffee, Saccarum &c. assignato certo pretio emeret à Mercatore B. hoc prætermisso victualia illa emit ab alio Mer-

F 3

catore

catore C. à quo illa obtinuit minori pretio, & tale commercium jam ab uno, & altero anno, exercuisse fatetur, ita tamen, ut illud, quod de pretio supererat, non amplius suo Hero, sed sibi, velut lucrum singularis industria sua attribuerit, ac servaverit. Unde jam quarit 1. an Mercatori B. teneatur aliquid restituere? 2. an verò lucrum illud tuta conscientia sibi reservare valeat, vel etiam Hero suo reddere teneatur?

82. R. ad primum. Caja nihil tenetur restituere Mercatori B. Ratio est: quia huic nihil ademit, quod jam suum erat. Et licet videatur quodammodo illum defraudasse lucro justo, quod inde percipere potuisset; quia tamen ad tale lucrum nullum habuit jus actuale, nec in re, neque ad rem; hinc Caja respectu Mercatoris B. non egit contra Justitiam commutativam; consequenter nec tenetur ad aliquam re-compensationem huic Mercatori faciendam, uti facile colligetur ex dictis supra n. 5.

Dices forsitan: tale lucrum de voluntate Domini jam erat destinatum pro Mercatore B. ergo hic jam habuit jus saltem ad rem in præfatum lucrum; quod, cum formula iniquè læseris, haudquaquam ab onere restitutionis eximenda erit.

83. R. Etiam dato hoc, quòd lucrum illud fuerit quodammodo destinatum pro Mercatore

catore (de quo dubitari posset) profecto illud nondum erat destinatum absolute, velut aliquid de jure debitum, sed potius sub conditione; si Mercator pro pecunia illa suas merces extradiderit; quod, cum defacto nondum contigerit, dicendum, quod Mercator B. nullum adhuc jus habuerit in illam pecuniam; quemadmodum nec Dominus pecuniæ habuit jus in merces Mercatoris!, nisi illas actu emeret, esto Mercator jam prius fuerit paratus ad eas vendendas. Secus tamen resolvendum existimarem, casu quo talis Dominus jam antecederet convenisset cum Mercatore B. universaliter paciscendo, quod ab eoduntaxat hæc aut illa victualia velit emere, ita, ut Mercator vicissim esset obligatus eas pro certo pretio vendere, & procurare, prout sæpe fieri amat à magnis Dominis: hoc enim supposito Mercator vi patris obtinuisset jus ad lucrum, quò à famulis, aut famulabus, aliisque officialibus privari non posset sine injuria, & onere restituendi, sin minus totum lucrum, saltem pro spe lucri.

R. jam ad 2dum. Caja nequit tutâ conscientia sibi reservare id, quod de pretio à suo Domino data supererat. Ratio hujus est: quia pecunia, quamdiu non expenditur pro mercibus, manet sui Domini: neque verum est, quod is voluerit ab-

negare Dominium illarum, quamprimum eas tradidit Cajæ famulæ suæ, sed voluit duntaxat tradere id, & tantum, quantum pro comparandis victualibus existimavit necessarium. Profecto experientia quotidiana probat, hanc esse voluntatem Dominorum, ita, ut inter centum vix unus reperiatur, qui velit hujusmodi excessum remanere famulis aut famulabus suis: atqui certum est, esse illicitum, reservare excessum illum pecuniarum contra voluntatem Domini; ergo hunc tenetur restituere.

Dices. Si Caja à Mercatore B. victualia illa emisset, debuisset totam illam pecuniam expendere, nec Dominus quidquam amplius inde recepisset; uti supponit Casus: ergo ex eo, quod singulari sua industria eas ab alio Mercatore emendo, aliquid reservaverit, neutiquam condemnanda est ad hujus restitutionem.

85. R. Negando Consequent. quia, ut jam dictum, Dominus non censetur renunciasse, aut voluisse renunciare dominio pecuniæ, quæ remaneret in manibus famulæ suæ, quippe aliunde obligatæ ad fideliter gerendum Domini sui negotium. Quemadmodum ergo tali pecunia incendio, vel alio casu fortuito consumpta, Dominus amittit illius dominium, non item si industria famuli aut famulæ incendio fuisset erepta:

erepta, tunc enim debet restitui Domino; ita prorsus in nostro casu fieri necessum est. Pro praxi tamen in hoc casu Confessarius gnauiter advertat 1. an Famula talem pecuniam sibi reservaverit ex quadam speciali, & extraordinaria industria Domino indebita? (quod rarò quidem contingere natum est) 2. an merces à Mercatore C. comparatæ fuerint ejusdem bonitatis cum illis, quas emisset, à Mercatore B.? 3. an Dominus Cajæ sit valde dives, generosus, & liberalis; ita, ut non soleat de similibus minutiis multum curare? si sic: facilius poterit dissimulare onus restitutionis ob rationabiliter præsumptum Domini consensum; idque præsertim tunc, si Cajæ nihil amplius habeat, & totum jam consumpsit: è contra si Dominus sit austerus, ac rerum suarum tenax, nec adeò dives, & præsertim si merces ab alio Mercatore C. comparatæ non fuissent ejusdem bonitatis cum mercibus Mercatoris B. nec industria, vel labor Cajæ extraordinarius in iis comparandis, certò præfatam pecuniam tutà conscientia neutiquam sibi poterit reservare, quandoquidem hæc revera sit aliena, & his stantibus Dominus credi debeat rationabiliter invitus. Multò minus permittendum erit Cajæ, ut idipsum protinus præsticet; sed vel tenebitur accedere Mercatorem B. vel certè opportuna occasione

F s

quæ

quæ sita Hero suo intimare, quòd eadem victualia ab alio valeant comparari pretio minori. Vide de hoc, si placet P. Kresslinger in *addit. Theol. Mor.* P. Reiffenst. tr. 8. dist. 4. post n. 102. *addit. 414.*

§. III.

Corollaria ex dictis inferenda.

86. **C**olliges ex hætenus dictis primò, non teneri ad restitutionem illum, qui grave damnum intulit ex ignorantia merùm concomitante, utputa occidendo inimicum suum quem putavit esse feram &c. etsi ita fuerit animò affectus, ut si scivisset esse inimicum, adhuc explodendo, & jaculando illum trajecisset. Ratio hæc est: quia talis occisio non fuit voluntaria; supponimus enim, quod v. g. in sylva jaculando, putaverit se petere feram, non verò suum inimicum. Nec obstat voluntas illa interna, vi cujus adhuc voluisset explodere in illum; quia hæc hic & nunc non influxit in occisionem, & hoc ipso eam in esse homicidii non reddidit voluntariam, neque formaliter injustam. La Croix l. 6. p. 2. n. 190. Babenstuber, Lessius, Dicastillo, & alii.
87. Colliges 2dò, neque illum teneri ad restitutionem, qui alium damnificavit, dando qui-

quidem operam rei illicitæ, simul tamen pro possibili cavendo, ne injustè damnicaret, ut si alterius domum nocturno tempore fuit ingressus animò furandi v. g. pecuniam aut vestem, diligenter cavit, ne incendium oriretur: idque nihilominus ob inculpabilem incuriam ortum fuit, quo casu quidem tenebitur ad restitutionem eorum, quæ furto abstulit, quippe quæ voluntariè supponitur abstulisse, non tamen ad resarcienda damna ex incendio secuta. Ratio est: quia tale incendium pariter non fuit voluntarium: ergo in foro conscientie moraliter imputari nequit. Nihilominus in foro externo ob admissam culpam Politicam justè condemnari valet ad poenam, & restitutionem totius damni, quâ sententia lata tenebitur etiam in foro conscientie se accommodare, juxta dicta superius n. 64. Sporer, Lessius, Babenstuber *disp.* 4. a. 3. n. 8. & 9. Dicastillo *l.* 2. tr. 2. *disp.* 3. *dub.* 2. n. 68. Petschacher *de restit.* pag. 163. & seqq.

Colliges 3tio, Eum, qui subita ira percussus, per actionem tantum venialiter malam grave damnum intulit, v. g. alterum mutilando, defraudando, segetes comburendo &c. Item Custodes ædium, aut vinearum, qui per negligentiam venialem duntaxat fores relinquunt apertos, cujus occasione alii intrantes, grave damnum inferunt, non teneri ad refusionem totius damni.

88.

damni. Ratio est: quia reparatio gravis damni, seu effectus pœnalis gravis, nequit oriri, nisi ex culpa gravi: ergo ubi hæc non fuit commissa, ibi pœnitens in foro conscientie, & ante Sententiam Judicis non est condemnandus. Illsung *tr. 4. disp. 3. n. 10.* Sæ, & alii.

89.

Nihilominus cùm omnis injuria formalis damnosa nata sit ex sua natura, inducere obligationem refarciendi illam, & satisfaciendi læso; hinc probabilius existimo cum Bonacin. Haunoldo, Illsung, & aliis, quos citat, & sequitur La Croix *cit. lib. 3. pag. 2. n. 191.* talem teneri ad refarciendam partem gravis damni, proportionatam culpæ veniali; etsi quantitas hæc universaliter determinari nequeat, sed determinanda sit judicio viri prudentis, perpensis maturè omnibus circumstantiis, tum illius, qui damnum intulit, tum alterius etiam, qui fuit injustè damnificatus. Judico proin cum P. Illsung *mox cit. n. 10.* talem satisfacturum Justitiæ, si restituat tantum, quantum infra quantitatem ad peccatum mortale sufficientem, judicio viri prudentis, commissæ culpæ veniali correspondet, seu, quantum tali Domino subtrahere, aut scienter damno dare non posset absque peccato veniali. Immo verò opposita sententia, quam tenent Lessius, Tamburinus, aliique graves Doctores, quòd scilicet

cet is, qui auferendo, aut graviter damni-
ficando proximum cum solo peccato ve-
niali ex mera indeliberatione, aut inadver-
tentia commisso, ad nullam prorsus restitu-
tionem teneatur, verè probabilis videtur,
& hodie dum à pluribus probatis, classicis-
que Doctoribus ut talis propugnatur, hac
potissimum ratione: quia ex voto semiple-
nè tantum voluntario nulla prorsus oritur
obligatio præstandi materiam gravem voto
promissam neque partem ejus: ergo (in-
quiunt) neque ex culpa veniali duntaxat
oritur obligatio resarciendi damnum grave,
aut partem illius. Videatur de hoc Baben-
stuber *cit. 4. 3. n. 14.*

Colliges 4^{to}, illum, qui quidem scienter 90.
intulit damnum grave, invincibiliter tamen
ignoravit, illud esse tam grave (ut si puta-
vit, annulum, qui revera valuit 50. tantum
valere & proptereaque in flumen, aut ignem
projecit) non teneri ad refundendum to-
tum damnum, sed solum ad tantum, quan-
tum scienter damnisicavit, utputa in hoc
casu nostro ad quinque florenos. Ita Pon-
tius, Dicastillo, Haunoldus *tr. 2. n. 219.*
Diana *part. 11. tr. 2. Resolut. 34.* La Croix
cit. n. 194. contra Lugonem, Illsung & alios
nonnullos. Ratio est: quia ad illud, quod
invincibiliter ignoravit, resarciendum, ne-
que ex lege positiva, neque ex lege natu-
rali tenetur, nam, eo ipsò, quod talem ex-
cessum

cessum damni inculpabiliter non agnoverit, dici nequit causa moralis illius, neque is potest ei moraliter imputari: ergo neque obligari ad restitutionem, saltem ante Sententiam Judicis.

91. Colliges tandem quòd, licet illa Sententia Lessii, Tamburini, & aliorum, asserentium, non esse obligationem reparandi damnum ex culpa duntaxat veniali, sit verè probabilis, ut proin pœnitens, volens eam amplecti in praxi, absolutionis beneficio privari nec possit, neque debeat, nihilominus Confessario incumbere, ut dum audit, pœnitentem grave damnum intulisse culpabiliter, non nimis faciliter judicet, aut inferat, damnificationem contigisse duntaxat ex culpa veniali, ideòque ad nullam restitutionem obligari suum clientem. Ratio est: quia quando damnum est grave, culpa, ex qua proficiscitur, ordinariè est gravis, seu mortalis; raro enim, dum quis aggreditur opus periculosum, operatur ex inconsideratione, seu deliberatione imperfecta tantum; præsertim cum opera externa suum periculum operanti facile insinuent, animùmque excitare soleant ad advertentiam, ac deliberationem, saltem interpretativè talem, quæ sufficit ad peccandum mortaliter: ideòque tam facilè ab onere restituendi absolvendus non est, sed omnia circumspectè, & cum grano salis tractari debent,

debent, ne dum uni nimum condescendit,
alter injustè gravetur. Videatur Lessius l. 2.
c. 7. dubit. 6. n. 29. Babenstuber cit. n. 20.

CONFERENTIA QUARTA.

De

Restitutione debita ex delicto
formali injustæ damnificationis.

SUMMARIUM.

92. Injusta damnificatio, quid sit?
93. Hæc potest fieri dupliciter 1. vel directè, vel indirectè; item 2. vel positivè, vel negativè.
94. Mensura restitutionis injustè damnificanti incumbens est: *quantitas damni illati*.
95. Necessum tamen est, ut intervenerit culpa Theologica gravis.
96. Potest quis impediri à bono assequendo ad quod vel Jus habuit, vel nullum: & hoc à Confessario est specialiter observandum:
97. Nam qui alterum impedit ab affectu boni jam debiti ex Justitia commutativa, tenetur ad restitutionem; non item, si nullum habuit Jus; nisi fraus, aut vis intervenerit impediendo &c.
98. Qui aliquid damnificando facit, quod prævidet alteri imputandum, probabiliter non tenetur huic compensare damnum.

99. Re-

99. Resolvitur Casus I. de quodam Caupone, qui, ut plures sibi attraheret hospites, cerevisiam, carnes &c. minori pretio, quàm alii, vendidit.
100. Qui, si contra prohibitionem Principis, vel Magistratùs id fecit, peccavit, & tenetur ad restitutionem &c.
101. Solvitur quædam instantia contra hoc facta.
102. Et quid, si praxet cerevisiam cæteris meliorem, æquali tamen pretio cum aliis tandem vendat hospitibus?
103. Resolvitur Casus II. de quodam Advocato, qui pecuniam pauperibus Studiosis legatam injustè distribuit.
104. Quique ob defectum sufficientis Studii perdidit causam sui Clientis?
105. Et quid, si Cliens revera habuisset causam injustam?
106. Resolvitur Casus III. cujusdam Filii familias, qui Parentem suum subdolè impedivit, ne certæ cuidam Congregationi legaret mille florenos.
107. An, vel quid propterea teneatur refarcire huic Congregationi?
108. Si ex odio erga hanc Parenti suo persuasisset, ut tantundem legaret alteri, aut sibi relinqueret, probabiliter nihil teneretur compensare dictæ Congregationi.
109. Confessarii est, præprimis attendere quantitatem culpæ ab injusto damnificatore commissæ.
110. Qui Episcopum jam resolutum ac determinatum ad conferendum alicui verè digno beneficium, falsis criminationibus, aut mendaciis inducit, ut sibi, vel alteri conferat, graviter delinquit, & tenetur ad restitutionem.
111. Secus dicendum foret, si homo ille revera non fuisset dignus beneficio.

112. Similiter obligationem restituendi contrahunt, qui mendaciis, aut dolo impediunt Opifices, & Operarios à lucro, quod obtinuissent.
113. Econtra non peccat, nec tenetur ad restitutionem, qui Episcopum, vel alium solis precibus, aut suasionem eò perducit, ut sibi conferat beneficium, quod jamjam intenderat conferre alteri.
114. Idem tenendum est de Religioso, simili modo persuadente Moribundo, ut suo potius monasterio, quàm alteri aliquid leger.
115. Est tamen Religiosis quoad hoc circumspicere agendum, & semper ante oculos habenda constitutio *Clement. 2. de Privileg.*
116. An restituendi obligationem incurrant, qui fraude impediunt, ne delinquentes deveniant ad manus Justitiæ, & multam solvere cogantur.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus circa obligationem restituendi ex delicto formali injustæ damnificationis.

Quæres primò, quomodo injusta damnificatio differat ab injusta acceptione?

R. Differunt in eo, quòd injustè damnificans ex suo delicto nihil emolumenti, aut commodi, vel lucri accipiat, uti patet si quis alterius domum incendat &c. econtra injustè accipiens ex suo delicto aliquid accipit commodi, vel emolumenti, veluti liquet v. g. ex furto rei alienæ &c.

R. P. Elbel, de Restit.

G

Quæ.

Quæres 2dò, quotupliciter injusta damnificatio fieri soleat?

93. R. Duplici modo fieri potest, ac solet, scilicet vel 1. directè, vel indirectè; vel 2. positivè, aut negativè. Directè fit, dum quis per se intendit damnificare proximum: indirectè autem, dum quis ponit causam, vel positam non amovet, agendo scilicet, vel omittendo aliquid, ex quo prævidet subsequendum damnum proximi, tametsi illud damnum directè minime intendat. Porro positivè damnificare dicitur, qui rem alienam destruit, aut deteriorem reddit: negativè autem damnificare existimatur, qui alterum impedit à consecutione alicujus boni, ad quod assequendum iste vel Jus, vel saltem spem habuit; de quo mox infra n. 97. Rursus utraq; hæc damnificatio fieri potest non tantum per se, seu per propriam personam, sed etiam per alienum v. g. servum aut filium &c. nam hoc loco procedit illa *Regula 72. Juris in 6to; qui facit per alium, est perinde, ac si faciat per se ipsum.*

Quæres 3tiò, quantum teneatur restituere, qui alium injustè damnificavit?

94. R. Qui cum culpa Theologica gravi alterum damnificavit (sive per se ipsum immediate, sive per suos) tenetur restituere quantitatem damni illati; ideòque 1. rem ipsam deterioratam, aut ejus valorem, item

item 2. omnes fructus illius; nec non 3. omne
damnum emergens, & lucrum Domino ces-
sans. Ita cum communissima & certa Sen-
tentia Sporer *tr. 4. c. 2. n. 185.* Ratio autem
hujus est eadem, quæ data fuit *suprà n. 67.*
de possessore iniquo; est enim par utriusque
ratio, & æqualis mensura restituendi, scilicet
quantitas damni illati: at, nisi injustè damni-
ficans restitueret omnia mox enumerata,
nunquam sanè perveniret ad quantitatem
damni illati, nec Justitia unquam suum ob-
tineret finem, ut dictum fuit *l. cit.* ergo &c.

Dixi tamen: *qui cum culpa Theologica 98.*
gravi &c. etenim is, qui vel nullam culpam
Theologicam, vel certè non gravem com-
misit (etsi in foro externo adhuc justè con-
demnari valeat ad compensationem damni,
& facta condemnatione etiam in foro con-
scientiæ sese accommodare teneatur, secun-
dum dicta *n. 46.*) ante Sententiam Judicis
tamen in conscientia non tenetur ad com-
pensationem rei gravis; quia hujus obliga-
tionis nullus ostendi potest titulus, neque
afferri ratio efficax, veluti probatum fuit
suprà n. 63. Videri etiam de hoc possunt
Lessius *l. 2. c. 7. dub. 6. item c. 9. dub. 19.*
Molina *disp. 698.* Laymann *l. 3. tr. 2. p. 1.*
c. 6. n. 2. Sporer *n. 191.*

Quæres 4to, quantum teneatur restituere
is, qui alium impedit à consecutione alicu-
jus boni?

G 2

Ante

96.

Ante responsionem breviter notandum, posse aliquem impediri ab aliquo bono, respectu cujus equidem nullum habuit jus, tamen habuit probabilem spem, illud obtinendi, saltem ex liberali collatione alterius; vel etiam impediri potest ab affecutione boni, ad quod jam habuit actuale jus, sive dein perfectum, & *in re*, etsi nondum possessa; ut si quis impediatur à consequendo beneficio vel officio sibi jamjam collato, & confirmato, aut à consequenda donatione mortis causâ facta, vel à capeffenda hæreditate jam adita post mortem testatoris, aut à solutione debitorum &c. sive etiam jus imperfectum, seu *ad rem*; ut si quis impediatur à beneficio, ad quod jam fuit legitimè præsentatus, etsi nondum confirmatus, vel à consequendo legato, aut alia re promissa, & acceptata, ex quocunque demum contractu; idque fieri potest sine, aut cum dolo, fraude, vel vi &c. de quo vide Sporer *cit. tr. 4. n. 197. vel tr. 6. Sect. 1. c. 1. n. 3. & 4. h. n.*

97.

R. 2. Qui impedit aliquem à consecutione alicujus boni, ad quod is jam habuit jus *in re*, vel *ad rem*; esto hoc faciat sine vi, vel fraude; item 2. qui aliquem impedit à consecutione alicujus boni vi, dolo, vel fraude, esto nullum jus ad illud bonum habuerit, tenetur ad compensationem damni juxta æstimationem illius boni, vel
speci

spei habitæ ad illud assequendum : secus, si sine vi vel fraude impedivit. Ita communiter DD. Molina *disp.* 727. Laymann *cit.* c. 7. n. 1. Lugo *disp.* 18. *Seç.* 5. n. 98. La Croix l. 3. p. 2. n. 69. & Ratio prioris est : quia violans jus alterius cum damno, tenetur ad compensationem : atqui impediens ab assecutione alicujus boni, ad quod alter jam habuit jus actuale, violat jus illius, & quidem cum damno : ergo tenetur ad compensationem hujus. Ratio autem posterioris est : quia esto ille alter nondum habuerit actuale jus ad beneficium, vel aliud bonum, mera gratuita voluntate sibi conferendum, habuit tamen verum jus illud ab alio petendi, & ne in hoc ab alio, quocunque demum, vi vel fraude impediatur : ergo qui hõc modo illum impedit, verè agit contra Justitiam ; consequenter obligatur resarcire hoc damnum, non quidem refundendo totum illud bonum speratum, sed potius pro rata spei ad illud consequendum, quippe qua sola alterum privavit ponendo impedimentum.

Quæres 5to, an etiam ille teneatur ad refusionem damni, qui aliquid facit, quod prævidet, alteri imputatum iri, si ille alter propterea damnum patiatur ; ut si quis incendat domum, aut segetes Titii, & tale incendium impuretur Cajo, isque propterea compellatur resarcire damnum ?

G 3

R. Quòd

98. R. Quòd non teneatur. Ita tenent Molina, Sanchez, Lessius, & Lugo *disput. 8. n. 85.* qui probabiliter putant, etiam tunc non teneri, quando fecit ideò, quia prævidit, tale delictum alteri imputatum iri, secus nunquam illud facturum: idipsum tenet La Croix *cit. l. 3. p. 2. n. 155.* Ratio est: quia talis non est causa, cur alter, cui ob ignorantiam imputatur delictum, damnificetur, sed est merum occasio illius damni, quòd ex Justitia impedire non tenebatur, sed tantum ex charitate; ergo respectu hujus, cui damnum imputatur, non peccavit contra Justitiam, sed solum contra Charitatem: atqui ex læsione solius Charitatis non oritur obligatio restituendi; uti dictum fuit suprà C. 1. n. 5. ergo huic nihil tenetur ex Justitia compensare (etsi Charitas hoc suadeat) bene tamen illi, quem voluntariè damnificavit injustè. Vide etiam Tambur. *l. 6. decal. c. 4. n. 3.*

§. II.

Proponuntur, & breviter resolvuntur Casus practici, de obligatione restituendi ex titulo injustæ damnificationis.

CASUS PRIMUS.

Tilius Caupo cerevisiam, carnes, & alia id genus victualia hospitibus suis vendere consuevit

suevit minori pretio, quàm alii Caupones, idque eo fine ac intentione, ut hac viâ plures sibi attraheret hospites. Cum verò ipsūmet advertat, hoc cedere in aliorum Cauponum præjudicium, quippe quorum Commertium notabiliter propterea diminuitur; hinc dubitas, & quaris, an proinus tutâ conscientia idem valeat prædicare?

R. Per se loquendo hæc praxis non videtur illicita, nisi aliunde supponatur prohibita. Ratio est: quia sine injuria aliorum Cauponum Titius posset suam cerevisiam, carnes, & alia id genus victualia hospitibus suis omnino gratis donare: quidni ergo eadem minori pretio, quàm alii vendere? deinde, cuivis licitum est, suum utile, & lucrum mediis licitis quærere: at, minori pretio merces vendere, de se non est medium illicitum, sed potius licitum: ergo &c. Accedit, quòd ne charitas quidem obliget Titium, ut bono aliorum Concauponum consulat cum suo notabili detrimento, quale esset illa carentia lucri ex concursu hospitum adipiscendi. Denique alii Caupones nequeunt de jure prætere, ut hospites se potius, quàm Titium frequentent, cuilibet enim hospitum liberum est accedere quemlibet: ergo Titius hõc modo (quantum est de se) nec delinquit contra Justitiam, neque contra charitatem,

Quam ob rem Lugo *disp. 37. n. 111.* merito excusat à mortali Advocatos, Medicos, Mercatores, aliosque similes, qui sine vi, fraude, & mendacio, etsi cum aliorum præjudicio, curant ad se trahere illos, qui alios frequentabant; quia scilicet charitas non obligat ad consulendum bono proximi cum magno suo, vel suorum incommodo. Videatur de hoc Sanchez *l. 1. confil. mor. c. 3. dub. 3. n. 5.* La Croix *l. cit. n. 81.*

100. Dixi tamen: *nisi hac praxis sit aliunde prohibita* &c. subinde enim, & quidem frequenter, Princeps, aut Magistratus prohibet suis subditis, ne hoc, vel illud genus mercium majori, vel etiam minori pretio vendere præsumant, quàm publica auctoritate taxatum fuit; idque omnino justè, scilicet ad conservandam pacem, & æquitatem in Republica, nec non ad arcendam nonnullorum avaritiam, vel astutiam &c. quâ lege supposita, utpote justissima, Titius noster potuisset graviter peccare, nedum contra obedientiam Principi, seu etiam Magistratui debitam, verùm etiam contra Justitiam, sicque incurrere obligationem compensandi damna aliis illata, præsertim si à Judice ad hoc fuisset condemnatus.

101. Nec refert, quòd, ut mox suprà meminimus, hujusmodi victualia, quippe quorum

rum verum habeat dominium, hospitibus suis potuisset omnino gratis donare; esto enim id posset per se loquendo, & seclusa omni prohibitione legitima, hac tamen stante neutiquam potest: quia Princeps & Magistratus vi dominii alti, exigente id bono publico, justè, ac validè prohibere possunt, ne subditi hoc, aut illo modo sua bona dilapident, distrahant, vendant, vel disponant. Hac de causa Testator, esto cæteròquin supponatur Dominus suorum bonorum, invalidè tamen de illis disponit saltem ad causas profanas; nisi certas quasdam solemnitates de jure requisitas observet, veluti communissimè tenent DD. & constat Clarissimis text. juris instit. quibus modis testam. infir. §. ex eo 7. item L. 12. C. de testam. nec non L. Hac Consultissima 21. C. eod. tit.

At quid (inquires) si talis Caupo suam cerevisiam æquali pretio quidem cum aliis juxta communem taxam vendat, eam tamen praxet meliorem, quàm alii, utputa quia praxando plus hordei, aut tritici tosti, vel etiam lupularum impendit, ut hòc modo sibi attrahat plures hospites?

By. Cum eadem distinctione mox data. 102. Vel enim à Magistratu, aut Principe intuitu boni publici fuit taxata certa mensura hordei, aut tritici tosti, seu etiam lupula-

rum adhibenda, vel non? si non: minime peccabit Titius, ob rationes datas n. 99. Si verò supponatur taxata talis mensura (sicuti nonnullis in locis fieri assuevit) peccabit Titius contra Justitiam, adhibendo majorem quantitatem. Ratio est: quia hoc modo fraudulenter, ac subdolè, contra expressam legis prohibitionem, alios saltem indirectè damnificare velle convincitur; ad quod nullum omnino habet jus. Unde etiam tenebitur ad restitutionem, saltem post Sententiam Judicis; esto ante Sententiam fortè exculari possit ab hoc onere, eò quòd hujusmodi leges potius pœnales, quàm directivæ videantur; quod tamen ex praxi, ac communi persuasione prudentum colligendum, ac decidendum existimo. Ex qua prudens Confessarius facile concludet, quidnam cum simili pœnitente habeat agere.

CASUS SECUNDUS.

*SEmpronius piam quoddam legatum, pro qua-
tuor pauperibus Studiosis alendis distri-
buendum, & applicandum juxta ipsorum
merita, non distribuit aqualiter ad præfatam
intentionem, sed ex privato affectu cujdam suo
consanguineo, etsi non adeò bene merito, nec
litterato, impendit notabilem partem. Insuper
2. nuper munus advocatiae in se suscepit, sed*

cau-

causam Clientis sui perdidit, partim quòd causam ipsius non satis penetraverit, partim etiam quòd eidem penetranda non satis studuerit. Quæritur jam, utrum Sempronius sit obligandus à Confessario ad aliquam restitutionem?

R. Ad primum. Si fundator pecuniam 103.
illam reliquit pro alendis Studiosis pauperibus quasi in genere, nullum determinando in individuo, sed relinquendo hanc determinationem aliis v. g. Sempronio, potuit is inter alios etiam suum consanguineum determinare, modò hic verè pauper fuerit. Certè tamen peccavit ex eo, quòd huic suo consanguineo, utpote minùs literato, ex privato affectu duntaxat, plus cæteris impenderit. Idcirco talem excessum tenetur compensare aliis diligentioribus utpote magis meritis. Ratio est: quia digniores ex voluntate Domini testatoris acquisiverunt Jus strictum ad talem portionem, & illa proportionalis distributio erat illorum Juri debita: ergo Sempronius aliter distribuendo legatum, hisce pauperibus Studiosis fecit injuriam damnosam. Quin immò, si consanguineus ille Sempronii non fuit verè pauper, tenebitur Sempronius noster recompensare, & alteri verè pauperi Studiofo applicare, quidquid deum ex pio legato huic excessivè impendit. Ratio clara est: quia voluntas pii testatoris supponitur fuisse, ut pauperibus
dun-

duntaxat Studiosis pium illud legatum applicaretur: atqui *voluntas ultima defuncti pro lege est servanda C. ultima voluntas 4. 1 3. q. 2. & nihil magis curandum, quam, ut ea impleatur l. 4. C. de necessar. servis hered. instit.* ergo Sempronio etiamnum incumbit, excessum illum alteri Studioſo verè pauperi impendere. Videatur la Croix l. 3. p. 2. n. 71.

104. R. jam ad 2dum, Sempronium pariter condemnandum esse ex eo, quòd causà ceciderit defectu sufficientis Studii.

Ratio est, quia regulariter loquendo quivis Advocatus à re conducitur (nam secus dicendum, si ex mera charitate Patrocinium suscepisset) cum pacto saltem implicito, ut suo Clienti fideliter patrocinetur: ergo si hoc non faciat ex negligentia graviter culpabili (uti supponitur non esse factum in nostro casu) tenebitur ad recompensanda damna Clienti emersa ex hujuscemodi negligentia. Hac ratione Bonacina t. 2. in praecept. 8. decalog. d. 10. q. 3. Lessius l. 2. c. 31. dub. 8. Laym. l. 1. c. 5. rectè docent, Advocatos, si causarum expeditiones cum praejudicio Clientis differant, postponant, vel plures acceptent, quàm expedire possint, peccare; ac teneri ad restitutionem omnium damnorum, quæ per illorum imperitiam, malitiam, aut negligentiam Clientis, vel actor incurrit.

Di.

Dices: At, quid, si Cliens habuisset vera causam injustam, tenereturne Sempromius Advocatus nihilominus ad aliquam recompensationem damnorum?

R. Juxta communem Doctorum Sententiam Advocato ære conducto (de quo Casus hic procedit) incumbere, ut, priusquam Patrocinium alicujus causæ in se suscipit, diligenter examinet illius æquitatem, & probabilitatem, eamque Clienti suo sincere indicet. Quæ communi Doctrina supposita attendendum erit à Confessario, & indagandum, utrum pœnitens Advocatus injustitiam causæ inculpabiliter ignoraverit vel non? si culpabiliter, tenebitur ad recompensanda damna suo Clienti, sicut & aëtori emergentia, quippe quorum existit causa culpabilis. Si autem dicat, se injustitiam causæ inculpabiliter ignorasse, eò quòd non fuerit satis, vel omnino sinistrè informatus à Cliente, ad nihil tenebitur: quia hòc supposito neminem culpabiliter damnificavit: ergo ad nullam restitutionem condemnari debet. Videantur de hac materia Lessius *loc. proximè cit.* Busenbaum *l. 4. c. 3.* vel Bonacin. *de peccat. disp. 2. q. 4. n. 9.*

CASUS TERTIUS.

*C*ajus Vir magnarum opum jam pridem hinc inde dixerat, se intendere cuidam certa Congrega-

gregationi mille florenos legare; quod, ubi Filius Caji inaudit, Parentem suum, etsi bene advertit eum morti jamjam proximum, spe vita ulterius proroganda continuè lachryavit. Quin etiam Patre postulante, ut Notarius Publicus cum aliis testibus sibi advocaretur excepturi ultimam suam voluntatem, Filius subdolè respondit, Notarium defacto obtineri non posse, neque testes postulatōs; quare contigit tandem, ut Caji sine ullo Testamento condito moreretur, & filius ab intestato, velut hæres necessarius, successit in omnia bona. Jam verò is dubitat, an dictæ Congregationi teneatur aliquis dare? Quid censendum?

- 106: R. Hunc Filium teneri ad resarciendum damnum dictæ Congregationi illatum. Ratio desumi debet ex dictis n. 97. patet enim ex specie facti, quòd per veram fraudulentiam impediverit Parentem à legato: quid enim aliud sapit perniciosum illud mendacium, quo asseruit, haberi non posse Notarium? quid aliud, quàm fraudem sapit lachryatio illa Parentis de vita ulterius protrahenda? profecto per hujusmodi verba aliud significavit, scilicet vitam ulterius prorogandam; & aliud intendit, scilicet impedire, ne de paterna hæreditate cogeretur aliis quidquam expendere; quod est fraudulenter agere, uti rectè advertunt la Croix cit. n. 78. Lugo disp. 18. n. 103. Lessius l. 1. c. 2. n. 26. & 27. At, qui alium vi, vel fraude impedit à consecutione

De Restitut. debita ex injust. damnific. &c. III

tione alicujus beneficii, tenetur ad resarciendum damnum, secundum dicta *l. s.* ergo. Et certe hic homo nedum injuriosus existit dictæ Congregationi, verum etiam piissimo suo Parenti, quippe cujus sanctam intentionem non minus perniciosè, quàm subdolè impedivit, contra ipsius voluntatem. Quia tamen res adhuc in spe, præsertim ut dependens à mutabili, & diversis modis impedibili, vel frustrabili voluntate, notabiliter minus valet, quàm verè, & realiter obtenta; hinc unanimiter Doctores concludunt, hujusmodi fraudulentum impeditorem non esse condemnandum ad restituendam integram summam speratam utputa in nostro casu ad mille florenos, sed tantum pro rata spei. Ita Molina *tom. 3. tr. 2. disp. 727. n. 7.* Lugo, Lessius & alii plures, quos citat & sequitur Sporer *tr. 4. c. 2. n. 201. & 210.* quem vide, si placet.

Dices: quantum igitur in hoc casu nostro Filius Caji tenebitur compensare dictæ Congregationi?

R. Rem difficilem postulasti. Vellem **107.** libentius audire resolutionem alterius, quàm dare propriam in re tam ambigua. Certè in nullo (etsi plures hac in re consuluerim) reperi., quantum in individuo teneatur talis resarcire: profecto nec dari potest quædam regula universalis, cum hæc res vel
maxi-

maximè dependeat ex circumstantiis, ut puta à majori, vel minori spe, à gravitate, vel exiguitate ipsius boni sperati, item maximopere attendendum est, an illud bonum jam fuerit debitum de jure, vel verò ex mera alterius liberalitate &c. Quia tamen juxta proximè dicta plurimum distant spes etiam proxima, & res ipsa, ita, ut vix dubitandum, quin bonum quodcunque demum, præsertim ab hominum vertibili arbitrio tantum dependens (uti fuit hoc pium legatum) re ipsa obtentum duplo pluris æstimetur, quam mera & nuda spes illud obtinendi; hinc (salvò tamen meliori Judicio) existimo, Filium Caji in hoc calu probabiliter satisfacturum suæ obligationi, si dictæ Congregationi reddat medietatem hujus legati, scilicet 500. florenos: quia dicta Congregatio nullum adhuc Jus habuit ad ipsum legatum, sed tantum jus habuit, ne fraudulenter impediretur ab illa spe obtinendi: hoc autem Jus non videtur tanti valoris, ut excedat quingentos florenos. Consultissimè tamen, ac tutissimè ageret Filius Caji, si rem hanc pacificè transfigeret cum præfata Congregatione, aut certè tantum eidem refunderet, quantum unus & alter Vir doctus, discretus, atque pius restituendum existimaverint.

Dices adhuc: at quid, si filius ex odio, aut aversione erga hanc Congregationem per-

persuasisset suo Parenti, ne quidpiam legaret huic, sed potius alteri, vel etiam totum sibi soli relinqueret?

R. Juxta probabilem, & verè tutam ^{108.} Sententiam (etsi pro opposita Scholarum Principes D. Thomas, & Scotus communiter referantur) in hoc casu, & supposito nihil teneretur restituere. Ita Sporer cit. n. 213. ubi pro eadem opinione citat Sorum. Navarr. Molin. Sanchez, Less. Laym. & Tamburinum l. 8. rr. 3. c. 4. §. 2. n. 4. Ratio est: quia persuasio illa, utpote sine vi, vel fraude facta, non est contra Justitiam, & licet supponatur facta ex odio, rancore, vindicta, vel avaritia &c. Hæc tamen repugnant soli charitati, consequenter non læditur Justitia: at, ubi Justitia & quidem commutativa non læditur, ibi nec datur obligatio restituendi: ergo ex hac suppositione non teneretur ad satisfactionem.

§. III.

Corollaria ex dictis inferenda.

EX hæctenus dictis colliges primò, circa ^{109.} poenitentes sese accusantes de injusta damnificatione, à Confessario maximo-perè attendendum esse, utrum damnificando graviter peccaverint, vel non? si enim non peccarunt graviter, sive ob materiæ parvitatem, sive etiam ob meram

R. P. Elbel, de Restit.

H

in-

indeliberationem, seu inadvertentiam &c. immunes erunt à gravi onere restitutionis; partim quòd supponantur nihil possidere de alieno; partim etiam, quia cùm culpa merè venialis intervenierit, hæc non potuit parere obligationem gravem restituendi materiam notabilem, juxta communissimam Doëtorum, suprà n. 95. relatam & traditam.

110. Colliges 2dò, Eum, qui v. g. Episcopum, vel Principem jamjam resolutum ac determinatum ad conferendum v. g. Petro beneficium, dolò, aut mendaciis &c. persuadet, ut non huic, esto revera dignus esset, sed potius sibi, vel etiam alteri conferat, teneri ad restitutionem, non quidem ipsius beneficii, sed juxta proportionem spei, quam ille alter habuit ad obtinendum illud beneficium. Ratio patet ex dictis suprà n. 97. & 106. Quia scilicet fraudulenter agendo læsit Jus alterius cum damno. Id ipsum dicendum, si simili vi, fraude &c. impediisset alterius verè digni Procuratorem aut Tabellarium &c. ne pro suo Principali potuisset agere, sicque ipsum ab officio vel beneficio exclusisset. Vide Lugo cit. dist. 18.

111. Dictum tamen fuit: *esto revera dignus esset &c.* Etenim qui impedit alium indignum, non peccat contra Justitiam, cùm indigni non habeant Jus ad obtinenda bene-

beneficia Ecclesiastica, consequenter nec tenebitur ad restitutionem, qui tales impedit. Quin immò oportet aliquando, ut hujusmodi crimina, etsi occulta, quæ hominem reddunt indignum beneficio, collatori (soli tamen, quantum fieri potest) detegantur; tum quia propterea solent capi informationes de idoneitate præficiendorum; tum etiam quia bonum commune præferendum est bono hominis privati, ubi is est ineptus ad officia publica, juxta *communissimam* DD. opinionem.

Colliges 3^{ti}ò, contra Justitiam peccare, 112. & restitutionis oneri obnoxios fieri sequentes. 1. qui mendaciis, fraude, vel criminationibus, præsertim falsis, impediunt Opifices, Operarios, vel famulos ab opere aut servitio suo, quò erant lucraturi; item 2. qui Mercatores injustò modo impediunt ab emptionibus aut venditionibus justis. 3. item eos, qui simili fraude Magistris abstrahunt discipulos, eosque ad se, vel alios attrahunt; nec non 4. Judices, aliosque potentes, qui injustè detinent opifices aut operarios, ne sua operâ, vel arte interim aliquid valeant lucrari. Denique etiam 5. illos, qui injustè impediunt veros mendicos, quò minùs mendicando sibi necessaria acquirere possint; etsi enim hi non habeant Jus ad eleemo-

synas, utpote ex sola charitate vel misericordia debitas, habent tamen Jus eas petendi, & accipiendi, si dentur, item habent Jus strictum, ne ab aliis injustè, utputa fraudulenter, vel dolosè impediuntur. Videatur Sporer *tr. 4. c. 2. n. 204.*

- 113.** Colliges è contrario qdò, non peccare, nec oneri restitutionis ullò modo fieri obnoxium, qui Episcopum jam determinatum ad beneficium Ecclesiasticum alicui conferendum, sola suasionè, aut precibus, seu etiam recommendationibus eò perducit, ut illud sibi, vel alteri, etiam minùs digno conferat, uti cum *communi* docent Navarrus, Lugo *disp. 8. Sect. 5. n. 93.* Laym. *l. 3. tr. 2. c. 7. n. 2.* Ratio est: quia talis utitur Jure suo, quod habet ad alterum persuadendum, rogandum, aut sollicitandum in sui, aut alterius utilitatem: nec ideò alteri impedito infert injuriam, quandoquidem is ad beneficium sibi destinatum nullum adhuc Jus adquisierit: & sicut collator ipse sine injuria poterat liberè mutare suam voluntatem; ita potuit ab alio sine injuria induci, ut hanc suam voluntatem mutaret, modò id sine vi, fraude, vel falsis criminationibus factum sit. Vide Sanchez. *lib. 2. Consil. Moral. c. 1. disp. 49. n. 14.*

- 114.** Colliges similiter qdò, non peccare Sacerdotem, qui moribundum jamjam resolutum ad condendum Testamentum, & insti-

instituendum heredem v, g. Titium, sine vi, vel fraude &c. eo adducit, ut sibi potius aliquid leget, vel se, aut suum sanguineum heredem instituat; idque præsertim asserendum, si hoc faciat ex bono, ac discreto zelo, & prudenti consilio. Ratio facile eruitur ex hætenus dictis, & jam sæpius inculcatis: quia nimirum nulla oritur obligatio restitutionis, ubi Justitia non fuit læsa: & prudens consilium non est pœnæ restitutionis mulctandum, ait sapienter Sporer cit. n. 211.

Neque obstat, quod *Clement. 1. de Privileg.* 115. sub excommunicationis, & æternæ damnationis comminatione interdicator Religiosis, ne, dum contingit eos interesse Testamentis condendis, retrahant Testatores à legatis faciendis Matricibus Ecclesiis; quia, uti sapienter advertunt Lugo, Tambur. l. 8. tr. 3. c. 4. §. 2. n. 4. Sanchez lib. 2. Confil. c. 1. dubit. 49. n. 28. aliique satis communiter, hæc constitutio facta fuit duntaxat pro illo casu particulari, ad pacem inter Clericos. & Religiosos conservandam: nec potest habere locum pœna tam gravis, ubi nulla fuit commissa culpa saltem imprudentiæ. Quia immò, tametsi Religiosus imprudenter sese ingerens graviter peccaret, si tamen sine omni vi, vel fraude immutârit voluntatem testatoris, ad nullam obligabitur restitutionem, saltem

ante Judicis Sententiam, quia in Canone allegato hæc pœna non continetur. Cautionissimè tamen in hoc puncto procedendum est Religiosis, nec facile sese debentingere, ne se, suamve Religionem prostituant, sinistrae affectionis, vel cupiditatis inordinatae notam incurrant, sæculares scandalizent, & Reverendissimorum Ordinariorum offensas incurrant; quæ omnia ex indiscreto hujuscemodi zelo oriri sunt nata, & jam sæpius enata.

116. Colliges denique 6to, probabiliter non teneri ad restitutionem illos, qui fraude, vel dolo impediunt, ne reus denunciatur, aut à Judice mulctetur. Ratio est: quia fiscus ante actualement condemnationem non habet Jus ad mulctam: & licet fiscus forte habeat Jus, ne per fraudem proximè, & directè impediatur à tali mulcta consequenda, supposita demum citatione; hac tamen non supposita non habet Jus. Accedit, quod intentio impediens non feratur directè, & proximè in damnum fisci, sed potius in defensionem amici, seu etiam in occultationem delicti, ex quo per accidens videtur sequi fisco illud damnum. Et hanc sententiam velut verè probabilem tenent Sanchez, Lugo, Lessius *l. 2. c. 12. n. 136.*

Aliter tamen existimo dicendum de Judice, vel aliis Officialibus ex Justitia obligatis, ut hujusmodi crimina debite puniant

niant multa de Jure taxata: quia contrarium facientes impingunt contra Justitiam: & quamvis ipse delinquens non teneatur ad solvendum hujuscemodi multam, nisi ex virtute Justitiæ vindicativæ, Judex tamen, utpote ære conductus ex Justitia commutativa tenetur punire crimina, & multam lege præscriptam tradere fisco: ergo si hoc non faciat, probabilius tenetur compensare damnum fisco illatum, etsi oppositum probabile teneant Lessius *cit. l. 2. c. 13. n. 73.* Lugo *disp. 73. n. 112.* Illung *tr. 1. disp. 2. n. 77.* Vasquez, Diana & alii plures apud La Croix *l. 3. p. 2. n. 83.*

CONFERENTIA QUINTA.

De
Restitutione debita ex coopera-
tione ad injustam damnifi-
cationem.

S U M M A R I U M.

117. Causæ cooperantes ad injustam damnificationem recensentur novem, scilicet: *jussio, consilium &c. &c.*
118. 119. & 120. Explicatur *Causa* mandans, consulens, & consentiens.
121. 122. & 123. Declaratur, quid sit *Palpo, recursus prabens, & participans.*

124. 125. & 126. Breviter declarantur tres reſidua cauſæ negativè tantùm cooperantes, ſcilicet *mutus, non obſtans, & non manifſtans*. Ex quibus
127. Singuli tenentur reſtituere circa proportionem ſui influxûs in damnum illatum.
128. Quo ordine ſinguli damnificantes teneantur reſtituere?
129. Enumerantur diverſa debita, utputa oneroſi, gratuita, hypothecata, ſimplicia &c.
130. Declaratur ſuccinctè, quo ordine ſolvendi ſint ſingula.
131. Recenſentur debita Privilegiata.
132. Reſolvitur Caſus I. de quibusdam latronculis deprædantibus, & malè tractantibus miſellum Ruſticum.
133. Qui, etſi non nihil diſformiter concurrerint ad hanc deprædationem, ſinguli tamen per ſe loquendo obligantur ad reſtituendum in ſolidum.
134. Idque etiam in caſu, quo alter vel non poſſet, vel ſaltem nollet reſtituere.
135. Reſolvitur Caſus II. cujuſdam Studioſi, qui de Conſilio alterius pecuniam Oenopolæ debitam, in vacantiis dilapidavit.
136. Quem proin Confeſſarius deſuper conſultus admonere debuit ſuæ obligationis.
137. An in hujus defectum Conſiliarius ille ſit obligatus ſatisfacere Oenopolæ?
138. Reſolvitur Caſus III. cujuſdam Cauponis forlitarîi, qui aliquot fures hoſpicio excipere conſuevit.
139. Utrùm eodem à Miniſtris Juſtitia, ſeu licitoribus conquiſitos licitè abſconderit?
140. Et quid, ſi prævidiſſet, fore, ut hæc vice evadentes de novo furentur;

141. Cau-

141. Caupones receptantes Filios - familias bona Parentum suorum dilapidantes, an, vel quando teneantur ad restitutionem?
142. Mandans, qui efficaciter revocavit suum mandatum, non tenetur amplius ad restitutionem, bene tamen si non efficaciter revocavit.
143. Id ipsum de consulente probabiliter tenent multi DD. etsi quoad hunc multi teneant oppositum.
144. An, vel quando volenti committere majus malum, liceat suadere minus?
145. Qui rationabiliter dubitat, an suo consensu vel suffragio efficaciter nocuerit, probabiliter tenetur resarcire damnum pro rata dubii.
146. Opposita tamen Sententia etiam videtur probabilis.
147. Testis in Judicio etiam legitimè interrogatus, etsi non manifestando veritatem peccet, minimè tamen obligatur damnum inde secutum innocentem resarcire.
148. Quæ sit differentia damni inter causam partialem, & totalem damni in ordine ad restitutionem?

§. I.

Præmittuntur, & breviter resolvuntur quæ sita scitu necessaria ad debitè resolvendos Casus circa obligationem restituendi, debitam ex cooperatione ad injustam damnificationem.

QUæres primò, quæ, & quot sint causæ cooperantes ad injustam damnificationem?

H 5

R. Com-

117. R. Communiter enumerantur novem, sequenti hexametro satis accommodè comprehensæ.

Jussio, Consilium, Consensus, Palpo,
Recurfus,
Participans, Mutus, non Obstant, non
Manifestans.

Qui omnes tenentur ad restitutionem; ut patebit ampliùs ex dicendis. Et ratio clara est: quia ut ex hæcenus dictis jam liquet, fieri potest, ut quis vel immediate per se ipsum, vel mediante alio, seu in concursu alterius lædat Justitiam commutativam cum damno, prout revera faciunt omnes ac singuli mox enumerati: atqui non solum ille, qui immediate per se ipsum, sed & qui per alium lædit Justitiam commutativam, tenetur ad compensationem damni: ergo &c. Verum pro majore claritate

Quæres 2dò, quid intelligitur per *ly Jussio, Consilium; & Consensus?*

118. R. ad primum, nomine jussionis intelligitur Mandatum efficax, vel potius ille, qui efficaciter mandat, ut alteri inferatur damnum injustum; utputa si Pater Filio, Dominus servo, vel alteri sibi subdito mandet seriò, ut alium v. g. occidat, mutilet, aut quomodolibet damnificet. Quo casu tamen, ut mandans ad restitutionem condemnari valeat, necessum omnino est, ut

ut damnum illud alteri fuerit illatum effective, & quidem vi mandati; nam si mandatum fuisset efficaciter revocatum, & mandatarius propria duntaxat malitia damnum inferat, jam non mandans, sed mandatarius ipse tenebitur ad restitutionem. Unde quoad hoc vel maxime attendendum est, utrum mandans efficaciter, & quantum influxerit in damnum alterius; tantundem enim compensare tenebitur.

R. ad 2dum. Nomine Consilii, vel potius consulentis intelligitur is, qui maligno suo Consilio efficaciter influit in alterius damnum injustum (quod etiam spectant preces, adhortationes, promissiones &c. quibus alius efficaciter permovetur ad damnificandum.) Dixi rursus: *efficaciter influit*; nam si alter Consilium malignum respuendo nullum damnum inferat; vel si quidem damnificavit, at non vi Consilii, sed propria duntaxat malitia, vel alterius jussu, suasu &c. Consiliarius ab onere restitutionis evadit liber, tamen si male consulendo graviter fortassis deliquerit, saltem in affectu contra Justitiam.

R. ad 3tium. Nomine consensus, vel potius consentientis intelligitur ille, qui in ordine ad inferendum damnum injustum suum quoque dedit suffragium, & quidem efficax; id, quod vel maxime locum habere potest, quando è plurium consensu v. g. totius.

totius vel saltem majoris partis è Magi-
stratu aut Consilio, vel Capitulo dependet
Sententia, utputa de injusto bello inferen-
do, de imponendo tributo, de homine
occidendo, aut in exilium mittendo &c.
Quocirca tamen bene observandum est,
consentientem neutiquam fieri obnoxium
restitutioni, nisi suo consensu efficaciter in-
fluxerit in damnum injustum. Unde, esto
tu approbes, & libenter videas, ut v. g.
tuus inimicus etiam sine causa justa damni-
ficetur, aut condemnetur ad aliquam pœ-
nam injustam; Si tamen tua approbatio,
tuus consensus, vel tuum suffragium non
existit causa efficax hujus damni, vel quia
tu nullam habuisti auctoritatem decidendi,
vel si quidem aliquid auctoritatis habueris,
aliorum tamen te prævenientium, & prius
te votantium Suffragiis Sententia injusta jam
fuit decisa, tu equidem à peccato gravi
immunis non evades, bene tamen ab onere
restitutionis, eò quòd inimico tuo effica-
citer nihil noqueris. Ita communis DD.

Quæres 3tò, quid intelligatur per ly
Palpo, Recursus, & Participans?

121. R. ad primum. Nomine Palponis,
seu palpantis venit ille, qui vel adulan-
do, vel laudando &c. quempiam effica-
citer incitat ad nocendum; vel qui scelus
patran-

patrandum commendat; item, quia alterum ignavia arguendo, exprobrat illi, quod nullius sit animi, aut injuriam illatam non audeat vindicare &c. Ex quo facile liquet, cur talis fiat obnoxius restitutioni, quandoquidem in materia gravi cum damno proximi agit contra Justitiam commutativam.

R. ad 2dum. Nomine Recursus, id est, recursum præbentis, intelligitur hic, quicumque refugium, aut securitatem, vel quodlibet receptaculum præbet malefactori, vi cuius is movetur aut amplius animatur ad inferendum damnum. Et hæc asscuratio (uti præter alios rectè observat Reiffenstuel) potest fieri vel receptando personam, vel rem ablatam, aut occultando instrumenta malefactoris, aliisque similibus modis, quibus id genus hominum facillè animari solet ad inferenda aliis damna injusta, vel saltem ad non-restituendum id, quod injustè rapuerunt: de quo mox plura. *2. n. 138.*

R. ad 3tium. Nomine Participantis non solum intelligitur ille, qui participat de re aliena injustè ablata, ut puta quia cum aliis simul furatus fuit, ut dicitur *Casu 1. mox secuturo*; nam quod talis incurrat obligationem restituendi, dictum fuit suprà *Confer. 3. n. 63. & seqq.* Sed hoc loco intelligitur ille, qui participat etiam in

in ipsa actione mala, & injusta, utputa tenendo scalas furi in ordine ad furandum, agendo vigilem, & servando excubias interim, dum alii injusta ablatione occupantur, ne forte deprehendantur; quo casu, si quis voluntariè, præsertim proximè, & efficaciter influat in damnum, tenebitur ad illius reparationem secundum omnes. Secus dicendum foret, si quis hujusmodi actionem de se indifferentem, aut remotè duntaxat se habentem, exercere cogatur contra voluntatem propriam v. g. ad evitandum malum majus, vel damnum proprium, veluti subinde fieri amat. Videatur de hoc P. Sporer tr. 4. c. 3. n. 41.

Quæres 4to, quid intelligatur per *ly Mutus, non Obstans, & non Manifestans?*

124. &. ad primum. Nomine Muti hic intelliguntur illi, qui cum ex contractu, vel quasi contractu teneantur, & efficaciter possent impedire damnum v. g. imperiò, minis, monitis &c. nihilominus non impediunt; ut si Princeps, Belli Dux, vel Magistratus non prohibeat, nec pro possibili impediatur furta, latrocinia, & similia mala: si Custos Vineæ, vel sylvæ ære conductus, clamando, reprehendendo &c. non abigat fures, vel animalia nociva: si famulus aut famula, cui à Domino concredita fuit specialis cura rei Domesticæ

v. g.

v. g. vini, frumenti, non prohibeat, aut non impediatur alios fures, sive domesticos, sive extraneos.

R. ad 2dum. Non obstand dicitur ille, qui 125. intermittit operam, vel auxilium ad averendum damnum, quod ex officio impedire tenebatur; ut tenentur Superiores, Principes, Magistratus respectu suorum subditorum, utpote ex contractu, vel quasi contractu conducti à Republica in hunc finem, ut damna imminetia avertere nitantur.

R. ad 3tium. Per non manifestantem 126. hic intelligitur ille, qui negligit aut dissimulat manifestare malefactorem nocivum, quem vi sui officii manifestare tenebatur, sive dein id negligit ante factum, ubi agitur de damno impediendo, vel post factum, ubi agitur de damno resarciendo. Quocirca tamen bene advertendum est, hos tres posteriores (scilicet *mutum*, *non obstantem*, *non manifestantem*) utpote non positive (uti sex priores) sed negative tantum influentes in damnum, tunc solum teneri ad restitutionem, etiam in solidum, quando hujuscemodi injustum damnum, & ex Justitia debuerant, & moraliter poterant impedire, uti jam suprà insinuatum fuit, & pluribus dicitur *hæc Consequentia*. Qui fusiores cooperantium notitiam desiderat, consulat P. Sporer *cit. tr. 4. c. 3. n. 8. & seqq.* vel P. Herincx *part.*

part. 3. tr. 2. disp. 8. 4. n. 38. aut Babenstuber
cit. disp. 4. art. 4.

Quæres 5^{to}, quantum singuli ad injustam
damnificationem cooperantes mox recensiti
restituere teneantur?

127. R. Singuli tenentur secundum proportionem influxûs, seu causalitatis in damnificando, proindeque si singuli fuere causa totius damni, ita, ut uno eorum non cooperante damnum non fuisset secutum, singuli etiam tenentur in solidum, id est, totum damnum illatum compensare, nisi reliqui suas compensent partes. Econtra qui non existit causa totius damni, sed partis tantum, tenetur duntaxat ad compensandam partem damni à se illati. Hanc velut regulam generalem, & mensuram restitutionis, incumbens cooperantibus ad injustam damnificationem, tradit Sporer *l. cit. c. 3. n. 63*: Ratio autem hujus est hæc: quia totâ radix restitutionis ex delicto injustæ damnificationis fundatur in causalitate, seu influxu ad damnum causatum: ergo tanta inde consurgit obligatio, quanta fuit causalitas; consequenter causa totalis totum, & partialis partem duntaxat damni compensare tenetur.

Quæres 6^{to}, quò ordine cooperantes ad injustam damnificationem restituere teneantur, quinam prius, & quinam posterius?

R. Ob.

R. Obligantur ordine sequenti: primò **128.**
loco tenetur is, qui rem alienam in se, vel
in æquivalenti possidet; nam res aliena
semper clamat ad suum Dominum 2. Te-
netur mandans, si quis fuerit, & non re-
vocavit mandatum; quippe qui censetur
principalis auctor damni. 3. Executor,
utpote quo mediante alii influunt. 4. Alii
positivè cooperantes, qui, si omnes æquè
immediatè concurrant, æquè primo ob-
ligantur ad recompensationem. 5. De-
nique loco tenentur reliqui cooperantes
negativè, quippe quorum culpa est quo-
dammodo posterior illa, quam commit-
tunt positivè cooperantes. Qui tamen
negativè se habentes eodem ordine tenen-
tur restituere, quo ordine tenebantur im-
pedire, ita, ut hæc obligatio priùs incum-
bat v. g. Prætori, Custodi, aut Vigili par-
ticulari, cui immediata cura incubuit, quàm
Generali & universali, ad quem mediatè
tantùm eadem cura spectabat, uti sapienter
notat Herincx *disp. 8. n. 68.*

Quæres septimò, qualisnam Ordo ser-
vandus sit inter ipsa debita solvenda?

R. Ante responsionem advertendum **1. 129.**
non esse servandum Ordinem inter debi-
ta, quando debitor habet sufficientia bo-
na, ut sit solvendo omnibus; quia tunc
ratio, & lex naturalis dicat, omnibus ac
singulis ex integro esse satisfaciendum.

R. P. Elbel, de Restit. I Unde

Unde solum dubitatur de casu, quo debitor impar est solvendo omnibus suis Creditoribus; quô circa advertendum est 2dò, dari aliqua debita certa, quorum scilicet creditor certò agnoscitur; alia incerta, quorum Dominus ignoratur. 3. alia dicuntur debita realia, dum scilicet creditori competit Jus in re; alia personalia quando creditor habet solam personam debitoris sibi obligatam. 4. Rursus alia dicuntur debita Privilegiata, quæ ex Jure debent prius cæteris exsolvi; alia non Privilegiata. 5. Alia etiam recensentur debita hypothecata, vel oppignorata; alia nuda. Hypothecata dicuntur, quando debitor ex quodam contractu tradit creditori Jus ad solutionem capiendam ex rebus suis, scilicet debitoris; qui, si omnia sua bona obliget, dicitur facere hypothecam generalem: si verò aliquod bonum duntaxat, ut puta certam domum, agrum &c. dicitur facere hypothecam specialem. Oppignorum debitum appellatur, quando debitor suo creditori aliquid tradit v.g. vestem, catenam auream, vel quid hujusmodi, in affecurationem debiti solvendi: reliqua vocantur debita nuda, in quibus scilicet nec hypotheca intervenit, neque pignus. 6. Denique alia dicuntur debita merè gratuita, ut puta ex liberali promissione, aut voto facta, alia verò onerosa, utpote facta cum certo onere creditoris: ex his alia appellantur jam matura.

turata, quorum terminus solvendi jam est elapsus; alia non maturata, quando nimirum terminus nondum est completus, sed primum complebitur &c. His notatis.

Et. Breviter cum P. Sporer *cit. tr. 4. c. 4. 130. n. 23.* inter debita solvenda servandum esse ordinem sequentem. 1. Debita certa præferenda sunt incertis. 2. Realia debent præferri personalibus. 3. Inter personalia, nudis sunt præferenda Privilegiata, item hypothecata, & oppignorata. 4. Inter nuda, onerosa præferri debent gratuitis, & 5. Maturata; non maturatis; quæ quidem sunt solvenda proportionem quadam Geometrica; pro ratione Facultatum. Ratio primi hæc est: quia creditores certi habens Jus certum, incerti autem quæ tales non habent Jus certum: ergo priores merito sunt præferendi. Ratio secundi est: quia ubi debitum est reale, creditori competit Jus in rem ipsam, ubi verò est personale, non competit in rem, sed in personam duntaxat: ergo. Ratio tertii est: quia Jura statuere, ut debita Privilegiata præferantur aliis *L. penult ff. de Religios. & sumptibus fun.* item *L. ult. §. in computatione C. de Jure deliber.* Hypothecata verò, & oppignorata ideo debent aliis nudis præferri, quia creditores hypothecam, vel pignus habentes non tantum personam, sed etiam rem debitoris sibi habent obligatam: er-

go horum potior ratio est habenda, quàm illorum. Ratio quarti hæc est: quia omnis contractus gratuitus, ut sunt promissio, donatio, legatum &c. alicui factus, habet saltem tacitè sibi annexam hanc conditionem: *nisi aliquid obstet, quo minùs res promissa, donata &c. tradi possit*: at, ubi supervenit inopia debitoris gratuiti, ita ut non esset solvendo debita onerosa, jam aliquid obstat, quo minùs donatario, vel legatario res promissa solvi, aut tradi possit, scilicet debita onerosa: ergo. Ratio quinti est: quia quando debitum jam est maturatum, creditor jam habet majus, & strictius Jus, illud exigendi (interpellante scilicet proprio die, seu termino elapso) quàm si terminus nondum sit elapsus: ergo strictior obligatio debitori incumbit solvendi debita maturata, quàm nondum maturata. Cæterùm quòd in nostro casu, alia debita personalia sint solvenda secundùm proportionem Geometricam, hæc à Doctoribus ratio communiter solet dari: quia Creditores debitorum merè personalium habent æquale Jus in personam debitoris immediatè, in ejus verò bona mediatè, & indeterminatè tantùm: ergo Creditoribus personalibus æqualiter satisfaciendum est pro rata parte, proportionem debitorum, & facultatum, esto supponatur unum debitum priùs contractum, quàm alterum. Molina

Tom.

De Restitut. debita ex cooperatione &c. 133

Tom. 2. disp. 536. §. quando Creditores. Lessius L. 2. c. 15. dubit. 6. n. 44. Laym. c. 11. n. 6. & alii plures.

Dices : Quænam igitur debita sunt Privilegiata ?

R. Sunt sequentia. 1. Debita pro funere, seu exequiis (quæ tamen, casu quo bona defuncti non sufficiunt pro reliquis Creditoribus solvendis, debent moderate fieri, & sine speciali, seu extraordinaria pompa.) 2. Expensæ necessariæ ad constitutionem Inventarii, & ad apertionem Testamenti. 3. Debita facta pro Medicinis, item Mercedes, atque salaria Medicorum, & Chyrurgorum. 4. Mercedes operariorum, & servitorum necessariorum in plerisque locis, maximè in nostris partibus præferuntur aliis, inquit Sporer *c. 4. n. 37.* 5. Debita legitima Superiorum. Ratio omnium horum est : quia ejusmodi debita, adeo necessaria, non censentur contracta in fraudem antecedentium Creditorum ; secus enim pauci invenirentur, qui indigentibus tali obsequio ministrare vellent, si de solutione Jure prælationis certi non essent. De quo videri possunt Vasquez *de restitut. c. 11. dub. 2. n. 83.* Laymann *cit. n. 6.* Sporer, Babenstuber *tr. 7. disp. 4. a. 5. n. 11.*

§. II.

Proponuntur, & breviter resolvuntur Casus practici, de obligatione restituendi, incumbente cooperantibus ad injustam damnificationem.

CASUS PRIMUS.

Titius nonnullos pessima ac perdita vita socios, aut verius loquendo latrunculos sibi adscivit, quorum ope ipse velut Corriphaus misera Rusticorum Genti innumera quasi damna intulit. Nuperimè quendam è suis subornaverat, ut ab aliquo satis divite Rustico solitario postularet recipi in casam tempore nocturno, quò impetrato ille media nocte consurgens, aperuit januam & valvas suis Compradonibus, qui ocyus subintrantes tyrannico modo tractârunt incolas, ligando eorum manus ac pedes, verberibus eos afficiendo, immo verò & flammis eorum plantas adurendo, usque dum tandem pecuniam omnem, reliquàmque suppellectilem pretiosiore extorsere. De hac prada (qua usque ad sexcentos circiter sterenos se extendit) Titius trecentos sibi retinuit: reliquos suis Compradonibus distribuit Geometrice, ita scilicet, ut qui plus contulere ad rapinam, plus participârint de prada. Quaritur jam, ad quid dicti latrunculi in hoc casu teneantur?

R. Om-

R. Omnes, ac singulos teneri in solidum 132.
ad restituendum integrum damnum 600.
florenorum præfato Rustico illatum. Ratio
est clara: quia communi opera, atque con-
silio omnes concurrerunt ad inferendum
damnum, etsi fortè unus alterò proximius:
ergo omnes, ac singuli fuere causa totius
damni. Primariò tamen tenetur Titius:
tum quia is supponitur fuisse Corriphæus,
& auctor principalis; tum etiam quia de
rapina plus possidet, quàm alii seorsim
sumpti. Secundariò verò tenentur reliqui
resarcire damnum, præsertim id, quod de
rapina actu adhuc possident; nam res alie-
na semper clamat ad Dominum suum, uti
jam constare debet ex dictis tum in hac,
tum in aliis Conferentiis prioribus. Insu-
per obligantur dicti prædones ad resar-
ciendum omne reliquum damnum Rustico
illatum, sicut & omne lucrum ex amissio-
ne suorum bonorum eidem fortè emer-
gens, vel emersurum; secus enim nun-
quam fieret æqualitas, nec Justitia suum
obtineret finem. An verò etiam tenean-
tur restituere pro damno in bono corporis
ex verberatione, vel plantarum adustione
illato, mox inferius *Confer. 8. n. 208.* ex
professo dicemus.

Dices: Singuli non concurrerunt æqua-
liter ad illationem damni; quia unus fortè
egit excubias, alter infregit cistas, tertius ad-

uſſit plantas, alii fortaffis alio adhuc remotiori modo fuere cooperati: ergo non poſſunt omnes ac ſinguli condemnari ad reſtitutionem æqualem. Et certè ſi ſinguli teneantur in ſolidum ad reſuſionem totius damni, utputa 600. florenorum, damnicatus recipiet plus, quàm ipſi fuit ablatum; at hoc neutiquam oportet aſſerere: ergo.

133. R. Hæc nihil obſtare, nec quempiam illorum eximere ab onere reſtitutionis, ob rationem jam datam: quia ſcilicet cùm hæc omnia communi Conſilio egerint in ordine ad extorquendas pecunias, & ad obtinendam rapinam, meritò omnes cenſentur adunare unam cauſam totalem totius damni, ita ut ſinguli influxerint in totum damnum: ergo ſingulis incumbit graviffima obligatio illud totum reſarciendi, eſto etiam unus fortè gravius altero peccaverit, præſertim contra Charitatem. Ex hoc tamen minimè ſequitur, Ruſticum plus recepturum, quàm ipſi ſit ablatum; quia dum dicimus ſingulos teneri in ſolidum ad reſarciendum totum damnum, per hoc innuimus duntaxat, ſingulos in defectum aliorum, utputa nihil, quod reſtituere poſſent, ampliùs habentium, teneri ad refundendum damnum, ita, ut omnibus ſimul incumbat reſarcire tantum, quantum nocuere utputa 600. florenos in hoc

hoc casu, præter reparationem omnis lucri cessantis, & damni fortè emergentis Rustico.

Dices : ergonè Titius noster non satisfaciet suæ obligationi, restituendo præcisè 300. florenos, quos ipse obtinuit, sed tenetur totum damnum resarcire, casu quo cæteri vel non amplius possent, vel saltem nollent concurrere ad refusionem damni illati ?

R. Titium teneri ad refusionem totius, 134. casu quo alii nollent, etsi possent resarcire partes suas. Ita ex *communi* DD. Sporer *tr. 4. c. 3. n. 64.* Ratio est : quia quicumque voluntariè dat causam totius damni, esto in consortio aliorum, naturali æquitate contrahit onus resarciendi totum damnum respectu damnificati : atqui Titius (immo verò omnes etiam reliqui) existit causa voluntaria totius damni : ergo tenetur resarcire totum. Quod verò alius, vel alii plures, etsi possent, nolint restituere partes suas, minimè eximit, aut excusat Titium ab hoc onere, sicut nec impedit, quin moraliter loquendo respectu injuriati existit causa totius damni : sed solum præbet ei Jus saltem in foro interno, ut ab iis, qui nolunt restituere suas partes, possit postea prætere id, quod iidem propria sponte contribuere debuissent. Vid. DD. citat.

CASUS SECUNDUS.

Sempronius Studiosus integrò anno Vinum ab aliquo Oenopola creditò accepit, quò elapso, cum venissent ad computum, animadvertit Oenopolam multas mensuras vini ab eo receptas non computasse, idque ex aliqua inadvertentia: quod, cum alteri cuidam suo condiscipulo narrasset, & an dissimulata solutione in Conscientia tutus foret? interrogasset, respondit ille alter hac formali: Bono sis animo, amice, & superfluas abjice curas ac scrupulos: imputet sibi Oenopola, quòd non omnes mensuras computarit, tu verò residuam pecuniam tibi reserva pro vacantiis, & bibe subin in sanitatem Oenopolæ. *Hoc Consilium Sempronius ad amissum fuit executus: finitis verò vacantiis denuò inquisivit de veritate ex aliquo Confessario. Quid jam de Consilio priori tenendum, & quid Confessario desuper interrogato fuit respondendum?*

135. R. ad primum, Consilium illud pessimum, & iniquum fuisse. Ratio est clara, quia debitum certum, ac liquidum certò est solvendum, nec debitum, vel obligatio tollitur nisi solutione, & satisfactione: *l. prim. instit. quibus modis tollitur obligat.* ergo sicut ignorantia illa Oenopolæ non fecit, quòd minus Sempronius esset debitor, ita prorsus nec potuit extinguere debitum liquidum. Falluntur proin, & graviter quidem

dem falluntur simplices illi, qui (uti frequenter fieri amat) dum aliquid vendunt, emunt, aut commutant &c. bene advertunt, alteram partem errare, utputa vel minus, quàm sibi debeatur, exigendo, vel plus, quàm debuerat, solvendo, & nihilominus illud recipiunt sine scrupulo: falluntur, inquam, nam, quemadmodum talis error vel ignorantia non immutat voluntatem contrahentis, nec efficit, ut is propterea velit cedere suo juri; ita prorsus nec excusat debitorem à satisfactione de Jure debita, & præstanda. Et certè nedum ille, qui accipit, sed etiam qui retinet rem alienam Domino rationabiliter invito, tenetur ad restitutionem damni. *argum. can. si res aliena, Caus. 14. q. 6.* atqui tales reipsa accepere rem alienam: ergo &c. Vide Reiffenstuel *l. 3. decretal. tit. 17. §. 4. per totum.*

&c. jam ad 2dum, Confessario hac su-136.
per re interrogato incubuisse, ut Sempromio declararet, & inculcaret obligationem solvendi residuum, quod Oenopolæ etiamnum debeat; quia Confessario incumbit instruere pœnitentem, dum advertitur laborare aliqua ignorantia culpabili, præsertim damno à tertio, idque potissimum fieri debet tunc, quando pœnitens ipse petit instrui, & utiliter potest admoneri, veluti ex communi DD. diximus *part. 2. Theolog. Sacrament.*

erament. de Pœnitent. Confer. 18. n. 459. at, Sempronius laboravit ignorantia culpabili, & quidem cum damno tertii, potuitque utiliter admoneri, & instrui; ergo Confessarius tenebatur &c.

At quid, si Sempronius noster jam non amplius esset habens, aut potens solvere debitum, tenereturque in hujus locum malus ille Consiliarius subire hoc onus?

137. R. Pro foro Conscientiæ (quod nos principaliter respicimus) Confessarius disquirat, an Consiliarius bona, an verò mala fide processerit, suggerendo præfatum Consilium? si mala, utpote animo nocendi Oenopolæ, aut certè non ignorans Consilium suum iniquum esse, & nocivum; tenebitur is velut causa cooperans ad injustam damnificationem in defectum Sempronii impotentis, Oenopolæ damnum compensare, ob rationes jam datas n. 119. & 127. At verò si hoc consuluit ex mera levitate (uti plerumque fieri amat à Juvenibus) vel inadvertentia, aut certè ex inculpabili ignorantia obligationis Sempronio incumbentis, à Confessario condemnari nequit ad refusionem damni inde secuti; quandoquidem nullus suppetit titulus; non enim teneretur 1. titulò rei acceptæ, aut 2. injustæ acceptionis, quippe qui ex suo Consilio nihil reportavit: neque 3. titulò injustæ damnifica-

nificationis, quia hæc supponitur facta inculpabiliter, aut certe absque gravi culpa, utputa ex mera levitate, vel ignorantia: neque 4. titulô alicujus contraetus, quia hic Consiliarius neque cum Sempronio, neque cum Oenopola contractum fecit, vi cujus fuisset obstrictus sana duntaxat Consilia suggerere: ergo ex hac suppositione à Confessario neutiquam obligari posset ad compensationem damni inde Oenopolæ secuti.

CASUS TERTIUS.

CAjus Caupo solitarius, idest, in loco solitario habens suam tabernam, fatetur, se aliquos hospites jam pridem sibi de furtis hinc inde commissis suspectos, excepisse hospitio, eisdemque nedum administrasse potum, verum etiam carnes ab eisdemnet allatas (probabiliter furtivas) praparasse: & licet jam sapius optarit, ne præsati hospites inuisi unquam amplius ad suam tabernam diverterent, nihilominus timore majoris mali incurrendi (ne scilicet vel domum sibi comburerent, vel aliud grave damnum inferrent) nuper eos à ministris Justitiæ conquisitos in domo sua abscondisse, & occultasse. Jam verò sciscitatur 1. an peccet eos in domum recipiendo? 2. an peccarit, eos abscondendo &c.? Quid Judicii?

R. ad primum. Si Cajus rationabiliter 138.
timuit hujusmodi grave damnum,
& præcisè animô illud evitandi eos recepit

pit hospitio, neutiquam peccavit, ne quidem coquendo, seu etiam præparando carnes, quas probabiliter credere licuit furtivas. Ratio est: quia tam receptio in hospitium, quàm carniùm præparatio, est actio de se indifferens. At, qui actionem de se indifferentem exercet, compulsus gravi necessitate, ad evitandum scilicet verè grave damnum, non peccat, veluti communissimè tradunt DD. nominatione Lugo de *Justit. tom. 1. disp. 19. sect. 2. n. 74.* & Tamburinus l. 8. in *decalog. tr. 4. c. 2. §. 4. n. 3. ergo.*

139. R. ad 2dum, equidem tam facile excusari non posse Cajum ex eo, quòd conquisitos à ministris Justitiæ occultaverit; si enim eos prodidisset, nullum utique, aut certè exiguum periculum ab iisdem habuisset timendum: unde verendum meritò est, ne hujusmodi Caupones sub Schemmate mali declinandi, re ipsa absque sufficienti fundamento, vel fundato timore malignis hominibus præbeant receptaculum, & mentiatur iniquitas sibi. Datò tamen, & supposito, quòd illos ex verò, & fundato timore præfati periculi in domo sua absconderit, dicendum, quòd non peccasset: bene tamen, si id fecisset imò, re præbendi refugii in ordine ad furta ulterius continuanda. Ita DD. unanimiter Herincx *disp. 8. n. 54.* Sporer *tr. 3. cap. 3. n. 38.*

n. 38. Lessius de Justit. l. 2. c. 13. dubit. 3.
n. 27. Lugo cit. n. 72. Bonacina de restit.
disp. 1. q. 2. pu. 9. n. 6. Ratio est: quia
occultando illos ex dicto motivo, neuti-
quam dici meretur, quòd ad aliorum
damnum intenderit cooperari, neque dici
debet, quòd illos receperit, ut erant for-
maliter fures, & maligni homines, sed
potius quatenus erant homines miseri,
hic, & nunc egentes auxilio. Quapropter
si ex tali receptione, vel occultatione, seu
opere Charitatis, aliis sequatur aliquod
damnum, illud non Cauponi recipienti
quippe ad quod is permissivè tantum se ha-
bet, sed potius malitiæ receptorum impu-
tandum venit.

At quid, si Cajus prævidisset, malefacto-
res illos sua occultatione à præsentì periculo
liberatos, postea aliis innocentibus gravia
damna illaturos, an nihilominus licitè eos
abscondisset?

&c. Sine dubio illicitè (si absque suo
notabili detrimento eos prodere potuisset)
Ratio est: quia ex hac suppositione Chari-
tas potius obligabat Cajum, ut niteretur
pro possibili avertere damna aliis innocen-
tibus, quàm his nocentibus imminetia: &
hac ratione P. Pettschacher, eumque secutus
Babenstuber existimant, Cajum fore obli-
gandum ad resarcienda ejusmodi damna
prævisa. Verum, esto supponatur propterea
Cajus

Cajus graviter peccâsse contra Charitatem, quia tamen ipse non fuit obligatus ex Justitia ad avertenda damna innocentium, hinc planè non video, cur peccâset contra Justitiam, nec consequenter, cur esset condemnandus ad compensationem damnorum. Secus dicendum puto, v. g. Princeps, vel alius quicumque demum ex Justitia obligatus, ad avertenda damna à suis subditis, præviso hujuscemodi periculo, malefactorum vel occultaret, ne caperetur, vel jam captum sine graviore causa à vinculis absolutum dimitteret: quia talis Superior, aut officialis revera peccâset contra Justitiam cum præjudicio suorum subditorum; ergo tenetur his satisfacere.

Dices adhuc: sed quid censendum de illis Cauponibus, qui recipiunt filios-familias, quos nôrunt consumere bona Parentibus suis injustè subtrahere?

141. R. Si de hoc certò iplis constet, & eo non obstante foveant illos filios-familias, peccant contra Justitiam, cum obligatione restituendi damna Parentibus inde secuta. Ratio est: quia cooperantur quodammodo ad injustam parentum rationabiliter invitatorum (uti supponitur) damnificationem: ergo tenentur ad restitutionem nedum titulo injustæ damnificationis, sed etiam titulo rei acceptæ, vel injustæ acceptionis. Quin etiam si supponatur, eos nihil recipere

pere à filiis - familias, sed gratis omnino concedere locum, Chartas, lumen, & similia ad heluandum necessaria, peccant nihilominus contra Justitiam, veluti positivè concurrentes ad consummandam injustè rem alienam, & idcirco fiunt obnoxii oneri restitutionis, saltem in defectum filiorum - familias. Aliud dicendum, si permissivè duntaxat se habeant, dum illos è suis ædibus positivè non ejiciunt; tunc enim non peccant contra Justitiam, cum solum ex Charitate teneantur impedire damna Parentibus inde sequentia, uti rectè advertit Babenstuber *tr.* 7. *disp.* 4. *a.* 4. *n.* 41. ubi pro eadem opinione citat Sayrum *in clavi reg. lib.* 10. *tr.* 2. *c.* 11. *n.* 3. Bonacin. *n.* 3. Lugo *n.* 75. Sporer *n.* 37. & Vogler *de restitut. in genere* q. 19. *n.* 308.

§. III.

Corollaria ex dictis inferenda.

Colliges ex dictis primò, quòd si mandans revocavit quidem suum mandatum, hæc tamen revocatio non pervenit ad aures mandatarii, priùs quàm is fuit executus mandatum, teneatur adhuc mandans ad damnum resarciendum, quippe quod vi mandati fuit secutum proximo;
R. P. Elbel, de Restit. K mo;

mo, è contra si mandatarius excedat in executione mandati, utputa si iussus aliquem occidere, ipse insuper spoliet occisum, vel hujus domum incendat, tenebitur mandatarius ad resarciendum talem excessum, utpote non ex mandato, sed ex malitia duntaxat mandarii secutum. Si tamen excessus sit talis, qui regulariter est connexus cum damno principali à mandante intento, ut si is iussit quempiam graviter vulnerari, & vulneratus omnino moriatur, homicidium tale meritò imputabitur mandanti, quippe qui saltem in foro externo interpretativè voluisse censetur id, quod cum damno à se intento regulariter est connexum. Diana p. 8. rr. 7. resol. 33. Tambur. cit. §. 1. n. 2. Sporer c. 3. n. 13. Babenstuber ubi suprà n. 13. & alii communiter.

Dices. At quid, si etiam consulens consilium à se datum revocet, an is etiam evadet obligationem restitutionis, tametsi ille, cui malè consulit, fuerit executus consilium cum damno tertii?

143. R. Probabiliter tenetur saltem in casu, quò consulendo nedum veritatem aliquam simpliciter aperuit, sed etiam suo consiliò quandam utilitatem subministravit v.g. quomodo attentandum sit furtum, quò medio procurandum sit homicidium, vel abortus &c. Ita satis communiter

tc.

tenent DD. Lugo tom. 1. disp. 19. Sect. 2. n. 37. Lessius, Bonacina, Mezger & alii. Ratio est: quia hujusmodi Consilium non influit præcisè propter auctoritatem consulentis (sicut mandatum præcisè influit propter auctoritatem mandantis) sed propter suam utilitatem: atqui hæc utilitas adhuc manet, & movet ad executionem Consilii, etsi consulens illud revocârit: ergo hic probabiliter tenebitur ad compensationem damni, non obstante revocatione.

Hoc tamen non obstante cum Laymanno existimo, oppositam Sententiam S. Antonini, Navarri, Filliucii & Dianæ p. 2. tr. 18. resol. 15. esse satis probabilem, & practicè tutam. Ratio est: quia consulens revocando suum Consilium censetur fecisse, quantum hic, & nunc potuit ad impediendum damnum: & licet utilitas Consilii adhuc influxerit in damnum, tamen non ampliùs influxit de voluntate, consulentis, sed duntaxat de voluntate, & malitia illud exequentis: ergo probabiliter hic solus tenetur resarcire damnum. Profecto si v. g. Medicinæ Professor è Cathedra doceat, hoc, vel illud medium esse efficacissimum ad procurandum v. g. abortum, & aliquis è suis auditoribus propria malitia inductus illud tentet cum effectu, nemo facile dixerit, Medicum illum esse reum mali.

gnæ procurationis, esto adhuc influxerit utilitas medii à Professore suggesti; hujus autem non videtur alia ratio, quàm quòd hæc utilitas influxerit præter, vel contra intentionem illius: ergo non est, cur condemnemus consulentem, suppositò, quòd is serio & efficaciter revocârit suum Consilium.

144. Colliges 2dò, haudquaquam illicitum esse, consulere, ut quis ex duobus malis, aut damnis, quorum utrùmque impedire nequit, consulat id, quod minus est damniferum, ut si fur jamjam sit resolutus, auferre centum fl. à Paulo, licitè eisdem consules, ut quinquaginta duntaxat auferat; item si jamjam resolvit auferre centum vel ab Ecclesia, vel ab alio, licitè suggeres, ut ab alio potius, quàm ab Ecclesia Sacrilegè auferat. Ratio est: quia hoc modò non tam consulis damnum, quàm diminutionem damni; quod utique culpa vacat. Attamen si fur cogitet aliquid auferre alicui determinato v. g. Petro, tu illicitè consuleres, ut potius auferat Paulo, de quo fur nihil unquam cogitavit. Ratio est: quia tu proponendo Paulum, furem quodammodo determinas, ut huic innocenti, de quo nihil cogitaverat, damnum inferat: ergo huic infers quodammodo injuriam, & quidem damnosam. *Filliucius tr. 32. c. 3.*

n. 56.

n. 59. Mezger tom. 3. tr. 12. disp. 34. c. 1.

n. 9. Sayrus, Lessius, Bonacina.

Colliges 3^{ti}o, Eum, qui rationabiliter 145.

dubitat, an suo consensu, vel suffragio exstiterit causa damni injustè illati, probabiliter teneri ad restitutionem cum aliis consentientibus, seu votantibus, aut suffragantibus, saltem ad partem pro rata dubii. Ita contra alios Molina *disp. 736. n. 6.* Lugo *disp. 19. Sect. 1. n. 22.* Sporer *n. 35.* Babenstuber *cit. n. 32.* Ratio est: tum quia in foro externo judicatur contra talem, quòd scilicet exstiterit causa damni illati: ergo id ipsum in foro interno judicandum est, quippe quod conformari debet externo, quando hoc non innititur falsæ præsumptioni; tum etiam quia possessio videtur stare pro damno, utpote quod supponitur effectivè illatum, ideòque suffragatori incumbit probare, quòd non influxerit in illud, aliàs tenebitur satisfacere pro rata dubii.

His non obstantibus existimo, Senten- 146.
tiam Dianæ, Sayri, & aliorum multorum taliter dubitantem absolventium ab onere restitutionis, haud esse improbabilem; quia dubitans est in certa possessione suorum bonorum: ergo hæc non tenetur expendere, nisi obligatio sit luce meridiana clarior; qualis hæc non videtur, quippe de qua multi sapientes dubitant.

K 3

Et

Et licet constare supponatur de damno, non tamen de hoc constat ut illato ab illo, qui rationabiliter dubitat, an suum suffragium influxerit efficaciter : ergo probabile est hunc non teneri ad compensationem damni. Videatur de hoc P. Sporer *cit.* n. 34, ubi pro eadem opinione allegat plures alios.

147. Colliges 4^{to}, non teneri ad restitutionem testem illum, qui etiam juridicè interrogatus in Judicio, veritatem non manifestat, esto ex tali non manifestatione sequatur damnum alteri læso innocenter, vel injustè. Lessius *l. 2. c. 30. dubit. 8. n. 59.* Sayrus *l. 10. clav. reg. tr. 2. c. 15. n. 3.* Tambur. *l. 8. tr. 4. c. 2. §. 6. n. 11.* Ratio est; quia testis non tenetur ex Justitia aperire veritatem, sed solum ex Charitate erga innocentem, & ex obedientia erga Judicem interrogantem, aut denique ex virtute Religionis, casu quo Juramentò sese adstrinxisset ad aperiendam veritatem : at qui non peccat contra Justitiam, non tenetur ad restitutionem damni : ergo. Secus dicendum foret, si positivè dixisset falsum testimonium contra innocentem cum damno illius ; quia tunc exstitisset positiva causa hujus damni injusti. Vid. Molin. *de Justit.* tom. 1. tr. 2. *disp. 83.*

148. Colliges denique 5^{to}, in casu, quò duo, aut plures, etiam eodem tempore, aliquem damni-

damnificant, sed ita, ut unus independenter ab alio, utputa, si ex eodem dolio vini alieni bibant, absque eo, quòd unus sit causa, ut alius simul bibendo Dominum damnificet, singulos teneri duntaxat ad partem damni, hoc est: ad refundendum tantum, quantum quivis damnificavit: è contra si damnum inferant ita, ut influxus unius dependeat ab influxu alterius, utputa in casu, quo duo sese adjuvant ad asportandam aliquam sarcinam furtivam, quam unus solus asportare non potuisset, tunc quivis in defectum alterius obligatur resarcire damnum in solidum. Ratio disparitatis est: quia in priori casu quilibet existit causa partialis duntaxat, & quidem tam partialitate causæ, quàm etiam effectus: at verò in casu posteriori quilibet est causa totalis damni, sin minus totalitate causæ, saltem totalitate effectus: atqui juxta superius n. 127. dicta, singuli cooperantes tenentur restituere secundum proportionem sui influxus: ergo hi posteriores tenentur resarcire totum, priores verò suas duntaxat partes damni illati. Videatur de hoc Molina *disp. 734.*

Lugo *disp. 16. Sect. 3. §. 2.* Laym. *l. 3.*

17. 2. c. 6. Tambur. *lib. 8. 17. 4.*

c. 2. §. 8.

Et licet constare supponatur de damno, non tamen de hoc constat ut illato ab illo, qui rationabiliter dubitat, an suum suffragium influxerit efficaciter : ergo probabile est hunc non teneri ad compensationem damni. Videatur de hoc P. Sporer *cit.* n. 34, ubi pro eadem opinione allegat plures alios.

147. Colliges 4^{to}, non teneri ad restitutionem testem illum, qui etiam juridicè interrogatus in Judicio, veritatem non manifestat, esto ex tali non manifestatione sequatur damnum alteri læso innocenter, vel injustè. Lessius *l. 2. c. 30. dubit. 8. n. 59.* Sayrus *l. 10. clav. reg. tr. 2. c. 15. n. 3.* Tambur. *l. 8. tr. 4. c. 2. §. 6. n. 11.* Ratio est; quia testis non tenetur ex Justitia aperire veritatem, sed solum ex Charitate erga innocentem, & ex obedientia erga Judicem interrogantem, aut denique ex virtute Religionis, casu quo Juramentò sese adstrinxisset ad aperiendam veritatem : at qui non peccat contra Justitiam, non tenetur ad restitutionem damni : ergo. Secus dicendum foret, si positivè dixisset falsum testimonium contra innocentem cum damno illius ; quia tunc exstitisset positiva causa hujus damni injusti. Vid. Molin. *de Justit.* tom. 1. tr. 2. *disp. 83.*

148. Colliges denique 5^{to}, in casu, quò duo, aut plures, etiam eodem tempore, aliquem damni-

damnificant, sed ita, ut unus independenter ab alio, utputa, si ex eodem dolio vini alieni bibant, absque eo, quòd unus sit causa, ut alius simul bibendo Dominum damnificet, singulos teneri duntaxat ad partem damni, hoc est: ad refundendum tantum, quantum quivis damnificavit: è contra si damnum inferant ita, ut influxus unius dependeat ab influxu alterius, utputa in casu, quo duo sese adjuvant ad asportandam aliquam sarcinam furtivam, quam unus solus asportare non potuisset, tunc quivis in defectum alterius obligatur resarcire damnum in solidum. Ratio disparitatis est: quia in priori casu quilibet existit causa partialis duntaxat, & quidem tam partialitate causæ, quàm etiam effectûs: at verò in casu posteriori quilibet est causa totalis damni, sin minus totalitate causæ, saltem totalitate effectûs: atqui juxta superius n. 127. dicta, singuli cooperantes tenentur restituere secundum proportionem sui influxus: ergo hi posteriores tenentur resarcire totum, priores verò suas duntaxat partes damni illati. Videatur de hoc Molina *disp.* 734.

Lugo *disp.* 16. *Seç.* 3. §. 2. Laym. l. 3.

17. 2. c. 6. Tambur. *lib.* 8. 17. 4.

c. 2. §. 8.

CONFERENTIA S E X T A.

De Restitutione debita ex con- tractu.

S U M M A R I U M.

- 149. Quid sit contractus propriè dictus?
- 150. Et quid sit quasi contractus?
- 151. Ex contractu oritur duplex obligatio restituendi, quarum una immediata, & formalis, altera mediata, & radicalis appellatur.
- 152. Quid sit *casus*, quid *dolus*, & quid *culpa*, vè quorum res ex contractu debite non rarò perire solent?
- 153. Inculcantur rursus duæ regulæ, pro decidenda obligatione restituendi ex contractu debita à Confessario semper præ oculis habenda.
- 154. Obligatio gravis resarciendi damnum grave ex contractu, in conscientia, & ante Sententiam Judicis supponit culpam Theologicam gravem.
- 155. Potest nihilominus ex quasi contractu oriri obligatio gravis in conscientia ad damnum resarciendum, etsi non fuerit commissa culpa gravis.
- 156. Leges civiles ex culpa levi, vel levissima condemnantes ad restitutionem, intelligendæ sunt post Sententiam Judicis.
- 157. An, vel quando in communi periculo res alienas teneamur præferre propriis?
- 158. Quò loco, & cujus expensis restituenda sit res ex contractu debita?

159. Quò

159. Quô item loco restituenda sit res debita ex delicto?
160. Resolvitur Casus I. cujusdam Negotiatoris equorum, qui alium graviter decipiendo, existimavit se Deo, & Angelis præstitisse obsequium.
161. Unde graviter deliquit, saltem per se loquendo.
162. Et tenetur in conscientia satisfacere parti læsæ.
163. Neque excusatur ex eo, quòd ipse etiam emendo eundem equum ab alio fuerit graviter deceptus.
164. Resolvitur Casus II. cujusdam Oenopolæ, qui vinum aquâ delibutum, pretiò augmentata vendidit.
165. Undenam colligendum, an justò, vel injusto pretio illud vendiderit?
166. Quid si talis Oenopola vinum non lymphatum uni duntaxat majori pretio vendat, quàm aliis quibuscunque?
167. Cujus intuitu id fieri possit sine peccato?
168. Resolvitur Casus III. de quodam Professore, qui ex Hungaria à quodam Calcographo Augustano petiit sibi transmitti ducentas imagines, seu Theses, pro adornanda Disputatione.
169. Cuinam dictæ imagines in itinere Danubio immerse periissent?
170. Præsertim si Calcographus supponatur tempore satis maturo eas commisisse rati, aut navi.
171. An Nauclerus debuerit reparare damnum?
172. Quando res ex contractu debita periit, vel maxime attendendum est, sub cujus dominio steterit.
173. Res per alium amicum, seu tertiam personam empta, & periens in itinere, cuinam pereat?
174. Quando res periit culpa, à Confessario attendenda est gravitas culpæ, vi cujus periit.
- K 5 . 175. Ob-

175. Obligatus ex contractu ad bene consulendum, si ex ignorantia crassa, vel ex culpa lata malè consulat, tenetur ad refusionem damni inde secuti.
176. Confessarius, advertens se malè consuluisse, tenetur Consilium suum revocare, si moraliter, & utiliter possit.
177. Econtra qui etsi agnitus ut insufficiens, consultus fuit, non tenetur compensare damnum ex sinistro Consilio fortè secutum.
178. Qui consulendo secutus fuit Sententiam verè probabilem, non tenetur ad restitutionem, tametsi damnum inde fuerit consecutum.
179. Aurifaber non indicans simplici pretium v. g. alicujus gemmæ, propterea quæ minori pretio eam sibi comparans, an teneatur ad aliquam restitutionem?

§. I.

Præmittuntur, & breviter resolvuntur quæ sita scitu necessaria ad debitè resolvendos Casus practicos, de obligatione restituendi ex contractu orta.

QUæres primò, quid sit contractus, & quid quasi contractus?

149. R. ad primum. Contractus latissimè sumptus significat conventionem duorum, aut plurium inter se. Propriè tamen dictus contractus rectè describitur, quòd sit *pactum reciprocum onerosum, quod ex utràque parte paciscentium, seu contrahentium obligationem*

nem parit. Unde *L. Labeo. ff. de verb. signif.* dicitur, quòd *contractus* sit *ultrò, citròque obligatio*, id est, duorum, vel plurium in idem consensus, *ultrò, citròque obligationem* pariens, qualis est *Contractus Matrimonii, Sponialium, item Emptio, Venditio &c.*

R. ad 2dum. Quasi *contractus* appellatur, quando inter paciscentes non intercedit voluntas formalis, & expressa, sed virtualis tantum, & interpretativa; talem inire censentur v. g. cum Republica, qui ex pacto in se suscipiunt aliquod officium, utputa Episcopi, Parochi, Confessarii, Gubernatoris, Judicis, Advocati, Procuratoris, Medici, Chyrurgi &c. etenim hoc ipsò, quòd in se suscipiant hujusmodi munus, vel onus, virtualiter, & interpretative reputantur sese obligare ad debitam diligentiam in ejus functione præstandam. Videantur de hoc Reiffenstuel *Theol. Mor. v. 8. dist. 1. n. 8. & 10. La Croix l. 3. p. 2. n. 579. & sequentibus.*

Quæres 2dò, an, vel qualis obligatio restituendi oriatur ex contractu?

R. Oritur inde duplex obligatio, quarum una appellatur formalis, & immediata, altera radicalis, & mediata. Formalis obligat ad restituendum id, quod mutua conventionione promissum, ac debitum est: ut si promissisti centum, teneris reddere totidem: si promissisti v. g. Vinum Austriacum

cum, teneris reddere hoc, & non aliud &c. sicut vicissim alter contrahens tenetur tibi solvere id, & tantum, quod, & quantum promisit; nam ratio naturalis, & æquitas hoc dicat, prout cuilibet ex natura, & conditione contractûs mox descripti facile patebit. Radicalis autem, & mediata obligatio restituendi ex contractu oriri solita in eo consistit, quòd, si res debita, vel obligata alteri per contractum ante traditionem pereat ex aliqua culpa debitoris, hic juxta proportionem culpæ admixtæ teneatur compensare damnum, & satisfacere alteri parti; quodcirca vel maximè attendendum est, an res contractu obligata, ac promissa alteri vel casu pereat, vel dolò, vel culpâ. Quare pro hujus majori dilucidatione

• Quæres 3tiò, quid hic intelligatur nomine còsûs, doli, & culpæ?

152. R. I. Per casum hic intelligitur *vel inopinata eventus*, qui neque à diligentissimo caveri potuisset; ut si res tibi vendita, vel commodata inopinatò incendio, vel direptione hostium pereat. 2. Dolus consistit in *machinatione injustè damnificandi facta, vel omissione, consultò, & scienter arbitrata*, uti illum describit Herincx *disp. 5. n. 17.* ubi etiam notat, damnum ex dolo datum in omni negotio esse præstandum. 3. Denique culpa describitur, quòd sit defectus ab eo, quod bo-

bonum, & debitum est, hominisque diligentia præstari potest; quæ vel potest esse Theologica, vel Politica, eaque vel lata, vel levis, vel omnino levissima, uti jam dictum fuit *Confer. 3. n. 62.*

Quæres 4^{to}, quænam sint Regulæ specialiter observandæ circa obligationem restituendi ex contractu?

R. Esse duas, jam superiùs *Confer. 1. n. 4. 153.* relatas, videlicet 1. omnis res, quæ casu perit, Domino perit. 2. omnis res, quæ culpa perit, culpabili perit; quas vel idèò hic loci repetere & inculcare volui, quia pro resolvendis casibus innumeris, & decernendo onere restitutionis ex hac radice contractûs scilicet) scitu summopere sunt necessariæ Confessario, & hòc ipso bene imprimendæ memoriæ.

Quæres 5^{to}, qualem culpam supponat obligatio restituendi ex contractu, & quasi contractu?

R. I. Obligatio in conscientia supponit 154. per se loquendo culpam Theologicam, & quidem gravem, ubi materia, vel onus restituendi est grave. Ratio est: quia lege naturæ nemo tenetur ad majorem diligentiam adhibendam in custodia rei commodatæ, aut conductæ &c. quàm Dominus ipse adhiberet: & certè qui munus aliquod, vel officium quoddam in se suscipiunt, regulatiter non intendunt sese obli-

gare, nisi ad diligentiam moralem, & humanam, qualem frugi homines ejusdem conditionis ordinariè, ac communiter adhibere solent: ergo neque obligantur ad restitutionem, nisi ex omissione diligentiae communiter adhiberi solitæ, quæ omisio est culpa lata, & ordinariè Theologica Mortalis. Lessius *l. 2. c. 7. dubit. 6.* Lugo *de just. tom. 1. disp. 8. sect. 7. n. 93.* Mezger *tom. 3. tr. 12. disp. 32. a. 3. n. 1.* Vide etiam dicta superius *C. 1. n. 4.*

155. R. 2dò. Per accidens tamen in quasi contractu oriri potest obligatio, præstandi diligentiam exquisitissimam, & consequenter illâ non præstita obligatio ad restituendum; idque potissimum in duobus casibus. 1. si accipiat tale officium v. g. Chyrurgi, Medici &c. cum expressa obligatione ac promissione adhibendi diligentiam exquisitissimam 2. si saltem tacitè id ipsum promisit, utputa quia se jactando aliis meliorem, aut peritiorum, impedit, ne inquireretur, vel usurparetur Chyrurgus doctior; qui proin, si non præstent, quod promiserunt, tenebuntur ad compensationem damni secuti; tum quia non erant periti; tum etiam quia imperitiam suam supplere neglexerunt, uti post Tamburinum *l. 8. in decalog. tr. 3. c. 5. §. 2. n. 2.* rectè observant Sporer, Babenstuber.

Dices; Jure Civil. *L. contractus ff. de regul. Jur.*

Jur. statuitur, ut, si contractus sit factus in gratiam utriusque contrahentis, uti sit in locatione, conductione, emptione &c. recipiens v. g. domum locatam teneatur ex dolo, item ex culpa lata, & levi. Quin immò *L. si ut certo ff. commodati.* ulterius statuitur, ut si contractus sit factus in gratiam solius recipientis, uti sit in commodato, & precario, resque pereat apud recipientem, is teneatur nedum ex dolo, verum etiam ex culpa lata, levi, immò levissima: ergo malè diximus, in foro conscientiae neminem teneri ad restituendum, nisi commiserit culpam Theologicam.

& Hujusmodi leges Civiles, utpote nimis 156.
rigorosas, probabilissimè non obligare in conscientia ante Sententiam Judicis. Ita contra Laym. Mol. & alios multos tenent Sotus *l. 5. de Just. q. 7. a. 4.* Lugo, Diana, Tamburinus, Sanchez, Reiffenstuel *Theol. Mor. 11. 8. disp. 2. n. 47.* Ratio est: quia omnino gratis asseri videtur, quòd homines regulariter loquendo velint se obligare ad hujusmodi diligentiam exquisitissimam, & praeavere omnem culpam, etiam Politicam; ergo licet talem committant, si tamen hæc non sit simul Theologica, probabiliter non obligantur ad damni compensationem ante Judicis Sententiam. Et certè dictæ leges non videntur cum tanto rigore usu receptæ: uti testantur *DD. mox citati*, & etiam Lessius: ergo non obligant &c. Quæ.

Quæres 6to, utrùm in communi periculo v. g. incendii, naufragii &c. teneatur quis rem alienam, quam possidet ex contractu præferre rebus propriis, ita ut si nequeat salvare utràmque, teneatur potius periculo eripere rem alienam, quàm propriam?

157. R. 1. si res propria sit æquè pretiosa, vel omnino pretiosior alienâ, aut si ex amissione rei propriæ deberet subire notabile damnum, sine spe refusionis, in foro conscientiæ non tenetur (quidquid sit de foro externo) bene tamen 2. si res propria sit admodum vilis, ita, ut ex hujus amissione non pateretur magnam jacturam, è contra res aliena valde pretiosa. Ita ex communi Lugo tom. 1. disp. 8. sect. 10. n. 139. Sporer c. 2. n. 235. Mezger ubi suprâ a. 6. n. 6. Ratio prioris est: quia nemo præsumitur in contractu obligare se velle ad expensas extraordinarias in conservatione rei alienæ faciendas: at, si quis deberet pro hujus conservatione perdere res proprias æquè pretiosas, vel omnino pretiosiores, eò ipso teneretur ad expensas extraordinarias; quis enim vellet potius conservare rem alienam, quàm propriam in pari periculo aut jactura? profecto nullus; cùm amor erga se ipsum suadeat oppositum: ergo. Ratio autem posterioris hæc datur: quia in contractibus modò humano initis quisque

que censetur se obligare ad rem alienam conservandam, aut custodiendam, modò moraliter possibili: at, ubi res aliena est valde pretiosa, & res propria exigui momenti, præsertim si liceat sperare, jacturam rei propriæ compensatum iri, non est impossibile custodire rem alienam: ergo tenetur. Unde non excusaris à conservatione rei alienæ, quæ valet mille, si timeas jacturam v. g. unius aurei; quia hoc non videtur damnum notabile, inquit Babenstuber *tr. 7. disp. 4. n. 3. n. 41.*

Quæres 7imò: quò loco res aliena sit restituenda?

R. 1. Res debita ex contractu restitui de **158.** bet in eo loco, de quo expressè, vel saltem tacitè inter partes conventum fuit. Ratio est: quia hoc postulat æquitas naturalis, & æqualitas inter partes contrahentes servanda: & regulariter loquendo, si opus sit translatione rei restituendæ, hæc fieri debet expensis debitoris. Unde sequitur, debita ex contractu gratuito, v. g. donatione, legatione, Testamento &c. restituenda esse in loco, ubi erant, quando donatio, legatum, vel Testamentum fuit factum, atque sumptibus donatarii, vel legatarii aliò esse transferenda: è contra debita ex contractu oneroso, transferente dominium rei, quò scilicet non eadem res, sed pro una re accepta altera reddi

R. P. Elbel, de Restit. L debet

debet, uti fit in emptione &c. restituenda sunt in loco, ubi res, pro qua solutio fieri debet, fuit accepta. Ratio est: quia in reciprocis contractibus res una in alterius locum quasi substituitur; quod tunc perfectè fit, si etiam idem locus acceptionis, & restitutionis servetur, prout bene observant Vasquez *de restit. c. 9. dub. 2. n. 50.* Lessius *c. 15. dubit. 8. n. 56.* & Laym. *l. 3. tr. 2. c. 10. n. 5.*

159. R. 2dò. Res debita ex delicto restituenda est in loco Domini, seu Creditoris, idque expensis debitoris fieri debet. Ita Molina *tom. 3. disp. 752.* Lessius *l. cit.* Laym. *n. 3.* Lugo *disp. 20. sect. 8. n. 183.* Sporer *tr. 4. c. 3. n. 154.* Ratio est: quia restitutio in hunc finem tendit, ut fiat æqualitas: at, nisi res restituatur in loco Domini, ubi scilicet Dominus eam haberet, nisi injustè fuisset ablata, nunquam fieret æqualitas, sed Dominus gravaretur injustè: ergo. Unde qui equum hic Salisburgi abstulit, & traduxit Viennam, debet eum propriis expensis hic Salisburgi restituere: & si Dominus equum suum duxisset in Italiam, deberet eum illuc mittere, deductis tamen impendiis necessariis, quæ Dominus in eo traducendo fecisset &c. Limitant tamen hoc Laymann *l. cit.* post S. Thomam, Navarrum & alios: nisi fur transferendo talem equum, aut aliam rem, furtivam, deberet facere expen-

expensas excessivas, seu etiam majores, quàm res furtiva constaret; quia tunc Dominus rationabiliter non posset prætere restitu-
tionem, modò equus ille, vel quæ-
cunque demum res aliena, interim servetur
in loco tuto.

S. II.

Proponuntur, & breviter re-
solvuntur Casus practici, de restitu-
tione debita ex contractu.

CASUS PRIMUS.

*Titius in nundinis Lincensibus, ubi plurimi equi
venales concurrere solent, unum vendidit
pretio excessivo. Cum enim equus revera esset
cæcus, oculis, vel potius pupillis ejus certum quen-
dam pulverem insufflavit, quò easdem pupillas
reddidit splendentes in tantum, ut ab emptore
crederetur videns; unde factum, ut pro eodem
equo obtinuerit ab emptore centum florenos,
quem ne quidem ipse Titius voluisset emere qua-
draginta florenis. Hanc facti speciem, cum Titius
postea cuidam Theologo discursus gratiâ narrâs-
set, ab eo mox audivit, tutâ conscientia id fieri
non potuisse, propterea que Titium teneri saltem
ad restituendum Emptori excessum justî pretii.
Verùm Titius respondit, se id nunquam sibi du-
xisse conscientia, eo quòd benè sciret, etiam An-*

gelos in Cælo ridere, dum vident, unum negotiatorem equorum ab alio insigniter decipi. Quaritur jam 1. quid hac responsione Titii tenendum? 2. an revera peccaverit, & obligetur ad aliquam restitutionem?

160. R. ad primum, hanc Titii responsionem, vix esse responsione dignam; quandoquidem certum sit, quod nec ratione nitatur, nec auctoritate, nec consuetudine legitime recepta sit, nec denique in æquitate naturali habeat fundamentum. Et licet multiplici experientia constet, sæpiissime unum negotiatorem equorum ab alio insigniter decipi, hæc tamen praxis iniqua est, & non legitima; quæ, si impunè permitteretur, aut semel approbaretur, procul dubio aperiret januam innumeris fraudibus, ac dolis: constat autem ex probata praxi, nec non ex Jure, quod fraus, & dolus nulli debeant patrocinari. *argum. c. 15. & 16. de Rescript.* ergo nec debent approbari, sicut revera nec approbantur.

161. R. ad 2dum. Titius revera graviter deliquit (quidquid demum sit de sinistra ipsius persuasione, an scilicet hæc fuerit culpabilis, vel non) ratio est: quia naturali æquitate exigente venditor tenetur monere emptorem de notabili vitio mercis, quando advertit, quod ille non observet vitium: atqui cæcitas equi est vitium valde nota.

notabile: ergo. Deinde qui emptorem fraude inducit ad emendum majori pretio, quam ipse emere vellet, facit injuriam damnosam, quisque enim habet Jus, ne fraude, aut mendacio inducatur in aliquod damnum; quam ob causam *l. Julianus 13. in principio ff. de actionibus empti* statuitur, ut talis teneatur præstare omnia detrimenta, quæ emptor ex actione trahit: atqui Titius fraude induxit emptorem: ergo &c. Videatur Laymann *l. 3. rr. 4. c. 17. n. 15.* La Croix *l. 3. p. 2. n. 955.* aut Reiffenstuel *l. 3. decret. tit. 17. n. 178. & 186.*

Dices: ergonè Titius tenetur contractum rescindere, aut excessum pretii restituere?

R. Affirmativè. Quin immò contra-162.
ctus ille probabilissimè fuit nullus. Ratio est: quia emptor dolo inductus certò erravit, sin minus in Substantia Physica equi, certè tamen in Substantia Morali; nam quando res notabiliter differt ab eo, quod emptor intendit, censetur is errasse in Substantia, veluti observat Tamburinus *l. 8. rr. 3. c. 7. n. 17.* atqui equus cæcus notabilissimè differt à vidente, neque præsumere licet, emptorem tantum fuisse daturum, si advertisset vitium cæcitatæ, quantum dedit eo non animadversò: ergo cum dolus hic dederit causam contractui, defuit verus

consensus, quo deficiente ruit contractus
l. in venditionibus ff. de contrahend. empt.

Et licet talis in foro externo à Judice non audiretur forsitan, eo quod cæcitas equi non reputetur vitium principale, seu ut appellant Germanicè: ein Haupt-Mangel / id tamen solum fit propterea, quod emptor non credatur ignorasse hoc vitium, aut certè, ex eo, quod non constet, eum fuisse dolo venditoris inductum; de quo, si Judici constaret, procul dubio audiretur, & venditor condemnaretur: ergo hic in conscientia, & coram DEO tutus, aut excusabilis esse non potest. Videatur Reifsenstuel *l. cit. n. 176.* Babenstuber *tr. 7. d. 6. a. 3. n. 24.*

At, inquires forsitan mi bone Titi: ipsūmet ego eundem equum jamjam inclinantem ad cæcitatem emi 100. florenis, & quidem ignarus hujus vitii: quidni ergo ad me indemnem servandum pro eodem pretio valeam tuta conscientia eundem alteri denuo vendere?

163. R. Non vales; quemadmodum enim tibi facta fuit injuria gravis à tuo venditore, præsertim si is agnovit vitium mercis, ita & tu novam, & quidem satis gravem injuriam inferres alteri, contra notissimum illud lumine naturæ clarum principium: *quod tibi non vis fieri, alteri ne feceris.* Et sicut tu monetam spuriam ab alio acceptam
tutā

tutâ conscientia non potes alteri reddere velut bonam, nec vitrum, quod pro gemma emisisses, rursus alteri pro gemma vendere, ita sanè nec equum cœcum, quem emens existimâsti videntem, rursus alteri pro vidente vendere vales salvâ conscientia, sed teneris recurrere ad venditorem, à quo emisti, ut is tibi damnum resarciat. Videatur Sporer tr. 6. c. 5. n. 30. item n. 64. & sequent. La Croix l. 3. p. 2. n. 948, & 960. Illung tr. 4. disp. 2. n. 400.

CASUS SECUNDUS.

Sempronius Oenopola vinum satis generosum apposuit suis hospitibus, sed quia illud asperum nimis & rigidum visum fuit, hinc aliud vinum melius postulârunt. Sempronius meliori non provisus, ut honori suo simul, & commodo prospiceret, promisit, se mox aliud, quod magis sâperet, allaturum: unde reversus in cellariam eisdem vino aquam superinsudit, sicque satis delymphatum hospitibus suis apposuit, & auctô quidem pretio, ne hospites crederent, hos esse deterius illo priùs allato: quod etiam dicti hospites, utpote ignari fraudis, & rei gesta, gratanter acceptantes, cum gustu biberunt, & solverunt auctô pretio. Quaritur an Sempronius tutâ conscientia id facere posuerit?

R. Cum distinctione; nam attenden-164.
dum est in hoc casu 1. an pretium adhuc

L 4.

fuerit

fuerit justum, etsi fortè summum, an verò non? si non: de se liquet, Sempronium hoc practitando peccasse, sin minus graviter, saltem leviter, juxta proportionem deceptionis. 2dò, item considerandum est, an quantitas vini ab hospitibus consumpti fuerit magna, vel exigua; nam si supponatur fuisse exigua; non tam facile credi debent fuisse inviti, quàm si quantitatem magnam consumpsissent; præsertim si vinum ita delymphatum magis sapuit, quàm prius. At

Dices. Hoc ipsum est in quæstione, an pretium à Sempronio taxatum fuerit adhuc justum, vel non: unde igitur hoc colligendum?

165. R. ex communi Doctorum, aliud esse justum pretium medium, aliud summum, & aliud infimum, quorum quodlibet justè exigi potest, secundum diversitatem circumstantiarum, utputa locorum, personarum &c. putatque La Croix, quòd, si alicubi medium pretium v. g. pro aimera Vini sint 10. floreni, tunc infimum fore 8. cum dimidio, & summum 11. cum dimidio. Verùm P. Sporer *tr. 6. in decal. c. 5. n. 26.* sapienter ait, quoad hoc standum esse Judiciò prudentium, secundum circumstantias fori, & communem sensum negotiatorum. Unde breviter dicendum existimo, quòd, si vinum Sempronii nondum delym-
- lym.

lymphatum seu aqua mixtum, jam fuisset à Magistratu taxatum illo pretiò, quò hospitibus fuit primò oblatum; vel, si alii intelligentes prudenter judicassent, vinum illud aquà delibatum, non ampliùs esse dignum tanto pretio, Oenopola nequaquam potuerit salvà conscientià prætendere majus pretium, sed potiùs debuerit compensare tantum, quantum auxit pretium; quod quidem facile potuisset exequi, unam aut alteram mensuram dictis hospitibus vel gratis offerendo, vel saltem non computando.

At verò, si nec à Magistratu, aut alio Superiore fuit taxatum pretium vini, & hoc ab aliis prudentibus fuisset adhuc judicatum dignum pretio augmentato, facile absolverem à peccato, & ab onere restitutionis; tum quia fraus vel nulla, vel omnino exigua intervenit; tum præsertim quia Sempronius id supponitur fecisse ob rationabilem causam, puta ad servandum suum honorem, & ad conservandum hospitum concursum: ob similes autem rationabiles causas faciliùs permitti potest, ut merces aliquo modo corruptæ vendantur, modò deceptio illa non sit æquò gravior. Videatur de hoc Laymann *lib. 3. tit. 4. c. 17. n. 15. §. limita.* Spörer *tit. 6. c. 5. n. 80.* Reiffenstuel *l. 3. decret. tit. 17. §. 5. n. 124.*

Dices adhuc: quid si autem talis Oenopola vinum uni duntaxat carius vendat, quàm cæteris omnibus, ut, si mensuram aliis omnibus dare consuevit pro 6. paciis, & uni Titio eam vendat pro medio floreno, an non impinget in leges Justitiæ?

166. R. In hoc casu pariter esse attendendum 1. an hoc vinum à Magistratu vel alio Superiore legitimo fuerit taxatum pro 6. paciis duntaxat, vel non? quia justò pretio taxato in utròque foro standum est, juxta communissimam DD. quam tenet cum Molina, Sanchez, Castropalao & aliis, Reiffenstuel *loc. proximè cit. n. 131*. Quòd si pretium non sit taxatum, & ab aliis adhuc reputaretur tale vinum dignum medio floreno in his circumstantiis loci, personarum &c. etsi supponatur summum intra limites justì pretii, non peccat Oenopola; nam qui justò pretio vendit merces suas voluntarie einentibus, nulli facit injuriam. Secus dicendum foret, casu quo pretium jam fuisset taxatum, aut ab aliis intelligentibus reputaretur excessivum; non enim fas est cuilibet pro suo libitu rem vendere, sed justo tantum pretio; veluti rursus cum communissima tenent Navarrus *in Manual. c. 23. n. 84*. Laym. *l. 3. tr. 4. c. 17*. Reiffenstuel *l. cit. n. 120*. consequenter ex hac suppositione per se loquendo teneretur Oenopola ad restitutionem damni.

Di-

Dictum tamen fuit: *per se loquendo*, & 167.
*suppositâ taxa justî pretii Oenopolam teneri ad
restitutionem &c.* nam per accidens excusari
subinde posset & à peccato contra Justi-
tiam, & ab onere restitutionis, si nimirum
sciret, sibi ab hoc vel difficulter & serò ni-
mis, vel omnino nunquam satisfactum iri
pro vino. Ratio est: quia subire hujus-
modi periculum, etiam est aliquid pretio
æstimabile, & plerumque dilatio solutio-
nis causa est lucri cessantis, vel damni emer-
gentis: ergo quemadmodum in mutuo,
cambio, & aliis similibus contractibus pro-
pter hujuscemodi pericula justè aliquid
exigitur ultrâ sortem, ita & in hoc casu,
non obstante justâ taxa Magistratûs, vel
Principis, quippe qui taxam communem
statuendo, sicut non præviderunt tale peri-
culum, ita nec præsumuntur voluisse con-
stitutionem suam extendere ad hujuscemo-
di casum particularem. Lessius l. 2. c. 21.
dubit. 6. n. 54. Diana *part. 1. tr. 8. Resol. 57.*
La Croix *n. 954.* Illiung *tr. 4. disp. 2. n. 402.*
Reiffenstuel *lib. 3. decret. tit. 17. §. 6. n. 151.*

CASUS TERTIUS.

*C*Ajus. certa cujusdam Religionis Professor
Budâ ex Hungaria scribendo petiit à quo-
dam Calcographo Augustano, ut sibi pro ador-
nanda Disputatione solemni ad Festum B. Vir-
ginis

ginis Maria in Caelos assumpta per ratem vel navim transmitteret ducentas imagines cum impressis, vel potius cupro incisis conclusionibus Theologicis; quod & factum à Calcographo tempore satis maturo, & debito. Verùm Theses illæ (nescio quò fato) in itinere tamdiu detentæ fuerunt, ut primum ad finem mensis Septembris Budam appulerint, quò tempore, cùm dictus Professor non amplius opus habuerit, ob Disputationem jam ante mensem celebratam, easdem occasione navali Augustam Calcographo remisit. Quaritur jam 1. an justè? 2. Quisnam debuisset luere damnum, casu quo dicta Theses Danubio immersa periissent?

168. R. ad primum. Probabiliter justè, saltem pro foro conscientiarum. Ratio est: quia quamdiu contractus nondum est completus, tamdiu manet dominium mercis apud venditorem, uti communissimè tenent DD. Molina, Rebellus, La Croix *cit.* l. 3. p. 2. n. 705. Illung *tr.* 4. disp. 2. n. 410. & habetur clarè decisum l. *necessariò ff. de periculo & commod. rei vend.* atqui contractus in nostro casu nondum fuit completus, & perfectus; tum quia Professor nondum præstitit solutionem, nec alium fidejussorem suo nomine substituit; tum etiam quia verosimilius nunquam intendit emere Theses primum obtentas, vel obtinendas post Disputationem solemniter jam celebratam, idcò.

ideoque contractus ille fuit saltem tacite conditionatus, quod scilicet vellet illas Theſes ſolvere, ſi tempore oportuno eas recepiſſet : atqui hæc conditio non fuit adimpleta : ergo probabiliter tutâ conſcientia potuit eas remittere Calcographo. Videantur Laymann *l. 3. tr. 4. c. 4. n. 2.* Molina *diſput. 205. n. 6.* Sporer *tr. 6. c. 2. n. 15.*

R. ad 2dum cum diſtinctione. Vel ^{169.} enim culpâ alicujus ſupponuntur periſſe, vel mero caſu, aut infortunio? ſi primum: periſſent culpabili; ſi 2dum, probabiliter periſſent Calcographo. Ratio petenda eſt ex dictis *n. 153.* quia *omnis res, qua caſu perit, Domino perit* : è contra *omnis res, qua culpâ perit, culpabili perit* in tantum, ut is teneatur luere damnum juxta proportionem culpæ, ita ſcilicet, ut ſi fuit graviter culpabilis coram Deo, teneatur in utroque foro reſarcire damnum, ſi verò levem duntaxat culpam in foro conſcientiæ commiſit, aut merè Politicam, in hoc quidem foro juſtè condemnabitur ad reſtitutionem; ante Sententiâ Judicis tamen nullatenus tenetur damnum reſarcire, veluti conſtare debet ex dictis ſuprà *Conf. 4. n. 95.*

Dices, Calcographus Auguſtanus tempore ſatis maturo Theſes extradidit Nauclero, transferendas Budam: ergo non ampliùs fuit illarum Dominus, ſed præſumi debet

debet transtulisse dominium in Professore, & consequenter casu quô periissent, non Calcographo, sed dicto Professore, vel certè Naclero, si is culpabilis existit, periisse censi debent.

170. R. Neg. Conseq. Etenim vi emptionis dominium mercis etiam traditæ non acquiritur Emptori prius, quàm is pretium solvit, vel dedit cautionem de solutione præstanda, sive dein mediante pignore, aut fidejussore &c. uti habetur *inst. de rerum divisione §. vendita*: & ratio hujus est: quia quamdiu contractus ex parte emptoris non est completus, meritò venditor reputatur rem venditam sibi realiter obligatam reservare voluisse: atqui contractus ex parte Emptoris, scilicet Professoris nondum erat completus præstita solutione &c. ergo. Quin immò ex eo, quòd Calcographus debito tempore extradiderit Nautæ, minimè censi debet abnegasse earum dominium; quandoquidem Nauta non fuit persona ab ipso Professore, sed potius à Calcographo substituta, ut hujus nomine eas transferret: quare potius debebant reputari esse in via extraditionis, quàm actu extraditæ Professori: consequenter Nauta adhuc debuisset luere damnum, casu quo culpabiliter eas submersisset Danubio.

At

At quid, si Nauta Theſes illas aſſumpſiſſet transportandas in Hungariam ex mera charitate ſive erga Calcographum, ſive erga Profeſſorem, tenereturne ex hac ſuppoſitione reſarcire damnum, caſu quo periſſent in itinere?

¶ *2.* Cum diſtinctione. Vel enim ſup-^{171.}ponitur dediſſe cauſam poſitivam interitûs, utputa quia culpabiliter eas projecit in Danubium, aut vendidit, aliove modo diſtraxit &c. vel dedit cauſam negativam duntaxat, utputa quia eas non ſatis cuſtodivit, proptereaquo malitiâ alterius aut in flumen projectæ, aut furtô ablatae fuerunt: ſi primum, tenebitur ad compensationem damni Domino illati; quia non ſolum ex charitate, ſed etiam ex Juſtitia tenebatur eas non deſtruere vel alienare &c. ergo dando cauſam poſitivam interitûs, violat Juſtitiam cum damno proximi, & hoc ipſo contrahit onus reſtitutionis. Si ſecundum, neutquam tenetur ad compensationem damni; quia non peccavit, niſi contra charitatem: atqui ex læſione ſolius charitatis non oritur obligatio reſtitutionis, ut dictum fuit *Conferent. 1. n. 5.* ergo. Secus dicendum foret de Bajulo ære conducto, & ex Juſtitia obligato ad transportandum; nam eo ipſo, quod talis permittat rem culpabiliter perire, etſi ſine cauſa poſitive data ad interitum, violat Juſtitia leges, & per conſequens incurrit

currit onus restitutionis, veluti ratio, & praxis recepta probat, juxta mox dicta n. 169.

§. III.

Corollaria ex dictis inferenda.

172. **C**olliges ex hæcenus dictis primò, in hac materia vel maximè attendendum esse à Confessario, sub cujus dominio steterit res, quæ periit; quia si casu periit, regulariter loquendo Domino periit; si verò periit culpâ, is qui culpabiliter dedit causam interitûs, cogetur luere damnum.

Notat tamen P. La Croix *l. 3. p. 2. n. 705.* in Venditione, & Emptione speciale quid observandum; nam licet dominium non transferatur in emptorem, sed maneat apud venditorem, donec res emptæ sit tradita; nihilominus emptione semel perfecta, periculum, & commodum rei transit ad emptorem, nisi aliter convenissent. Ita statuitur Jure Civili *l. id quod 7. ff. de pericul. & comod. rei vendit. item l. 1. & 2. C. eod. & Instit. de Empt. & Vendit. §. 3. cum autem.* Verùm quia Doctores communiter advertunt, has leges tunc duntaxat observandas esse, quando partes aliter non convenerunt; ideò singulariter pro foro con-

conscientiæ est attendendum ad modum, & conditiones, sub quibus contractus fuit initus, nec non ad locorum consuetudines approbatas, & constitutiones municipales loci, in quo contractus fuit celebratus: habet autem hoc (ni fallor) praxis recepta, ut si nunc Mercator v. g. Salisburgensis scribat alteri v. g. Augustano &c. ut sibi hoc, vel illud genus mercium transmittat pro solutione præstanda, ille qui petit, scilicet Salisburgensis, nec dominium illarum, neque periculum in via subeundum in se suscipiat, donec effectivè postulas merces obtinuerit; id, quod etiam æquitas postulare videtur; nam vice versa periculum pretii, seu solutionis manet apud hunc, scilicet qui merces postulavit, donec alter, à quo postulavit, pretium transmissum effectivè obtineat: ergo iustum est, ut & periculum mercium manet apud alterum, eoque, dum ritè fuerint extraditæ postulanti. Vide de hoc Herincx p. 3. 17. 3. disp. 4. 9. 5. item disp. 8. n. 112. Illung ubi suprâ n. 409. & seqq. Reiffenstuel l. 3. decret. tit. 17. §. 8. Unde

Colliges 2dò, si in casu 3tiò mox relato Cajus Professor alium bonum amicum Augustæ substituisse, & rogasset, ut in suo nomine à Calcographo Theses emerret, sibi que transmitteret per aquas, & amicus ille soluto pretio postulas Theses

R. P. Elbel, de Restit. M Nan-

Nautæ concredisset, damnum illud ex submersione Thesium, nec Calcographo Augustano, neque amico illi, sed vel Nautæ culpabili, vel Professori portandum incubuisset. Ratio est: quia ex hac suppositione amicus, utpote non proprio, sed alieno nomine emendo Theses, harum dominium illico transtulisset in Professore, immò fictione Juris censetur ipse Professor eas emisse, & consequenter sicut dominium, ita & periculum in se suscepisse, eò præsertim, quòd solutione jam præstita, contractus utrâque ex parte jamjam extiterit completus, & perfectus: ergo si periissent, non amplius Calcographo, sed Professori, ceu vero earum Domino periissent. Vide de hoc P. Sporer *tr. 4. c. 4. n. 11.* Lugo *tom. 1. de iustit. disp. 21. sect. 5. n. 57.*

174. Colliges 3tò, in ordine ad decidendam obligationem restitutionis, ortam ex contractu non servato, vel maxime etiam à Confessario esse attendendam gravitatem, vel levitatem culpæ commissæ; nam si is, cujus incuriâ, vel negligentia res ex contractu debita periit, deprehendatur non commisisse culpam gravem, absolvendus est ab onere gravis restitutionis; quia cum tota radix restitutionis hujus fundetur in delicto, ideò nequit quantitas obligationis excedere quantitatem delicti. Ex quo
recte

rectè infert Babenstuber *tr. 7. disp. 4. a. 3. n. 35.* Eum, qui ex ædibus suis aliquid inconsultò effudit, aut eiecit; qui canem alligare, candelam ardentem extinguere, aut furnum claudere fuit oblitus, indeque damnum alteri evenit, etiam in re, quam habebat ex contractu, non teneri aliquid restituere; eò quòd nullo Jure, nec naturali, neque positivo hic oriatur obligatio in foro conscientie, & ante Judicis sententiam: secus dicendum foret, casu quò quis sese specialiter obligasset ad evitandam omnem, etiam levem culpam, uti jam dictum fuit *n. 155.*

Colliges 4tò, ad restitutionem seu damni compensationem obligandos esse Consiliarios, qui vi officii sui ad bene consulendum obligati, nihilominus ex ignorantia crassa, vel lata dant Consilium malum, ex quo aliis consequitur damnum injustum; ut si 1. Confessarius ex tali ignorantia inducat pœnitentem ad faciendam restitutionem, ad quam is neutiquam est obligatus. 2. Si Theologus aliquis, vel Jure-Consultus respondeat, certum aliquem contractum esse justum, qui revera injustus est &c. Ratio est: quia tales ex suo officio, & professione sua tenebantur habere sufficientem rei notitiam, erroresque in consulendo vitare: ergo cum malè consulendo influxerint etiam positivè in da-

M a mnum

mnium alterius, tenentur illud pro possibili, & pro gravitate culpæ commissæ compensare. Lessius *cit. l. 2. c. 7. n. 33.* Mezger *tom. 3. tr. 12. disp. 32. a. 3. n. 3.*

176. Colliges 5^{to}, hujuscemodi Consiliarios manere obligatos ad revocandum Consilium malum, quamprimùm advertunt, se errasse consulendo, dummodo illud utiliter valeant revocare: idque omnino verum est, tametsi prius consulendo optima fide processissent. Ratio est: quia non revocando Consilium, quod advertunt esse damniferum, jam reputantur voluntariè continuare causam injustè damnificantem: quemadmodum ergo ille, qui inculpabiliter ignem admovens ad domum, vel horreum alterius, tenetur illum inde amovere, quamprimùm advertit incendium oriturum, ita etiam in nostro casu Confessarius &c. tenetur revocare suum Consilium, ex quo prævidet alterum iri damnificatum. Veluti ex communi DD. tradit Lugo *de justit. to. 1. disp. 8. sect. 7. n. 95.*

177. Colliges 6^{to}. Econtra non teneri ad compensationem damni, qui, etsi sit agnitus ut insufficiens, nihilominus ab alio fuit consultus. Ratio est: quia talem consulens debet sibi imputare damnum ex malo Consilio ortum, nam scienti ac volenti non fuit facta injuria. Nihilominus si ex hujuscemodi Consilio prævideatur secuturum damnum

damnum alicui tertio, tenetur Consiliarius imperitus illud revocare, vel executionem sui Consilii modò humanitùs possibili impedire; secus enim velut positivè cooperans ad damnificationem injustam, teneretur damnum recompensare, veluti constabit ex dictis *suprà* 119. & 137. quæ revide, si placet.

Colliges 7timò, non teneri ad restitutionem eum, qui juxta Sententiam verè probabilem dedit Consilium.

Ratio est: quia dans tale Consilium prudenter agit, consequenter non peccat, modò Sententia illa in his circumstantiis sit, & maneat verè probabilis. Excusatur insuper ab onere restitutionis ille, qui simpliciter aperit suam mentem, dicendo ita sibi videri justum, vel licitum, absque eo, quòd positivè suadeat, ut alter illud amplectatur. Item qui consultus respondet, se quidem putare hoc, vel illud esse consentaneum æquitati, dubitari tamen, an revera non erret; quia tunc alter illud amplectens, & amplectendo damnificans sive se ipsum, sive alium, debet hujuscemodi damnum imputare suæ temeritati, uti rectè advertunt Lessius *mox citatus* n. 33. eumque secutus Mezger, Pettschacher & Babenstuber *ubi supra* a. 3. n. 25.

Colliges denique 8vò, non esse tutos in conscientia Aurifabros illos, qui bene

advertunt venditorem velut hominem simplicem non agnoscere justum pretium mercis sibi oblatae v. g. gemmae, annuli &c. Ratio est: quia emptor non minus tenetur servare aequitatem, & Justitiam commutativam in contractu, quam venditor: ergo sicut venditor non potest salva conscientia pluris acceptare, quam justum pretium exigit, ita emptor non potest minus dare, quam limites justii pretii exigunt. Nec excusatur ex eo, quod forte dicat tali homini simplici, ut mercem suam bene consideret, & siquidem majoris forte esset pretii, liberè sibi condonet; quia talis condonatio facta ab ignorante non videtur habere tantum voluntarii, quantum requiritur ad validam condonationem; non enim est verosimile, quod, si is pretium rei bene intelligeret, vellet condonare, saltem si supponatur excessus pretii ignoratus esse valde magnus. Videantur de hoc Lugo *disp. 26. sect. 8. n. 137.* Reiffenstuel *lib. 3. decret. tit. 17. §. 7. n. 191.* Sporer *tr. 6. c. 5. n. 69.* La Croix *lib. 3. p. 2. n. 951.*



CON-

CONFERENCE SEPTIMA.

De
Restitutione debita ex læsione
proximi in bonis spiritualibus
animæ.

SUMMARIUM.

180. Quid nomine bonorum spiritualium animæ intelligatur?
181. Pro damnificatione facta in potentiis spiritualibus, utputa usu rationis &c. probabiliter nulla debetur restitutio.
182. Qui alium inducit in errorem peccat pro gravitate erroris.
183. Unde, si inducat in errorem practicum cum notabili damno animæ, graviter delinquit.
184. An, & quomodo peccet, qui alium inducit ad peccatum?
185. Qui Religiosum, vel Monialem Professam seducit, graviter peccat; & quomodo?
186. Si fraude vel dolo seduxit, tenetur 1. remove-
re dolum, & 2. damna inde illata compensare.
187. Quomodo compensatio hæc fit facienda?
188. Quomodo peccet, qui Candidatum, vel No-
vitium avertit ab Ordine, vel à Professione Reli-
giosa?
189. Qui vi, vel fraude talem avertit, probabiliter
tenetur ad aliquam compensationem Religionis
præstandam.

190. Resolvitur Casus I, cujusdam viduæ, quæ pauperculo Studiofo sub spe potiundi Matrimonii præbuit necessaria ad Studiorum prosecutionem, sed vana spe elusam se sentiens, maleficio illato injuriam vindicavit.
191. Si Studiosum illum nunquam obligavit ad promissionem Matrimonii futuri, neque ad refusionem expensarum, debet sibi imputare, quod nihil recipiat.
192. Unde Titia ante omnia tenetur tollere maleficio modo moraliter possibili.
193. Et quid, si hoc non amplius possit facere?
194. Resolvitur Casus II. de quadam Vetula, quæ puellam aliquam sinistrè, & dolosè informando graviter decepit, ut hæc imprægnaretur.
195. Non tamen videtur propterea obligata ad aliquam restitutionem.
196. Esto etiam habuerit sinistram intentionem decipiendi præfatam puellam.
197. Resolvitur Casus III. de quodam Juvene sollicitante quandam puellam ad carnalia, & hac via fraudulentè inducente ad connubium.
198. Qui pariter per accidens saltem videtur excusandus ab onere restitutionis vel compensationis faciendæ.
199. Nedum illi, qui aliquem erroneè instruunt, sed & qui aliquem injustè impediunt ab æsequenda Doctrina, arte, vel à Studio litterarum graviter peccare possunt.
200. Qui sine vi, vel fraude, meris scilicet precibus, aut blanditiis quempiam inducit ad peccatum, non peccat contra Justitiam respectu inducti.
201. Quanta huic incumbit obligatio corrigendi seductum, & reducendi ad meliorem fragem.

202. Inducere aliquem ad peccatum veniale, per se loquendo non excedit culpam venialem.
203. Qui Novitio sine justa causa negat suffragium ad Professionem, peccat mortaliter.
204. Solvitur quædam instantia in contrarium facta.
205. Quænam sint justæ causæ dissuadendi ingressum in Religionem, vel jamjam ingresso negandi suffragium ad professionem.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos, circa restitutionem faciendam ob læsionem in bonis spiritualibus animæ.

QUæres primò, quid intelligatur nomine bonorum spiritualium?

R. Nomine bonorum spiritualium animæ intelligi ea, quæ pertinent ad salutem animæ tam naturalem, quàm supernaturalem. Porro ad salutem supernaturalem pertinere dicuntur gratia, virtutes, Sacramenta, & alia hujusmodi, quæ principaliter conducunt ad salutem æternam; quò etiam reducendum est bonum statûs Religiosi, vel Sacerdotalis. Ad naturalem verò salutem animæ pertinent ingenium, usus rationis, & liberum arbitrium, nec non artes, & Scientiæ rerum naturalium. Nec ullatenus ambigendum est, aut dubitandum, quin homo in hisce bonis æquè, ac in aliis sapius,

M s

pius,

pius, quàm par est, damniſcetur, prout tragica exempla nobis ſufficientem dant probam; idque cum damno tantò intolerabili, quantò præponderant hæc bona animæ bonis corporis. Unde

Quæres 2dò, an teneatur ad reſtitutionem, qui alium privat uſu rationis v. g. per philtrum, vel maleficium?

181. R. Probabilius non teneri ad reſtitutionem præciſè pro damno ex privatione ſenſûs, ſeu uſus rationis illato: tenebitur tamen reparare damnum bonorum temporalium, ſi quod emerſit taliter privato: ut ſi is non ampliùs poſſit exercere ſuam aſtem, aut functionem, qua hæctenus ſibi, & fortassis etiam aliis lucrari conſuevit pacem, aliâque neceſſaria. Ratio hujus reſolutionis, & diſparitatis inter utrũque hæc eſt: quia damnum in ipſo uſu rationis, & aliis hujuscemodi potentiis, ſeu bonis ſpiritualibus illatum nullo pretio cenſetur æſtimabile; quia hæc bona ſunt in ſupremo ordine inter bona humana, nec quidquam reperitur in poteſtate hominum, quod his reputetur æquivalens: ergo pro ipſo uſu rationis fieri nequit, & hoc ipſo nec debet fieri compenſatio aliqua, ſed ſatis eſt, quòd delinquens coram DEO agat pœnitentiam, & ſi fieri poſſit, ab injuriato poſtulet veniam: è contra bona illa temporalia verè ſunt pretio æſtimabilia, & poſ-

& possunt vel formaliter, vel saltem æquivalenter compensari: ergo debent compensari ab injuriante saltem pro rata spei, quam habuit læsus ad hujusmodi lucrum. Gomez tom. 3. c. 6. n. 12. Lessius l. 2. c. 8. dubit. 1. n. 2. Herincx disp. 6. n. 1. Babenstuber tr. 7. disp. 5. 4. 1. n. 2. & 5.

Quæres 3tio, an peccet, & ad quid teneatur inducens alium culpabiliter in aliquem errorem intellectus, utputa vel positive decipiendo illum, vel saltem sinistre informando? &c.

R. Etiam iste peccat contra Justitiam, 182. graviter, aut leviter, pro gravitate, vel levitate erroris, proptereaque obligatur corrigere errorem, & resarcire damnum inde secutum. Ita Navarrus l. 2. de restit. c. 2. n. 3. Lugo disp. 9. sect. 1. n. 3. Sanchez, Sylvester & alii. Ratio est: quia quivis habet Jus ne inducatur in errorem seu malum quoddam intellectus: ergo contrarium faciens peccat contra Justitiam, sin minus graviter, saltem leviter.

Dixi: *graviter, vel saltem leviter*, scilicet 183. pro ratione gravitatis, vel levitatis, seu etiam damni inde illati; pro cujus pleniori intelligentia advertendum est, alios esse errores merum speculativos, circa veritates nullatenus ad praxim tendentes, ut, quod terra moveatur, cœli verbò stent immobiles &c. vel quod non detur purgatorium &c.

&c. hisce verò erroribus merè speculativis aliquem imbuere, etsi per se loquendo non videatur injuria gravis, in materia tamen fidei studiosè, & scienter aliquem sinistrè informare, minimè vacat culpa mortali, eò quòd ex hujuscemodi erroribus nata sint sequi innumera mala, animæque pericula, & damna; quam ob rem talis teneatur ad retractandum suum errorem, & ad ingerendam veritatem Fidei Catholicæ. Alii autem sunt errores practici, utpote per se tendentes ad praxin, ut si aliquem doceas, quòd non teneatur ad restituendam famam proximo injustè ablatam, aut ad fugiendam occasionem proximam peccandi, tametsi posset &c. &c. qui tali errore alium imbuat, absque dubio graviter delinquit cum onere refarciendi damna inde secuta, nisi debito tempore errorem dedoceat, & efficaciter retractet. Sanchez l. 1. Consil. c. 3. dubit. 4. a. n. 11. Lugo disp. 9. sect. 1. n. 4. & seqq. La Croix l. 3. p. 2. n. 351. & 352.

Quæres 4to, an peccet contra Justitiam cum onere restitutionis, qui alium allicit, & inducit ad peccandum?

184. R. cum distinctione. Nam si quempiam inducat sine vi, vel fraude, non peccat contra Justitiam respectu inducti, sed solum contra Charitatem, ex qua etiam tenetur eundem reducere ad meliorem frugem

gem, & hoc modo reparare damnum illatum: at verò, si vi, aut fraude aliquem inducat, peccat contra Justitiam, vi cujus pariter obligatur nedum ad tollendam vim, vel fraudem, verum etiam ad procuranda media, quibus seductus gratiam amissam recuperet. Ita communissime DD. Herincx ubi *suprà* n. 2. Bonacin. *de restitut. disp. 2. q. 1. pu. un. n. 1.* Illsung *tr. 4. disp. 3. n. 59.* Mezger *tom. 3. tr. 12. disp. 36. a. 1. n. 6.* Ratio prioris hæc est: quia volenti non fit injuria. *c. volenti de R. I. in 6.* at, qui peccat non deceptus, aut coactus, peccat sciens, ac volens: ergo huic non fit injuria, etsi seductor adhuc possit peccare contra Justitiam respectu tertii, si quempiam inducat ad hunc injustè damnificandum, idque verum est, tametsi seductus ex inculpabili errore, vel ignorantia non adverteret, se peccare; nam adhuc tale delictum coram DEO, & hominibus imputabitur impostori, quippe qui non ignoranter, sed scienter supponitur induxisse ad injustam damnificationem.

Ratio autem posterioris hæc datur: quia quivis ratione sibi congenitæ libertatis habet Jus, ne per vim vel fraudem inducatur ad malum: atqui peccatum est malum: ergo qui inducit, peccat contra Justitiam cum onere restitutionis, vel potius reparationis injuriæ illatæ. Et certè is, qui ab alio

alio per vim extorqueret consensum in peccatum, huic irrogaret injuriam: ergo etiam ille, qui per fraudem, aut dolum inducit; quandoquidem dolus æquiparetur violentiæ secundum omnes, teste P. Pettschacher.

Quæres 1^{to}, an peccet contra Justitiam cum obligatione satisfaciendi, qui Monialem, vel Religiosum jamjam Professum avertit, seu seducit à Religione, faciendo illum apostatare?

185. R. primò cum distinctione mox data. Si enim seductor agit sine vi, vel fraude, non delinquit contra Justitiam, nec respectu personæ seductæ, utpote quæ volens supponitur apostatasse; neque respectu Religionis; quia hæc non habet Jus Justitiæ in personam seductam, quippe quæ virtute Religionis duntaxat tenebatur perseverare in statu assumpto. Ratio autem posterioris hæc dari potest: quia vi seducens infert gravissimam injuriam tam personæ seductæ, quàm etiam Religioni, utpote habentibus strictum Jus, ne per vim, aut fraudem damnificentur. Ita rursus communissimè sentiunt DD. uti videre licet apud Lugo *disp. 9. sect. 3. n. 28.* Suarez *de Relig. lib. 5. c. 9.* Sanchez *ubi supra l. 1. c. 3. dub. 2. n. 6.* & alios passim. Unde

186. R. 2^{dò}. Talis Seductor ante omnia obligatur ad removendam vim, vel fraudem; secus

secus enim semper continuaret illatam injuriam; 2. tenetur insuper refarcire omnia damna inde secuta tum seducto, tum etiam Religioni. Ratio patet ex dictis: omnis enim injustè damnificans tenetur ad refarcienda damna illata: ergo si quæ damna vel Religioni, vel etiam seducto supponantur esse illata, tenebitur seducens in conscientia eadem refarcire modò meliori.

At (inquies) quo modò hujusmodi damna Religioni sunt compensanda?

xy. Ea duntaxat esse compensanda secundum spem præsentem, quam habuit Religio de percipiendis emolumentis ex tali Professo, & quidem deductis expensis, quas Religio facere debuisset. Quare cum hæc emolumenta potuerint multipliciter adhuc impediri, utputa per mortem, aut morbum talis Religiosi, aliisvè pluribus modis, quibus spes lucri reddi solet ambigua, aut minùs certa; hinc juxta majorem, aut minorem spem tunc præsentem, & juxta majores, minoresve expensas, quas Religio debuisset facere, decidi debet quantitas restitutionis arbitriò prudentium; universalem enim Regulam circa hanc materiam tradi non posse, facile patebit ponderanti, uti etiam rectè annotârunt Scotus 4. dist. 15. q. 3. §. quantum ad argumenta. Herincx cit. n. §. fin. Lessius, Lugo, La Croix

Croix lib. 3. p. 2. n. 374. quos vide, si placet.

Quæres 6to, quomodo delinquat, qui Novitium ab ingressu Religionis impedit, vel jam ingressum retrahit ad sæculum?

188. R. Rursus cum eadem distinctione mox data de retrahente Religiosum Professum. Etenim si absque omni vi, vel fraude aliquem impediat, non peccat contra Justitiam, nec respectu Novitii, utpote consentientis, & volentis; neque respectu Religionis, cum hæc nullum adhuc Jus in Novitium possideat: esto adhuc peccare possit contra alias virtutes v. g. Charitatis, Pietatis &c. At verò si id faciat vi, vel fraude, per se loquendo graviter peccat, utpote lædens Jus, quod Novitius ac Religio habuit, ne fraudulenter à bono sibi conveniente impedirentur. Unde probabilius tenetur tum Novitio, tum Religioni etiam satisfacere pro rata spei, quàm habuere in ordine ad bona temporalia percipienda v. g. ex hæreditate, labore, aut industria, donatione &c. quemadmodum qui te vi, vel fraude impediret ab obtinendo pio legato, etiam gratuito, teneretur tibi satisfacere pro quanto spes illa Judicio prudentum æstimaretur, veluti sapienter tenet Lessius l. 2. c. 8. dub. 3. n. 15.

189. Haud equidem ignoro, Sanchezio l. 1. Consil. Mor. c. 3. dub. 2. n. 22. placuisse contra-

trariam opinionem, proptereaque probabiliter absolvisse hujusmodi Seductorem fraudulentum ab onere compensationis, eo quod Religio non habeat Jus percipiendi prædicta emolumenta v. g. ex hæreditate Novitii &c. nisi mediante Professione; quæ, cum sit valde contingens, & impediibilis, non videtur propriè habere Jus aliquod ad emolumenta proximè intimata. Verùm, esto ex hoc benè probetur, Religioni nondum competere Jus actuale in ipsa bona talis Candidati, aut Novitii, minimè tamen negari potest, quin actu habuerit spem (utique pretio æstimabilem) illa bona aliquando consequendi post factam jam professionem: ergo qui vi, dolo, seu etiam fraude impedit Novitium ab ingressu, vel Professione, sicque spem illam eludit, tenetur pro rata hujus spei facere compensationem, *si tamen inde verum aliquod damnum Religioni emerferit*: quod studiosè additur; nam sæpè contingit, ut locò retracti recipiatur alius, qui locò illius susceptus, vel ex toto, vel ex parte compenset damnum illud: quo casu fieri potest, ut obligatio resarciendi ex parte Seductoris vel notabiliter diminuatur, vel omnino extinguatur, uti rectè notat Tamburinus *l. 5. decalog. c. 2. §. 5. n. 3.* Dicastillo *l. 2. de just. tr. 2. disp. 7. dub. 2. a. n. 16.* Lugo *tom. 1. disp. 9. sect. 3. à n. 28.*

R. P. Elbel, de Restit.

N

§. II.

§. II.

Proponuntur, & breviter resolvuntur Casus practici de obligatione restituendi debita ex injusta damnificatione in bonis animæ.

CASUS PRIMUS.

*T*itia Vidua cuidam Studioſo pauperculo (quem Titium appellamus) præbuit alimenta, & alia ad proſecutionem Studiorum neceſſaria, animò, ut poſt adeptam utriusque Juris Lauream ejus connubio potiretur. Verùm poſteaquam Titius in virum egregium evaſit, ſui jam compos factus, & inſigni quadam Præſectura præditus, relicta Vidua in ſuo eſſe, duxit aliam puellam ſibi magis arridentem. Quam ob rem Titia vana ſpe eluſam ſe cernens, poſtulavit reſuſionem expenſarum hætenus factarum; cui Titius repoſuit, ſe eas nunquam accepraſſe animò ruruſus compenſandi ex Juſtitia, ſed per modum eleemoſyna duntaxat. Contigit proin, ut Vidua quaſi in deſperationem acta ope damonis, vel alterius maligni hominis (neſcio) maleficiũ poſuerit, vi cujus Titius nedum ad uſum Matrimonii impotens, verùm inſuper uſu rationis deſtitutus fuit, ut tandem evaſerit in miſerrimum virum. Occaſione hujus Caſus jam quaritur 1. ad quid Titius fuerit obligatus, & 2. ad quid Vidua ſit obliganda, caſu quo pœnitens facta recurret ad Confeſſarium?

— R. ad

R. ad primum. Si Titia Studiosum nun-
quam obligavit ad ineundum secum con-
nubium, vel certè ad refundendas expen-
sas, etsi in animo habuisset hanc intentio-
nem (pervenienti scilicet ad Matrimonium)
Titius nequaquam tenetur ad Matrimo-
nium, neque ad expensas de Jure refun-
dendas. Ratio hæc est: quia si teneretur,
tunc vel maximè ex contractu aliquo cum
Vidua inito; at, hoc non; quia ad verum
contractum essentialiter requiritur animus,
& intentio saltem implicita se obligandi;
siquidem tota obligatio ex contractu orta
nascitur à voluntate paciscentium *c. contra-*
ctus 85. de R. I. in 6to. atqui Titius fatetur,
nunquam habuisse animum sese obligandi
ex Justitia ad refundendas expensas, quin
potius asserit, se eas duntaxat acceptasse per
modum eleemosynæ, quæ utique non de-
bet ex Justitia refundi; ergo vi hujus non
tenetur ad alterutrum, etsi gratitudo Jure
naturæ nota suadeat, ut pro illis animum
gratum exhibeat. Hac igitur suppositione
facta Vidua sibi imputare debet, quòd
pro nimia sua liberalitate, & charitate nihil
amplius percipiat; quemadmodum qui fa-
cit liberales expensas, animò obtinendi ali-
quod beneficium, vel officium, de Jure
non amplius potest prætere compen-
sationem expensarum, esto beneficium non
obtineat, veluti clarè deducitur ex *l. 1. §.*

conventiones ff. de pactis. item L. 3. ff. de obligat. & action.

191. Dixi tamen : si Titia Studiosum nunquam obligavit &c. secus enim resolvendum foret, casu quo eidem contestata fuisset, se aliter nolle præbere expensas necessarias, nisi *cum onere ineundi secum Matrimonium &c.* quia hōc supposito Titius non potuisset aliter acceptare expensas illas, quàm animo saltem implicito sese obligandi ad jungendas cum illa manus in conjugio : quemadmodum qui acceptat usum corporis, à puella non aliter, quàm cum onere Matrimonii ineundi concessum, aliter acceptare non potest, nisi ex naturali æquitate, & Justitia contrahendo obligationem ducendi talem puellam. Secundùm communissimam DD. apud Molinam *t. 3. disp. 106. n. 4.* Lessium *l. 2. c. 10. dubit. 3.* Laym. *l. 5. tr. 10. p. 1. c. 1. n. 10.* Coninck, Armillam & alios.

192. R. jam ad 2dum. Titia ante omnia à Confessario est obliganda ad auferendum maleficium ; secus enim velut indisposita, non erit capax absolutionis, ut de se liquet. 2. obliganda est ad restituendum, non quidem pro ipso usu rationis, utpote inæstimabili pretiō secundùm dicta *n. 181.* sed pro damnis, in bonis seu emolumentis temporalibus ex tali privatione consecutis, utputa si Titius propterea nihil potuit lucrifera-

erifacere, aut omnino suo cedere officio. Ratio jam fuit data *num. proxim. cit.* Cæterum, an Titia intuitu expensarum à se factarum justè possit aliquid prætere, colligendum, ac resolvendum erit ex eo, an Titius Studiosus unquam sese obligarit ad refundendas illas expensas, vel non, veluti dictum fuit proximè *n. 190.*

At quid, inquires, si Titia non sit amplius liberum tollere maleficio?

Nihilominus obliganda est ad refunden- 193.
da omnia damna ex illato maleficio jam consecuta, & in posterum consecutura. Ratio est: quia scienter ponendo maleficio dedit culpabiliter causam omnibus istis damnis: quamvis proin defacto non amplius velit nocere, immò & doleat, aliquando nocuisse, nihilominus omnia hæc damna eidem imputantur velut in causa voluntariè data, ad quæ resarcienda in omni foro adstringitur; quemadmodum mandans adstringi debet ad compensanda damna vi sui mandati illata, etsi illo tempore, quò à mandatario executivè inferuntur, vel maximè doleat de suo mandato, vellètque, illud nunquam à se datum fuisse; veluti rectè docent Lugo *tom. 1. de justit. disp. 19. sect. 2. §. 1. n. 26.* Sporer *tr. 4. c. 3. n. 10.* & alii communissimè.

CASUS SECUNDUS.

Sempronia jam pridem conceperat violentas suspiciones de aliqua puella, quòd inhonestum haberet consortium cum aliquo Juvene, & ided duntaxat nunquam evasisset gravida, quòd solerent impedire generationem. Idcirco, ut omnimodam deprehenderet veritatem, eidem puella aliquando familiariter colloquendo dixit inter alia, se scire quoddam remedium efficacissimum, & infallibile, quò, si qua mulier uteretur, intra 24. horas non posset impragnari. Cùmque praefata puella cuperet illud nòsse, Sempronia protinus aliquod edisseruit, etsi gnara huic remedio nec minimam inesse vim in ordine ad impediendam generationem. Paulò post puella remedii hujus vim, & efficaciam experiri volens, admisit copulam perfectam, sed illico evasit gravida non sine maxima sua confusione, & poenitudine. Jam quærere licet ad hunc casum 1. utrùm, vel quomodo Sempronia deliquerit decipiendo puellam? 2. utrùm teneatur ad aliquam compensationem damni, quod puella ex sui diffamatione, & impragnatione incurrit?

194. R. ad primum. Minimè dubitandum esse, quin Sempronia (saltem per se loquendo) graviter deliquerit. Ratio est: quia puellam hanc graviter decepit, imbuendo intellectum illius errore tam pernicioso. Et licèt error iste ex se fuerit mere speculativus, proptereaque non graviter noci-

necivus; quia tamen prævidit, fore, ut puella effectum, & efficaciam illius velit experiri; immò verò, quia, ut in specie facti narratur, eo fine hunc errorem puellæ ingessit, ut certiores adipisceretur notitiam de inhonesto consortio, ex quo eam graviter diffamandam prævidit; hinc certum videtur, quòd Sempronia contra Charitatem graviter deliquerit, & suo modò etiam contra Justitiam; cum quivis homo habeat Jus, ne fraude vel dolo quocunque demum modo circumveniat, aut inducatur in damnum, veluti satis liquet ex hæcenus dictis n. 84. & amplius constabit ex dicendis.

¶. nihilominus ad 2dum, Semproniam **195.** non teneri ad aliquam compensationem; non enim ad compensationem famæ, utpote jam irrecoverabiliter deperditæ; neque ad compensationem damnorum ex conceptione prolis, ejusdemque sustentationis onere incursorum. Ratio est: quia error ille, utpote merè speculativus non existit causa horum damnorum: quippe quo stante, & non obstante puella potuisset, ac debuisset abstinere ab illo inhonesto consortio. Et icèt fortassis fuerit quoddam motivum impulsivum ad continuandum illud inhonestum consortium, id tamen propterea solum contigit, quòd puella propriâ sua malitia, & curiosa non minùs,

quàm malitiosa voluntate illud experiri volens, copulam perfectam admiserit; quæ, cum sola exstiterit causa imprægnationis, cæterorumque damnorum inde sequentium, ideo hæc puellæ, non verò Sempronix imputari debent velut causæ injustæ damnicæ: constat enim ex regulis generalibus Restitutionis suprâ datis, neminem condemnandum esse ad aliquam restitutionem, nisi actione externa injusta dederit causam efficacem damni: atqui talem non dedit Sempronia, quippe quæ nec mandavit, neque etiam suavit puellæ, ut haberet inhonestum consortium &c. ergo &c. Profecto ne quidem in foro exteriori Sempronia condemnaretur ad compensationem damnorum puellæ impendentium, tametsi Judici constaret, eidem fraudulenter suggestum fuisse remedium, quò non evaderet gravida. Videatur *Sporer tr. 4. c. 3. n. 5. & quæ diximus suprâ Confer. 4. n. 98.*

Dices adhuc. Sempronia videtur saltem habuisse intentionem sinistram, quâ voluit puellam graviter diffamari, & damnicari, quandoquidem facile potuerit prævidere, fore, ut puella tale remedium velit experiri cum damno, immò verò ex hoc fine quodammodo illud suggererit: ergo ab onere restitutionis non est absolvenda.

R. Esto

¶. Esto etiam supponatur hæc omnia 196.
prævidisse, & sinistram hanc intentionem
habuisse (potuisset enim habere aliam me-
liorem) tamen neque hæc intentio, utpote
merè interna, neque etiam sinistra illa per-
suasio vel error intellectui ingestus, fuit per
se causa imprægnationis, uti jam monstra-
tum est: ergo vi hujus non debet conde-
mnari ad restitutionem. Certè si tu asse-
veranter diceret, tali, aut tali medio homi-
nem reddi invulnerabilem, & alius id au-
diens, ac probare volens, se ipsum lædat,
mutilet, aut omnino occidat, vel duellando
occidatur ab alio, nemo facile dicet, te esse
homicidam, proptereaque obligatum ad re-
farcienda damna ex tali homicidio secuta;
non enim ex tua persuasione sinistra, sed ab
alio fuere illata, veluti fusiùs demonstrat
Lessius *lib. 2. de justit. c. 9. dub. 16. n. 111.*
& apud hunc Sotus *lib. 4. q. 6. a. 3. ad 4^{um}*
Argumentum. Lopez *tom. 1. c. 63.* ergo nec
Sempronia nostra dici debet causa impræ-
gnationis, vel damnorum inde sequentium;
consequenter &c. &c.

CASUS TERTIUS.

CAjus libenter duxisset puellam quandam satis
divitem, pulchram, & modestam, quam, cum
in suam Sententiam nullis rationibus trahere po-
tuisset, dolò inducendam existimavit. Cæpit ex-

N 5

inde

inde eandem ad inhonesta importunissimè, ac instantissimè sollicitare, usque dum hac tandem tactus lascivos, immò, & copulam imperfectam admisit. Post hac Cajus puella utpote rei valde ignara, ac innocenti facile persuasit, eam indubitanter jamjam concepisse, nec jam aliud superesse remedium evadendi infamiam imminentem, quàm citò dare manus in connubium, quod & factum. At paulò post meliùs edocta de thoro conjugali animadvertit, & dolenter ingemuit, se à Cajo Marito suo insigniter fuisse deceptam. Quaritur jam 1. quomodo Cajus peccaverit. 2. an teneatur ad aliquam restitutionem, vel compensationem?

197. R. ad primum. Cajus gravissimè deliquit, tum importunissimis suis sollicitationibus ad peccata luxuriæ; tum etiam falsa persuasionem, quâ puellam traxit ad conjugium. Ratio est clara: quisquis enim alterum scandalizat, peccat juxta illud Christi Domini apud *S. Matth. 18. c. v. 7. Va homini illi, per quem scandalum venit*: atqui Cajus sollicitando præbuit scandalum grave: ergo graviter deliquit nedum contra Charitatem, sed etiam contra virtutem Castitatis: sollicitatio enim ad peccandum sumit suam specificationem ab illa virtute, cui opponitur, ita, ut sollicitatio ad venerea repugnet virtuti Castitatis, & sollicitatio ad peccatum injustitiæ virtuti Justitiæ secundum omnes.

Quin

Quin etiam contra Justitiam Cajum graviter deliquisse, vel inde liquet, quòd puellam graviter deceperit, & erroneè persuadendo gravedinem, fraudulenter induxerit ad dandas in conjugium manus, de quo antea semper abhorruit. Ratio hujus petenda est ex dictis *n.* 182.

R. jam ad 2dum. Cajum ab onere re-198.
stitutionis, vel etiam compensationis excusari ob impossibilitatem; quæ, ut infra *C. 12. n. 325.* ex Professo dicemus, excusat ab hoc onere. Ratio autem impossibilitatis facile suadetur; nam si ad aliquam satisfactionem teneretur, tunc vel maximè 1. ad eximendum errorem conjugii suæ persuasum, & 2. ad reponendam eam in pristinam libertatem, vi cujus poterat nubere, cuicunque demum placuisset: atqui errorem non tenetur amplius eximere, cum uxor jamjam supponatur agnovisse omnimodam veritatem. Pristinæ autem libertati eam restituere æquè impossibile erit; esto enim Matrimonium fortassis nulliter contractum sit defectu sufficientis consensus, quippe qui forsitan datus fuit ex solo metu, & quidem gravi (scilicet incurrendi infamiam) injustè incusso in ordine ad contrahendum Matrimonium; nihilominus in foro exteriori nunquam amplius impetrabunt dissolutionem Matrimonii; partim quia talem metum nunquam poterunt satis pro-

probare in hoc foro ; in quo aliunde semper præsumitur potius pro valore, quàm pro nullitate ejus ; partim etiam quia si Conjux diu cohabitaverit pacificè, præsumetur pro valore, & ratificatione consensus. Quin immò si mulier hæc ab initio libere consensit in Matrimonium, esto occasione sinistra persuasionis fuerit mota ad dandum consensum liberum, Matrimonium statim valuisset. Nihil proin in hoc casu superesse videtur Confessario, quàm, ut Conjugem illam nitatur persuadere ad ratificandum, vel etiam de novo dandum liberum consensum ; idque pro majori certitudine de valore Matrimonii, & ad præcludenda omnia peccata etiam materialia, quæ fortè potuissent incurrere dicti Conjuges ; quâ ratificatione posita ex parte solius etiam Uxoris, Matrimonium certò subsistet, veluti diximus *Theolog. Moral. Sacrament. part. 3. de Matrim. Conf. 14. n. 343. cum Aversa, Kugler & la Croix ibi cit.*

§. III.

Corollaria ex dictis inferenda.

199. **C**olliges ex dictis primò, nedum illos, qui alium sinistrè, & erroneè informant intellectum erroribus imbuendo &c. graviter peccare posse ; verum etiam eos, qui aliquem injustè impediunt ab assequenda verâ

verâ Doctrina v. g. fidei, aut à litterarum Studio, vel addiscenda arte &c. Quocirca specialiter delinquere possunt animarum Pastores, negligentes in cura animarum, & non erudientes subditos in dogmatibus fidei, morum, & Doctrina Christiana. Item graviter delinquere possunt Scholarum Præfecti, qui absque sufficiente causa Studiosos è Scholis excludunt, vel ad eas non admittunt. Ratio est, quia hoc modò inferunt damnum grave in bono animæ, veluti bene probant Petttschacher, Mezger *tom. 3. tr. 12. disp. 36. 4. 1. n. 2.* & Babenstuber *tr. 7. disp. 5. 4. 1. n. 3.*

Colliges 2dò, non peccare contra Justitiam, qui citra vim, vel fraudem, utpote meris blanditiis, vel precibus aliquem inducit ad peccandum (secus dicendum de eo, qui inducit metu reverentiali, quippe qui æquiparatur violentiæ.) Ratio est: quia taliter inducto nulla infertur injuria; non enim invitus, sed volens supponitur consentire in peccatum; prout jam constare debet ex dictis, & ampliùs videri potest apud Laymann *lib. 3. tr. 2. c. 8. n. 1.* Illsung *tr. 4. disp. 3. n. 59. & alios.* Hòc non obstante etiam ille, qui meris blanditiis aliquem induxit ad peccandum, lege Charitatis tenetur satagere, ut seductus corrigatur, ùtputa monendo, orando &c. Id quod præcipuè locum habet, casu quo
Supra

Superior subditum, vel Pastor oviculam seduxit (utique non sine gravissima injuria in Christum) secus enim meritò timere debent, ne is aliquando animarum sanguinem de manu illorum requirat.

Ergone, inquires, hæc obligatio reducendi, & corrigendi seductum, gravis est?

201. R. Etsi per se loquendo non videatur gravis, quando seductus ipsemet agnoscit suam obligationem, & media resipiscendi; Charitas enim, vi cujus seductor tenetur ad correctionem seducti procurandum, in tali casu non obligat graviter, uti rectè docent Lessius *l. 2. c. 8. dub. 2. n. 10.* & Navarrus *l. 5. Consil. tit. 3. Consil. 2. n. 4.* minimè tamen dubitandum est, quin gravior obligatio incumbat illis, qui aliunde constituti sunt non ad seducendum, sed ad erudiendum, neque ad mactandum, sed pascendum. Verùm hæc insinuasse sufficiat: nam obligationem hanc gravissimam aliunde notissimam omni Jure, pluribus inculcare, supervacaneum duxi.

Dices: Sed quid tenendum de eo, qui aliquem inducit ad mera venialia?

202. R. Regulariter, & per se loquendo non peccat, nisi venialiter; quia peccatum veniale de se leve duntaxat malum est, aut certè communiter leve reputatur. Fieri tamen potest, ut talis graviter peccet ratione circumstantiarum, quemadmodum juxta

comma.

communissimam DD. peccatum de se veniale ex circumstantiis potest degenerare in mortale. Nec dubitandum, quin graviter peccet ratione scandali, qui inducendo aliquem ad venialia, prævidet, fore, ut talis postea committat plura peccata, etiam graviora. Quocirca merito de peccato mortali sibi timere possunt, ac debent, qui innocentes pueros, vel integræ vitæ puellas ad levia, & impura colloquia dolose inducunt; licet enim hæc quandoque sint solum venialiter mala, in eo tamen vitæ statu hujusmodi innocentibus grave nocumentum animæ creare possunt, & prò dolor! sæpius quàm par est (experientiâ teste) creant, uti bene notat Babenstuber *proximè cit.* 4. 1. n. 12.

Colliges 3tò, mortaliter nedum contra 203. Charitatem, sed & contra Justitiam peccare illum, qui sine justa, gravi, & rationabili causa alicui Novitio negat suffragium ad Professionem. Ita *communissimè Doctores*, Herincx, Sporer, Sanchez, *lib. 5. in detal. c. 4. n. 59.* Ratio est: tum quia talis repulsa à Professione est magnum damnum, aut certè nata causare magnum damnum Novitio, quippe quem privat magno bono, & exponit magnis animæ periculis, insuper incurrit notam gravem, cum de talibus ejectis seu expulsis à Religione mundus soleat malè, aut certè sinistrè judicare.

Et

Et certè qui sine gravi causa negat suffragium, inordinato, & passionato affectu ducatur, necessum est: atqui hæc omnia repugnant graviter Charitati erga proximum: ergo. Quòd verò etiam Justitiæ, inde facile suaderi potest: quia Novitius cum Religione quasi tacitum pactum inire censetur, ut, si ea, quæ suarum sunt partium, ritè adimpleverit, ad Professionem admittatur, & sine verè gravi causa non amplius expellatur: ergo qui huic suffragium negat sine causa justa, peccat contra Justitiam: qua ratione taliter dimissus reclamare potest contra Religionem, vel Monasterium, uti tenet Sanchez l. *proximè cit.* Lugo & alii.

Dices contra hoc. Novitius non peccat contra Justitiam, etsi sine justa, & rationabili causa deferat Religionem: ergo nec Monasterium, vel Religio graviter peccat, tametsi sine gravi causa Novitium expellat.

204. R. Negando conseq. & paritatem. Nam Religio non patitur grave damnum, nec ullam infamix notam ex eo, quòd Novitius exeat: econtra Novitius patitur grave damnum, & exponitur periculis animæ suæ. Deinde Religio non habet Jus ad retinendum Novitium, quippe qui induendo habitum non censetur se obligare ad permanendum in ordine, sed ad sustinendam probationem, quantum, & quamdiu voluerit: econtra

contra semel admissus in Religionem, & sacro habitu indutus, habet Jus permanendi, & profitendi, si per omnia probatus, fuerit inventus dignus, & habilis: ergo qui sine verè gravi, ac iusta causa ei negat suffragium, graviter delinquit saltem per se loquendo.

Dictum tamen semper fuit, graviter de- 205.
linquere, qui sine iusta causa negat &c. secus enim dicendum, si id fiat ex rationabili, gravi, & fundata causa, quales esse possunt sequentes: 1. si complexio Novitii sit tali Religioni inepta, utputa quia laborat aliquo defectu præsertim incurabili corporis v. g. oculorum, aurium, pedum &c. 2. si mores ejus deprehensi sint ita perverci v. g. ob capositate &c. ut Religioni inde merito timeantur majora mala. 3. si alio quodam impedimento laborare noscatur, v. g. promissione Matrimonii jam facta, vel si sit ære alieno gravatus &c. Et hæc causæ à fortiori sufficiunt ad dissuadendum tali homini ingressum in Religionem; quibus Doctores insuper addunt nonnullas alias rationabiles causas ingressum dissuadendi, scilicet sequentes: 1. si status prævideatur futurus noxius ingredienti. 2. si in illa Religione, aut Monasterio laxè vivatur. 3. si Parentes graviter egeant auxilio, & subsidio illius &c. 4. licitum etiam est Parentibus, in casu, quò prudenter dubitant de viribus,

R. P. Elbel, de Restit.

O

aut

aut constantia ingressuri, ad tempus differre ingressum, vel ejus constantiam, ac fervorem probare: peccant tamen gravissimè, si talem exponant periculis peccandi, vel si alliciant, aut faciant ab aliis allici ad voluptates, aliavè illicita, ut sic à proposito avocent; quia hoc graviter repugnat pietati, & saluti animæ, cujus semper primariam curam deberent portare. Denique in casu, ubi dubitatur, sitne ratio dissuadendi ingressum, aut ingresso votum negandi justa, necne, standum est pro Religione, utpote quæ securior est, & perfectior. Videatur de hoc Molina *tom. 5. tr. 4. disp. 51.* Tamburinus *l. 5. decalog. c. 2. §. 5. n. 6.* La Croix *lib. 5. part. 2. n. 346.*

CONFERENCE

OCTAVA.

De

Obligatione restituendi debita
ex homicidio, mutilatione, stupro,
& adulterio.

S U M M A R I U M.

206. Obligatio restituendi oritur ex solo homicidio injusto.

207. Quodnam homicidium censeatur justum, vel injustum?

208. Pro

208. Pro ipsa vita, vel pro abscisso membro corporis de Jure probabilius nulla debetur compensatio.
209. Bene tamen pro damnis temporalibus inde secutis.
210. Quid, & quantum sit restituendum Uxori, prolibus, vel aliis hæredibus defuncti?
211. Stuprator Virginis invitæ, etsi non pro ipsa pudicitia, tenetur tamen ipsi satisfacere pro aliis damnis inde secutis.
212. Secus dicendum, si puella liberè consensit in usum &c.
213. An, vel quantum sit restituendum pro adultério?
214. Resolvitur Casus I. de Rustico, qui alium ligone percutiendo occidit.
215. Quid, vel quantum teneatur restituere hujus Uxori, ac prolibus relictis, si homicidium voluntariè commisit?
216. Quid item Creditoribus defuncti, vel aliis pauperibus, amicis &c. quibus ille in vivis benefacere consuevit?
217. Resolvitur Casus II. de quodam Nobili provocato ad duellū, & occidente alterum provocantem.
218. Ad quid is teneatur, si culpabiliter alterum provocantem injuriâsse supponatur?
219. Quid si duellando excessit modum defensionis inculpatæ tutelæ?
220. Resolvitur Casus III. ejusdam puellæ violentè oppressæ ab alio nobili stemmate nato.
221. An teneatur hic illi aliquid dare, si sola puella divulgavit stuprum sibi illatum, propterea quædam damnum incurrit?
222. Utrum Confessarius bene consuluerit puellam, ut interpellato Judice petat sibi satisfieri?
223. Qui sine mortali peccato homicidium perpetravit, etsi injustum, ad nihil tenetur.

224. Qui verò cum peccato mortali, tenetur refundere expensas in Medicos, & Chyrurgos factas.
225. Non tamen tenetur ante Judicis Sententiam aliquid dare pro ipso vulnere, seu cicatrice, vel deformitate inde suborta.
226. A fortiori non tenetur aliquid compensare præcisè pro ipsa anima, etsi Confessarius convenienter injungere possit opera pia satisfactoria pro defuncto.
227. Puella spontè remittente injuriam, vel damna sibi illata, stuprator ad nihil tenetur.
228. Secus dicendum, si coactè solum, aut ex metu gravi remittat hanc obligationem.
229. Mulier tutà conscientia retinere nequit expensas, per falsam, seu erroneam Sententiam Judicis à stupratore, seu etiam defloratore expressas.
230. Qui verà, vel etiam ficta promissione Matrimonii obtinuit usum corporis à puella, per se loquendo tenetur eam ducere.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus de restitutione orta ex homicidio, stupro, & adulterio.

QUæres primò, ex quali homicidio oritur obligatio restitutionis?

206. **R.** Ex solo homicidio injusto. Ratio est: quia nemo incurrit obligationem compensandi damna, nisi peccaverit contra Justitiam: at, homicidium justè illatum, ut puta

puta malefactori auctoritate publica &c. non est contra Justitiam: idem est de mutilatione justè facta: ergo ex his non oritur obligatio compensandi aliquid. Communis apud Reffenstuel *tr. 9. d. 3. n. 46.*

Quæres 2dò, quodnam homicidium censetur justum, & quodnam injustum?

R. 1. Justum censetur 1. quod fit vel auctoritate DEI immediate, vel 2. saltem auctoritate Principis, seu etiam Reipublicæ exigente gravitate delicti; vel denique 3. quod fit auctoritate quidem privata, sed ex- & cum defensione inculpatae tutelæ. Ratio primi est: quia Deus habet supremum dominium in vitam, & mortem, cujusvis creaturæ viventis: ergo sine injuria potest quemlibet privare vita. Ratio 2di est: quia exigente gravitate delicti, ad conservandam scilicet pacem, & tranquillitatem Reipublicæ, Deus permittit, ut hujuscemodi malefactores publica auctoritate occidantur, veluti habetur *Exod. 22*, distinctè expressum, itémque *ad Rom. 13. c.* ubi dicitur de Principibus hujus sæculi: *si malum feceris, time; non enim sine causa gladium portat. Dei enim Minister est: vindex in iram ei, qui malè agit &c.* Ratio 3tii est: quia secundum ordinem charitatis quisque propriam vitam præferre potest alienæ, dummodo agatur de bono privato tantum, & non etiam de publico: inde est, quòd vim vi repellere, omnia Jura, omnes-

que leges permittant, veluti citatis legibus demonstrat Laymann *l. 3. tr. 3. p. 3. c. 3. n. 1.* quem vide. Qui verò extra hos casus, vel se ipsum occidit auctoritate propria, vel alium, injustè agit, tametsi non ex omni, & quocunque homicidio oriatur obligatio restituendi, veluti patet, dum quis se ipsum occidit.

Quæres 3tiò, quid, vel quantum teneatur restituere homicida, aut mutilator injustus?

208. & 1. Pro ipsa vita, aut membro abscisso probabilissimè nihil tenetur restituere; bene tamen 2. pro damno in bonis temporalibus inde fortassis secuto. Hanc opinionem quoad primum membrum (nam 2dum est commune inter omnes) velut probabilem, & in praxi verè tutam (quidquid in contrarium quondam senserint Doctores magni nominis) hodie tenent Sporer, Herincx *disp. 6. n. 63.* Sanchez, Lessius, Marchantius, Haunoldus, & La Croix *lib. 3. p. 2. n. 299.* Ratio prioris est: quia bonum vitæ, & membrorum est ordinis altioris, nullo pretio humano satis æstimabile, vel æquiparabile: ergo pro his non debetur restitutio, sicut nec pro fama injustè ablata debet rependi pecunia; eò quòd in similibus casibus, ubi reddi non potest æquivalens, Justitia nunquam possit obtinere suum finem, scilicet æqualitatem; idque clarissimè habetur decisum *l. 3. ff. si*
quadru-

*quadrupes pauperem &c. instituit. de obligat. qua
quasi ex delicto nascitur. item l. fin. ff. de his,
qui effud. vel dejec. ubi dicitur: cum liberi ho-
minis corpus ex eo, quod dejectum, effusumve
quid erit, laesum fuerit, Judex computat merco-
des Medicis praestitas, ceteraque impendia, qua
in curatione facta sunt, praeterea operarum, qui-
bus caruit, aut cariturus est, ob id, quod inutilis
factus sit. Cicatricum autem, aut deformitatis
nulla sit aestimatio: quia liberum corpus nullam
recipit aestimationem. Ex quibus*

Ratio etiam posterioris facile eruitur: 209.
quisquis enim scienter, & voluntarie alium
injuste laedit, tenetur satisfacere, ubi fieri po-
test aequalitas: atqui in bonis temporalibus
Fortunae fieri potest talis aequalitas; ergo
debet. Et quemadmodum fur, aut injustus
damnificator tenetur non solum restituere
rem ablatam, aut damno datam, sed etiam
omne lucrum cessans, & damnum inde emer-
gens; ita & talis, qui alium occidendo, vel
saltem mutilando membro aliquo, reddidit
inusualementem, ut propterea nihil amplius va-
leat lucrari, tenetur resarcire hujusmodi da-
mna, uti patet ex proximè dictis & allega-
tis LL. atque Doctoribus.

Quæres 4to, utrum injustus homicida te-
neatur aliquid restituere hæredibus necessa-
riis defuncti, ut puta prolibus, Uxori, vel
aliis, quibus defunctus tenebatur providere
de necessariis?

210. R. Omnibus illis tenetur compensare damna (per se loquendo) quibus defunctus ex Justitia tenebatur providere de necessariis. Ita communissime DD. Lessius, Marchantius, Molina, Sporer *tr. 5. in decalog. c. 3. n. 227.* Krelsinger *addit. 1. post n. 51. tr. 9. dist. 3. Theolog. Moral. R. P. Reifsenstuel.* La Croix *ubi supra n. 310.* Ratio est: quia tales per homicidam supponuntur fuisse privati vero aliquo Jure, sibi jam actu competente: ergo pro hoc ipsis est debita satisfactio. Et certe Parens, & filius, Uxor, ac Maritus, fictione Juris censentur quodammodo una persona: consequenter qui unam personam occidit ex illis, alteram lædit, & quidem cum damno; cui proinde satisfaciendum. Cæterum quantitas seu mensura hujus obligationis capienda est tum ex conditione personæ defunctæ, tum ex aliis etiam circumstantiis, utputa 1. *cujus fuerit ætatis, & an humanitus loquendo diu adhuc supervixisset &c.* 2. *qualitatis*, seu *conditionis*, *cujus nimirum artis peritus, & quantum (demptis expensis) fuisset lucratus defunctus &c.* 3. *temporis*, quanto scilicet tempore suis debuisset adhuc præstare necessaria &c.

Quæres 5to, an, vel quid restituendum sit pro stupro?

211. R. Stuprator (id est, violentus oppressor Virginis invitæ) tenetur refarcire damnum,

num, quod ei ex tali injuria fuit secutum, idque vel ducendo illam, vel aucta dote procurando, ut obtineat Maritum talem, qualem obtinuisset, si nunquam fuisset corrupta. Ita ex *communi Sanchez lib. 7. de Matr. disp. 14. Fillius. tr. 32. n. 220. Herincx cit. disp. 6. n. 8. Mastr. Theol. Mor. disp. 9. n. 59. Reiffenstuel Theol. Mor. tr. 9. dist. 4. n. 24.* Ratio est clara: quia hujuscemodi damna in bonis fortunæ illatæ, sunt reparabilia modò mox specificato: ergo debent reparari juxta arbitrium, & æstimationem prudentium; nam universalis regula hujus quantitatis assignari nequit, uti fatentur omnes. Pro ipsa tamen pudicitia non est digna auri ponderatio, inquit sapienter Herincx *l. cit.* adeoque pro hac ante Sententiam Judicis probabilissimè nulla debetur compensatio, esto non defuerint Doctores gravissimi, qui existimârunt, tam pro vita, quàm pro membris etiam, & pudicitia, fieri debere aliquam compensationem pecuniariam; quorum Sententiæ locus esse potest, casu quo deflorator pecuniam puellæ promisit, aut à Judice ad certam mulctam est condemnatus.

Dixi: *stuprator &c.* secus enim discurrendum est de defloratore Virginis consentientis; quia talis (seclusò alio pacto, cui utique standum foret) nihil tenetur restituere pro usu corporis. Ratio est: quia vo-

aut constantia ingressuri, ad tempus differre ingressum, vel ejus constantiam, ac fervorem probare: peccant tamen gravissimè, si talem exponant periculis peccandi, vel si alliciant, aut faciant ab aliis allici ad voluptates, aliavè illicita, ut sic à proposito avocent; quia hoc graviter repugnat pietati, & saluti animæ, cujus semper primariam curam deberent portare. Denique in casu, ubi dubitatur, sitne ratio dissuadendi ingressum, aut ingresso votum negandi justa, necne, standum est pro Religione, utpote quæ securior est, & perfectior. Videatur de hoc Molina tom. 5. tr. 4. disp. 51. Tamburinus l. 5. decalog. c. 2. §. 5. n. 6. La Croix lib. 3. part. 2. n. 346.

CONFERENCE

OCTAVA.

De

Obligatione restituendi debita
ex homicidio, mutilatione, stupro,
& adulterio.

S U M M A R I U M.

206. Obligatio restituendi oritur ex solo homicidio injusto.

207. Quodnam homicidium censetur justum, vel injustum?

208. Pro

De Obligat. restit. debita ex homicid. &c. 211

208. Pro ipsa vita, vel pro abscisso membro corporis de Jure probabilius nulla debetur compensatio.
209. Bene tamen pro damnis temporalibus inde secutis.
210. Quid, & quantum sit restituendum Uxori, prolibus, vel aliis hæredibus defuncti?
211. Stuprator Virginis invitæ, etsi non pro ipsa pudicitia, tenetur tamen ipsi satisfacere pro aliis damnis inde secutis.
212. Secus dicendum, si puella liberè consensit in usum &c.
213. An, vel quantum sit restituendum pro adultério?
214. Resolvitur Casus I. de Rustico, qui alium ligone percutiendo occidit.
215. Quid, vel quantum teneatur restituere hujus Uxori, ac prolibus relictis, si homicidium voluntariè commisit?
216. Quid item Crëditoribus defuncti, vel aliis pauperibus, amicis &c. quibus ille in vivis benefacere consuevit?
217. Resolvitur Casus II. de quodam Nobili provocato ad duellū, & occidente alterum provocantem.
218. Ad quid is teneatur, si culpabiliter alterum provocantem injuriasse supponatur?
219. Quid si duellando excessit modum defensionis inculpatæ tutelæ?
220. Resolvitur Casus III. cujusdam puellæ violenter oppressæ ab alio nobili stemmate nato.
221. An teneatur hic illi aliquid dare, si sola puella divulgavit stuprum sibi illatum, propterea quod damnum incurrit?
222. Utrum Confessarius bene consuluerit puellæ, ut interpellato Judice petat sibi satisfieri?
223. Qui sine mortali peccato homicidium perpetravit, etsi injustum, ad nihil tenetur.

224. Qui verò cum peccato mortali, tenetur refundere expensas in Medicos, & Chyrgos factas.
225. Non tamen tenetur ante Judicis Sententiam aliquid dare pro ipso vulnere, seu cicatrice, vel deformitate inde suborta.
226. A fortiori non tenetur aliquid compensare præcisè pro ipsa anima, etsi Confessarius convenienter injungere possit opera pia satisfactoria pro defuncto.
227. Puella spontè remittente injuriam, vel damna sibi illata, stuprator ad nihil tenetur.
228. Secus dicendum, si coactè solum, aut ex metu gravi remittat hanc obligationem.
229. Mulier tutà conscientia retinere nequit expensas, per falsam, seu erroneam Sententiam Judicis à stupratore, seu etiam defloratore expressas.
230. Qui verà, vel etiam ficta promissione Matrimonii obtinuit usum corporis à puella, per se loquendo tenetur eam ducere.

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus de restitutione orta ex homicidio, stupro, & adulterio.

QUæres primò, ex quali homicidio oritur obligatio restitutionis?

206. **R.** Ex solo homicidio injusto. Ratio est: quia nemo incurrit obligationem compensandi damna, nisi peccaverit contra Justitiam: at, homicidium justè illatum, ut puta

puta malefactori auctoritate publica &c. non est contra Justitiam: idem est de mutilatione justè facta: ergo ex his non oritur obligatio compensandi aliquid. Communis apud Reffenstuel *tr. 9. d. 3. n. 46.*

Quæres 2dò, quodnam homicidium censetur justum, & quodnam injustum?

R. 1. Justum censetur 1. quod fit vel auctoritate DEI immediate, vel 2. saltem auctoritate Principis, seu etiam Reipublicæ exigente gravitate delicti; vel denique 3. quod fit auctoritate quidem privata, sed ex- & cum defensione inculpatae tutelæ. Ratio primi est: quia Deus habet supremum dominium in vitam, & mortem, cujusvis creaturæ viventis: ergo sine injuria potest quemlibet privare vita. Ratio 2di est: quia exigente gravitate delicti, ad conservandam scilicet pacem, & tranquillitatem Reipublicæ, Deus permittit, ut hujuscemodi malefactores publica auctoritate occidantur, veluti habetur *Exod. 22*, distinctè expressum, itémque *ad Rom. 13. c.* ubi dicitur de Principibus hujus sæculi: *si malum feceris, time; non enim sine causa gladium portat. Dei enim Minister est: vindex in iram ei, qui malè agit &c.* Ratio 3tii est: quia secundum ordinem charitatis quisque propriam vitam præferre potest alienæ, dummodo agatur de bono privato tantum, & non etiam de publico: inde est, quòd vim vi repellere, omnia Jura, omnes-

O 3

que

que leges permittant, veluti citatis legibus demonstrat Laymann *l. 3. tr. 3. p. 3. c. 3. n. 1.* quem vide. Qui verò extra hos casus, vel se ipsum occidit auctoritate propria, vel alium, injustè agit, tametsi non ex omni, & quocunque homicidio oriatur obligatio restituendi, veluti patet, dum quis se ipsum occidit.

Quæres 3tiò, quid, vel quantum teneatur restituere homicida, aut mutilator injustus?

208. R. 1. Pro ipsa vita, aut membro abscisso probabilissimè nihil tenetur restituere; bene tamen 2. pro damno in bonis temporalibus inde fortassis secuto. Hanc opinionem quoad primum membrum (nam 2dum est commune inter omnes) velut probabilem, & in praxi verè tutam (quidquid in contrarium quondam senserint Doctores magni nominis) hodie tenent Sporer, Herincx *disp. 6. n. 63.* Sanchez, Lessius, Marchantius, Haunoldus, & La Croix *lib. 3. p. 2. n. 299.* Ratio prioris est; quia bonum vitæ, & membrorum est ordinis altioris, nullo pretio humano satis æstimabile, vel æquiparabile: ergo pro his non debetur restitutio, sicut nec pro fama injustè ablata debet rependi pecunia; eò quòd in similibus casibus, ubi reddi non potest æquivalens, Justitia nunquam possit obtinere suum finem, scilicet æqualitatem; idque clarissimè habetur decisum *l. 3. ff. si quadru-*

*quadrupes pauperem &c. institut. de obligat. qua
quasi. ex delicto nascitur. item l. fin. ff. de his,
qui effud. vel dejec. ubi dicitur: cum liberi ho-
minis corpus ex eo, quod dejectum, effusumve
quid erit, laesum fuerit, Judex computat merce-
des Medicis praestitas, ceteraque impendia, qua
in curatione facta sunt, praeterea operarum, qui-
bus caruit, aut cariturus est, ob id, quod inutilis
factus sit. Cicatricum autem, aut deformitatis
nulla fit aestimatio: quia liberum corpus nullam
recipit aestimationem. Ex quibus*

Ratio etiam posterioris facile eruitur: 209.
quisquis enim scienter, & voluntarie alium
injuste laedit, tenetur satisfacere, ubi fieri po-
test aequalitas: atqui in bonis temporalibus
Fortunae fieri potest talis aequalitas; ergo
debet. Et quemadmodum fur, aut injustus
damnificator tenetur non solum restituere
rem ablatam, aut damno datam, sed etiam
omne lucrum cessans, & damnum inde emer-
gens; ita & talis, qui alium occidendo, vel
saltem mutilando membro aliquo, reddidit
inusualem, ut propterea nihil amplius va-
leat lucrari, tenetur refarcire hujusmodi da-
mna, uti patet ex proximè dictis & allega-
tis LL. atque Doctores.

Quæres 4to, utrum injustus homicida te-
neatur aliquid restituere hæredibus necessa-
riis defuncti, ut puta prolibus, Uxori, vel
aliis, quibus defunctus tenebatur providere
de necessariis?

210. R. Omnibus illis tenetur compensare damna (per se loquendo) quibus defunctus ex Justitia tenebatur providere de necessariis. Ita communissime DD. Lessius, Marchantius, Molina, Sporer *tr. 5. in decalog. c. 3. n. 227.* Krelsinger *addit. 1. post n. 51. tr. 9. dist. 3. Theolog. Moral. R. P. Reifensuel.* La Croix *ubi supra n. 310.* Ratio est: quia tales per homicidam supponuntur fuisse privati vero aliquo Jure, sibi jam actu competente: ergo pro hoc ipsis est debita satisfactio. Et certè Parens, & filius, Uxor, ac Maritus, fìctione Juris censentur quodammodo una persona: consequenter qui unam personam occidit ex illis, alteram lædit, & quidem cum damno; cui proinde satisfaciendum. Cæterum quantitas seu mensura hujus obligationis capienda est tum ex conditione personæ defunctæ, tum ex aliis etiam circumstantiis, utputa 1. *cujus fuerit ætatis, & an humanitus loquendo diu adhuc supervixisset &c.* 2. *qualitatis, seu conditionis, cuius nimirum artis peritus, & quantum (demptis expensis) fuisset lucratus defunctus &c.* 3. *temporis, quanto scilicet tempore suis debuisset adhuc præstare necessaria &c.*

Quæres 5to, an, vel quid restituendum sit pro stupro?

211. R. Stuprator (id est, violentus oppressor Virginis invitæ) tenetur resarcire damnum,

num, quod ei ex tali injuria fuit secutum, idque vel ducendo illam, vel aucta dote procurando, ut obtineat Maritum talem, qualem obtinuisset, si nunquam fuisset corrupta. Ita ex *communi Sanchez lib. 7. de Matr. disp. 14. Filliuc. tr. 32. n. 220. Herincx cit. disp. 6. n. 8. Mastr. Theol. Mor. disp. 9. n. 59. Reiffenstuel Theol. Mor. tr. 9. dist. 4. n. 24.* Ratio est clara: quia hujuscemodi damna in bonis fortunæ illatæ, sunt reparabilia modò mox specificato: ergo debent reparari juxta arbitrium, & æstimationem prudentium; nam universalis regula hujus quantitatis assignari nequit, uti fatentur omnes. Pro ipsa tamen pudicitia non est digna auri ponderatio, inquit sapienter Herincx *l. cit.* adeoque pro hac ante Sententiam Judicis probabilissimè nulla debetur compensatio, esto non defuerint Doctores gravissimi, qui existimârunt, tam pro vita, quàm pro membris etiam, & pudicitia, fieri debere aliquam compensationem pecuniariam; quorum Sententiæ locus esse potest, casu quo deflorator pecuniam puellæ promisit, aut à Judice ad certam mulctam est condemnatus.

Dixi: *stuprator &c.* secus enim discurrendum est de defloratore Virginis consentientis; quia talis (seclusò alio pacto, cui utique standum foret) nihil tenetur restituere pro usu corporis. Ratio est: quia vo-

lenti, & consentienti non fit injuria: & sicut mulier violenter oppressa, posset stupratori remittere injuriam, & condonare obligationem damnorum inde emanatorum; ita & ante factum præbendo liberum consensum in copulam, potest facere, ut inde nulla oriatur obligatio resarciendi aliquod damnum, uti Doctores proximè citati, aliique communissimè tenent.

Quæres 6to, an, vel qualis restitutio debeat pro adulterio?

213. R. cum distinctione. Nam si inde nulla sit nata proles, nulla erit debita restitutio, quippe quæ pro sola injuria non damnosa neutiquam debetur ante Judicis Sententiam: ècontra si inde nata sit proles, & de hoc certò constet, tenentur adulteri resarcire omnia damna ex tali generatione, tum alteri parti, seu conjugii innocenti, tum etiam aliis legitimis prolibus v. g. ex diminutione hæreditatis, seu legitimæ oritura, resarcire. Scotus 4. dist. 15. q. 2. Reiffenstuel, Herincx cit. disp. 6. n. 90. & seqq. Ratio patet ex dictis hætenus: quia omne damnum reparabile, injustè illatum, est resarciendum damnificato: ergo si adulteri ob prolem genitam supponantur injustè damnificasse conjugem innocentem, & fortassis etiam reliquam sobolem, planè debebunt reparare damna illis illata. Verùm de hoc fusiùs diximus *Theolog. Mor. part. 3.*

de

De Obligat. restit. debita ex homicid. &c. 219
de Matrim. Confer. 18. n. 439. & seqq. quò
remitimus lectorem.

§. II.

Proponuntur, & breviter re-
solvuntur Casus practici circa restitu-
tionem debitam ex homicidio,
& stupro &c.

CASUS PRIMUS.

Titius Rusticus arando, & colendo agrum
suum, incidit cum alio suo vicino similiter
arante in rixas: noluerat enim ferre, ut terra à se
jam cultivata denuo pedibus equorum alterius
conculcicaretur; alter è contrario, existimans rem
aliter fieri non posse, noluit hoc intermittere. Un-
de à verbis tandem ad verbera ventum est, ita, ut
Titius alterum ligone percusserit in capite, qui &
post pauculas horas diem extremam clausit. Jam
verò Vidua relicta cum quinque prolibus pauper-
culis postulat ab homicida sibi, suisque prolibus
satisfieri pro damno illato ex occisione sui mariti.
Quaritur utrùm is in conscientia teneatur?

R. Quoad forum internum à Confessa-^{214.}
rio attendendum, & indagandum esse, an
Titius habuerit intentionem verè mortaliter
peccaminosam, scilicet occidendi suum vi-
cinum, aut saltem graviter lædendi, vel non?
Et siquidem fateatur, se talem habuisse, op-
pidò sequitur, eum esse condemnandum ad
resar-

resarcienda damna Viduæ, prolibusque pauperculis, parente jam orbatis illata; veluti constare potest, ac debet ex dictis tum in hac, tum in prioribus etiam Conferentiis, præsertim à n. 94. idem tenendum, si habuit intentionem graviter lædendi; nam cum percussio ligone facta, & quidem in capite, sit valde periculosa, & communiter quasi connexa cum homicidio, merito imputabitur ei hoc homicidium velut indirectè saltem voluntarium, uti rectè docet Laym. l. 3. tr. 3. c. 4. n. 1. & 2. aliique communiter &c. Econtra tamen, si Titius fateatur, se nullam habuisse intentionem graviter lædendi, multò minùs occidendi, hocque accidisse præter, immò & contra intentionem suam, eò quòd ex mera indeliberatione, aut motu iracundiæ prævertente, & prædominante rationi alterum percusserit, in foro conscientiæ (quidquid sit de foro externo, cui post Judicis Sententiam procul dubio tenebitur sese accommodare) absolvendus est ab onere restitutionis. Ratio est: quia juxta principia generalia superius n. 63. & 94. data: nemo in conscientia tenetur ad reparationem damni gravis, nisi hoc sit illatum voluntariè, & quidem cum culpa Theologica gravi: ergo si Titius fateatur, se nunquam habuisse intentionem graviter nocendi, multò minùs occidendi (quod posterius valde credibile est)

est) absolvendus erit à Confessario ab onere compensandi damna, uti communiter tenent DD. nominatim Sanchez l. 1. *Consil.* 6. 4. *dubit.* 7. Lugo *tom.* 1. *de just. disp.* 8. *sect.* 5. Tambur, l. 6. *decal.* 6. 4. §. 3. n. 1. Sporer, Reiffenstuel, aliique plures.

At, inquires, demus, hoc homicidium fuisse Titio voluntarium, quid, vel quantum tunc huic viduæ, hisce prolibus in individuo tenebitur dare?

R. Quantitatem hujus compensationis, illico determinari non posse; quia cum non possit divinari, quamdiu maritus vixisset, neque etiam sciri, quantum fuisset lucratus demptis expensis, hinc pariter impossibile est, rem hanc tam exactè decidere. Neque verò opus est, ut in similibus eventibus Confessarius illico aliquid determinet, aut decadat, sed sufficit, pœnitentem obligare ad diligenter indagandum, quantum maritus (demptis expensis) annuatim assueverit lucrari suæ familiæ, vel quantum alii ejusdem conditionis homines soleant lucrari, quò comperto jubeatur solvere tantum, quantum omnibus perpensis probi, prudentesque viri, attenta sanitate, atate, modo vivendi & lucrandi judicârint, viduam & proles fuisse damnificatas. Quin etiam aliquando contingere natum est, ut hujusmodi homicida obligationem aliquid compensandi omnino evadat,

evadat, quando scilicet Uxori, vel potius Viduæ jam aliunde provifum fuit aliis mediis, ut fi jam fit fortita alium maritum æquè bonum, vel fortè meliorem, & chariorem priore: fi proles jam fint adeptæ pubertatem, & fe iplas alere natæ; talibus enim defunctus ex Iuftitia non ampliùs tenebatur providere de necessariis, ideòque morte fui Parentis revera non fuerunt damnificatæ. Id ipfum ob eandem rationem dicendum est, casu quo Parens occifus fuis prolibus vel Uxori nihil ampliùs meruiffet, tametsi diutiùs vixiffet. Vide Lessium *l. 2. c. 9. dub. 20. n. 129.* Tambur. *l. cit. §. 3. n. 4.* La Croix *lib. 3. p. 2. à n. 296. & 309.* Sporer *tr. 5. c. 3. n. 227.* Kreflinger *addit. 2. ad tr. 9. dist. 3. post n. 51. Theol. Mor. P. Reiffenftuel.*

Dices adhuc. At quid, fi occifus fuit gravatus debitis, vel fi aliis, utputa pauperibus, amicis &c. multa præstitit beneficia, tenebiturne homicida his omnibus fatisfacere reddendo æquivalens?

216. R. Eum probabiliter nec Creditoribus, neque pauperibus, vel aliis amicis teneri ad aliquam compensationem faciendam. Ratio est; quia Creditores non habuerunt immediatè Jus in ipsum debitorem defunctum, sed potius in ipsius bona, vel præsentia, seu actu poffeffa, vel verosimiliter poffidenda; pro quibus tenetur restituere hæredi-

redibus, secundum dicta: ergo hoc modo satisfaciet suæ obligationi; nam restituendo hæredibus illis quodammodo imponit onus satisfaciendi Creditoribus defuncti. Amici verò, & pauperes nullum prorsus habuerunt Jus in bona, vel etiam in beneficia sibi collata: ergo non patiuntur veram injuriam, etsi talibus modò destituantur. Nihilominus fatendum, quòd si homicida benefactorem occideret eò animo, ut hujusmodi pauperibus noceat (quod tamen rarissimè continget) indubitanter obligandus foret ad resarcienda damna pro rata spei; esto enim nullum habuerint Jus ad beneficia, habuerunt tamen Jus actuale, ne violenter impedirentur ab aliquo, de bonis etiam ex mera liberalitate sibi conferendis, uti dictum *suprà Conser. 4. n. 97.* de quo videri possunt Herincx noster *part. 3. tr. 2. disp. 6. n. 73.* Illsung *tr. 4. disp. 3. n. 78.* Tambur. *l. 6. c. 4. §. 3. n. 13.* ubi *suprà n. 310.*

CASUS SECUNDUS.

SEmpronius illustri stemmate natus cuidam pari nobilitate conspicua Domicella promiserat Matrimonium, in cujus majorem firmitatem eidem dedit Chyrographum propriò sigillo munitum. Verùm non multò post promissi sui penitens, idem suum Chyrographum sponsa eripuit,
mox.

moxque dilaceratum in frustra ad ejusdem pedes abjecit. Quam ob causam Germanus Sponsa se, suamque familiam graviter injuriatam existimans, Sempronium provocavit ad duellum, sed infeliciter desertans in palestra confossus ab illo, occubuit, non sine ingenti dolore tam sororis, quam etiam Matris adhuc superstitis: partim quod amicus fuerit filius; partim etiam, quod ob mortem hujus certum aliquod fide-commissum cedere coacta sint cuidam alteri familia. Jam vero ad nostrum propositum dubitatur, an Sempronius teneatur aliquid compensare Matri, vel etiam Sorori relicta?

217. R. Sempronius probabilissimè ad nullam compensationem tenetur in foro conscientie (quidquid demum sit de obligatione servandi sponsalia, de qua non loquimur.) Ratio est: quia provocans aliquem ad duellum hòc ipso censetur provocato facere potestatem, ut contra se agat, quantum potest, quemadmodum & ipse provocans meritò præsumi debet, quòd intendat agere, quantum poterit contra provocatum: ergo pariter censetur consentire in sui occisionem, casu quo fuerit superatus, & per consequens remittere obligationem compensandi damna. Ita Lessius lib. 2. dubit. 21. Tambur. cit. §. 3. n. 21. Ex quo Lugo disp. 11. sect. 3. n. 70. alique multi ulterius inferunt, in tali casu homicidam neque teneri ad compensanda damna Uxori,

Uxori, aut prolibus, si quæ sint superstites. Ratio est: quia ex nullo alio capite teneretur, quàm ex eo, quòd Uxorem, & proles impediverit per vim à consecutione emolumentorum, quæ ab occiso percipere potuissent: atqui in præsentī casu homicida non impedit eas per vim, cū nullam intulerit occiso, utpote volenti, & petenti periculum proximum mortis suæ, aut mutilationis, &c. ergo non &c.

Dices contra hoc. Sempronius noster dedit causam huic provocationi, eò quòd lacerando Chyrographum suum graviter injuriaverit totam aliquam familiam; consequenter ab onere restitutionis minimè excusandus est.

R. Esto etiam culpabiliter injuriaverit **218.** Domicellam hanc, immò totam familiam nihilominus hæc injuria minimè fuit dirimenda, vel potius vindicanda duellò: supeditassent enim aliæ viæ quærendi satisfactionem utputa interpellando auctoritatem Principis, vel alterius Superioris, ut is cogeret Sempronium ad congruam satisfactionem: ergo sic revera fuit injustè provocatus ad duellum, & compulsus in hanc necessitatem tuendi vitam propriam; consequenter adhuc provocanti debet imputari hæc culpa, & damnum inde secutum. Et certè, licèt perversis hisce temporibus, ubi nedum illustriori, sed infe-

R. P. Elbel, de Restit. **P** **r**iori

riori etiam stemmate prognati arbitrantur, injurias sibi illatas aliâ via. quàm duellando, vindicare non posse, rariùs occurreret justa causa provocandi, frequentius tamen potest concurrere justa causa acceptandi duellum, præsertim inter homines militiæ adscriptos, utpote qui nedum honoribus, verùm etiam officiis quibuscunque demum, velut inermes, aut animò imbelles privari solent, nisi duellum acceptent. Videatur de hoc P. Kresslinger *addit. 1. & sequentibus post n. 45. ad tr. 9. dist. 3. Theol. Mor. R. P. Reiffenstuel*, ubi causas duellandi fusius examinat.

Dices iterum. At quid, si Sempronius duellando excessit modum inculpatæ tutelæ, ùtputa quia merùm vulnerando, & non occidendo potuisset evadere omne periculum honoris, ac vitæ, tenebiturne ex hac saltem suppositione compensare damna illata?

219. R. Multi insignes Doctores, inter quos la Croix, Navarrus, Illsung *tr. 4. disp. 3. n. 33.* putant, hunc teneri ad restitutionem, eòquòd excedendo moderamen inculpatæ tutelæ graviter deliquerit contra Justitiam, & quidem cum gravi damno proximi, quod proin tenebitur compensare. Nihilominus pro praxi mihi placet opposita Sententia, quam de provocato tenent Lessius, Tamburinus *cir. J. 2. n. 2. & 15.* aliique

quemulti. Rationem hujus dant: quia provocans ad duellum (nisi aliter convenient) eô ipso, videtur provocatio dare licentiam agendi contra se, quantum poterit, sicut & ipse præsumitur velle agere, quantum valebit: ergo quoad hoc censetur pariter renunciare suo Juri in ordine ad damna ab altero resarcienda. Et certè in praxi rarissime continget, ut unus velit alterum obligatum ad non excedendum moderamen inculpatæ tutelæ, sed potius quivis conatur facere, quantum potest contra suum adversarium, probe gnarus etiam alterum nihil intermissurum, quô minus ne dum evadat periculum, sed & insigniter sese vindicasse credatur. Et hæc quidem dixerim, non quod perversam hanc duellantium praxin velim approbare, sed ut Confessario insinuem probabilitatem hujus Sententiæ, quæ provocatum absolvit ab onere compensandi damna, tametsi modum inculpatæ tutelæ exceßerit, eô scilicet, quod provocans in hoc sponte consensisse, & consentiendo Juri suo cecidisse non sine causa præsumatur.

CASUS TERTIUS.

*C*Aja satis honesta, & pulchra puella conveni-
rat quendam Nobilem, integerrimò animò
supplicans, & postulans ab eo recipi ad servitià
Domestica in culina peragenda. Vixdum Nobilis

ille puellam viderat, jamque ejus amore, vel verius loquendo, libidine captus erat: unde jubet eam intrare, & sub Schemate explorandi & genus, & proavos, deducit ad secretiorem cameram, claudit, & obserat post se januam, moxque ingressam (velut lupo famelicus innocentem agnellum) multum reluctantem opprimit violenter, oppressam verò sine omni spe obtinendi à se aliquod servitium, abire jussit. Hanc injuriam prorsus inexpectatam Caja querulosa aperuit cuidam Confessario, postulans Consilium, quâ via satisfactionem ab illo Nobili posset impetrare? Confessarius suasit, ut adiret Judicem, ab eoque postularet Nobilem illum compelli ad congruam satisfactionem. Quaritur jam in hoc casu 1. Utrum Nobilis ille revera fuerit obligatus ad aliquam compensationem? 2. an Confessarii Consilium sit approbandum, nec ne?

220. R. ad primum cum distinctione. Vel enim Caja præter stuprum, & amissionem Virginitatis aliud adhuc damnum (utputa ob imprægnationem aut infamiam &c.) passa fuit, vel nullum? si nullum, ad nihil tenetur stuprator juxta *communissimam DD.* Ratio est: quia Virginitas jam fuit amissa, & quidem irrecuperabiliter, quæ cum pretio nequeat æstimari secundum dicta n. 211. consequenter recompensari non debet pecuniis. Si autem Caja ex tali stupro incurrit aliud damnum, eodquod fortè conceperit prolem, aut certe ob infamiam

famiam inde incursum non amplius potest
obtinere tam honestum, & favorable con-
nubium &c. tenebitur stuprator hujuscemo-
di damna compensare, ut puta 1. prolem, si
quæ nata sit, alendo, & 2. dotem puellæ
augendo, aut certò procurando, ut æquè
honestum sortiatur connubium, ac fuisset
fortita, si semper permansisset Virgo. Non
tamen tenetur illam ducere in conjugem;
tum quia cùm ipse supponatur nobili natus
stemmate, ipsa autem de communi plebe,
hinc sine permagna difficultate eam procul
dubio ducere non posset: & certè ex tali
connubio nunquam sperare liceret bonum
effectum, pacem &c. tum etiam, quia
juxta *communio* *Doctorem* stuprator so-
lùm cogitur, ut vel dotet, vel ducat cor-
ruptam teste Engel l. 5. tit. 16. §. 2. n. 11.
atqui in *alternativis debitoris est electio*. C. in
alternativis 7. de R. J. in 6to. item L. ple-
rùmque in fin. ff. de jure dotium: ergo satis-
facit stuprator augendo dotem. Vid. Spo-
rer Theol. Sacram. p. 4. c. 3. n. 592. Illsung
tr. 4. disp. 3. n. 91. Lugo disp. 12. Laym.
lib. 3. tr. 3. p. 3. c. 13. n. 4. Less. lib. 2. c. 10.
dubit. 2.

At quid, inquires, si Caja ideò solùm
infametur, & per consequens à meliori
connubio impediatur, quia ipsamet stu-
prum occultè sibi illatum passim divulga-
vit?

221. R. Ex hac suppositione stuprator probabiliter ad nihil teneretur. Ratio est: quia stuprum secundum se præcisè sumptum non est causa damnorum inde subsequen-
 tium, sed tantum ut promulgatum, vel potius infamia inde nata, atqui hujus infamiae causa supponitur exstitisse sola puella: ergo etiam huic soli, & non stupratori debet imputari damnum, saltem si supponatur absque gravi, & sufficiente causa illud divulgasse; quemadmodum si stuprator (vel alius fortè hujus conscius) absque legitima causa illud promulgando, diffamasset puellam, ipsi deberent imputari damna cum onere ea recompensandi, uti rectè docent Lugo *disp. 12, sect. 1. n. 6.* Pettschacher *de restit. pag. 352.* eumque secutus Babenstuber *tr. 7. disp. 5, art. 3. n. 17.*

222. R. jam ad 2dum quæsitum hujus casus, Confessarium (ex suppositione quòd Caja non fuerit imprægnata, & stuprum manserit occultum) non bene consuluisse. Ratio est: quia ex tali Consilio non licuit sperare fructum, multò minùs bonum effectum, sed potius diffamationes, odia, animorum exacerbationes &c. quod facile suaderi potest ex eo; etenim Caja adeundo Judicem nedum diffamabit stupratorem, sed & se ipsam subiciet periculo infamiae, & aliorum damnorum; idque sine causa; nam Judex non statim credet, immò nec illico

Illico credere debet puellæ, asserenti se esse oppressam, sicut nec adulterium probatur sola Confessione, vel assertione mulieris *text. in cap. significasti de adulterio.* Adde, quod nemo *reputetur idoneus testis in propria causa. l. nullus ff. de testibus:* ergo nec hujus Testimonio stabit Judex, secus enim aperiretur via innumeris fraudibus, & iniquis delationibus; nam puellæ inopes facile deferrent juvenes divites, ut hi à Judice compellerentur ad aliquid solvendum &c. uti sapienter advertit Gobat. Quam ob rem nec accusans admittetur ad Juramentum suppletorium, neque accusato deferetur Juramentum purgatorium, nisi mulier fecerit semiplenam probationem injuriæ sibi irrogatæ: atqui hanc difficillimè, immò nunquam prorsus faciet puella in nostro casu; partim quod stuprum fuerit occultè illatum, & ex eo non sit imprægnata; partim quod accusatus sit Nobilis, de quo tam facile non credetur, quod voluerit commisceri puellæ ignobili; partim denique, & quidem ex eo potissimum, quod non occurrant alia indicia, utputa diutina familiaritas, conversatio, infamia &c. quibus præcisus Judex nullam adhibebit fidem mulieri, veluti perspicuum fit ex mox dictis, & satis communiter tradunt DD. nominatim Menochius *de arbitr. Jud. l. 2. centur. 3. cas. 28. n. 25.* Thesaurus *in decision. decis. 3. n. 4.* Bal-

dus, alique plures, quos citat, & sequitur
 Gobat in *sua Theolog. experim. tr. 10. n. 188.*
 Cum ergo aliunde constet, quod cessante
 fine cesset ratio agendi propter finem :
 immò cessante causâ aditionis (Judicem
 scilicet) ea per calumniam fieri censeatur
 teste Baldo in *Rubric. c. de fide instrument.*
n. 12. Vers. conclusio apud Barbosam *axiom.*
l. 6. c. 17. axiom. 1. profecto aliud conclu-
 dere non licet, quàm, Confessarium malè
 consuluisse Cajæ, eò præsertim, quod Con-
 fessarius debeat potius suadere ea, quæ ad
 pacem, animarumque salutem conducere
 nata sunt, quàm quæ ad vindictam, & ani-
 morum dissensiones.

§. III.

Corollaria ex dictis inferenda.

223. **C**olliges ex hætenus dictis primò, ho-
 micidam non teneri, consequenter à
 Confessario nec esse obligandum ad refu-
 sionem damnorum, nisi voluntariè, &
 cum peccato mortali contra Justitiam per-
 petraverit homicidium. Ratio facile erue-
 tur ex dictis: quia hæc obligatio est pœ-
 na gravis: atqui pœna gravi affici neuti-
 quam debet, qui non peccavit graviter:
 ergo &c. Ex quo liquet, eum, qui dedit aut
 posuit causam, ex qua merè per accidens,
 & con-

& contra, vel saltem præter intentionem suam secutum fuit homicidium, aut qui ex motu primo, aut secundo primo aliquem occidit, ante Judicis Sententiam ad nullam restitutionem teneri, veluti jam supra animadvertimus *Confer. 4. n. 9. & seqq.*

Colliges 2dò, homicidam injustum equidem teneri ad refundendas expensas, factas in Medicos, aut Chyrurgos; quia horum verè existit causa injusta: non tamen teneri ad refundendas expensas pro funeralibus, seu exequiis, nisi ratione loci, vel aliarum circumstantiarum solito majores fieri debuissent. Ratio est: quia expensas pro exequiis hæredes debuissent facere, quocunque demum tempore, aut morbo obiisset: ergo in his non fuere damnificati. Ita Herincx *disp. 6. n. 67.* Reiffenstuel *Theol. Mor. tr. 9. dist. 3. n. 51.*

Colliges 3tiò, nihil esse restituendum pro vulnere, seu cicatrice, neque etiam pro deformitate ex tali cicatrice fortè orta, uti habetur *ex l. fin. ff. de his, qui effud. vel dejec. mox supra relata.* Et Ratio jam fuit pariter insinuata: quia scilicet hæc bona corporis reputantur altioris ordinis, adeoque pecuniis minimè compensabilia; esto talis adhuc teneatur compensare alia damna in bonis temporalibus emergentia, vel etiam lucra inde cessantia resarcire, veluti jam dictum fuit *n. 209.* Videatur si placet, Mar-

P s

chant.

chant. *ad 5. precept. decalog. q. 5. conclus. 2.*
 Haunoldus *tr. 2. n. 662.* Babenstuber *ubi*
suprà a. 2. à n. 14.

226. Colliges 4to, à fortiori nihil etiam ex
 Justitia esse restituendum pro ipsa anima,
 quippe quæ altioris ordinis nullo pretio
 nec comparabilis, nec æstimabilis, vel re-
 cuperabilis est. Congruit nihilominus, ut
 Confessarius ejusmodi homicidæ imponat
 certa aliqua opera pia devotè persolvenda
 pro anima defuncti, nisi indicis moraliter
 certis constaret, eam in malo statu deces-
 sisse ex hac vita. Ratio hujus congruen-
 tiæ est: quia vix dubitare licet, quin tali-
 ter decedentes adhuc indigeant charitativo
 subsidio bonorum operum, & aliorum
 satisfactionibus. Unde sapienter faciet
 Confessarius, si homicidæ diviti pœniten-
 tiæ locò imponat, ut curet Sacra fieri pro
 defuncto, aut certam eleemosynam erogari
 in pauperes; quorum numerus, & men-
 sura discretioni Confessarii proportionali-
 ter ad facultates, & alias circumstantias
 pœnitentis relinquatur determinandus. At
 verò si homicida ipsismet sit pauper, &
 inops, jubeatur saltem pro defuncto audire
 certa Sacra quot annis, vel mensibus, &
 pro eodem offerre certas S. Communiones,
 Rosaria, & alias preces. Plura secundum
 diversitatem circumstantiarum dictabit Con-
 fessario Unctio Sancti Spiritus, & lumen
 pruden-

prudentiale. Videri insuper de hoc potest Comitulus in *respons. moral. lib. 4. q. 11. n. 8.* Thom. Tamburinus *decal. lib. 6. c. 3. §. 3.* Kresslinger *addit. un. post n. 54. ad tr. 9. dist. 3. Theol. Mor. R. P. Reiffenstuel.*

Colliges 5to, stupratorem ad nihil teneri, ^{227.} casu quo puella sponte remittit injuriam, & damna inde consequentia condonat. Ratio jam superius *n. 212.* fuit data: quia talis puella ante factum posset liberè consentire, & in se suscipere onus portandi damna: ergo etiam ex post facto potest consentiendo, vel potius liberè, & sponte condonando, stupratorem ab hoc onere liberare.

Dixi tamen, *stupratorem ad nihil teneri*, ^{228.} casu quo puella sponte remittit & condonat &c. Quemadmodum enim juxta communem DD. apud Babenstuber *cit. a. 3. n. 6. & seqq.* stuprator non liberatur ab onere restitutionis, si puellam aliquam, vel ob continuam, & nimiam importunitatem, vel ob verè gravem metum reverentialem, cui hæc non fuit ausa se opponere (uti fieri amat, quando Sollicitator est homo permagnæ auctoritatis, Superior &c.) tandem flexit in suam Sententiam; eo quòd talis importunitas, vel metus reverentialis idem operetur, quod metus injustè incussus; ita profecto ob eandem rationem neutiquam erit tutus in conscientia, si puella non liberè;

berè, sed merum coactè, vel ex gravi metu remittat damna sibi illata.

At quid, si puella jam prius ab alio corrupta, postea coram Judice asserat, se v. g. à Titio esse corruptam, aut omnino imprægnatam, isque propterea condemnetur ad expensas, vel ad alimentandam prolem, poteritne puella tutâ conscientia acceptare, & retinere hujusmodi expensas?

229. R. Quòd non. Ita Lugo *cit. disp. 12. sect. 1. n. 3.* & apud hunc Panormitanus & Molina *disp. 104. n. 14.* Ratio est: quia Titius re ipsa nullum intulit damnum: ergo vi hujus ad nihil tenetur: neque vi Sententiæ à Judice latæ, siquidem Sententia fundata in falsa præsumptione facti particularis nullam habet vim; atqui hæc Sententia supponitur fuisse talis: ergo nullo capite puella potest retinere.

230. Colliges denique 6tò, à fortiori adstringendum esse ad compensanda damna, immo per se loquendo etiam ad ducendam, illum, qui vel vera, vel etiam ficta promissione Matrimonii à puella obtinuit usum corporis. Ita Herincx *disp. 6. n. 85.* Reiffenstuel *cit. dist. 4. n. 26.* Mastrius *Theol. Moral. disp. 9. n. 60.* Babenstuber *ubi supra n. 20.* Ratio est: quia talis promissio facta fuit per modum contractûs, quem puella ex sua parte supponitur adimplèsse: ergo etiam debet adimpleri ex parte promittentis: & licet hic for-

fortassis si tunc tantum promiserit Matrimonium, quia tamen per hujusmodi fictionem injuste decepit, & graviter læsit puellam, merito compelli debet ad ducendam illam. Limitant tamen Doctores: nisi puella advertit fictionem; vel: nisi deflorator esset longè disparis conditionis, utputa longè ditior, aut nobilior illa. Vide, si placet, quæ de hoc diximus *Theol. Sacrament. part. 3. de Matr. Conser. 1. n. 13. & 14.*

CONFIDENTIA NONA.

De

Restitutione debita ex læsione
famæ.

SUMMARIUM.

231. Quid importet fama, & honor proximi, & quæ inter hæc sit differentia?
232. Fama lædi potest vel interius tantum, vel etiam exterius.
233. Quid intelligatur nomine Judicii temerarii, suspensionis &c.?
234. Quid nomine calumniæ, ac contumeliæ?
235. Quid sit detractio formalis, & materialis?
236. Detractio dupliciter fieri potest, scilicet vel 1. directe, vel 2. indirecte.
237. Fama injuste ablata debet restitui: & quò modo?

238. Ob

238. Ob solum Judicium temerarium, an sit debita restitutio?
239. Quid tenendum de eo, qui crimina ab aliis relata denuo aliis referre assuevit?
240. Causæ excusantes à restitutione famæ breviter recensentur.
241. Resolvitur Casus I. de quodam jüvene, qui in terminis nimis generalibus sese accusavit de de- tractionibus hinc inde factis.
242. Quando pœnitens rationabiliter dubitat, utrùm ex sua diffamatione quempiam damnifica- verit, probabiliter ad nihil tenetur, quàm ad agendum pœnitentiam.
243. Et quid, si ex inconsideratione duntaxat ali- quid diffamatorium propalavit, ex quo prævi- det secuturum damnum?
244. Resolvitur Casus II. de quadam famula, suam coancillam graviter objurgante, & ob furtum commissum hinc inde eandem diffamante.
245. Utrum, vel quomodo deliquerit eam dif- famando?
246. Et utrùm teneatur ad aliquam restitutionem, vel aliam compensationem, præsertim famæ?
247. Resolvitur Casus III. de quadam Saga, quæ aliam mulierem innocentem velut complicem injustè diffamavit.
248. Unde procul dubio gravissimè peccavit;
249. Consequenter à Confessario fuit obliganda ad revocationem injustæ delationis: & quo modo?
250. Hæredes injusti diffamatoris (eò defuncto) tenentur quidem ad compensanda damna infa- mato secuta, non tamen ad revocandam infa- miam.
251. Alterius crimen, verè, etsi occultè commis- sum, revelare fas est ex iusta & rationabili cau- sa: & quæ tales?
252. A

252. A fortiori licet aliis denuo referre crimen aliunde simpliciter notorium sive notoritate Juris, sive facti.
253. Non item crimen notorium secundum quid duntaxat.
254. Crimen verò alterius, etsi verum, occultum tamen, sine causa manifestare, nedum Charitati, sed & Justitiæ repugnat: & quomodo?
255. An, vel quomodo teneatur revocare, qui dixit certam puellam fuisse corruptam, & imprægnatam?
256. Utrum injustus infamator teneatur revocare sua dicta nedum apud audientes immediatos, sed etiam mediatos?
257. Et quid, si non prævidit, vel saltem non pensavit, utrum audientes talem infamiam essent ulterius delaturi?
258. Etiam mortuis fama injustè ablata est restituenda.
259. An, vel quò modo honor injustè læsus debeat resarciri?
260. Quomodo Confessario cum detractore practice sit procedendum?
261. Præsertim in casu, quo dubitatur, utrum diffamatio non sit jam jam oblivione oblitterata?

§. II.

Præmittuntur, & breviter resolvuntur quæsitæ scitu necessaria ad resolvendos Casus practicos de restitutione famæ, & honoris injustè ablati.

QUæres primò, quid sit fama, & quid honor?

R. Fa-

231. R. Fama genericè sumpta communiter describitur, quòd sit multorum existimatio de vita, & moribus alterius. Et quoniam circa hæc diversæ dantur opiniones hominum; hinc fama ut sic communiter dividitur in bonam, & malam. Verùm, propriè loquendo de fama, ex cujus injusta læsione oritur obligatio restitutionis (secundùm dicenda) breviter respondendum est ad hoc quæsitum, quòd fama sit *opinio de virtute, sapientia, vel prudentia alterius*. Honor verò à S. Thoma 2. 2. q. 103. art. 1. ad 2. describitur, quod sit *testificatio de alterius excellentia*. Ex quo facilè colligere licèt, quænam sit differentia inter utrùmque; fama etiam consistit in interna opinione, quæ dum monstratur ad extra, dicitur laus: honor verò consistit in externa significatione nostræ existimationis de excellentia alterius; unde supponit opinionem excellentiæ ipsius, & intentionem exterius per aliquod signum eam testificandi; qua sine potius fieret illusio, quàm verus honor, uti bene dicit Reiffenstuel *tr. 9. dist. 6. n. 2.*

Quæres 2dò, quo modo, vel quot modis proximi fama lædi solet?

232. R. Dupliciter solet lædi, internè scilicet, id est, intrà propriam mentem præcisè, vel etiam externè. Priori modo læditur 1. per Judicium temerarium. 2. per suspicionem, & 3. per dubium de malo proximi,

ximi. Posteriori modo, exterius scilicet lædi potest 1. per detractionem, & 2. per calumniam. *Communis DD.*

Ratio facilis est: quia unusquisque habet Jus ad suam famam, seu bonam æstimationem sui apud quemcunque hominem, donec de crimine à se commissio constet; unde illud decantatum tum apud Juristas, tum etiam apud Theologos axioma: *Quisque præsumendus est bonus, donec demonstretur malus*: atqui hæc bona existimatio læditur nedum per detractionem, & publicam calumniam, verum etiam per Judicium, suspicionem, & dubium de malo ab altero commissio: ergo per hæc læditur fama proximi. Pro meliori tamen captu dicendum

Animadvertendum hic venit. Primo 233. discriminem inter mox enumeratas famæ læsiones; nam Judicium quoad præsens consistit in assensu, & firma credulitate de vitio ab alio commissio; quod, si fiat ex sufficientibus motivis, utputa quia moraliter certò de illo constat &c. tunc caret omni peccato: si autem fiat sine motivis, & indicis sufficientibus, utputa quia alia motiva, vel tales circumstantiæ regulariter non habent connexionem cum tali crimine, dicitur Judicium temerarium; quod per se loquendo, & ex suo genere est mortaliter peccaminosum, eò quòd vi hujus in mente

R. P. Elbel, de Restit.

Q

judi-

judicantis extinguatur quodammodo, & depereat fama alterius, quæ est magnum bonum.

Nomine suspicionis intelligitur assensus de vitio alterius, sed debilis, & cum formidine de opposito; quia merum suspicans non adhæret firmiter suæ opinioni: unde, si talis suspicio habeat multum de formidine, & parum de assensu, dicitur suspicio levis, econtra si habeat multum de assensu, & de formidine parum, appellari solet suspicio gravis. Quia tamen vi suspicionis præcisè, cujuscunque demum, non perditur, etsi quodammodo minuatur bona existimatio de proximo; hinc ex suo genere non excedit gravitatem peccati venialis. Denique dubium de malo alterius dicitur, quando quis non judicat positivè, sed potius relinquit quasi in suspenso, vel saltem putat, esse dubium, utrum commiserit delictum, nec ne? Et hoc dubium, esto supponatur temerarium, & positivum, nibilominus per se loquendo non est peccatum mortale, ob eandem rationem, quam mox dedimus de suspicione. Et ita communissimè sentiunt DD. Lessius *l. 2. c. 11.* Lugo *disp. 14. sect. 2.* Laymann *l. 3. tr. 3. p. 2. c. 2.* Sporer *tr. 4. decal. c. 4. sect. 2. a. n. 22.* Reiffenstuel, Herincx, La Croix &c.

234. Advertendum est 2dò, nomine *calumnia* intelligi detractionem, quæ crimen falsum alte-

alteri imponitur. Ex quo liquet, calumniam ex suo genere esse peccatum mortale, etsi non raro vel ob parvitatem materiæ, vel ob bonam fidem, vel ob indeliberationem &c. contingat sine peccato gravi. Porro, si tale crimen falsò impositum, immò, si etiam verè commissum, occultum tamen, in faciem alicui obijciatur, & exprobetur, dicitur *contumelia*, quæ rursus ex suo genere est grave peccatum, quippe ex qua nata est oriri *diffamatio*, id est, coram multis facta detractio famæ, rixæ, & alia majora mala, uti DD. communiter observant.

Quæres jam 3tiò, quidnam igitur intelligatur nomine detractiois?

R. *Detractio* est alienæ famæ occulta, & 235. injusta læsio, seu denigratio. Ita cum *communi* Reiffenstuel *tr. 9. dist. 6. n. 3.* Ad hanc igitur requiritur primò, ut aliquid verè læsivum famæ proferatur, & 2dò, ut illud proferatur occultè, & non in præsentia illius, cujus fama minuitur; secus enim jam evaderet in contumeliam, & non amplius maneret intra limites simplicis detractiois. Illud tamen observandum hic est, quòd, si quis famam alterius denigret cum expressa intentione nocendi, & diminuendi bonam existimationem, dicatur *detractio formalis*: si verò fiat sine tali expressa intentione nocendi, etsi cum prævisione,

Q 2

quòd

quod proximus inde sit incurſurus infamiam, vel alia damna, dicitur detractio materialis, & utrâque eſt ex ſuo genere peccatum mortale, quandoquidem per utramque proximus graviter lædatur. Laymann *cit. c. 3. n. 5.* Sporer *ubi ſuprà n. 39.* cum *communi DD.*

Quæres 4tò, quot modis detractio fieri ſoleat?

236. R. Dupliciter fieri ſolet, ſcilicet, vel directè, vel indirectè. Directa appellatur ea, quâ proximi fama poſitivè læditur cum intentione, & voluntate denigrandi; quod, ut rectè advertit S. Thomas, Illſung & alii, quatuor modis fieri conſuevit. I. Imponendo alicui crimen falſum. II. Verum, vel etiam falſum crimen exaggerando, vel augendo. III. Maniſtando alterius crimen occultum. IV. Opus alterius, eſſi bene factum, ſiniſtrè interpretando, ſeu etiam exterius temerè iudicando &c.

Indirecta detractio eſt; quâ ſolùm negativè quaſi læditur fama proximi, idque rursus quatuor modis contingere notum eſt. I. Negando rectè facta, vel dotes alterius. II. Bonum, vel dotes alterius diminuendo, & extenuando, vel etiam extollendo cum damno alterius proximi. III. Tacendo bona, ſeu dotes alterius eo locò, & tempore, quò quis deberet illa maniſtare, ut proin huiuscemodi taciturnitas ab alijs appre-

apprehendatur velut tacita quædam vituperatio. IV. Simulatè, & ita frigidè aliquem laudando, ut alii benè advertant, id non animò laudandi, sed potius vituperandi contingere. Omnes isti octo modi succinctè comprehenduntur sequentibus duobus versibus:

*Imponens, augens, manifestans, in mala vertens.
Qui negat, aut minuit, reticet, laudatque remisè.*

Quæres igitur, an, vel quò modo fama injustè ablata debeat restitui?

R. Fama ablata per detractionem, vel²³⁷ calumniam per se loquendo est restituenda, & quidem sub gravi culpa ita tamen, ut is, qui crimen falsum alicui imposuit, teneatur retractare sua dicta, dicendo ea non esse vera: qui verò crimen alterius verè quidem commissum, occultum tamen revelavit, tenetur alio modò possibili restituere famam v. g. dicendo se errasse (practicè scilicet, subintelligendo contra Justitiam) aut fatuè hæc vel illa dixisse &c. Ita rursus post S. Thomam 2. 2. q. 62. a. 2. Scot. 4. dist. 15. q. 4. Sporer tr. 5. c. 4. n. 82. & seqq. Reiffenstuel dist. 6. n. 33. & 34. Ratio est: quia quisquis alterum injustè læsit in bonis alicujus momenti, ex Justitia commutativa tenetur ad compensationem damni voluntariè illati: at, non ille duntaxat, qui alteri imponit falsum crimen, sed etiam is, qui verum, occultè tamen commissum, sine suf-

ficienti causa revelat; alterum injustè lædit in bono famæ, quod communiter reputatur magni momenti: ergo tenetur &c. Hac ipsa ratione communissimè DD. ulterius inferunt, etiam alia damna in bonis fortunæ secuta ex hujusmodi injusta infamatione esse compensanda à diffamatore: quia diffamatio est actio verè injuriola: atqui omne damnum per actionem injuriosam proximo illatum, debet compensari eò modo, quò fieri potest: ergo. Lessius *ubi supra dubit. 19.* Laymann *l. 3. tr. 3. p. 2. c. 7. n. 4.*

Quæres 6tò, utrùm etiam ille teneatur ad aliquam restitutionem famæ, qui duntaxat per Judicium temerarium, vel suspensionem aut dubium &c. læsit famam alterius?

238. R. Talem non teneri ad aliquam restitutionem externam. Ratio est: quia per solum Judicium, vel suspensionem, dubiumvè, utpote actus merè internos nullum damnum exterius proximo infertur. Nihilominus talis tenetur ex Justitia deponere sinistrum Judicium, & malam suspensionem &c. non obstantibus levibus, & nullius momenti fundamentis, quæ contra probitatem læsi concepit; hoc enim, & non aliò modo in præsentì redintegrare potest famam alienam. Mezger *tom. 3. tr. 12. disp. 39. c. 2. n. 7.* Babenstuber *tr. 7. disp. 5. c. 4. n. 21.*

Quæ-

Quæres 7^{mo}, an peccet, & ad restitutionem teneatur, qui vitia de aliis audita refert ulteriùs, sed sub dubio duntaxat, & absque asseveratione, vel confirmatione?

R. Si id faciat in talibus circumstantiis, 239. ut prudenter credere possit, neminem audientium id crediturum, equidem & à peccato gravi, & ab onere famam compensandi absolvendus est: quia his suppositis vel nullum, vel certe non grave damnum infert proximo: At verò si id faciat in iis circumstantiis, in quibus prævidet audientes vi ipsius narrationis adhibituros fidem, peccabit utique graviter vel leviter juxta qualitatem criminis relati, & damni illati: & quoniam plerumque contingere natum est, ut audientes vel firmam fidem adhibeant, vel certè de fama hætenus certa dubitare soleant, ideò rectè docet Tamburinus *l. 9. decalog. c. 3. §. 2. n. 5.* plerumque subesse periculum gravis peccati, præsertim respectu illorum, qui crimina ab aliis audita passim solent ulteriùs dilatare sine respectu personarum, & circumstantiarum &c. unde etiam à Confessario seriò dehortandi sunt. Videatur de hoc Scotus *4. dist. 15. q. 4. a. 1.* Lessius *cit. c. 11. dubit. 5.* Molina *disp. 30.* Sporer *tr. 5. c. 4. n. 62.* Reiffenstuel *Theol. Mor. dist. 6. n. 14. & 15.*

Quæres 8^{vo}, quænam Causæ excusent à restitutione famæ?

Q4

R. Va.

240. R. Varii varias referunt causas excusantes, quæ tamen meo Judicio commodè reduci possent ad quatuor capita, scilicet 1. ob impossibilitatem. 2. ob liberam condonationem læsi. 3. ob damni cessationem, & 4. ob mutuam compensationem. Explico breviter singula.

I. Itaque cessat ob impossibilitatem (quemadmodum ob eandem causam cessat omnis alia obligatio restituendi, uti mox infra dicemus) Ratio est clara: quia ad impossibile nemo tenetur; idque intelligendum est nedum de impossibilitate Physica, verum etiam de morali; qualis censetur intervenire 1. quando quis nequit famam restituere sine notabiliter graviore detrimento propriæ famæ, vel honoris, aliorumque bonorum &c. item 2. quando famam compensare nequit sine evidenti periculo vitæ; quia his stantibus proximus nequit esse rationabiliter invitus, nisi fortè crimen fuisset falsò ipsi impositum, & quidem cum æquali discrimine vitæ, quia tunc in pari causa major debet haberi ratio de vita innocentis, quam nocentis.

II. Cessat obligatio restituendi famam, quando læsus liberè condonat hanc obligationem, quia cum sit Dominus famæ suæ, potest hanc obligationem remittere æquè, ac aliam v. g. circa bona fortunæ, modò infamia illa non redundet in alios.

III.

III. Cessat hæc obligatio ob cessationem damni. Ratio est: quia cessante fine, cessat ratio agendi propter finem: atqui compensatio famæ, & honoris est finis hujus restitutionis: ergo &c. Cæterum tunc reputatur cessasse finis, quando vel 1. nulla infamia vi detraktionis fuit secuta, vel 2. si fama jam aliunde sit compensata, utputa quia innocentia diffamati innotuit, vel 3. quando diffamatio diuturnitate temporis jam iterum fuit oblivione sepulta.

IV. Denique cessat hæc obligatio vi compensationis mutue, quando alius te æquè graviter, vel adhuc gravius diffamans nondum revocavit sua dicta: etsi enim in hoc casu non penitus cesset obligatio restituendi famam alteri à te ablatam, cessat tamen secundum quid, in quantum suspenditur, donec alter famam injustè ablatam tibi restituat: quemadmodum si creditor quisque demum tibi nolit restituere debitum pecuniarium, in hujus compensationem retinere potes aliam pecuniam ipsi debitam, juxta notissimam illam regulam: *non cogeris Jus suum alteri reddere, si ille recuset tibi reddere tuum.* Illud tamen hic notandum venit, quòd, qui prior detraxit, cæteris saltem paribus, teneatur prius ad satisfactionem, veluti Doctores communiter advertunt. Videatur de hoc Sporer cit. c. 4. n. 110. Lessius cit. c. 11. dubit. 26.

Q 5

Tam-

Tamburinus c. 3. §. 3. Herincx disp. 7. n. 77.
& sequent. Illsung tr. 4. disp. 3. n. 111.

§. II.

Proponuntur, & breviter resolvuntur Casus practici de obligatione restituendi famam.

CASUS PRIMUS.

Titius Juvenis sese accusat, quod subinde de proximo suo fuerit male locutus: Confessarius hac accusatione utpote nimis genericè facta non contentus quarit, quidnam de proximo dixerit? Cui respondit Titius 1. se dixisse de aliquo Mechanico, quod non calleat artem suam. 2. de aliqua puella, quod nullius sit valoris. 3. de certo quodam Sacerdote, quod huic pro suo Sacrificio nollet dare quinque crucigeros, eò quod valde luride, & indevote illud deproperare soleat. 4. denique de aliquo Nobili, quem ab aliis summopere laudari audiverat, dixisse eum equidem esse bonum virum, mox tamen subjunxisse: sed, nisi &c. & ultra nihil. Quaritur jam pro praxi, quidnam Confessarius pro praxi habeat observare circa talem pœnitentem?

241. R2. In primis Confessarium benè fecisse ulterius indagando, quidnam dixerit Titius, secus enim nec numerum, nec speciem peccati satis intellexisset, quæ tamen à Confessario necessario sunt advertenda. Unde post

post hanc specificam enarrationem detractionum ulterius debuit attendere 1. an Titius practicè graviter, vel leviter duntaxat deliquerit; & 2. an opus sit revocatione, vel restitutione famæ. Primum expiscetur, ulterius indagando 1. an hæc joci causâ tantum, an verò seriò fuerit locutus coram aliis. 2. an putet alios fidem adhibuisse suis dictis, & 3. an per hæc dicta intenderit aliis nocere, aut non præviderit saltem, fore, ut hæc noceant, sive in bono famæ, sive etiam in bonis fortunæ?

Alterum verò, an scilicet opus sit revocatione, facile dignoscet, quærendo an ex hujuscemodi detractionibus revera aliquod damnum fuerit secutum, vel non? Et licet in praxi plerumque experiamur, similia fieri sine peccato gravi, vel quòd indeliberatè duntaxat contingant, vel quòd dictis ab audientibus nulla omnino, aut certè modica adhibeatur fides; nihilominus dato, quòd Titius fateatur se hæc seriò dixisse, eò animo, ut ab aliis crederentur, & præsertim si prævidit grave aliquod damnum diffamatis inde secuturum, dubitare profecto minimè licet, quin graviter peccaverit, & quidem tantò gravius, quantò frequentius, vel etiam coram frequentiori auditoriò similia sparsit, & quantò gravius damnum animadvertit inde enasciturum; ad cujus compensationem, sicut & ad detractionum

Tamburinus c. 3. §. 3. Herincx disp. 7. n. 77.
& sequent. Illsung tr. 4. disp. 3. n. 111.

§. II.

Proponuntur, & breviter resolvuntur Casus practici de obligatione restituendi famam.

CASUS PRIMUS.

Titius Juvenis sese accusat, quòd subinde de proximo suo fuerit malè locutus: Confessarius hac accusatione utpote nimis genericè facta non contentus quarit, quidnam de proximo dixerit? Cui respondit Titius 1. se dixisse de aliquo Mechanico, quòd non calleat artem suam. 2. de aliqua puella, quòd nullius sit valoris. 3. de certo quodam Sacerdote, quòd huic pro suo Sacrificio nollet dare quinque crucigeros, eò quòd valde luridè, & indevotè illud deproperare soleat. 4. denique de aliquo Nobili, quem ab aliis summopere laudari audiverat, dixisse eum equidem esse bonum virum, mox tamen subjunxisse: sed, nisi &c. & ultra nihil. Quaritur jam pro praxi, quidnam Confessarius pro praxi habeat observare circa talem pœnitentem?

241. R. In primis Confessarium benè fecisse ulteriùs indagando, quidnam dixerit Titius, secus enim nec numerum, nec speciem peccati satis intellexisset, quæ tamen à Confessario necessario sunt advertenda. Unde post

post hanc specificam enarrationem detractionum ulterius debuit attendere 1. an Titius practicè graviter, vel leviter duntaxat deliquerit; & 2. an opus sit revocatione, vel restitutione famæ. Primum expiscetur, ulterius indagando 1. an hæc joci causâ tantum, an verò seriò fuerit locutus coram aliis. 2. an putet alios fidem adhibuisse suis dictis, & 3. an per hæc dicta intenderit aliis nocere, aut non præviderit saltem, fore, ut hæc noceant, sive in bono famæ, sive etiam in bonis fortunæ?

Alterum verò, an scilicet opus sit revocatione, facile dignoscet, quærendo an ex hujuscemodi detractionibus revera aliquod damnum fuerit secutum, vel non? Et licet in praxi plerumque experiamur, similia fieri sine peccato gravi, vel quòd indeliberatè duntaxat contingant, vel quòd dictis ab audientibus nulla omnino, aut certè modica adhibeatur fides; nihilominus dato, quòd Titius fateatur se hæc seriò dixisse, eò animo, ut ab aliis crederentur, & præsertim si prævidit grave aliquod damnum diffamatis inde secuturum, dubitare profecto minimè licet, quin graviter peccaverit, & quidem tantò gravius, quantò frequentius, vel etiam coram frequentiori auditorio similia sparsit, & quantò gravius damnum animadvertit inde enasciturum; ad cujus compensationem, sicut & ad detractionum

etorum revocationem, vel correctionem necessario foret obligandus à Confessario, nisi occurrat alia causa excusans secundum mox dicta *n. 239. in fin.*

At quid inquires, si pœnitens respondeat (sicuti frequentissime solent respondere) se similia serio quidem, & ex animo fuisse locutum, dubitare tamen an revera aliquod damnum inde fuerit subsecutum aliis.

242. R. In hoc casu pœnitentem probabilissime ad nullam compensationem, vel restitutionem teneri. Ratio desumenda est ex generalibus principiis de obligatione restituendi dare solitis: quisquis enim verè, & rationabiliter dubitat, utrum sua actione, etsi de se injusta, fuerit causa efficax alicujus damni, non tenetur ad aliquam compensationem, eò quòd stante dubio maneat melior conditio possidentis bona sua, juxta superius dicta *Confer. 5. n. 146.* Serio nihilominus admonendus est pœnitens, quatenus imposterum velit cavere à similibus detractoriis, & siquidem animadvertet, se hætenus cuipiam nocuisse in bono famæ, vel fortunæ, studeat prudenter corrigendo sua dicta, bellò modò famam læsam rescire, melius de illis loquendo, eos laudando &c. vel, ubi viderit omnino opus esse ad damni evitationem, apertè retractando sua dicta infamatoria.

Dices iterum. At quid, si pœnitens respon-

spondeat, se similia dixisse solum ex aliqua præcipitancia, indeliberatione, vel etiam inconsideratione, advertere tamen defacto, quod alii id malè apprehenderint, ita ut Sacerdos, & puella (de qua in casu) notabiliter cogantur pati nedum in bono famæ, sed etiam fortunæ?

R. Si Titius prævideat hujuscemodidamna, tenetur modo possibili retractare sua dicta, & sub gravi culpa famam restituere, esto etiam ex inconsideratione similia effutiendo non peccaverit graviter. Ita cum *communi DD. Sporer cit. c. 4. n. 86. La Croix lib. 3. p. 2. n. 1243. Kresslinger addit. post n. 35. ad dist. 6. Theol. Mor. R. P. Reiffenstuel.* Ratio est: quia Justitia non solum obligat ad non ponendam causam damni injusti, verum etiam ad tollendam hujuscemodi causam, quoquò modò, etsi fortassis inculpabiliter datam, modò adhuc utiliter, & sine gravi suo incommodo tolli possit, & damnum impediri; hac ratione, qui alteri etiam inculpabiliter propinavit venenum, vel ignem posuit, ex quo videt proximum damnificatum iri in bono fortunæ, aut vitæ, tenetur ex Justitia remove hujusmodi causam: atqui eadem est ratio in nostro proposito de injusta diffamatione: ergo. Et certè quamdiu Titius non retractat sua dicta, censetur suò modo famam alteri injustè ablatam, ac debitam

bitam retinere: quemadmodum ergo tene-
retur alienam pecuniam restituere, quam-
primum adverteret eam esse alienam, ta-
met si prius inculpabiliter eam apprehendi-
set; ita & tenebitur restituere famam pro-
ximi, esto prius quasi inculpabiliter, aut
certè sine culpa gravi eam rapuisse adver-
tat, modò id utiliter, & sine notabiliter gra-
viori suo incommodo fieri possit.

CASUS SECUNDUS.

Sempronia famula cum alia quadam vixit in
perpetuis dissidiis: unde fatetur, se nuper-
rimè altercando, nescio quæ convitia eidem ob-
jecisse, & in faciem exprobrâsse, tandemque de-
prehensam in furto, illico ad Herum suum de-
tulisse, ut in incontinenti domo ejiceretur; quin
immo, hac vindicta nondum contentam, adiisse
insuper aliam quandam Dominam, & patesfacien-
do idem furtum nuper commissum effecisse, ut
ab illa Domina non assumeretur ad servitia.
Quaritur jam in hoc casu 1. quomodo Sempro-
nia peccaverit objiendo convitia in faciem? 2.
an, vel quomodo deliquerit eam diffamando
apud alios? 3. denique an teneatur ad aliquam
compensationem fama, & aliorum damnorum?

244. **R.** ad primum. Sempronia per se lo-
quendo graviter peccavit, eo ipsò quòd
gravia convitia objiendo, exprobrando
alteri,

alteri, famam, honorem, & charitatem magnopere læserit. Fatendum tamen est, hujuscemodi jurgia aut contentiones in praxi sæpe sæpius, inter mulierculas præsertim, contingere sine peccato mortali; vel quia prædominantibus passionibus iræ, invidiæ &c. non sunt sibi satis præsentis, sed ex motu primo aut certè secundo, primò similia effutiunt; vel etiam quia alii audientes hujuscemodi exprobrationes benè nòrunt, eas iracundiæ motibus potius, quàm rationi, & vero fundamento nixas esse, & hoc ipso (saltem prudentiores) parum, vel nihil omnino fidei ipsis attribunt: quam ob rem ab onere restitutionis non rarò excusantur, veluti rectè advertunt Sayrus in *clav. reg.* l. 12. c. 4. n. 8. Bonacina de *restitut. disp.* 2. q. 5. pn. 1. n. 4. & Babenstuber *tr.* 7. *disp.* 5. a. 4. n. 8. Unde ad practicè dignoscendam gravitatem peccati in hoc casu, opus erit examinare Semproniam, an, vel quâ deliberatione hæc fecerit? item an non ex passione jam pridem in mente concepta, & quasi decocta? an ipsa prior, vel ex qua ratione cœperit altercari? tum verò ex responsionibus pœnitentis haud difficile erit colligere gravitatem peccati commissi.

R. ad 2dum. Si crimen furti ab illa al-245. tera non fuit adeò enorme, nec pluries commissum, & præsertim si nullum am-
plius

plius subfuit periculum illud sæpius iterandi, tunc Sempronia graviter deliquit accusando, & diffamando coancillam suam apud alios & quidem cum gravi damno: Ratio est: quia non licet crimen occultum alterius manifestare, nisi id exigat, vel bonum proximi, vel malum ab alio innocente avertendum: at, ex hac suppositione nec bonum proximi (coancillæ scilicet) nec malum ab alio innocente avertendum exigebat manifestationem criminis occulti: ergo. Itaque potius ex præcepto charitatis, & correctionis fraternæ debuisset coancillam dehortari, comminando manifestationem, casu quo iterum fuisset deprehensa in furto; quod, cum non observaverit Sempronia, profecto vix, aut ne vix quidem dubitandum videtur, quin hæc diffamatio potius animò vindicandi, & nocendi, quàm mala à proximo avertendi facta sit, utique non sine gravi peccato. Videatur Herincx *disp.* 7. n. 52. Lessius *l.* 2. c. 11. *dubit.* 9. Sporer *cit.* c. 4. a. n. 74. Reiffenstuel *ubi supra* *dist.* 6. a. n. 6.

246. R. jam ad 3tium sub eadem distinctione. Nam si Sempronia supponatur habuisse justam causam manifestandi furtum (qualis esse posset timor rationabilis, ne sæpiùs repeteretur, vel ne alii revera innocentes venirent in suspicionem, aliudvè gravius damnum pati cogerentur) tunc non

non peccavit contra Justitiam manifestando illud furtum, & per consequens ad nullam restitutionem tenetur: at verò si non habuit justam causam manifestandi, & diffamandi coancillam, condemnanda est nedum ad restitutionem famæ injustè ablatæ, verum insuper ad refarcienda alia damna inde secuta; quæ meò Judicio vix alia viâ congruentius poterit refundere, quàm procurando, & providendo, ut coancilla injustè diffamata obtineat aliud servitium æquè commodum, & proficuum. Ratio hujus resolutionis facile colligetur ex dictis: quia omnis alterum injustè damnificans tenetur refarcire damnum illatum omni modo possibili: ergo &c. Videantur de hoc DD. proximè citati.

CASUS TERTIUS.

CAja Saga incarcerata, & tortura subjecta, candidè fassa est, se diabolo jam ante aliquot annos subscripsisse, eodémque authore multa mala hinc inde intulisse. Verum, ut in his etiam circumstantiis noceret, mendaciter nominavit aliam quandam fæminam (quam Semproniam dicimus) dicitans, eam pariter subscripsisse, & criminum plurimorum extitisse complicem. Quam ob causam Sempronie pariter à Judice comprehensa, ac tortura subjecta est, & quia nihil fateri voluit, certè nec potuit, vi illius ad exrema deducta fuit: postulavit proin-

R. P. Elbel, de Restit.

R

Con-

*Confessarium, sed Judex locò Confessarii vocari fecit Medicum. Sempronia interim ante hujus adventum exspiravit; quod, ubi Caja intellexit, ingenuè fassa fuit, Semproniam fuisse innocentem, à se verò partim ex invidia, partim verò ex instiuctu Diaboli injustè delictam fuisse velut complicem criminum. Quaritur jam in hoc casu 1. an vel quomodo Judex deliquerit, & ad quid teneatur? 2. quomodo peccaverit Caja, & utrùm hac fuisset obligata ad revocandum sua dicta, tametsi pravi-
tisset, se propterea gravius punitum iri?*

247. R. ad primum. Judex ob solam depositionem Sagæ non potuit procedere ad torturam Sempronix. Ratio est: quia ad hanc prærequiritur saltem semiplena probatio criminis: sola autem depositio Sagæ non facit semiplenam probationem, præsertim cùm aliunde pluribus exemplis constet, quòd Sagæ soleant alios innocentes deferre, & nominare, vel ut processum differant, vel ut aliis noceant: ergo &c. gravius adhuc peccavit, eam torquendo in tantum, ut ad extrema deduxerit; & per se loquendo gravissimè deliquit negando Confessarium constitutæ in mortis periculo, ut de se clarum, & inter omnes Catholicos receptum est. Unde, nisi ignorantia invincibilis eum excuset, ad hanc speciem facti resolvendum videtur, Judicem (saltem in defectum Cajæ injustæ delatricis) teneri nedum ad publicandam innocentiam

tiam defunctæ, quatenus huic coram Mun-
do fama restituatur; verum etiam ad resar-
cienda omnia damna realia in bonis fortunæ
hæredibus, vel aliis à Sempronia fortè re-
lictis, inde secuta: tanta quippe ruditas
(ne dicam crudelitas) in Judice Christiano
vix, aut ne vix quidem excusabilis videtur
à peccato mortali, & per consequens neque
ab onere restituendi, seu etiam resarciendi
damna aliis innocentibus inde secuta. Vi-
deantur de hoc Gobat *in suo Clypeo* tr. 11.
n. 131. Delrio *lib. 5. Sect. 5. n. 4.* La Croix
l. 4. n. 14. 48.

R. ad 2dum. Caja gravissimè deliquit 248.
diffamando innocentem Semproniam, ut
de se liquet: unde etiam nedum ante
torturam, & mortem illius, sed etiam post
tenebatur adhuc revocare iniquissimam
suam delationem, non obstante quòd præ-
viderit se propterea gravius punitum iri.
Ita in re communis DD. & satis clarè Tam-
bur. *l. 8. decal. c. 1. §. 9.* Bonacin. *in 8. præ-
cept. disp. 10. q. 3. propos. 3.* Sporer *tr. 5. c. 4.
n. 89.* Ratio est; quia in pari causa debet
esse melior conditio innocentis: atqui Sem-
pronia fuit innocens; non item Caja: ergo
hæc tenetur revocare sua dicta, esto præ-
videat, se ob id gravius puniendam;
quia excessus hujus pœnæ non est tanti æsti-
mandus, ut propterea excusari possit, aut
debeat à revocanda infamia; utpote ne-

dum in ipsam defunctam, verum insuper in totam ipsius familiam redundatura.

Dices. At quid aget Confessarius, si Caja nolit revocare falsam suam delationem metu gravioris torturæ, aut supplicii perferendi?

249. R. Equidem omni possibili modo inducendam esse, ac persuadendam, ut revocet falsum crimen alteri impositum: nihilominus in casu, quò Confessarius ab hujusmodi malefactore, aut malefactorice cæteroquin disposita ad moriendum &c. obtinere nequit, ut revocet, consulit noster A. R. P. Kazenberger in *supplemento decal. P. Sporer c. 2. n. 233.* ut ei persuadeatur, quatenus privatim præsentibus duobus testibus & Confessario id faciat, aut si ne hoc quidem fieri possit, in loco supplicii coram Populo protestetur sincerè coram omnibus, se suo Confessario aliquid concedidisse, spectatoribus post suam mortem mox aperiendum, & ab ipsis infallibiliter credendum: tunc verò nomine Malefactoris, vel Malefactoricis jamjam defunctæ, Confessarius de licentia prius obtenta revocet & declaret innocentiam illius, quicumque demum injustè delatus fuit. Videatur etiam de hoc Laymann *l. 3. tr. 6. c. 5. §. un. n. 25. & seqq.*

Dices adhuc. At quid, si injustus diffamator (uti fuit Caja nostra) nec in vivis,
nec

nec post mortem, injustam diffamationem revocet, tenebitur hæres defuncti, cui de innocentia alterius constat, revocare? aut saltem alia damna realia ex iniqua delatione illata compensare?

R. Hæres injusti delatoris in locum de 250. functi ex Justitia tenetur de bonis sibi relictis resarcire damna realia ex iniqua delatione secuta aliis: non tamen tenetur ex Justitia (bene verò ex Charitate) ad revocandam injustam delationem, seu etiam diffamationem. Ratio disparitatis est hæc: quia obligatio restituendi famam injustè ablatam est personalis, consequenter non transit ad hæredes: è contra obligatio compensandi damna ex iniqua diffamatione secuta est realis, ideòque etiam ab hærede ex rebus à defuncto relictis solvenda, veluti ex *communi* docent Lugo *disp. 15. sect. 1. n. 8.* Lessius *lib. 2. c. 11. dubit. 21.* Laym. *l. 3. tr. 3. p. 2. c. 7. n. 4.* Sporer *cit. c. 4. n. 84. & 85.*

§. III.

Corollaria ex dictis inferenda.

Colliges ex dictis primò, non esse peccatum, consequenter nec obnoxium restitutioni, detegere alterius crimen verum,

rum, etſi occultum, (extra Confessionem Sacramentalem cognitum) quando id ſit juſta de cauſa. Ratio eſt: quia talis nec agit contra Juſtitiam, neque contra Charitatem. Cæterum juſtæ cauſæ poſſunt eſſe ſequentes. 1. ſi manifeſtatio ſit neceſſaria ad evadendam mortem, vel gravia tormenta, uti fieri amat apud incarcerationatos, & examinatos de complicibus. 2. ad evitandum notabile damnum ſpirituale, aut corporale ſibi, vel etiam proximo innocenti imminens. Ratio eſt: quia ſecundum rectam rationem, & ordinem Charitatis licitum eſt, ſe vel etiam alium innocentem defendere, deſenſione moderata, eſto id fiat cum detrimento injuſti inſaſoris in vita, & membris: ergo multò magis cum detrimento famæ. Ob eandem rationem Doctores communiffimè inferunt. 3. licitè detegi ſimulationem alterius, qui fictis, & fucatis virtutibus ſibi comparavit famam, quando hæc cederet in aliorum detrimentum: proſectò ipſemet Chriſtus Dominus *Matth. 16. & Luc. 12.* occultam, & pernicioſam hypocriſin Phariſæorum Diſcipulis ſuis manifeſtaſſe legitur, quatenus ſibi ab eorum fermento caverent. Herincx *diſp. 7. q. 4.*

251. Colliges 2dò, à fortiori non eſſe contra Juſtitiam, & per conſequens nec obnoxium reſtitioni, manifeſtare, ſeu etiam lo-

loqui de crimine alterius notorio, sive notoreitate Juris, sive facti (ubi nota, illud censeri notorium notoreitate Juris, de quo quis in Judicio convictus, vel confessus est, aut Judicis Sententiâ publicè fuit punitus &c. illud verò censetur notorium notoreitate facti, de quo evidenter apud non paucos constat, esse scilicet factum sic, ut prudentis arbitriô credatur, nulla posse tergiversatione celari, aut certò certius credatur ulterius publicatum, & divulgatum iri.) Ratio autem hujus Corollarie resolutionis hæc est: quia hujusmodi facinorosus amisit Jus in suam famam; vel quia Judex illum privavit publicando crimen, & in hujus justam punitionem, aliorumq; terrorem illud publicari voluit? vel etiam quia ipsûs met delinquens notoriè perpetrando crimen, censetur renuntiâsse Juri, quod habuit ad suam famam: ergo qui hujuscemodi crimen ulterius narrando dilatat, non peccat contra Justitiam, esto non rarò possit impingere contra Charitatem. Lugo *disp. 14. sect. 6. n. 72.* Lessius *cit. c. 11. dub. 13.* Sporer *tr. 5. c. 4. n. 65.* Kresslinger *in appendic. post n. 19. ad tr. 9. dist. 6. Theol. Mor. R. P. Reiffenstuel. Babenstuber ubi suprâ n. 35.*

Quocirca tamen sapienter advertit 253. Herincx noster *proximè cit. lib. n. 61.* subinde crimen aliquod etiam ex mente Judicis, vel punientis non reddi publicum simpliciter: sic etenim Superiores

Familiarum, Collegiorum, Religionum &c. tametsi publicè in sua communitate delicta commissa corrigant, aut puniant, per hoc tamen minimè intendunt dare licentiam, hujusmodi crimina extra Religionem, aut communitatem manifestandi. Unde, inquit idem Doctor, crimen v. g. Religiosi etiam condemnati, qui non ejicitur ab ordine, propalare extra Religionem, si extra illam non sit aliâ viâ publicum, est contra Justitiam, ut notârunt Molina *disp. 33. n. 7.* Lugo, & alii.

254. Colliges 3tîd à contrario, crimen alterius, etiam verum, occultum tamen, manifestare absque justa, & gravi causa, nedum charitati, sed etiam Justitiæ repugnare. Ratio est: quia proximus semper retinet Jus ad suam famam, quamdiu de crimine à se commissio non constat: ergo contra faciens impingit contra Justitiam. Ad dignoscendum tamen, an injustus diffamator graviter peccet, & per consequens sub gravi, vel sub levi culpa duntaxat teneatur ad restitutionem famæ pro possibili, juvabit bene notare hanc regulam, quam Sporer *cit. n. 59.* dicit esse generalem: *Quoties notabiliter fama alterius ladicur sive defectus narratus sit mortalis, sive venialis, sive naturalis tantum, toties peccatur mortaliter: Quoties verò leviter solum ladicur fama, peccatur venialiter: quando nihil ladicur, quidquid dicatur, nihil peccatur*

catur ex hoc capite. Nam si dicas (pergit idem) de viro probo, vel Religioso, eum amare puellam, rixatum esse, vel duellasse, aut quid simile, graviter ejus lædis famam, ideoque peccas graviter: si idem dicas de juvene nobili, vel milite, leviter, vel nihil famam lædis, cum de talibus non erubescere, sed gloriari soleant. Considerandæ tamen sunt circumstantiæ personarum, deliberationis &c. &c.

At, inquires forsitan, quomodo ad famam restituendam, vel etiam ad revocandum obligari poterit, qui de puella v. g. dixit, eam ex fornicatione esse gravidam, si res à parte rei ita se habeat?

R. Talem quidem obligari non posse, ut²⁵⁵. revocet sua dicta, si moraliter certò prævideat, delictum proximè publicatum iri: præfectò parum etiam proficeret, tametsi millies diceret, eam esse honestam Virginem, si gestatio uteri, vel subsequens partus clament contrarium. Unde licet talis sine causa propalando crimen, graviter deliquerit, ob moralem tamen impossibilitatem in his circumstantiis obligari non potest ad revocanda sua dicta. At verò si mulier ex occulta fornicatione non sit imprægnata, aut si delictum præcisâ tua manifestatione mansisset occultum, tu illud manifestando graviter peccabis, & (si tamen moraliter, ac utiliter possis) teneberis.

R s

ad

ad resarciendam famam, dicendo v. g. (cum debita restrictione mentali) eam esse Virginem (scilicet in foro Ecclesiæ) vel te fuisse malè locutum (intelligendo peccaminosè) nihil de illa scire (quod scilicet in foro externo licitè manifestare posses.) Quocirca tamen rursus magna cautela, & circumspèctione opus erit, ne alii forè advertentes te loqui amphybologicè, magis confirmetur in sua opinione semel concepta, & ita error posterior fiat pejor priore. Vid. *Lessium dubit.* 20. n. 110. *Mezger tom.* 3. *tr.* 12. *disp.* 39. 4. 5. n. 5.

256. Colliges 4tò, injustum detractorem teneri ad restitutionem famæ ablatae, nedum apud audientes immediatos, verum etiam apud mediatos, si auditoribus immediatis rem ideò manifestavit, ut hi eam ulteriùs dilatarent. Ratio est: quia auditores immediatos adhibuit velut instrumenta quædam ad propagandam ulteriùs infamiam, adeoque fuit vera causa principalis damni apud alios. Idipsum afferendum est de eo, qui detrahit coram talibus: quos scit ulteriùs infamiam delaturos, uti fieri amat, si crimen coram infantibus, vel aliis hominibus junioribus, & valde garrulis narretur; quia hòc modo alterum sciens, & volens conjecit in periculum gravis damni bono famæ subeundi. Ita ex com-

communi Mastrius, Sporer, Herincx, Tamburinus *l. 9. decal. c. 3. §. 5.*

At quid tenendum de eo, qui detraxit, non attendendo, utrùm auditores ulterius essent propagaturi infamiam, vel non, prout revera in praxi plerùmque fieri assolet?

R. In tali casu probabiliter sufficit re-257. vocare, & restituere famam pro possibili apud auditores immediatos. Et ita tenent Tamburin. *cit. n. 5.* Lugo *disp. 15. sect. 2. n. 16.* Illsungen *tr. 4. disp. 3. n. 109.* Sporer *tr. 5. c. 4. n. 102.* esto fateantur contrariam opinionem speculative esse probabiliorem. Ratio autem hujus responsionis est: partim quia apud omnes, etiam mediatos auditores revocare, censetur moraliter impossibile; partim etiam quia qui revocat sua dicta apud auditores immediatos, censetur his imponere obligationem idipsum faciendi apud suos, quod onus, dum expresse non contradicunt, in se suscipere præsumuntur; partim denique & potissimum, quia hanc Sententiam confirmat quotidiana praxis Confessariorum etiam Doctorum, qui dum pœnitenti imponunt obligationem revocandi apud eos, coram quibus detraxit, & pœnitentem satisfacturum, & se suo muneri satisfacisse existimant.

Colliges igitò, Nedum vivis, sed etiam 258.
mor-

mortuis famam ablatam esse restituendam. Ratio est, quia in morali hominum existimatione etiam post mortem homo censetur possidere bonum famæ, illudque vel maximè affectare, nec dubitandum, quin potior mortalium pars potius tempore vitæ suæ, quàm post mortem primum vellet sufferre diffamationem sui: ergo bonum famæ injustè ablatum etiam defuncto est resarciendum: nec propterea, quòd hæredes forsitan non urgeant compensationem famæ, mortuus censetur condonasse hanc obligationem, ait Pettschacher; consequenter ex hoc capite injustus diffamator non evadit liber ab hoc onere: Quòd si talis infamia mortui in hæredes quoque redundet, etiam istis infamator satisfacere; famamque restituere tenetur. Lessius *cit. dub. 21. n. 114.* Bonacina *de restitut. disp. 2. q. 4. pu. ult. n. 16.* Babenstuber *tr. 7. disp. 5. a. 4. n. 72.* Illsung *ubi supra Mezger & alii.*

259. Colliges 6tò, nedum famam, sed etiam honorem injustè læsum esse denuo resarciendum, & quidem eo modò, qui considerata tum gravitate injuriæ, tum etiam personæ injuriantis reputetur sufficiens pro reparatione illius. Ratio patet ex dictis. Dixi tamen: *Qui considerata gravitate persona &c.* aliò quippe modo tenetur Superiori inferiori, & alio modò inferiori Superiori hono-

honorē ablatum compensare, aliō quoque modo æqualis sibi æquali. Superior plerūque satisfaciet, si subito læso majoris benevolentię signa exhibeat, nec tenetur se demittere usque ad petitionem veniæ *ne dum nimium servatur humilitas, regendi frangatur auctoritas*, ut ait S. Augustinus in S. Regula. Inferior è contravix aliō modo compensabit honorē Superiori ablatum, quàm sese humiliando, & petendo veniam, saltem tunc si offensa fuit gravis. Denique æquali honorē compensare poterit, ac debet, vel honorifica salutatione, aut compellatione, vel obsequii exhibitione, vel invitatione ad mensam, propinatione, &c. &c.

Colliges tandem 7mò, Confessario in 260. hac materia, utpote valde practica, & utinam non quotidie nimis practicata, prudenter, ac circumspicte procedendum esse cum poenitentibus, ne eos vel laxè nimis, vel nimis strictè ducat, & instruat. Quocirca id vel maximè observandum erit, ut ab hoc onere (restituendi scilicet famam) non nimis facilè absolvat, quando animadvertit reipsa injustum damnum alteri fuisse illatum, aut certè, ex diffamatione præterita adhuc secuturum: caveat verò, ne ad hujus restitutionem nimium adstringat poenitentem, tunc præsertim, quando prævidet, quòd injustus diffamator
revo-

revocando deberet subire notabiliter majus damnum; vel quando pręvidet, restitutionem famę jam impossibilem, vel quia amplius fieri non potest coram illis auditoribus, vel quia revocatio illa nihil amplius prodesset, vel denique quia infamia tractu temporis jamjam fuit oblivione delata, & quasi sepulta. Ratio horum desumi debet ex dictis n. 240. tum etiam ex eo, quod Confessarii intentio, & instructio semper eò sit dirigenda, ut quę ad DEI gloriam, & animarum salutem viderit magis conducere, suggerat, consulat, vel omnino ubi opus fuerit, præcipiat: at, si vel laxè nimis, si vel nimis stricte pœnitentem direxerit, semper id erit obnoxium periculis, & animarum saluti, Deique glorię, ut de se liquet: ergo &c.

Dices tamen adhuc. Quid agendum in Casu, ubi rationabiliter dubitatur, utrum infamia secuta ex detractiōe jam sit exoleta, & oblivione oblitterata?

261. &. In hoc casu vel maxime opus esse magna cautela, & circumspectiōe; quia ut sapienter advertit Sporer *17. s. 6. 4. n. 113.* sæpe fieri posset, ut talis revocatio plus noceret, quàm prodesset, dum scilicet infamiam jam sepultam oblivione apud audientes denuo renovaret. Itaque attendendum est, quidnam Confessarius, vel quid pœnitens ipse vellet fieri in his circumstantiis, si ab alio fuisset diffamatus

tus

tus injustè, & tunc, id, quòd sibi vellet fieri perpensis omnibus circumstantiis, faciat, aut curet fieri proximo suo. Quòd si dubitet, quidnam vellet sibi fieri in his circumstantiis? conetur saltem in tali dubio indirectè restituere famam, utputa laudabiliter loquendo, & quantum moraliter potest, quovis modo, vel genere illum, vel illam, cui detraxit, recommendo apud eos, coram quibus crimen occultum prius manifestavit. Videantur de hoc, si placet, Lugo ubi *suprà disp. 15. sect. 3. n. 55. la Croix l. 3. p. 2. n. 1255. Kresslinger addit. post n. 41. ad tr. 9. disp. Theol. Mor. R. P. Reiffenstuel.*

CONFERENTIA DECIMA.

De

Restitutione debita ex injusta
læsione proximi in bonis fortunæ
per furtum, Rapinam &c.

S U M M A R I U M.

- 262. Furtum consistit in contræctione rei alienæ,
Dominò rationabiliter invito;
- 263. Estque peccatum ex suo genere mortale.
- 264. Sæpius tamen fit veniale duntaxat.
- 265. Materia furti rectè distinguitur in absolutè, &
respectivè gravem.

266. Quæ-

266. Quænam sit materia furti absolute?
267. Et quænam materia respectivè duntaxat gravis?
268. In Casu necessitatis præcisè gravis, aut communis nefas est furari.
269. Fas tamen est in casu extremæ necessitatis contrectare rem alienam;
270. Nisi Dominus illius supponatur in pari necessitate constitutus.
271. Quænam censeatur extrema, quænam gravis, & quænam communis necessitas?
272. Quanta obligatio restituendi furi incumbat?
273. Resolvitur Casus I. cujusdam Uxoratæ, quæ marito ignorante multa bona impendit suis prolibus ex priori Matrimonio susceptis.
274. Si habuit bona propria, seu paraphernalia, de his debuit earum necessitatibus succurrere.
275. Quæ, & quantum Uxor de bonis Mariti eò ignorante regulariter possit expendere salvâ conscientia?
276. Resolvitur Casus II. cujusdam Filiæ, quæ de bonis Parentum notabilem quantitatem sibi subtraxit.
277. Unde tenetur ad restitutionem.
278. & 279. Solvuntur duæ instantiæ contra hoc.
280. Major tamen quantitas meritò requiritur ad furtum grave commissum ab uxore, aut à filiis, quàm ad commissum ab aliis extraneis.
281. Idque à fortiori tenendum, quando liberi solum subtrahunt esculenta, aut poculenta.
282. Resolvitur Casus III. de quodam mendico, qui, cum ex communi cassa pauperum non recepisset necessariam sustentationem, cœpit furari nedum profana, sed etiam Ecclesiastica bona.

183. Non

283. Non fuit huic facile credendum, quòd alià via, vel medio licito non potuerit procurare sibi necessaria.
284. Unde probabilissimè peccavit mortaliter, & sacrilegè.
285. Utrùm ad restitutionem teneatur, qui in casu extremæ necessitatis rem alterius usurpavit, vel consumpsit?
286. Non committitur furtum in iis circumstantiis, in quibus Dominus nequit esse rationabiliter invitus.
287. Nec peccat graviter contra quantum præceptum, qui aufert rem levis momenti duntaxat;
288. Nisi prævideat aliud grave damnum Domino inde secuturum.
289. An, vel quando Sartores peccent, retinendo sibi fragmenta, seu segmenta de panno, aut serico &c. relidua?
290. Quando furta minuta fiunt successivè, aut diversis Dominis, majori quantitate opus est ad constituendum furtum mortale, quàm si fiant eidem Domino, vel eodem tempore.
291. Quomodo Confessarius practicè debeat procedere cum pœnitente furtum confesso?

§. I.

Præmittuntur, & breviter resolvuntur quæsitæ scitu necessaria ad debite resolvendos Casus practicos de restitutione debita ratione furti &c.

QUæres primò, quid sit furtum?

R. P. Elbel, de Restit.

S

& Fur-

262. R. Furtum est occulta acceptio, seu contrahatio rei alienæ rationabiliter invito Domino. Ita *communis DD.* Dicitur autem 1. occulta: nam si fieret aperte, & cum violentia Domino scienti, jam non amplius esset furtum, sed potius rapina, quæ specie morali differre censetur à furto. Dicitur 2dò: Rei alienæ; nullus enim in rebus sibi propriis furtum committere potest, sicut nec sibi inferre injuriam: nomine verò rei hic intelliguntur res externæ, & bona fortunæ, eorûque usus ac possessio. Dicitur 3tiò, rationabiliter invito Domino; nam si is prudenter credi possit, non esse invitus, sed consentiens potius in hujusmodi contrahationem, non committitur verum furtum; quia consentienti non fit injuria; sicut & quando consentire debet Dominus, ita ut non possit esse rationabiliter invitus, prout fit in casu extremæ indigentia, & necessitatis, veluti docent S. Thomas 2. 2. q. 66. a. 7. & Scotus 4. dist. 15. q. 2.

Quæres 2dò, quale peccatum sit furtum?

263. R. Est peccatum ex suo genere mortale, secundum omnes. Ratio est: quia nendum Charitati, verum etiam (supposita saltem gravitate materiæ) Justitiæ graviter repugnat. Qua ratione Apostolus 1. Cor. 6. ait: *Neque fures, neque rapaces Regnum DEI possidebunt.*

Dixi:

Dixi: *ex genere suo* (id est, ex suo obje-264.
cto, præscindendo ab aliis circumstantiis,
quæ novam superaddere possent malitiam)
ut innuerem, non omne furtum esse mortale;
nam 1. si fiat ex necessitate tantum, subinde
sin minus in toto, saltem in tanto excusari
potest; quia, quò major urget necessitas,
tantò minus Dominus potest esse rationa-
biliter invitus. 2. Sæpe sæpius etiam non
ascendit ad gravitatem peccati mortalis ob
parvitatem materiæ, ut puta si quis modicum
duntaxat auferat. Verum diffinire, quæ-
nam sit materia gravis furti, sufficiens ad
mortaliter peccandum, oppidò difficile est,
prout vel inde haud obscure colligere licet,
quòd circa hujus determinationem hodie-
dum vix non tot reperiantur Sententiæ, quot
capita, teste Reiffenstuel *Theol. Mor. tr. 9.*
dist. 5. n. 6. Unde

Quæres 3tio, quænam igitur judicanda sit
materia gravis furti, & sufficiens ad consti-
tuendum peccatum mortale?

Ante responsionem notandum, quòd265.
quemadmodum materia legis, aut præcepti
alia dicitur absolutè, & alia respectivè tan-
tum gravis; ita ad nostrum propositum,
materia furti congruenter distingui possit
in absolutè, & respectivè gravem: absolu-
tè gravis illa appellatur, quæ absque consi-
deratione circumstantiarum alicujus perso-
næ est sufficiens ad peccatum mortale furti

S 2

respe-

respectu omnium: respectivè autem gravis censetur, quæ non secundum se, sed habita ratione conditionum personæ, loci, temporis &c. gravis est, & ad mortale peccatum sufficiens, eò quòd Dominus propterea grave damnum patiatur, uti cum Salmanticensibus rem explicat P. Babenstuber *tr.* 7. *disp.* 5. a. 5. n. 10. Hòc notato

266. R. Materia furti absolutè gravis, & respectu cujuscunque sufficiens ad peccatum mortale, est unus aureus, seu ducatus. 2. Materia verò respectivè gravis illa est, quæ in unum diem sufficeret ad victum illius hominis, cui auferitur. Ita Babenstuber *cit.* a. 5. n. 11. & 12. Lessius *de just.* l. 2. c. 12. *Subit.* 6. n. 29. Laymann l. 3. *tr.* 3. p. 1. c. 1. n. 3. Sporer *tr.* 5. c. 5. n. 29. Bonacin, *disp.* 2. *de restit.* q. 8. pu. 1. n. 7. Lugo *tom.* 1. *disp.* 16. *sect.* 2. n. 28. Marchantius *tribun.* p. 2. *tr.* 8. tit. 1. q. 5. Ratio primi est: quia in communi hominum persuasione unus aureus (aut certè, uti P. Sporer & alii non pauci existimant, duo) censentur non esse quid modicum: qua ratione experimur Dominos quantumvis divites, esse graviter invitos, si eis unus aureus (aut certè duo) auferantur: atqui communis hominum persuasio in his moralibus multum habet ponderis: ergo meritò reputatur absolutè grave. Et certè, si homines scirent, se unum aut duos aureos auferendo non peccare

peccare graviter, impellente avaritia, vel cupiditate alienorum bonorum, utpote quorum aliunde sunt cupidi, sæpius, quàm par est, hujusmodi furta committerent, non sine ingenti perturbatione pacis, & tranquillitatis publicæ: ergo quemadmodum ob hujusmodi periculum habituale Doctores communiter arguunt, procuracionem pollutionis, abortûs, & similia peccata esse graviter mala, ita pariter judicari debet de ablatione unius, aut certè duorum aureorum, seu dugatorum, esse scilicet materiam gravem.

Ratio autem 2di est: quia illa quantitas^{267.} pecuniæ judicari debet notabilis, ob cujus injustam ablationem Dominus meritò censetur graviter invitus: atqui ob injustam ablationem quantitatis, quæ sibi ad honestum, & juxta conditionem sui statûs competentem victum unius diei fuisset sufficiens, quilibet meritò censetur graviter invitus: ergo ejusmodi quantitas meritò censetur notabilis, & sufficiens ad constituendum peccatum mortale. Ex quo Laymann *l. 3. tit. 3. p. 1. c. 1. n. 3.* Sporer, Mezger & alii plures inferunt, eum mortaliter peccare, qui à Mercatore valde opulento furatur duos, aut tres florenos; à cive verò mediocriter divite unum florenum; ab opifice tres, vel quatuor pazios;

S 3

ab

ab operario ex diuturno labore victitante unum, vel alterum pazium; denique à mendico pauculos numinos, quibus uno die utcunque sibi victum parâisset.

Quæres 4tò. Utrum in casu necessitatis licitum sit auferre, seu contrectare rem alienam?

268. R. In casu qualiscunque necessitatis, esto etiam sit gravis, id neutiquam est permiffum; 2. bene verò in casu extremæ necessitatis, nisi Dominus ipse in pari necessitate sit constitutus. Ita *hodie DD. communiffimè*. Ratio prioris desumitur ex Decreto Innocentii XI. 2. Martii 1679. emanato, in quo præter alias etiam sequentem n. 36. propositionem damnavit: *Permissum est furari nedum in extrema necessitate, sed etiam in gravi*. Et ratio est: quia si in gravi necessitate id foret permiffum, nulla ampliùs esset securitas, aut tranquillitas speranda in Republica; cùm enim passim inveniantur, qui nedum communem, sed etiam gravem necessitatem (comparativè ad usum statum) patiantur, procul dubio passim committerentur innumerabilia furta, idque eò ampliùs, quò faciliùs quisque sibi persuaderet, se in satis gravi necessitate constitutum, ideòque tutà conscientia alienum auferre posse.

269. Ratio autem posterioris hæc est: quia in extrema necessitate omnia sunt communia,

nia, saltem in eo sensu, quatenus sunt necessaria ad sublevandam, & evadendam hujusmodi necessitatem. Unde *c. Exiit §. Nec quidquam, de Verb. signif. in 6.* dicitur: *nec Jure poli in extrema necessitatis Articulo ad providendum sustentationi natura, via omnibus extrema necessitate detentis concessa praecluditur, cum ab omni lege extrema necessitas sit exempta.*

Dictum tamen fuit: *Nisi Dominus ipse in 270. pari necessitate sit constitutus.* Rationem hujus limitationis subministrat Scotus 4. dist. 15. q. 2. §. *ad aliud*: tum quia res illa jam prius erat sui Domini, ideoque propter possessionem actualem eidem debet relinqui; tum etiam quia propter extremam necessitatem, in qua supponitur constitutus, de novo quasi acquisivit rei dominium: ergo merito esset invitus, si ab alio sibi præriperetur. Videatur Scot. l. cit. Mastrius *Theol. Mor. disp. 9. n. 21.* Reiffenstuel *cit. dist. 5. à n. 10.* La Croix l. 3. p. 1. n. 951.

Dices: quænam igitur reputatur necessitas extrema, & quænam gravis, vel etiam communis tantum?

R. cum Lugone, Sporer, & aliis, illam 271. dici extremam necessitatem, quæ homo periclitatur in natura, & esse simpliciter, seu, quæ versatur circa ea, quæ natura æquali jure voluit omnibus esse communia, uti est vita, fama, libertas; unde si tibi imminet periculum mortis, aut gravissimi mor-

bi, aut si sis incurſurus aliud graviffimum, & morti æquivalens malum, v. g. perpetuam captivitatem, infamiam publicam, vel pœnam irremium, meritò reputaberis verſari in extrema neceſſitate: neque verò opus eſt, ut huiusmodi mala jam actu ſentias, ſed ſufficit, quòd tibi proximè, & quidem moraliter certò immineant in ordine ad hoc, ut licitè rem alienam contrectes, vel uſurpes; quia tunc neceſſitas extrema jam cenſetur moraliter præſens: & certè ſi deberes exſpectare uſque ad extremum quaſi halitum vitæ, ubi moraliter certò moriturus eſſes, fruſtra permettereris jam uſurpare rem alienam; veluti ſapienter notant S. Thomas, Dicacſtillo, Cardenas & alii plures apud La Croix *l. 2. n. 175.* quem vide. Porro gravis neceſſitas appellatur, quâ homo ſolùm periclitatur in ſtatu, & eſſe meliori; utputa ſi homo ingenuus, & nobilis deberet amittere ſtatum ſuum, laborare, ſervire, mendicare &c. niſi oportunò ſubſidio adjuvetur. Denique communis neceſſitas illa communiter dicitur, quam pauperes triviales paſſim ſentiunt. Laym. *l. 3. tr. 2. c. 6.*

Quæres ſtò, quanta obligatio reſtituendi furi incumbat?

272. R. Eadem, quæ poſſeſſori malæ fidei ſcilicet quantitas damni illati, ſecundum omnes. Ratio patet: quia fur revera eſt, & reputatur

tatur possessor iniquus. Unde, quemadmodum supra *Confer. 3. n. 67. & 68.* diximus, iniquum possessorem teneri nedum ad restituendam rem ipsam mala fide possessam, aut damno datam, sed insuper ad resarciendum omne damnum emergens, & lucrum cessans, ita prorsus per omnia de iniquo fure est discurrendum ob identitatem rationis.

§. II.

Proponuntur, & breviter resolvuntur Casus practici de obligatione restituendi ex furto.

CASUS PRIMUS.

*T*itia conqueritur, se sortitam fuisse virum valde austum, atque tenacem, qui prolibus à se (*Titia scilicet*) ex priori Matrimonio jam susceptis, prater alimenta necessaria vix aliud quidpiam quò honestè tegantur, vult admittere; quam ob rem fatetur 1. se non rarò clam suo marito subtraxisse pecunias, easdèmq; prafatis prolibus suis honestè vestiendis impendisse; item 2. dissimulasse nonnunquam rem, quando advertit, quòd filius aliquid clam subtrahat suo Vitrico. 3. insuper de bonis, ac mediis sui mariti non rarò aliquid clanculariò dedisse propria sua Matri, utpote valde misera, ac pauperi, tametsi bene sciat, quòd maritus hac omnia agerrimè portasset, & omnino

S §

con-

*contradixisset ; dubitat proin , an peccaverit
similia practicando , & an tutâ conscientia ea-
dem protinus praticare possit ?*

273. *R. cum distinctione. Vel enim Titia
habet aliunde de bonis scilicet propriis, seu
etiam paraphernalibus, unde tum prolium,
tum etiam matris suæ necessitati possit suc-
currere, vel non? Si habeat, tenetur de bo-
nis propriis illis succurrere, & oppositum
faciendo peccaret; quia tunc maritus esset
rationabiliter invitus: econtra si de bonis
propriis nihil habeat, non peccabit subtra-
hendo marito, modò non excedat, subtra-
hendo plus, quàm sit necessarium ad suble-
vandam eorum inopiam, simulque habeat
intentionem, soluto Matrimonio ea pro
possibili compensandi hæredibus mariti sui.
Ratio est: quia quâ mater Jure naturali
pietatis pro possibili tenetur administrare
ea, quæ sunt necessaria prolibus suis, ex
quocunque demum Matrimonio susceptis:
quâ filia verò tenetur itidem succurrere
propriæ Matri indigenti: ergo si aliunde
non habeat, profecto maritus nequit esse
rationabiliter invitus, si de bonis ipsius,
quippe quorum, & ipsa quodammodo
particeps est, & Jus habet, aliquid subtra-
hat, & administret prolibus, ac Matri pro-
priæ. Videatur de hoc Gobat *Quin. tr. 5.
c. 24. n. 51. La Croix l. 3. p. 1. n. 1025.*
Krels-*

Kresslinger *addit. post n. 34. ad tr. 9. dist. 5.*
Theol. Mor. R. P. Reiffenstuel.

Illud tamen hic observandum venit, quòd^{274.}
si filia, aut filii ex priori conjugio suscepti
sibimet sint sufficientes ad lucranda sibi ne-
cessaria, tunc Titia malè ageret, subtrahendo
marito pecunias, easdemque prolibus appli-
cando, immò & dissimulando subtractionem à
prolibus factam aut faciendam; quan-
doquidem & ipsa teneatur ad conservanda
bona sui mariti, & ad impediendas iniquas
subtractiones. Item 2. malè ageret, si pro-
libus suis, quantumvis indigentibus nimum
applicaret, ultra id, scilicet, quod habent ne-
cessarium; quocirca vel maximè cavendum
est, ne cæcus amor suggerat esse necessitatem,
ubi revera nulla est, sicque mentiatur ini-
quitas sibi, uti sapienter monet Kresslinger
loc. cit. Profectò nec opus est, ut defi-
cientibus mediis propriis, proles ex priori
Matrimonio suscepta tam splendide, & po-
lite vestiantur, sicut liberi ex posteriori con-
nubio geniti, quibus Parens lucratur neces-
saria. Ratio hujus facile patebit: quia si
secus fiat maritus erit rationabiliter invitus:
atqui Domino rationabiliter invito nihil li-
cet subtrahere: ergo &c.

Dices: Ergone Uxori habenti bona
propria, seu paraphernalia nihil omnino
licet subtrahere, aut expendere de bonis
mariti?

R. Li-

275. R. Licet utique secundum communissimam DD. videndam apud Dianam p. 5. *resol.* 34. Laymann l. 2. de *Charit.* c. 6. Tambur. lib. 8. *tr.* 2. c. 3. §. 3. & alios passim: licet inquam, sed cum certa limitatione, tantum scilicet, quantum maritus ipse in uxoris, liberorum, totiusque familiae necessitates, atque adeò etiam in victum, vestitum, Medicinas &c. secundum æquitatem deberet expendere: item 2. quantum deberet facere in eleemosynas, aliasve donationes liberales, maximè remuneratorias secundum consuetudinem Patriæ, loci, personarum &c. item 3. quantum deberet facere ad avertenda damna sibi, suisve imminencia, utputa morbi, mortis, carceris &c. Ratio est: quia uxor hòc modo utiliter gerit negotium mariti, ita, ut is rationabiliter non possit esse invitus. Et ob hanc causam posset fortassis etiam aliquid impendere prolibus ex priori Matrimonio susceptis, si sint verè pauperes, & egentes, dummodo considerata conditione statûs, mediorum, & personarum, non excedat limites, ut jam monuimus *num. precedenti.* Vide de hoc P. Sporer *tr.* 5. c. 5, n. 55. ubi circa hanc materiam de uxore quadam, bona sui mariti sibi arrogante casum valde practicum invenies resolutum.

CASUS

CASUS SECUNDUS.

Sempronia Parentum satis opulentorum filia advertit, ab iisdemmet Parentibus suis suo fratri, tum pro addiscendo certo artificio, tum etiam pro vestibus &c. satis multa liberaliter impendi annuatim; eapropter, & sibi prospiciendum rata (quippe qua non esset deterioris conditionis, quam frater, eò praesertim, quòd ipsa totam quasi domum gubernaret) suis Parentibus liberaliori manu subtraxit circiter ducentos florenos, de quibus 100. circiter tum sibi, tum suis etiam amicis, & praesertim suo Amasio impendit, alios 100. per modum Capitalis alteri cuidam dedit, ut inde censum annuum perciperet. Quæritur jam, an, vel quomodo Sempronia peccaverit, 2. An teneatur Parentibus suis restituere, qua subtraxit, praesertim censum annuum?

R. ad primum. Sempronia auferendo 276. 200. florenos per se loquendo peccavit mortaliter. Ratio est: quia quisquis rem alienam contrectat rationabiliter invito Domino, peccat peccato furti, & quidem graviter, si auferat materiam notabilem: at, 200. floreni procul dubio sunt materia notabilis, etiam respectu Parentum satis opulentorum; nec dubium, quin Parentes id rescientes, ægerrimè ferrent: ergo dicendum, quòd graviter deliquerit. Unde

R. ad 2dum. Sempronia tenetur ad 277. restitutionem 100. florenorum, quos ad centum

censum dedit: & licet fortassis censum ipsum hæcenus perceptum restituere non teneatur, quippe qui non tam fructus pecuniæ, utpote rei de se sterilis, sed potius suæ industriæ est, nihilominus tenebitur de illo satisfacere pro aliis 100. florenis inique subtractis, vel pro lucro cessante, si quod passi sunt Parentes. Ratio patet ex dictis: quia possessor malæ fidei tenetur restituere alienum, & omne damnum emergens, vel lucrum cessans ex suo delicto, compensare.

278. Nec refert, quòd Parentes Sempronix fratri annuatim multum impendant; nam quod ille percipit extra, hoc Sempronia percipit in domo paterna, utique pariter ex bonis paternis. Deinde cum Pater sit Dominus suorum bonorum, potest (præsertim ob rationabilem causam) uni ex suis liberis plus impendere, quàm alteri modò singulis salvam relinquat suam legitimam: ergo propterea, quòd Parens sciens ac volens multum impendat filio, Sempronix non licet subtrahere de bonis Parentum, præsertim in tanta quantitate. Unde *Proverb. 28.* dicitur: *Qui subtrahit aliquid à Patre suo, & à Matre, & dicit, hoc non est peccatum, particeps homicidæ est.*

Dices. Supponitur tamen in casu, Semproniam totam quasi domum gubernare, adeoque suâ industria, ac labore mul-

multum lucrari; ubi è contra filius nihil lucratur, sed potius consumit lucrum, & bona Parentum: ergo Sempronizæ permittendum est, ut intuitu industriæ, laborumque suorum aliquid subtrahat: nec videtur cur Parens propterea possit rationabiliter esse invitus.

R. Esto Lessius, Diana, Burghaber, 279. aliique multi DD. probabile censeant, quòd filius, aut filia in domo paterna laborans, hujus intuitu possit sibi aliquid subtrahere, si parens id neget, vel pudeat petere; opposita tamen Sententia Sylvestri, Molinæ tom. 2. disp. 234. Sanchezii *Consil.* l. 1. c. 2. dub. 8. & 9. Laymanni l. 3. tr. 4. c. 8. n. 5. la Croix l. 3. p. 1. n. 1034. est multò probabilior, ac tutior, juribusque conformior, uti bene ostendunt Sanchez & Laymann. ll. cc. Ex quo liquet, non esse certum, quòd filio aut filiz aliquid debeatur intuitu laborum Parentibus exhibitorum in domo paterna: atqui, ubi Jus non est certum, ibi non licet uti tacita compensatione: ergo adhuc possunt Parentes rationabiliter esse inviti; præsertim si subtractio fiat in tanta copia.

Illud tamen silentiò hic prætereundum 280. non est, quòd communissimè notant DD. scilicet ad furtum grave filiorum, & ad obligationem gravem restituendi, multò majorem requiri quantitatem materiæ, quam

quàm si illud fuisset commissum ab extraneis; & merito: quia Parentes non censentur esse tam faciliter, aut tam graviter inviti respectu filiorum, aut filiarum, quàm respectu extraneorum; putantque Lessius, Navarrus, Filliucius & alii plures, filium non esse condemnandum peccati mortalis, si duos vel tres aureos auferat à Patre divite, secus, si à mechanico exiguae fortunæ; alii adhuc plus concedunt; meô tamen Judicio una certa regula, aut mensura universalis statui non potest, sed Confessarii discretioni, atque arbitrio relinquendum est, qui, ut gravitatem peccati cognoscat, attendere debet non ad solam materiam, sed vel maximè etiam ad circumstantias personarum, utputa ad statum, & facultates Parentum, an sint liberales, vel tenaces, an prolibus suis multum, vel parum concedere assueverint pro victu, vestitu &c. an habeant paucas, vel multas proles, an filius, aut filia sint multum, vel parum utiles, an pecuniam subtractam bene, vel malè, utputa ad lulum, ad mulieres, vel amasias nutriendas &c. &c. impendant &c. Unde P. Sporer sapienter monet, cavendum semper esse, ne temerè peccati mortalis scrupulus cuipiam injiciatur, neque etiam ansa præbeatur ad furandum nimium. Vide Sporer *tr.* 5. 6. s. n. 57. Reiffenstuel *dist.* 5. n. 37.

Dices

Dices adhuc. Atquid, si Sempronia nostra solum subtraxisset esculenta, & poculenta suis Parentibus?

R. Quantum ad esculenta, & poculen-281.
ta à filiis subtrahita esse attendendum à Confessario 1. quantitatem, quæ, si non sit nimis, plerumque subtrahitur sine gravi peccato. 2. item an Parentes sint, vel saltem rationabiliter credi debeant inviti quoad substantiam, vel verò quoad modum duntaxat, quòd scilicet talis subtrahitio modò occulto, & ipsis ignorantibus fiat (quod quidem tunc vel maxime præsumi posse videtur, si hujusmodi esculenta non aliis, sed sibi met applicent, vel si dent pauperibus, & egentibus, quibus Parentes, utpote valde misericordes, & habentes, bene affecti sunt) tunc enim tam facile non peccabunt graviter, licet venialiter peccare possint; at verò quando Parentes sunt inviti quoad substantiam, utputa quia ipsimet non abundant bonis, & sunt egentes, vel quia filii familias hujusmodi bona malè dilapidant &c. minimè dubitandum, quin successivè domui paternæ grave damnum inferre, ideòque & graviter delinquere possint: & quod de filiis familias hic dicimus, idem suo modò tenendum est de Religiosis respectu Monasterii, & à fortiori de servis respectu dominorum; nam si talis v. g. ex cellaria

R. P. Elbel, de Restit.

T

quoti-

quotidie unam, vel alteram mensuram vini surripiat, præsertim ubi vinum in pretio est, quis neget, unius mensis vel anni spatio grave damnum illaturum, & mortaliter peccaturum, ait rectè Sporer *cit. n. 58.*

CASUS TERTIUS.

CAjus pauperculus hætenus assueverat circumcundo, & cursitando more aliorum mendicabulorum quaritare eleemosynam, sed quia vi novissima constitutionis municipalis hujusmodi quaestus fuit universaliter interdictus, ex communi autem cassa pauperum, quibus & ipse annumeratus fuit hebdomadatim non recepit tantum, quantum sibi sufficeret ad sustentationem vitæ; hinc alta viâ sibi prospiciendum ratus, cæpit furari, ubi demum commodam occasionem sibi videbatur nactus: aliquoties etiam in Ecclesiis infregit cippos & gazophilacia, & de Altaribus aliisque imaginibus sacris clepsit anathemata aurea, atque argentea, de quibus se sustentare studuit. Dubitatur jam, an, vel quomodo Cajus deliquerit?

282. R. Si dicta Caji veritate nitantur, quòd scilicet de communi cassa pauperum non perceperit tantum, quantum opus erat ad vitam quomodocunque demum sustentandam, neque aliunde hanc sustentationem vel labore manuum suarum, vel etiam privata, seu occulta mendicatione sibi procurare

curare potuit, dicendum foret, quòd per hujuscemodi furta non peccaverit, modò non exceſſerit in quantitate. Ratio peti debet ex dictis n. 268. quia in extrema neceſſitate licitum eſt furari, vel potiùs contrèctare rem alienam, ſiquidem talis contrèctatio non ampliùs dici debet furtum, eo quòd Dominus nequeat in his circumſtantiis rationabiliter eſſe invitus, cùm omnia bona temporalia à DEO ſint ordinata ad hominis conſervationem, juxta illud S. Auguſtini: *Exteriora fecit DEUS propter corpus, corpus propter animam, animam verò propter ſe ipſum*: ergo Cajus ex hac ſuppoſitione non peccàſſet.

Dixi tamen notanter: *Si dicta Caji veritate* 283. *nitantur*; enim verò non videtur veròſimile; quòd in hiſce partibus noſtris, ubi erga miſeros, & egenes charitas ſingulariter abundat, tantam fuerit paſſus inopiam, ut revera ad extremam pauperiem, & neceſſitatem ſit redactus; quia, ſin minùs labore manuum, certò tamen certius occulta quæritatione eleemoſynæ, & ſollicitatione benefactorum (quæ in tali caſu neceſſitatis extremæ nunquam cenſeri debet prohibita) ſibi procurare potuiſſet victum, & ſuſtentionem neceſſariam. Profecto inauditum (nî fallor) eſt, quempiam in hac civitate Salisburgenſi ad extremam neceſſitatem redactum, non inveniriſſe

T 2

venisse Patronum, qui misericorditer succurrendo hanc necessitatem non sublevasset. Unde, tametsi Cajus noster fortassis nedum communem; ut alii pauperes, sed & gravem necessitatem fuerit passus, quia tamen in gravi duntaxat necessitate non est licitum furari, secundum dicta n. 268. ideo non facile est credendum à Confessario, aut supponendum, hujusmodi furta sine gravi peccato Sacrilego fuisse commissa à Cajo.

Dices. Juxta Laymannum, Sporer, la Croix & alios DD. non est facile condemnandus peccati mortalis, qui à divite (praesertim antea rogato) clam aufert, quantum ad gravem necessitatem suam sublevandam vere necessarium est; necessitas enim multum minuit de malitia furti, & excusat, sin minus in toto, saltem in tanto: ergo nec Cajum condemnare debemus alicujus gravis peccati.

284. R. Id omnino verum esse, quod tradunt DD. allegati: neque ego de facili condemnarem peccati mortalis Cajum nostrum, nisi limites hujus Doctrinae fuisset transgressus. Cum enim fateatur se passim hinc inde clepsisse nedum de profanis, verum etiam de sacris, hinc procul dubio limites necessitatis sublevandae transgressus fuit, proptereaque à Confessario sin minus condemnandus ad restitutionem

tionem propter inopiam, & moralem impotentiam, certò tamen seriò omnino dehortandus est, & monendus, quatenus alià via velut quæritare victum necessarium, scilicet vel labore manuum, vel saltem privata, & occulta imploratione benefactorum, de quibus procul dubio providebit Clementissimus DEUS, si Cajus in eundem curam suam jactaverit, & fideliter serviverit.

Dices adhuc: at demus, Cajum, vel alium quempiam in extrema necessitate constitutum, usurpasse rem alienam, eritne postea condemnandus ad restitutionem, si redierit ad meliorem fortunam?

&. breviter cum distinctione. Nam I. si 285 rem illam in casu necessitatis solum usurpavit, & non consumpsit, eò quòd illius (v. g. equi) usu duntaxat opus habuerit, tenebitur cessante necessitatis casu restituere rem alienam v. g. equum; juxta omnes. Ratio est: quia extrema necessitas non tribuit plus Juris in rem alienam, quàm sit necessarium ad evadendam illam necessitatem: ergo non ipsa re, sed usu tantum rei alienæ hanc evasit, tenebitur postea restituere rem alienam. At verò II. si durante, & instante necessitate rem alienam omnino consumpsit, multi DD. negant, eum postea teneri ad restitutionem, eò quòd illam velut suam consumpserit, pa-

trocinante sibi casu necessitatis, in quo communiter omnia bona dicuntur communia: alii è contra absolute affirmant, talem postea teneri ad restitutionem; eò quòd necessitas satis sublevetur, quando indigens sibi necessaria accipit cum onere postea resarciendi, dum poterit: & hæc posterior Sententia speculative loquendo videtur probabilior: quia tamen in praxi valde dura, immò (teste Lugo *disp.* 16. *sect.* 7. n. 171. communi sensui nedum indoctorum, sed & Doctorum repugnat, quippe qui nunquam existimant se obligatos ad refusionem faciendam post casum necessitatis) hinc censeo, in praxi à Confessario prudenter dissimulari posse hoc onus restitutionis pœnitenti injungendum, tunc præsertim, quando consumens fuit & re, & spe pauper. Ratio bona satis est: quia (præscindendo à speciali pacto) juxta probabilem sententiam non tenebatur in se suscipere onus recompensandi postea; vel certè ideò etiam, quia Dominus non censetur voluisse obligare tales ad compensationem qui re, & spe sunt pauperes; quandoquidem de tali spe pauci curent, & hoc ipso exigui sit momenti. Secus tamen dicendum & resolvendum puto, quando is, qui consumpsit rem alienam non fuit re, & spe pauper, utputa quia alibi habuit, unde posset solvere. Ratio est: quia

quia talis non censetur esse simpliciter in necessitate constitutus accipiendi rem alienam, sed potius emendi, vel mutuo accipiendi; qui enim emere potest, vel mutuum accipere, non indiget simpliciter alienis. Et certè illi nemo facile de suis vellet gratis subministrare necessaria, si quis habeat alibi, unde solvat. Videatur Lugo *cit. n. 170. & 171. Sporer tr. 5. c. 5. n. 98. & seqq.*

§. III.

Corollaria ex dictis inferenda.

COLLIGES primò, furtum non committi, 286.
quotiescunque alienum aufertur in iis circumstantiis, in quibus Dominus nequit rationabiliter esse invitus. Unde sequitur 1. non committere furtum, qui ab amico aliquid aufert joci causâ duntaxat, uti non rarò fieri amat inter tales. 2. Neque illum, qui aliquid aufert in bonum, & commodum illius, cui aufert; ut si Uxor Marito (casu non rarò contingente) aliquid auferat v. g. pecunias, ne illas dissipet ludendo, debachando &c. vel si easdem rursus impendat in bonum commune, seu necessitates familiæ &c. 3. Nec committit furtum, qui proximo suo auferit

T 4

fert rem verè nocivam ac damnosam v. g. librum hæreticum, aut lascivum, quò seduceretur, vel gladium, quò alium trucidaret &c. 4. Item si famulus, aut famula ex nummis Domini det moderatam eleemosynam valde indigenti, cui Dominus ipsūsmot deberet succurrere in his circumstantiis. Ratio horum est: quia Dominus ob has, & similes subtractiones sibi clam factas nequit rationabiliter esse invitus: at, ubi Dominus nequit esse invitus, ibi non committitur verum furtum juxta jam dicta. Lessius *de just. l. 2. c. 12. dubit. 1. n. 4.* Salmanticensis *tom. 3. tr. 13. c. 5. pu. 1. u. 3.* quos refert & sequitur Babenstuber *tr. 7. disp. 5. a. 5. n. 3.*

287. Colliges 2dò, non peccare graviter contra Justitiam, qui alteri aufert rem levem, seu modicam, tametsi prævideat eum propterea non leviter offensum iri, dummodo aliud damnum inde non sequatur. Ratio est hæc: quia ob rei levis ablationem Dominus non est rationabiliter invitus tam graviter: unde merè per accidens evenit, quòd prævideatur tam ægrè, & graviter laturus rei modicæ ablationem, uti præter alios benè advertit Laymann *l. 3. tr. 3. p. 1. c. 1. n. 3.*

288. Dixi tamen: *Dummodo aliud damnum inde non sequatur*; enim verò si tale prævideatur secuturum, sine dubio committitur pecca-

peccatum mortale; omnis quippe, voluntariè inferens proximo grave damnum, graviter lædit Iustitiam. Unde fit, quòd qui Sartori acum, Sutori subulam; Pictori penicillum, vel cuivis artifici instrumentum necessarium aufert, prævidens eos defectu hujusmodi instrumenti nil lucraturus, & notabile damnum, vel lucrum cessans passuros &c. graviter omnino delinquit, non quidem peccato furti; quippe quod de se supponitur leve duntaxat, sed ratione damni inde injustè illati. *Communis DD.* apud Laym. Babenstuber, Mezger, Bonacinam, Lessium &c.

Dices. At quid tenendum est de Sartoribus, retinentibus sibi fragmenta, vel potius segmenta, etiam holoserica &c. de vestibus noviter confectis?

R. Si hujusmodi segmenta sint adeò exi-289.
gui momenti, ut meritò credi possint haberi pro derelictis à Domino, non peccant. Quin immò, tametsi majoris supponantur valoris, nihilominus à Sartoribus retineri posse, arbitrantur Sanchez l. 1. *Consil. c. 7. dub. 3. n. 4.* Lugo *disp. 16. sect. 4. n. 84.* alique multi; idque hac ratione, quia Sartores etiam timoratæ conscientiae testantur, à Dominis minùs sibi mercedis solvi, quàm mererentur; unde per hujusmodi retentionem fragmentorum censentur justè compensare id, quòd

T 5

ad

adhuc esset solvendum. Merito tamen monet Lugo *cit.* hanc compensationem, utpote valde periculosam, non esse nimium extendendam. Nec dubitandum, quin graviter peccent, cum onere restitutionis, si scienter plus materię exigant, quàm ad vestem, vel opus perficiendum sit necessarium, aut si contra rationabilem Domini voluntatem sibi reservent notabilem partem de auro, argento &c. de quo proin à Confessario indagandum, & singulariter attendendum est, ad dignoscendam peccati gravitatem; & onus restituendi inde contractum.

290. Colliges 3^{tiò}, ad constituendum furtum mortale longè majori quantitate opus esse, quando furta fiunt successivè in quantitate modica, sive dein ab eodem, sive à diversis, quàm si multum unica ablatione auferretur: putantque Doctores, requiri ad minimum plus dimidiò. Ratio est: quia cum Domini hujusmodi furta successiva, & quasi insensibiliter facta non ita sentiant, hòc ipso non censetur tam graviter inviti, quàm si magnum quid unica ablatione fuisset ablatum. Ob eandem rationem major quantitas requiritur ad complendum peccatum mortale, dum quis etiam eodem tempore modica surripit à diversis Dominis, quàm si eidem surripuisset. Ratio clara est: quia tunc omnes,

omnes, & singuli non patiuntur tam grave damnum, & h c ips  sunt minus inviti. Quam ob causam Molina *tom. 3. de just. disp. 689.* existimat; in hujuscemodi furtis factis   diversis Dominis duplo majorem quantitatem requiri, qu m si fuissent facta ab eodem, qui procul dubio gravius illa sentiret. Vid. Lessium *lib. 2. cap. 12. dubit. 7. n. 45.* Laymann *ubi supra n. 6.* Babenstuber *l. cit. a. 5. n. 26.*

Colliges denique 4t  ex hactenus dictis, 291.
qu  modo practic  in confessionali procedendum sit cum p nitente sese accusante de furtis, seu infidelitatibus (uti vocare solent) respectu Parentum, vel Dominorum commissis; etenim si p nitens se ipsum non satis explicet, nec numerum, vel quantitatem exprimat, oportebit attendere 1. quis commiserit furtia illa? an scilicet sit Uxor, filius, servus, vel omnino extraneus? & an necessitate compulsus: vel non? 2. quid? an scilicet quantitatem absolut , vel saltem respectiv  gravem, vel ver  levem duntaxat pro cuius discretionem. 3. attendendum erit,   quo? an scilicet   divite, vel   paupere? ab uno, vel pluribus? & 4. quo modo? an simul, vel successiv : & si successiv , an habuerit statim ab initio animum perveniendi ad magnam quantitatem, & Dominum graviter damnificandi, vel non?
quia

quia supposita tali intentione in singulis furtis potuisset peccare mortaliter. 5. denique specialiter est attendendum à Confessario, quâ fide, & conscientia commiserit illa furta, & an, vel quomodo apprehenderit se peccare: quia ex his potest, ac debet colligi gravitas peccati, nec non obligatio restituendi, vel non? Nam si *extraneus* v. g. homini de se *pauperi* aliquid auferat, unde is *damnificetur* &c. jam crescit malitia, & gravitas furti ex his circumstantiis: sicut è contrario decrescit, si v. g. *filius-familias* suo *Parenti* valde *diviti* aliquid auferat successivè per furta minuta &c. Et licet similia poenitentibus insinuare non expediat, nè fortè ad hujusmodi furta redantur proniores, nihilominus tamen certum esse debet; quòd multum deserviant Confessario in ordine ad dignoscendam gravitatem, vel levitatem peccati, nec non ad decernendum, an, vel quando expediat injungere obligationem restituendi, vel non, veluti sapienter advertit P. Kresslinger in addit. post n. 40. ad tr. 9. dist. 5. *Theol. Moral. R. P. Reiffenstuel.*



CON-

CONFERENCE UNDECIMA.

De Circumstantiis Restitutionis.

SUMMARIUM.

292. Per se loquendo restituendum est id, quod in individuo debetur.
293. Debita certa, simpliciter incerta, & incerta secundum quid, quæ dicantur?
294. Debita certa regulariter loquendo restituenda sunt Domino, vel justo possessori.
295. Subinde tamen datur justa causa ab hoc excusans.
296. Debita simpliciter incerta in pauperes, vel alias pias causas sunt expendenda.
297. Econtra incerta secundum quid duntaxat, præstanda sunt iis, quibus probabiliter debentur.
298. Quo loco res, sive ex delicto formali, sive materiali, sive etiam iu contractu debita, restituenda sit?
299. Et cujus periculo, aut expensis id fieri debeat?
300. Quomodo debita sint compensanda, & extinguenda?
301. Et quando facienda sit restitutio?
302. Resolvitur Casus I. de quodam Juvene, qui puellam imprægnavit, & postea sparfit, eam ab alio fuisse imprægnatam.
303. Unde tenetur etiamnum compensare injurias, & damna tum puellæ, tum etiam alteri injuste diffamato secuta.

304. Id-

304. Idque à fortiori dicendum, si supponatur puellæ jam gravidæ fuisset, ut alterum nominaret Patrem coram Judice;
305. Quo supposito in defectum hujus juvenis ipsa puella tanquam Mater teneretur nedum suæ proli providere de alimentis necessariis, sed etiam alteri delato refarcire damna illata.
306. Nec ampliùs tutâ conscientia ab eo posset prætendere, vel acceptare alimenta prolis.
307. Resolvitur Casus II. cujusdam ancillæ, quæ evertendo cauponam invenerat tres dugatos.
308. De his nihil tenetur dare hero suo, etsi in illius domo eos invenerit.
309. Solvitur quædam instantia de inventore thesauri.
310. Qui rem inventam, post factam congruam inquisitionem Domini consumpsit bona fide, postea fortè comparenti nihil ampliùs tenetur restituere, nisi inde evasisset ditior.
311. Resolvitur Casus III. de iniquo possessore, qui de Consilio Confessarii 100. florenos per tertium quemdam restituit, sed sine effectû, ob illius tertii infidelitatem.
312. Unde etiam non tenetur eos refarcire.
313. Etsi nonnulli DD. oppositum probabile teneant.
314. Consultius proin faciet, si per se ipsum ea quæ priùs subtraxerat, etiam successivè sub schemate donationis restituat.
315. Et quid, si prævideat, fore ut sibi vicissim ab illo Domino aliquid donetur.
316. Possessor malæ fidei in restitutione rei alienæ non tenetur facere expensas nimias, seu excessivas.
317. Ad impertiendam absolutionem ex parte pœnitentis non prærequiritur necessario restitutio realis, bene tamen mentalis, id est, propositum efficax restituendi &c.
318. Et

318. Et quid de pœnitente, qui perpetuò erit impotens ad restituendum?
319. Qui sæpiùs jussus restituere, nunquam satisfecit, tametsi potuisset, non est absolvendus;
320. Nisi hic, & nunc specialia signa ostenderet, sese emendandi, & satisfaciendi parti læsæ.
321. Nec satisfacit suæ conscientiæ ille, qui cùm posset statim totum restituere, non vult restituere, nisi successivè, & per partes;
322. Sicut nec ille, qui restitutionem vult differre usque ad- vel omnino post mortem.
323. Cautela specialis circa hujusmodi pœniten-tes usurpanda insinuat.

J. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos de Circumstantiis restitutionis.

QUæres primò, quid, & quantum sit restituendum?

& ad primum breviter: per se loquendo^{292.} restituendum est id, quod in individuo alteri debetur: nec sufficit tantùm restituere aliud æquivalens, v. g. pecuniam locò equi &c. veluti jam constare debet ex hætenus dictis. Ratio est: quia finis restitutionis est æqualitas inter Jus activum unius, & inter debitum alterius: at, hæc æqualitas nunquam obtinebitur perfectè, nisi
res

res in individuo, quippe ad quam Dominus supponitur habere Jus, restituatur: ergo &c. Nihilominus casu quo res ipsa non amplius existit, aut certè ob moralem impossibilitatem restitui non potest, satis erit, restituere aliud æquivalens; cùm enim aliter Jus Domini recuperari non valeat, nequit is esse rationabiliter invitus, sed potius contentus esse debet, quandoquidem melius ipsi sit, recipere aliud æquivalens, quàm omnino nihil. Ad alteram quæsitam partem responsio jam superius C. 2. n. 28. data fuit; quò proin remittimus lectorem.

Quæres 2dò, cuinam restituendum sit?

293. Ante resolutionem hujus quæsitæ necessarium præmittenda, & bene notanda est differentia inter debita, sive ex delicto, sive etiam ex contractu. Etenim alia dicuntur *certa*, alia *incerta simpliciter*, & alia denique *incerta secundum quid*. Certa appellantur illa, quorum Dominus scitur ita, ut ei restitui possint: incerta simpliciter dicuntur illa, quorum Dominus omnino ignoratur, vel etsi fortè sciatur, rationabiliter tamen creditur fore, ut ei nunquam possit restitui id, quod debetur: incerta verò secundum quid nuncupantur, quando Dominus in confuso duntaxat agnoscitur, ut si scias, rem à te possessam esse unius ex duobus, vel aliquorum ex communitate aliqua, nescias autem cujus vel quorum in individuo, & determinatè illa sit. h. n.

R. Ad

R. ad quæsitum primò. Debita certa^{294.} ordinariè, & per se loquendo, restituenda sunt Domino immediatè, vel justo possessori, cui res ablata, aut debita est. Ita *omnes*. Ratio est, quia secundum mox dicta restitutio eò tendit, ut fiat æqualitas inter personas: at, nisi Domino suo, justovè possessori, utpote qui supponitur pati inæqualitatem, reddatur, hæc æqualitas nunquam recuperabitur: ergo. Ex quo clarè sequitur, eum qui aliquid abstulit non ipsi Domino directo, & proprietario, sed tantum usufructuario, aut depositario, teneri ad restitutionem huic immediatè, & non ipsi Domino proprietario faciendam, ob rationem mox datam. Videatur Sporer *tr. 4. c. 3. n. 80.*

Dictum tamen fuit: *per se loquendo*; ad^{295.} innuendum, posse non raro occurrere causas rationabiles, ob quas Domino, etsi bene cognito, non est restituendum. Tales esse possunt i. si ipse Dominus, vel creditor nolit sibi restitui, aut restitutio talis esset cessura in ipsius, vel alterius tertii, vel denique in totius reipublicæ damnum &c. velut amplius constabit ex dicendis in Conferentia proxima *d. n. 329.*

R. jam 2dò. Debita simpliciter incer-^{296.} ta, & quidem ex delicto formali post sufficienter inquisitum, & non inventum Dominum in pauperes, vel alios pios usus sunt

R. P. Elbel, de Restit. **U** *cro.*

eroganda. 2. Debita verò incerta ex contractu, vel re accepta probabiliter possunt retineri à possessore bonæ fidei, præsertim si & ipse sit pauper, vel non abundans. Ratio prioris desumitur tum ex *c. cum tu. de usuris.* item *c. Nemo C. 14. q. 5.* tum denique ex eo: quia cum res illa semper adhuc maneat prioris Domini, vel ejus hæredis, ratio naturalis dictare videtur, ut illa dispensetur juxta rationabiliter præsumptam Domini voluntatem: at, non est verosimile, Dominum velle, ut iniquus possessor eam sibi reservet, sed potius ut in pias causas eam impendat, quatenus saltem spiritua-lem fructum inde recipiat Dominus, qui temporalem percipere non amplius potest: ergo: Et ita sentiunt D. Thomas, Cajeta-nus, Molina *disp. 746.* Lugo *disp. 6. sect. 12.* aliique *communissime.* Quin etiam ob ean-dem rationem idem S. Thomas 2. 2. q. 62. a. 5. ad 2. Scotus 4. *dist. 15. q. 2. a. 4.* Vasquez & alii insignes Doctores censent, etiam possessorem bonæ fidei obligari ad rem alienam in pias causas expendendam: oppositum tamen probabile, & in praxi-tutum censent Sotus, Navarrus, Laym. Lugo, Reiffenstuel, Herincx, Diana, Sporer *tr. 4. c. 3. n. 111.* Ratio autem hu-jus est; tum quia non satis constat, quod Dominus velit possessorem bonæ fidei ad hoc obligare, sed potius ut illam reservet, quam-

quamdiu affulget spes inveniendi Dominum, aut si nulla amplius affulgeat, eadem res inventori, ac possessori in partem suæ fortunæ cedat; tum etiam quia aliunde ostendi non valet lex certa sive humana, sive divina aut naturalis, quæ possessorem bonæ fidei ad hoc obliget. Unde hanc Sententiam verè tutam censeo; quia tamen opposita est tutior, & ab auctoritate saltem probabilior; hinc oportet, ut Confessarius suo pœnitenti consulat, quatenus velit hujuscemodi rem erogare, & applicare ad pias causas, nisi & ipse sit pauper, & multum egens: si tamen eò facile persuadendus, vel inducendus non videatur, potest, ac debet Confessarius eidem condescendendo permittere, ut post congruam, & commensuratam gravitati rei inquisitionem ipse sibi usurpet illam rem, præsertim si ipsismet sit admodum egens, vel non abundans.

R. jam 3tiò. Debita incerta secun^{da} 297.
dum quid, nec retineri possunt à possessore, nec dari debent pauperibus, sed reddenda sunt iis, quibus verosimiliter debentur. Unde qui scit, se aliquid debere uni, aut alteri ex communitate, tenetur illud reddere communitati, aut Superiori communitatis illius, quatenus is eandem rem vel in natura, vel in æquivalenti applicet, ac reddat iis, quibus verosimilius est debi-

ta. Ita rursus communissimè sentiunt Doctores Molina, Lessius, Laymann, Lugo *cit. disp. 6. sect. 12. n. 148.* Tamburinus *l. 8. tr. 4. c. 1. §. 3. n. 19.* Ratio manet semper eadem, quæ mox supra fuit data, quia res aliena reddenda est Domino meliorimodo, quò fieri, seu sperari potest æqualitas: atqui hæc æqualitas nunquam obtinebitur, si talis possessor bona secundùm quid incerta vel sibi reservaret, vel in pauperes erogaret, bene tamen si illam modò præfato reddat communitati, vel iis, quibus verosimilius est debita: ergo his est reddenda.

Quæres 3^{tiò}, ubi, seu quò loco restitutio sit facienda?

298. R. 1. Res ex delicto debita est restituenda in loco Domini, seu Creditoris, & quidem expensis debitoris. 2. Res verò debita ratione rei acceptæ duntaxat, restituenda est in eo loco, ubi habetur, idque expensis Domini, qui propterea monendus est, quâ scilicet via velit eam sibi restitui; & siquidem pro custodia interim faciendæ sint expensæ, debet Dominus eas refundere. 3. Denique res debita ex contractu restitui debet eo in loco, de quo expresse, vel tacitè inter paciscentes conventum fuit. Quod si vi contractus eadem numerò res sit restituenda, uti contingit in *deposito, commodato, & locato &c.* facienda erit

erit eò loco, quò fuit accepta, nisi aliter conventum fuit; quemadmodum enim secundum dicta eadem res quoad substantiam, sic & quoad locum reponenda est, & hoc modò perfectissimè ponetur æqualitas, quem in finem restitutio principaliter, & ultimato collimat. Videantur dicta superius C. 6. n. 158. & 159.

At, inquires, cujusexpensis, vel periculo res ex contractu debita est transferenda?

R. Transferenda est expensis illius, in 299. cujus gratiam, & commodum res fuit à loco abducta, & contractus cedit, ut in commodato expensis Commodatarii in deposito gratuito expensis deponendis. Unde si contractus cedat in commodum utriusque, uti fit in locato, conducto, restitutio fieri debet expensis utriusque, nisi aliter fuerit conventum, aut consuetudine approbata receptum. Ratio est, quia æquitas naturalis hoc suadet, ut, qui sentit commodum, & onus sentire cogatur, juxta Regulam 55. *Jur. in 6.* Periculum verò quod attinet, jam superius C. 1. n. 4. item C. 6. n. 153. & 169. diximus, quod si res pereat culpa, tunc culpabili perit: si verò pereat casu, tunc perit Domino. De quo videri potest Herincx *part. 3. tr. 2. disp. 8. n. 111.* la Croix *l. 3. p. 2. n. 705.*

Quæres 4to, quò modo debita sint restituenda?

U 3

R. 1.

300. R. 1. Res debita ex occulto delicto regulariter restitui potest ac debet occultè, sicut è contrario res publico delicto ablata, aut damno data, publicè restituenda est, quatenus de tali restitutione publicè constet ad tollendam aliorum offensam. 2. Res aliena (nisi aliter conventum sit) restituenda est tota simul, & non per partes, nisi iusta causa occurrat in contrarium; quia aliàs Dominus posset novum incurere damnum. 3. Denique perinde quidem est quoad substantiam, sive debitor immediate per se ipsum restituat, sive per alium, attamen ubi nullum subest periculum diffamationis, vel majoris incommodi, semper oportet, ut debitor per se ipsum restituat; quia hoc modò infallibiliùs obtinebitur finis Justitiæ, prout etiam mox infra n. 314. dicemus. Videatur Bonacina *de Restitut. disp. 1. q. 7. punct. un.*

Quæres 5^{to}, quando facienda sit restitutio debitorum?

301. R. 1. Debita ex delicto moraliter statim sunt solvenda, quamprimum scilicet sine gravi incomodo fieri potest: tum quia præceptum restitutionis jugiter urget; tum etiam quia aliàs novum posset emergere damnum. 2. Debita verò ex contractu solvenda sunt eo tempore, de quo inter paciscentes vel expressè, vel tacitè conventum fuit, ita, ut si debitor sit in mora

mora culpabili, cogatur omnia damna resarcire ex tali dilatione emergentia, idque verum est, tametsi alter non moneat. Ratio est: quia dies interpellat pro homine, *L. Magna C. de contraben. stipulat. 3.* Denique quando nullus certus terminus solutionis, vel restitutionis fuit præfixus, tunc rursus faciendæ est restitutio aut solutio, quamprimum moraliter fieri potest: quia *in omnibus obligationibus, in quibus dies non apponitur, præsentis die debetur L. 14. ff. de R. I.* Advertit tamen Herincx noster *disp. 8. n. 116.* quod si creditor non urget aut petat solutionem, etsi posset, dilatio plerumque non censeatur graviter culpabilis, etsi à Confessario semper adhuc sit dissuadenda; tum quia, qui citò dat, bis dat, tum etiam, quia hoc modò evitatur omne periculum injustæ damnificationis. Vide *Tambur. l. 8. tr. 4. c. 1. §. 6. Laym. l. 3. tr. 2. c. 10. n. 2.*

§. II.

Proponuntur, & breviter resolvuntur Casus practici de Circumstantiis Restitutionis.

CASUS PRIMUS.

Itius Cajam imprægnavit, sed ut infamiam inde sibi imminentem, aliâque damna evaderet,

U 4

vulgo

vulgo sparsit, eam ab alio, Sempronio scilicet, fuisse impragnatam. Quia tamen verè agnoscit, senedum Cajam, verùm etiam Sempronium graviter diffamasse, & suæ obligationi quantum ad alimentationem prolis hætenus nondum satisfecisse; hinc sciscitatur, quid? quantum? vel cui debeat restituere? Quid respondendum?

302. R. ad primum. Titius nedum Cajæ, sed etiam Sempronio utpote injustè diffamatis, tenetur restituere famam, & insuper refarcire omnia alia damna, si quæ in bonis fortunæ ex injusta diffamatione incurrerant. Ratio facilè colligitur ex hætenus sparsim dictis, præsertim n. 237. Quisquis enim alterum injustè, & quidem scienter, ac voluntariè damnificat, in quocunque demum genere bonorum, naturali æquitate tenetur ad refusionem damnorum; atqui Titius juxta speciem facti injustè damnificavit Cajam, & Sempronium in bono famæ, præsertim si re ipsa fuerunt innocentes: ergo tenetur restituere ipsis famam, revocando apud illos, apud quos detraxit, secundùm dicta C. §. n. 256. id ipsum pariter dicendum est de restitutione quantum ad damna in bonis fortunæ illata. Ex quibus, ni fallor, satis liquet, quid sit respondendum ad 3tium quæsitum in hoc casu: cui scilicet sit restituendum? liquet insuper, quid ad 2dum: quantum sit restituendum? quia secundùm communes regulas restitutionis

tionis superius C. 3. n. 67. & C. 4. n. 94. tradita; mensura restitutionis incumbens injusto damnificatori est: *quantitas damni scienter illati*. pro majori tamen hujus Casus dilucidatione.

R. ad 2dum quæsitum. Titius tenetur ^{303.} compensare ea, quæ Caja hætenus in alimenta, vel alias necessitates prolis expendere debuit (id ipsum à fortiori dicendum est, si Sempronius innocenter delatus, & diffamatus fuisset coactus facere quasdam expensas) Ratio est: quia nedum naturali Jure, sed etiam Canonico C. *cùm habere de eo*, qui *duxit*, junctâ glossâ in idem capit. V. secundum *Facultates*, immò & juxta communem opinionem DD. apud Laym. l. 5. tr. 10. p. 3. c. 5. n. 5. Cura alendi prolem primo triennio ad Matrem spectat, postea verò ad Patrem. Quin etiam primo triennio Mater proli nihil tenetur subministrare præter lac: unde si Caja suæ proli alia necessaria hætenus administravit sine animo donandi, potest ea repetere à Titio seu vero Patre; idque verum est nedum de Matre respectu prolis legitimæ, uti vult Laym. *loc. cit.* verum etiam respectu prolis illegitimæ; Jura enim non distinguunt: ergo nec nos debemus distinguere, inquit la Croix l. 3. p. 1. n. 697. referens pro eadem opinione Azorium, Bonacinam, & Gobat. *Quinar. tr. 5. c. 28. n. 19.* Vide etiam dicta *part. 3. Theol. Sacrament. de Matr. C. 18. n. 446. & seqq.*

U

Di-

Dices. At quid, si Titius Cajæ jam à se imprægnatæ suassisset, ut alteri cuidam ditiori illicò faceret potestatem sui corporis, postea verò coram Judice hunc ditiozem nominaret Patrem suæ prolis, veluti contigisse novimus, & fortassis sæpius?

304. R. Titius gravissimè peccasset nedum contra Charitatem peccato scandali, suadendo, & inducendo Cajam ad novam fornicationem cum alio; verùm insuper contra Justitiam, dum eandem induxit ad graviter decipiendum alium ditiozem, quatenus is haberetur pro Patre prolis, & ad hujus sustentationem cogeretur, utique non sine gravi detrimento, & fortassis majoris fortunæ suæ dispendio, ut de se satis liquet. Quare, tametsi Sempronius fortè à Judice compulsus, huic proli alimenta necessaria hætenus administrasset, propterea tamen Titius noster minimè fuit liberatus ab onere sustentandi prolem, aut Sempronio ea, quæ expendit, refundendi. Ratio de se patet: quia Titius fuit verè causa injusta omnium illorum damnorum, quæ Patri putatio, scilicet Sempronio emergere: quemadmodum ergo per hujusmodi Sententiam Judicis, utpote erroneam, & materialiter saltem injustam, Sempronius non fit verus parens, ita vicissim Titius ceu verus parens non liberatur ab onere sustentandi suam prolem, & reparandi alia damna Patri putatio secuta.

At

At nunquid in defectum Titii tenebitur Caja reparare hujusmodi damna?

R. Quòd sic, saltem per se loquendo. 305.
Ratio est: quia in defectum Patris Mater tenetur providere proli de necessariis: etenim ratio, & instinctus naturalis (vel in ipsis brutis animantibus videndus) dicat Matri, ut nutriet. Id quod etiam legitur statutum *authent. Si Pater C. de divorcio in fine.* Et quamvis Laymann, aliique multi existiment, ante Matrem prius teneri Avum paternum ad prolem alendam, nihilominus P. Gobat *Theolog. experiment. 17. 10. n. 782.* meritò dicit, utrum præsentium temporum saltem in plerisque locis esse contrarium. Neque ego dubito, quin veritate comperta in nostro casu Caja in omni foro ante avum paternum condemnaretur ad alimentandam prolem, nec non ad damna alteri injustè delato resarcienda, quippe quorum ipsa, & non avus, existit immedita causa injusta: atqui in defectum principalis (qualis erat Titius) aliæ causæ injustè cooperantes ad damnum, compellendæ sunt ad ea reparanda, veluti dictum fuit suprà C. 5. n. 128. ergo.

Dices tamen adhuc. Esto Caja supponatur ex instinctu Titii illum alterum ditio-
riorem nominasse parentem, certè tamen sine evidenti periculo gravioris damni in fama propria huic putatio parenti nihil
am.

amplius poterit restituere; quamprimum enim hoc faceret, aut revocaret, procul dubio illico incurreret suspicionem injustæ delatricis, immò Scorti infamis, utpote quæ debuisset ab alio concepisse.

306. &. Equidem excusandam fore Cajam ab hoc onere restitutionis, si absque tali periculo rationabiliter præviso, nequeat restituere; quia secundum dicenda in *Conferentia proxima n. 325. & 329.* impossibilitas moralis, aut aliud notabiliter majus damnum à debitore incurrendum excusat ab onere restitutionis, saltem quamdiu durat.

Nihilominus certum est, Cajam teneri pro possibili ad impedienda damna Sempronio imminetia, aut deinceps emeritura, ne scilicet is cogatur ad faciendas ulteriores expensas; quod procul dubio facilius fieri poterit sine periculo infamiae suæ, si idem dicat, quòd deinceps nihil amplius ab eo postulet, dissimulètque ejusmodi exactionem, vel eo ex capite, quòd cogitet de propriis suis bonis proli suæ prospicere, vel sub prætextu, quòd ab alio, vel alia benefactrice alimenta necessaria obtineat &c. Unde etiam ulterius existimo, Cajam non posse tuta conscientia prætinus aliquid acceptare à Sempronio Patre putatio, esto is, utpote firmiter credens se esse Patrem prolis, videatur lubens administrare proli alimenta necessaria;

tia; nam hoc solum facit ex sinistra hac persuasione, qui, si veritatem agnosceret, procul dubio nihil vellet dare, nec unquam consentiret in talem administrationem: at qui ignorantis nullus est consensus secundum omnes. & habetur ex *L. 15. de Jurisdic.* item *L. 11. & 41. ff. de contrab. empr.* Quapropter etiam *Reg. 59. Jur. in 6.* dicitur: *de eò facit, qui petit, quod restituere oportet eundem; ergo &c.* Vide dicta *C. 5. n. 135.*

CASUS SECUNDUS.

Sempronia famula cujusdam Oenopola, verrendo popinam invenit tres dugatos in quadam papyro involutos, quos, utpote ignorans cujus essent, vel quisnam ex hospitibus tam copiosè conflueret solitis, eos perdidisset, reservavit per unam, & alteram septimanam; & quia hactenus nulla prorsus facta fuit mentio de pecunia perditâ, & nemo inquisivit de dugatis; hinc sciscitatur ex Confessario 1. an sine ulteriori indagine tutâ conscientia possit sibi reservare dictos tres dugatos? an vero suo de hac inventione teneatur aliquid dicere, vel ex eo quod in ipsius popina invenerit, ulterò eosdem, vel medietatem saltem offerre, præsertim si hanc prætendat? Quid respondendum Sempronia?

R. ad primum. Sempronia illos tres dugatos non potest sibi illicè reservare, ex eà præcisè, quod hactenus nemo inquisiverit: sed tenetur illos ulterius adhuc con-

conservare ad minus per annum integrum, vel saltem dimidium, & interea apud alios, præsertim tales hospites, de quibus (attento tempore perditionis & inventionis) rationabiliter dubitare licet, an non ipsi, vel aliquis ipsorum perdidit? saltem generalibus terminis interrogare, *an nihil perdiderint?* Ratio est: quia juxta *communissimam DD.* inventor rei alienæ tenetur Dominum indagare, diligentia morali, & humana, scilicet proportionata gravitati rei inventæ, etenim qui tenetur ad finem, pariter obligatus censetur ad media proportionata: atqui inventor rei alienæ tenetur ad restitutionem illius, ad hanc verò exequendam necessum est inquirere Dominum: ergo. Hac de causa *C. si quid 14. q. 5.* dicitur: *si quid invenisti, & non reddidisti* (culpabiliter scilicet) *rapuisti.* Et quia tres dugati communiter reputantur res notabilis, ac magni momenti, hinc operæ pretium est, ut à Sempronia inventrice diutius conserventur. Falluntur ergo Simples illi, qui, dum aliquid inveniunt, velut donum singulari DEI providentia sibi destinatum, mox sibi retinent, & consumunt sine scrupulo, & sine ulteriori indagine; de quibus S. Hieronymus, relatus *C. multi 14. q. 5.* meritò scripsisse fertur: *Multi sine peccato putans esse, si alienum, quod invenerint, teneant: & dicunt, DEUS mihi*

mibi dedit; cui habeo reddere? discant ergo, peccatum hoc esse simile rapina, si quis inventa non reddat. Vid. Laymann l. 3. tr. 1. c. 5. n. 22. la Croix l. 3. p. 2. n. 87.

R. ad 2dum. Sempronia per se loquen-309.
do nihil tenetur dicere hero suo de dugatis inventis, nisi probabiliter liceret suspicari, eos fuisse ab illo perditos. Multò minùs tenetur eos dare suo hero eò præcisè, quòd in ipsius popina invenerit, sed potest tutà conscientia sibi reservare, si post factam congruam inquisitionem nulla amplius spes appareat inveniendi illorum Dominum, præsertim cùm hujuscemodi ancillæ communiter sint pauperculæ. Ratio est: quia bona incerta (uti sunt illa inventa, quorum Dominus invincibiliter ignoratur, & nunquam amplius compariturus creditur) sunt primò occupantis, juxta l. 1. ff. pro de relicto. & communissimam DD. apud la Croix cit. n. 90. At primò occupans fuit Sempronia inventrix, non autem Dominus tabernæ: ergo huic nihil tenetur dare de dugatis inventis.

Nec refert, quòd pecuniam illam invenerit in fundo, vel solo heri sui, ideòque videatur saltem medietas reddenda Domino fundi, quemadmodum reddenda est, quando invenitur Thesaurus in fundo alieno. l. 1. C. de Thesaur. & §. Thesauros, institut. de rerum divisione.

Con-

309. Contra namque est, quòd illi tres dugati, utpote inventi in superficie soli, nullatenus dici possint, vel debeant Thesaurus: ergo mox allegatæ constitutiones, utpote loquentes duntaxat de Thesauris, nullatenus extendi debent ad talem pecuniam. Cùmque aliunde constet, rem alienam derelictam (quantum est de Jure naturæ, & gentium) fieri primò occupantis, in contrarium verò nulla alia dispositio ostendi queat, vi cujus hujusmodi inventor teneatur medietatem rei in superficie fundi alieni inventæ dare Domino fundi; hinc dicendum, quòd Sempronia de inventis dugatis nihil prorsus teneatur dare Domino popinæ. Videatur Laymann *l. 3. rr. i. c. 5. n. 23. §. in super duo &c.*

At quid, inquires, si post unum, vel duos annos primum compareat Dominus, & rem deperditam repetat?

310. R. Si Sempronia (idipsum tenendum est de quocunque inventore) post factam sufficientem inquisitionem rem illam alienam jam consumpsit bona fide, nec inde evasit ditior, ad nihil ampliùs potest adstringi. Ratio est: quia nullus potest ostendi titulus, vi cujus teneretur quidpiam restituere: non enim ratione contractùs, ut supponitur; nec ratione rei acceptæ, cùm de hac nihil ampliùs possideat; neque etiam ratione injustæ acceptionis; quando-

quandoquidem talis nullam commiserit culpam, nec inveniendò, neque post congruam, & sufficientem Domini inquisitionem consumendo: ergo &c. Vide dicta superius C. 2. n. 32. & seqq. vel si præplacet La Croix l. 3. p. 2. n. 95. aut Diana p. 11. tr. 8. Resolut. 12.

CASUS TERTIUS.

CAjus, quo tempore juvenis adhuc serviêrat cuidam Mercatori, quingentos circa circiter florenos clam, & furtivè eidem successu temporis subtraxit. Tandem verò post 20. circiter annos, ubi ad meliorem rediit fortunam, conscientia stimulis adactus, rem hanc candidissimè aperuit cuidam Confessario, à quo illicò ad compensationem haredibus faciendam saltem per tertiam quandam personam (nam Dominus principalis diem suum jamjam obiêrat) condemnatus fuit. Cajus proin, Consilium Confessarii executurus centum florenos tertio cuidam, quem fidelissimum crediderat, dedit, haredibus restituendos: Verùm paulò post rescivit, eam pecuniam non fuisse datam dictis haredibus, sed ab illo tertio dilapidatam. Unde Cajus jam dubitat 1. utrùm dictos 100. florenos teneatur iteratò compensare haredibus? 2. an non meliùs, & consultiùs faceret, residuos 400. florenos immediatè per se ipsum successivè & quidem sub schemmate donationis restituendo, & applicando prolibus dictorum haredum, quorum ipse patrinus est? Quid judicii?

R. P. Elbel, de Restit.

X

B. ad

311. & ad primum: Affirmativè. Ratio est: quia debita ex delicto formali restituenda sunt cum periculo, & expensis debitoris, & non creditoris, secundum dicta superius n. 299. Deinde non obstante præfata restitutione inefficaci ob infidelitatem tertii, adhuc semper manet verum dicere, quòd culpa, & delicto Caji Dominus aut hæredes ipsius patiantur damnum 100. florenorum: ergo semper adhuc incumbit Cajo obligatio compensandi illud damnum, utpote culpabiliter illatum, quemadmodum teneretur, tametsi alius illos centum florenos furto aut rapina eidem immediatè abstulisset: uti rectè tenent Molina tom. 3. disp. 754. n. 2. Lugo tom. 1. de just. disp. 21. sect. 5. à n. 59. Lessius l. 2. c. 16. dub. 6. n. 65. Tolletus, Rebellus, & alii plures.

Nec dicas: Cajum tecisse, quantum in se est, dum de consilio Confessarii per tertiam personam fidelem existimatam conatus fuit reddere 100. ideoque hæredes debeant esse contenti, esto nihil receperint in effectu, propter infidelitatem alterius.

312. Contra enim est, quòd, licèt satisfecerit in ordine ad evitandum novum peccatum in tali modo restituendi, utpote facto bona fide, non tamen satisfecit in ordine ad extinguendum debitum, & obligationem restituendi ex primo delicto contractam. Unde hæredes ob talem modum restitutionis non tenentur esse contenti absolute, sed

sed tantum conditionatè quasi, & *salvo Jure suo*, ita scilicet, si ob infidelitatem alterius pecunia illa sibi destinata periret, non sibi, sed debitori periret, ideòque is adhuc teneretur compensare damnum illatum.

Scio equidem, oppositam Sententiam, 313. ob rationem mox allatam, quòd scilicet debitor fecerit, quantum in se est, adeoque creditores debeant esse contenti, à multis Doctoribus, nominatim Tamburino l. 8. tr. 4. c. 1. §. 5. n. 7. *sine Lessio cit. c. 16. dub. 6. n. 67.* censerì probabilem, immò verò à Diana p. 2. tr. 3. sect. 17. *Miscellan. resolur. 2.* in praxi tutam nominari, qua de causa eandem hic insinuandam duxi; arbitror tamen, eam non esse practicandam, & à Confessario non, nisi in iis circumstantiis sectandam, in quibus deprehendit, creditorem valde esse liberalem, & habentem, debitorem è contra esse indigentem; ita, ut sine permagna difficultate nunquam persuadendus, aut inducendus videatur ad iteratam solutionem; quibus simul concurrentibus fortè dabitur locus prudenter dissimulandi iteratam obligationem imponendi hujuscemodi pœnitenti. Etsi adhuc securius procederet, si, sive per se, sive per alium (cum magna tamen cautela, & circumspectione, ad præcludendas omnes sinistras suspiciones) curaret exorari hære-

des, quatenus velint gratuito remittere huiusmodi debitum, pro majori animæ quiete &c. Fortassis enim non erunt difficiles ad condescendum, si intellexerint bonam mentem, & intentionem debitoris, viciusis, quantum in se erat, conatus jam fuit satisfacere. Videatur Sporer *tr. 4. c. 4. n. 19. la Croix l. 3. p. 2. n. 420. & seqq.*

314. R. jam ad 2dum quæsitum huius casus, Cajum procul dubio melius facturum, si per se ipsum immediate restituat, etsi sub Schemmate donationis. Ratio est. quia alio securiori modo vix, aut ne vix quidem poterit restituere reliquos 400. florenos. Tum etiam quia hoc modò facilius declinabit periculum infamiae, & magis stabiliet amicitiam inter paternos, Tum denique, quia hæredes hòc modò verè percipient id, quod ipsis debetur: ergo stantibus his nequeunt esse rationabiliter inviti.

Dices. At quid, si Cajus prævideat huiusmodi Parentes, utpote valde habentes, nec minùs generosos sua dona non accepturos gratis, sed vicissim, sin minùs tantundem, saltem notabile quid sibi, aut prolibus suis redonatuross?

315. R. Cum P. Sporer *tr. 4. c. 4. n. 5.* Cajum nihilominus liberatum iri ab onero restitutionis. Ratio est: quia redonatio illa non fiet ex iustitia, sed ex mera liberalitate, ad quam Cajus non intendit inducere, esto ali-

aliquò modo huic præbeat ansam, & occasionem; at periculum infamiae notabilis excusat à tali actione, quæ aliquam præbet occasionem damno alterius, sicut etiam excusat non raro, vel à differenda, vel ab omni modis intermittenda restitutione: ergo & Cajum excusat. Fatendum tamen est, non esse tam facile permittendum hunc modum restitutionis, quippe qui aliquò saltem modo præbet causam alterius damnificationi. Et certè qui prævidens, Dominum tantundem restitutum, sine causa graviore excusante vellet sub Schemmate donationis restituere, convinceretur velle potius illudere, quàm restituere, uti bene advertit *Doctor cit.*

§. III.

Corollaria ex dictis inferenda.

Colliges ex dictis primò, ea, quæ n. 298. ^{316.} diximus de expensis faciendis à possessore malæ fidei in restitutione rei alienæ, intelligenda esse de expensis non nimium excessivis. Etenim si restituendi causâ deberet facere multò majores expensas, utputa si restituendo v. g. rem constantem 10. florenis, deberet facere expensas 20. aut plurium florenorum, probabilissimè potest differe restitutionem usque ad tempus commodius, quò cum minoribus expen-

320. Dixi rursus: *regulariter loquendo*; secus enim dicendum foret, si Confessarius hic, & nunc in tali poenitente adverteret specialia signa efficacis propositi, ob mutationem circumstantiarum, ut puta quia defaecto jam præparavit pecuniam alienam, vel alteri dedit proximè restituendam, vel quia in mortis periculo versatur &c. Nam quemadmodum juxta dicta in *Theol. Sacrament. p. 2. C. 4. n. 108.* absolvi potest Concubiniarius in talibus circumstantiis, in quibus specialia signa futuræ emendationis, & firmi propositi ostendit; ita ob eandem rationem poenitens, qui hætenus nunquam restituit. Oportet tamen nonnunquam tales prohibere à Communione Sacra tamdiu, quamdiu effectivè non satisfecerint suæ obligationi, veluti sapienter monet Molina *disp. 756. n. 3.* & Lugo *disp. 20. sect. 9. n. 213.*

321. Colliges 4to, nec satisfacere illum poenitentem, qui cum moraliter loquendo posset, illico restituere debitum simul, non tamen vult restituere, nisi successivè per partes. Ratio est: quia non licet detinere alienum rationabiliter invito Domino: at, ubi debitor moraliter loquendo posset statim restituere totum simul, & tamen non vult restituere, nisi per partes, & successivè, Dominus meritò, & rationabiliter potest esse invitus: ergo talis poe-

pœnitens peccat contra Justitiam, nec vult totaliter cessare à peccato, quandoquidem perseveret in mora culpabili: secus dicendum foret, si vel non posset statim restituere, vel Dominus non exigeret statim totum debitum, vel totum debitum non esset magni momenti. *Communis apud Molinam, Laymann, Sporer cit. c. 3. n. 142.*

Colliges 5tò, à fortiori (saltem per se³²². loquendo) absolvi non posse illum, qui restitutionem vult differe usque ad mortem: immò ne moribundum quidem capacem esse absolutionis, qui restitutionem differre vult, & non restituere per se, sed hoc onus relinquere hæredibus. Ratio est: quia etiam talis est in mora culpabili, & consentire meritò præsumitur in injustam detentionem, & damnum proximi, nec vult absolutè, sed potius conditionatè tantum restituere, si scilicet moriatur.

Adde, quòd de se non vacet culpa gravi, velle obligationem propriam transferre in alios, hæredes scilicet, qui ordinariè loquendo sunt negligentiores ipsò defuncto, ideòque creditor ex hujusmodi dilatione grandi periculo damnorum exponitur, veluti experientia jam sæpius, quam par erat, monstravit. Ita rursus ultra DD. mox allegatos Molina *disp. 753.* Lessius *l. 2. c. 12. dub. 3. n. 11.*

X 5

Di-

323. Dictum denuo fuit *saltem per se loquendo* absolvi non posse. Prudenter enim monent Dicastillo *l. 2. de restit. tr. 2. disp. 10. dub. 1. à n. 6.* Tamburinus *l. 8. tr. 4. c. 4. n. 4.* subinde à Confessario rem dissimulari, & prudenter condescendi posse pœnitenti, volenti successivè duntaxat, vel etiam post mortem primum per suos hæredes restituere creditoribus à se damnificatis, idque in sequentibus præcipue circumstantiis, 1. si creditor ex tali dilatione non sit incursum magnum damnum, neque periculum omnino perdendi suum debitum; quia tunc is non cenletur adeò graviter invitus. 2. Si Confessarius advertat, suum pœnitentem hoc quidem modò facile disponendum ad dignam susceptionem Sacramentorum, nunquam verò, si cogeretur vel adigeretur ad faciendam illico restitutionem simultaneam; & præcipue. 3. Si advertat, pœnitentem esse in bona fide, nec apprehendere suam obligationem gravem, sed potius putare, se suæ obligationi omnimodis satisfacturum hòc modo. Stantibus hisce conditionibus Confessarius prudenter potest dissimulare obligationem illico restituendi, ne alioquin pœnitens abeat desperatus, & qui hæctenus materialiter tantum peccavit, deinceps etiam formaliter peccet. Et hoc modò Confessarius nedum ipsius pœnitentis, verum etiam creditoris negotium
uti-

utiliter geret. Ita post Dicastillum, & Tamburinum Sporer *tr. 4. c. 3. n. 147.* mox subiungens: „quod si tamen eo casu debitor pœnitens dubitet, & doceri petat de obligatione sua, jam veritas ei sincerè aperienda erit, cùm jam dubitet, & conscientia læsa sit, juxta communem doctrinam in materia de Conscientia, & Pœnitentia.

CONFERENTIA DUODECIMA.

DE

Causis excusantibus à restitutione differenda, vel omnino in perpetuum omittenda.

SUMMARIUM.

- 324. Breviter recensentur decem causæ, è quibus aliquæ excusant à restitutione differenda duntaxat, aliæ ab omnimodis in perpetuum intermittenda.
- 325. Impotentia nedum Physica, sed etiam moralis excusat, & quomodo?
- 326. Item excusat necessitas nedum extrema, sed etiam gravis.
- 327. Satisfit cuidam instantiæ in contrarium.
- 328. & 329. Ignorantia inculpabilis, & damnum ex restitutione imminens debitori, quando, vel quomodo excusent?

330. &

330. 331. Quomodo excusent rerum specie interitus, & remissio Creditoris?
332. & 333. Compensatio debiti, & auctoritas Superioris, quando, vel quomodo excusent ab onere restitutionis?
334. & 335. Cessio bonorum, itémque ingressus in Religionem subinde excusare possunt ab hoc onere restitutionis.
336. Resolvitur Casus I. Cujusdam Viduæ Illustris, quæ post mortem sui Mariti à Creditoribus conventa fuit, ut solveret.
337. Quid si debitores æquè, ac vidua ex dilatione, vel omissione restitutionis cogerentur subire gravem jacturam, vel damnum?
338. Si Maritus nulla bona reliquit, an tunc vidua sit obligata ad satisfaciendum Creditoribus ex bonis sibi propriis?
339. Quid in his circumstantiis specialiter sit advertendum, seu attendendum à Confessario?
340. Resolvitur Casus II. de quodam juvene minorenni, cui, utpote nimis prodigo, tutor, vel potius curator denegavit subsidium pecuniarium.
341. Utrum talis Curator sit obligandus ad refarcienda damna dicto juveni inde forte, secuta?
342. Resolvitur Casus III. de quodam Studiofo, multis debitis onerato, quibus non obstantibus intendit ingredi Religionem.
343. Cui tamen obstare videntur Constitutiones Sixti V. & Clementis VIII.
344. A fortiori ab hujusmodi ingressu arcendus est is, qui sub spe Matrimonii defloravit puellam.
345. An Religiosus post professionem teneatur laborare, ut satisfacere possit pro debitis in sæculo contractis, & relictis?
346. Qui ob restitutionem illicò faciendam deberet statu suo justè acquisito excidere, licitè differt restitutionem.
347. Li-

347. Limitanda tamen est hæc Doctrina, & quodammodo restringenda.
348. Bona inferioris ordinis non debent necessario restitui cum notabili detrimento in bonis altioris ordinis.
349. Constitutus in extrema necessitate non tenetur restituere, tamen si Creditor supponatur constitutus in pari necessitate.
350. Etiam verè gravis necessitas excuset à differenda restitutione, quamdiu talis necessitas durat;
351. Nisi Creditor propterea deberet subire damnum æquale, vel omnino majus, sive in eodem, sive etiam in diverso ordine.
352. Satisfit cuidam instantiæ in contrarium.
353. Tenetur nihilominus hujusmodi debitor rescarcire damna ex dilatione restitutionis Creditori fortassis secuta.
354. Remissio præsumpta, an, vel quando excuset ab onere restitutionis?

§. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos de differenda, seu etiam omittenda, vel non omittenda restitutione.

QUæres primò, quòt dentur Causæ excusantes ab onere restitutionis?

R. Convenienter assignantur decem 324.
(esto alii duodecim recenseant, vel adhuc

huc plures) & sunt sequentes. 1. impotentia. 2. necessitas propria. 3. ignorantia, 4. damnum ex restitutione Creditori, vel alteri imminens. 5. Rei in lpecie (vel potius individuo) debitæ interitus. 6. Remissio Creditoris. 7. Compensatio debiti. 8. Compositio facta auctoritate Juris, vel Judicis &c. 9. cessio bonorum, & 10. ingressus in Religionem. Has causas omnes, ac singulas à restitutione quodammodo excusare, communissimè traditur à Doctõribus, etsi non omnes æqualiter, & eodem modò excusent; nam priores quatuor plerumque solum excusant ad tempus, ut scilicet restitutio licitè differri possit; posteriores verò sex excusant in perpetuum, veluti præter alios benè advertit P. Sporer *tr. 4. c. 4. n. 53. & sequentibus*. Verùm pro meliori captu, & intellectu singularum causarum mox enumeratarum

Quæres 2dò, quænam impotentia, & necessitas excusent, & quò modo?

325. R. ad primum. Nedum impotentia, Physica (qualis censetur, si debitor prorsus nihil habeat, quod posset reddere) verùm etiam moralis (qualis censetur, si id, quod habet, sine permagna difficultate reddere non potest) excusat à restitutione, quamdiu talis impotentia durat. Omnes. Ratio desumitur ex *R. VI. Juris in 6to*. juxta quam *nemo post ad impossibile ob-*

obligari. Et certè Creditor nequit esse rationabiliter invitus, quòd debitor ob Physicam, seu etiam moralem impotentiam non restituat: atqui, juxta Regulam à Scoto 4. dist. 15. q. 2. a. 4. §. de quinto. traditam, & à Doctoribus communiter receptam, licet detinere rem alienam, quando ille, cujus est, debet rationabiliter velle, eam detineri, seu non restitui. ergo hæc impotentia meritò censetur excusare.

R. jam ad 2dum. Nedum extrema necessitas, quando scilicet restituens deberet vitam amittere, sed etiam verè gravis necessitas excusat à restitutione, ut puta si debitor ob hujusmodi restitutionem vitam suam (addunt alii apud nostrum Herincx disp. 8. n. 122. Uxoris, & prolium) admodum difficulter posset, aut deberet sustentare, aut si propterea deberet suo statu justè acquisito excidere. Ratio est: quia, ut ait Scotus mox citatus, quibus rationabiliter debet magis velle, quòd vitetur magnum incommodum proximi restituentis, quàm modicum incommodum suum, vel nullum in illa modica dilatione restituentis.

Dices. Ob gravem duntaxat necessitatem non licet furari, veluti superius n. 268. dictum fuit: ergo nec licet detinere rem alienam; quia detentio censetur continuata ablatio, seu furtum rei alienæ.

R. neg.

sis restituet. Ratio est: quia Justitia non adversatur Charitati, quæ est finis omnium virtutum, neque rectæ rationi, quippe quæ omnem virtutem debet dirigere: atqui Charitas, & recta ratio suadent, ut Dominus non urgeat restitutionem cum tanto detrimento, nisi creditor ipsiusmet ex carentia rei suæ deberet subire majus damnum, vel lucrum cessans: ergo &c. Videantur de hoc S. Thomas 2. 2. q. 62. a. 5. ad 3. Scotus 4. dist. 15. a. 4. Molina disp. 752. Tamburinus l. 8. tr. 4. c. 1. §. 8. n. 4.

317. Colliges 2dò, ad impertiendam validè, immo, & licitè, absolutionem, neutiquam quidem opus est, ut præcedat restitutio realis, seu, ut pœnitens effectivè, & realiter restituat; bene tamen restitutio mentalis, id est, ut habeat firmum, & efficax propositum restituendi, quamprimùm moraliter loquendo potuerit. Ratio est: quia ad licitam, & validam absolutionem necessariò requiritur propositum efficax emendandi, esto non actualis emendatio: atqui pœnitens potest concipere hujusmodi propositum efficax, prius quàm restituat realiter, etsi non sine restitutione mentali, seu voluntate efficace restituendi: ergo hæc saltem necessariò præcedere debet absolutionem.

318. Dixi: *quamprimùm moraliter potuerit*; nam si evidenter prævideatur impotentia moralis

lis restituendi, & quidem perpetua, uti non raro prævideri potest in moribundis pauperculis, minimè opus erit, ut Confessorius talem pœnitentem urgeat ad concipiendum firmum propositum restituendi; quia restitutio secundùm dicta *C. 1. n. 9.* non est ad salutem necessaria simpliciter, seu necessitate mediæ, sed tantùm secundùm quid, & necessitate præcepti: at, ab eo, quod est duntaxat necessarium necessitate præcepti, excusat moralis impossibilitas: ergo etiam ab onere restitutionis in his circumstantiis.

Colliges 3tiò, regulariter, & ordinariè 319.
loquendo non esse absolvendum illum pœnitentem, qui in aliis confessionibus jam sæpiùs admonitus de facienda restitutione, eam tamen hætenus nunquam præstitit, tametsi moraliter loquendo potuisset. Ita cum *communi DD. Filliuc. 17. 32. c. 4. n. 117.* & *Babenstuber 17. 7. disp. 4. a. 5. n. 20.* Ratio est: quia de tali pœnitente meritò præsumere licet, quòd hætenus nunquam habuerit, nec etiamnum habet firmum sese emendandi propositum. Unde quemadmodum is, qui sæpiùs jussus domò ejicere concubinam, eam nunquam ejecit, non est absolvendus defectu propositi efficacis, quod de tali non licet præsumere; ita pariter tenendum est de eo, qui sæpiùs jussus restituere, nunquam restituit.

320. Dixi rursus: *regulariter loquendo*; secus enim dicendum foret, si Confessarius hic, & nunc in tali poenitente adverteret specialia signa efficacis propositi, ob mutationem circumstantiarum, ut puta quia defacto jam præparavit pecuniam alienam, vel alteri dedit proximè restituendam, vel quia in mortis periculo versatur &c. Nam quemadmodum juxta dicta in *Theol. Sacrament. p. 2. C. 4. n. 108.* absolvi potest Concubiniarius in talibus circumstantiis, in quibus specialia signa futuræ emendationis, & firmi propositi ostendit; ita ob eandem rationem poenitens, qui hætenus nunquam restituit. Oportet tamen nonnunquam tales prohibere à Communione Sacra tamdiu, quamdiu effectivè non satisfecerint suæ obligationi, veluti sapienter monet Molina *disp. 756. n. 3.* & Lugo *disp. 20. sect. 9. n. 213.*

321. Colliges 4to, nec satisfacere illum poenitentem, qui cum moraliter loquendo posset, illico restituere debitum simul, non tamen vult restituere, nisi successivè per partes. Ratio est: quia non licet detinere alienum rationabiliter invito Domino: at, ubi debitor moraliter loquendo posset statim restituere totum simul, & tamen non vult restituere, nisi per partes, & successivè, Dominus meritò, & rationabiliter potest esse invitus: ergo talis poe-

pœnitens peccat contra Justitiam, nec vult totaliter cessare à peccato, quandoquidem perseveret in mora culpabili: secus dicendum foret, si vel non posset statim restituere, vel Dominus non exigeret statim totum debitum, vel totum debitum non esset magni momenti. *Communis apud Molinam, Laymann, Sporer cit. c. 3. n. 142.*

Colliges 5^{to}, à fortiori (saltem per se ^{322.} loquendo) absolvi non posse illum, qui restitutionem vult differe usque ad mortem: immò ne moribundum quidem capacem esse absolutionis, qui restitutionem differre vult, & non restituere per se, sed hoc onus relinquere hæredibus. Ratio est: quia etiam talis est in mora culpabili, & consentire meritò præsumitur in injustam detentionem, & damnum proximi, nec vult absolutè, sed potius conditionatè tantum restituere, si scilicet moriatur.

Adde, quòd de se non vacet culpa gravi, velle obligationem propriam transferre in alios, hæredes scilicet, qui ordinariè loquendo sunt negligentiores ipsò defuncto, ideòque creditor ex hujusmodi dilatione grandi periculo damnorum exponitur, veluti experientia jam sæpius, quam par erat, monstravit. Ita rursus ultra DD. mox allegatos Molina *disp. 753.* Lessius *l. 2. c. 12. dub. 3. n. 11.*

X 5

Di.

323. Dictum denuo fuit *saltem per se loquendo* absolvi non posse. Prudenter enim monent Dicastillo *l. 2. de restit. tr. 2. disp. 10. dub. 1. à n. 6.* Tamburinus *l. 8. tr. 4. c. 4. n. 4.* subinde à Confessario rem dissimulari, & prudenter condescendi posse pœnitenti, volenti successivè duntaxat, vel etiam post mortem primum per suos hæredes restituere creditoribus à se damnificatis, idque in sequentibus præcipue circumstantiis, 1. si creditor ex tali dilatione non sit incursum magnum damnum, neque periculum omnino perdendi suum debitum; quia tunc is non cenletur adeò graviter invitus. 2. Si Confessarius advertat, suum pœnitentem hoc quidem modò facile disponendum ad dignam susceptionem Sacramentorum, nunquam verò, si cogeretur vel adigeretur ad faciendam illico restitutionem simultaneam; & præcipue. 3. Si advertat, pœnitentem esse in bona fide, nec apprehendere suam obligationem gravem, sed potius putare, se suæ obligationi omnimodis satisfacturum hòc modo. Stantibus hisce conditionibus Confessarius prudenter potest dissimulare obligationem illico restituendi, ne alioquin pœnitens abeat desperatus, & qui hætenus materialiter tantum peccavit, deinceps etiam formaliter peccet. Et hoc modò Confessarius nedum ipsius pœnitentis, verum etiam creditoris negotium
uti-

utiliter geret. Ita post Dicastillum, & Tamburinum Sporeri tr. 4. c. 3. n. 147. mox subiungens: „quod si tamen eo casu debitor poenitens dubitet, & doceri petat de obligatione sua, jam veritas ei sincerè aperienda erit, cum jam dubitet, & conscientia læsa sit, juxta communem doctrinam in materia de Conscientia, & Poenitentia.

CONFERENTIA DUODECIMA.

DE

Causis excusantibus à restitutione differenda, vel omnino in perpetuum omittenda.

SUMMARIUM.

- 324. Breviter recensentur decem causæ, è quibus aliquæ excusant à restitutione differenda duntaxat, aliæ ab omnimodis in perpetuum intermittenda.
- 325. Impotentia nedum Physica, sed etiam moralis excusat, & quomodo?
- 326. Item excusat necessitas nedum extrema, sed etiam gravis.
- 327. Satisfit cuidam instantiæ in contrarium.
- 328. & 329. Ignorantia inculpabilis, & damnum ex restitutione imminens debitori, quando, vel quomodo excusent?

330. &

330. 331. Quomodo excusent rerum specie interitus, & remissio Creditoris?
332. & 333. Compensatio debiti, & auctoritas Superioris, quando, vel quomodo excusent ab onere restitutionis?
334. & 335. Cessio bonorum, itemque ingressus in Religionem subinde excusare possunt ab hoc onere restitutionis.
336. Resolvitur Casus I. Cujusdam Viduæ Illustris, quæ post mortem sui Mariti à Creditoribus convента fuit, ut solveret.
337. Quid si debitores æquè, ac vidua ex dilatione, vel omissione restitutionis cogerentur subire gravem jacturam, vel damnum?
338. Si Maritus nulla bona reliquit, an tunc vidua sit obligata ad satisfaciendum Creditoribus ex bonis sibi propriis?
339. Quid in his circumstantiis specialiter sit advertendum, seu attendendum à Confessario?
340. Resolvitur Casus II. de quodam juvene minorenni, cui, utpote nimis prodigo, tutor, vel potius curator denegavit subsidium pecuniarium.
341. Utrum talis Curator sit obligandus ad refarcienda damna dicto juveni inde fortè, secuta?
342. Resolvitur Casus III. de quodam Studiofo, multis debitis onerato, quibus non obstantibus intendit ingredi Religionem.
343. Cui tamen obstare videntur Constitutiones Sixti V. & Clementis VIII.
344. A fortiori ab hujusmodi ingressu arcendus est is, qui sub spe Matrimonii defloravit puellam.
345. An Religiosus post professionem teneatur laborare, ut satisfacere possit pro debitis in sæculo contractis, & relictis?
346. Qui ob restitutionem illicò faciendam deberet statu suo justè aquisito excidere, licitè differt restitutionem.
347. Li-

347. Limitanda tamen est hæc Doctrina, & quodammodo restringenda.
348. Bona inferioris ordinis non debent necessario restitui cum notabili detrimento in bonis altioris ordinis.
349. Constitutus in extrema necessitate non tenetur restituere, tamen si Creditor supponatur constitutus in pari necessitate.
350. Etiam verè gravis necessitas excusat à differenda restitutione, quamdiu talis necessitas durat;
351. Nisi Creditor propterea deberet subire damnum æquale, vel omnino majus, sive in eodem, sive etiam in diverso ordine.
352. Satisfit cuidam instantiæ in contrarium.
353. Tenetur nihilominus hujusmodi debitor recarcare damna ex dilatione restitutionis Creditori fortassis secuta.
354. Remissio præsumpta, an, vel quando excuset ab onere restitutionis?

J. I.

Præmittuntur, & breviter resolvuntur quæsitæ scitu necessaria ad debitè resolvendos Casus practicos de differenda, seu etiam omittenda, vel non omittenda restitutione.

QUæres primò, quòt dentur Causæ excusantes ab onere restitutionis?

R. Convenienter assignantur decem^{324.}
(esto alii duodecim recenseant, vel ad-
huc

huc plures) & sunt sequentes. 1. impotentia. 2. necessitas propria. 3. ignorantia, 4. damnum ex restitutione Creditori, vel alteri imminens. 5. Rei in specie (vel potius individuo) debitæ interitus. 6. Remissio Creditoris. 7. Compensatio debiti. 8. Compositio facta auctoritate Juris, vel Judicis &c. 9. cessio bonorum, & 10. ingressus in Religionem. Has causas omnes, ac singulas à restitutione quodammodo excusare, communissimè traditur à Doctõribus, etsi non omnes æqualiter, & eodem modò excusent; nam priores quatuor plerumque solum excusant ad tempus, ut scilicet restitutio licitè differri possit; posteriores verò sex excusant in perpetuum, veluti præter alios benè advertit P. Sporer *tr. 4. c. 4. n. 53. & sequentibus*. Verùm pro meliori captu, & intellectu singularum causarum mox enumeratarum

Quæres 2dò, quænam impotentia, & necessitas excusent, & quò modo?

325. R. ad primum. Nedum impotentia, Physica (qualis censetur, si debitor prorsus nihil habeat, quod posset reddere) verùm etiam moralis (qualis censetur, si id, quod habet, sine permagna difficultate reddere non potest) excusat à restitutione, quamdiu talis impotentia durat. Omnes. Ratio desumitur ex *R. VI. Juris in 6to*. juxta quam *nemo post ad impossibile ob-*

obligari. Et certè Creditor nequit esse rationabiliter invitus, quòd debitor ob Physicam, seu etiam moralem impotentiam non restituat: atqui, juxta Regulam à Scoto 4. dist. 15. q. 2. a. 4. §. de quinto. traditam, & à Doctoribus communiter receptam, licet detinere rem alienam, quando ille, *cujus est, debet rationabiliter velle, eam detineri, seu non restitui.* ergo hæc impotentia meritò censetur excusare.

R. jam ad 2dum. Nedum extrema necessitas, quando scilicet restituens deberet vitam amittere, sed etiam verè gravis necessitas excusat à restitutione, ut puta si debitor ob hujusmodi restitutionem vitam suam (addunt alii apud nostrum Herincx disp. 8. n. 122. Uxoris, & prolium) admodum difficulter posset, aut deberet sustentare, aut si propterea deberet suo statu justè acquisito excidere. Ratio est: quia, ut ait Scotus mox citatus, *quibus rationabiliter debet magis velle, quòd vitetur magnum incommodum proximi restituentis, quàm modicum incommodum suum, vel nullum in illa modica dilatione restituentis.*

Dices. Ob gravem duntaxat necessitatem non licet furari, veluti superius n. 268. dictum fuit: ergo nec licet detinere rem alienam; quia detentio censetur continuata ablatio, seu furtum rei alienæ.

R. neg.

327. R. neg, Conseq. quia multò plures causas occurrent, ob quas rationabiliter licet præsumere, Dominum esse contentum, quòd sibi hic, & nunc non restituatur, quàm quòd sibi aliquid de novo auferatur. Deinde *auferre alienum* repugnat præcepto negativo: *non furtum facies*, e contra non redere alienum duntaxat præcepto affirmativo: *restituere, seu redde, quod debes*: atqui præcepta negativa facilius observari possunt, & propterea etiam strictius obligant, quàm affirmativa; nam vi priorum non jubemur aliquid agere, sed tantum abstinere ab agendo: facilius autem est abstinere ab agendo, quàm aliquid agere, quòd posterius jubemur vi præcepti affirmativi: ergo non est mirandum; quòd in verè gravi necessitate licitum sit detinere, non item auferre alienum. Videatur Lugo *disp. 13. Sect. 3. n. 51.* Krelsinger *addit. post n. 104. ad tr. 9. dist. 5. Theol. Moral. R. P. Reiffenstuel.*

Quæres 3^{tiò}, quomodo à restitutione excuset ignorantia, vel etiam damnum imminens?

328. R. ad primum. Ignorantia inculpabilis, cum bona scilicet fide conjuncta, excusat à restitutione, quamdiu talis ignorantia, & bona fides durat, sive dein sit ignorantia Juris, ut si ignores v.g. quòd Juris dispositione Creditore defuncto restituendum sit hæ-

hæredibus; siue sit facti, ut si ignores, rem tibi ab altero donatam esse furtivam &c. Ratio est eadem, quæ mox suprâ fuit data: quia ignorans non agnoscit suam obligationem restituendi: ergo huic satisfacere non potest; quandoquidem ignoti nulla cupido. Dixi etiam; *si ignores, & quidem invincibiliter*; secus enim discurrendum est de eo, qui vincibiliter ignorat hanc obligationem. Similiter ille, qui invincibiliter dubitat, an teneatur ad aliquam restitutionem, excusandus erit ab hoc onere; *quia in dubio melior est conditio possidentis*: nec quispiam propterea tenetur in tali dubio bonis suis privare se ipsum. Quid verò agendum illi, qui incipit dubitare, an res à se hætenus possessa non sit aliena, diximus superius C. 2. n. 32. item n. 59. & 60. quæ revide, si placet.

¶. jam ad 2dum. *Damnum imminens* 329. ab onere restitutionis excusat tunc, quando ex restitutione longè majus detrimentum immineret vel 1. ipsi creditori, vel 2. Republicæ, vel 3. denique alteri cuidam tertio. Ratio est: quia restitutio ordinatur per se ad bonum proximi, & communitalis: ergo si ex restitutione secuturum esset damnum vel ipsius Creditoris, vel alterius tertii, vel totius communitalis, cessat pro tunc obligatio hujus. Adde; quòd hic non agatur de restitutione omnino omittit.

R. P. Elbel, de Restit.

Y

ten.

tenda, sed potius de differenda: at, rationabilior causa differendi restitutionem vix occurrere nata est, quàm velle expectare illam occasionem, quâ hæc in nullius detrimentum, sed potius in emolumentum cedit Creditoris: ergo. *Sporer tr. 4. Theol. desalog. c. 3. n. 77.*

Quæres 4to, quomodo à restitutione excuset rei in specie interitus, & remissio Creditoris?

330. R. ad primum. Rei in specie, vel potius in individuo interitus excusat tunc, quando illa res perit sine omni culpa debitoris, sive in accipiendo, sive etiam in detinendo commissa à debitore, sive deinde bitum sit ex contractu, sive etiam ex recepta. Ratio est: quia secundum dicta *C. 1. n. 4. omnis res, quæ sine culpa, ideoque casu tantùm perit, suo Domino perit*, Minimè tamen excusat rei interitus, quando debitor commisit culpam præsertim gravem, vel quando rem non bonâ, sed mala fide possedit; quia *quidquid perit culpa, culpabili perit*, exceptò duntaxat casu, quò eadem res apud Dominum suum existens, similiter periisset, utputa communi incendio &c. quia ex hac suppositione Domino nullum omnino damnum reale fuisset illatum, ideoque non est, cure idem aliquid ob hujusmodi interitum deberet compensari, veluti rursus dictum fuit superius *C. 3. n. 77. & ex communi*

DD.

*DD. tradit. Mezger tom. 3. tr. 12. disp. 35.
n. 5. q. 2.*

R. jam ad 2dam partem hujus quæsit. 331.
Remissio Creditoris excusat ab onere restitutionis tunc, quando Creditor habet potestatem condonandi, & simul liberè condonat. Ratio est; quia donatio non valet, nisi liberè fiat, & quidem ab eo, qui potest donare: atqui remissio debiti est donatio: ergo. Illud tamen hic animadvertendum occurrit, quòd scilicet non sit opus, ut semper interveniat remissio expressa, & formalis, sed sufficiat etiam tacita, & interpretativa, qualis meritò censetur fieri, si Creditor Chyrographum laceret, vel comburat &c. De quo videri possunt *Herincxubi supra disp. 8. n. 119. La Croix l. 3. p. 2. a. n. 456.*

Quæres 5to, quomodo à restitutione excuset compensatio debiti, vel etiam compositio auctoritate Judicis, aut Superioris facta?

R. ad primum. Compensatio debiti ex-332.
cusat tunc, quamprimum Creditor incipit debere suo debitori tantum, quantum sibi ab illo prius erat debitum; ut si Titio debeas 100. pro frumento, desinet hæc tua obligatio, quamprimum idem tibi debuerit 100. v. g. pro vino. Res de se liquida est: quia talis compensatio in morali hominum existimatione reputatur debiti solutio. *L. si*

X 2

debi.

debitor ff. qui pot. in pign. Unde etiam hæc compensatio *L. 1. ff. de Compensat.* describitur, quòd sit *debiti, & crediti inter se contributio.* Ut tamen talis compensatio locum habeat, præsertim in foro externo, & judiciali, necessum erit 1. ut debitum sit certum, & liquidò probari possit. *L. fin. C. de compensat.* 2. ut debita sint ejusdem rationis, id est, in rebus ejusdem speciei; quia si res sit alicui in specie debita, tunc illi neutiquam satisfiet per solutionem pretii, vel redditionem alterius rei: consequenter nec per remissionem debiti alterius rei. Videantur Illiung *rr. 4. disp. 3. a. n. 290.* Herincx *cir. n. 117.* Castropalao *de just. commut. disp. 1. punct. 16. §. 2.*

333. & jam ad 2dum. Justa Judicis Sententia, vel auctoritas Superioris excusat tunc 1. quando Judex (justè, ut supponitur) alicui adjudicat aliquid velut debitum, v. g. multam pecuniariam tibi compensandam, & solvendam ab eo, cui tantundem ex alio titulo, aut capite debuisti; idque verum est, tamen si ille alter à Judice condemnatus, non commisset culpam Theologicam, sed politicam duxat. 2. Quando ut velut possessor bonæ fidei elapso jam tempore præscriptionis legitimæ acquisivisti rei alienæ dominium. Item etiam tertio hæc compensatio locum habet, quan-

quando auctoritate pontificia debitori certa quantitas imponitur illico solvenda ad pias causas, vel ad sumptus belli contra infideles, vel pro redemptione captivorum &c. prout aliquando in certis circumstantiis factum fuisse constat. Ratio horum est; quia habens legitimam potestatem exigente bono communi potest dominium bonorum temporalium ab uno transferre in alium: atqui Respublica, Princeps &c. habent potestatem legitimam, ergo &c. Ad hanc ultimam causam nonnulli referunt casum, quò creditor excommunicatur, putantque tunc debitorem absolvi ab onere restitutionis; verum, cum excommunicatio non auferat potestatem communicandi cum tali in re necessaria (qualis utique etiam censi debet restitutio) hinc excommunicatio etiam major ab hoc onere restitutionis non videtur excusare. Secus dicendum, si summus Pontifex velut Princeps, & legitimus Superior Ecclesiasticus in pœnam criminis exigente bono publico Ecclesiæ absolveret debitorem expressè ab onere satisfaciendi, seu etiam restituendi huiusmodi excommunicato. Videantur de hoc Lessius *l. 2. dub. 7.* Lugo *disp. 17. sect. ult.* Sporer *tr. 4. c. 4. a. n. 89.* La Croix *ubi suprà n. 466.* Illsung *cit. n. 282.*

Quæres 6to, quomodo ab hoc onere excuset cessio bonorum, & ingressus in Religionem?


334. R. ad primum. Cessio bonorum excusat tunc, quando debitor solvendo impar, & impotens; ex dispositione Juris Civilis omnia sua bona cedit Creditoribus suis, & relinquit inter ipsos secundum proportionem Geometricam debitorum dividenda. Esto autem talis favor cedenti bonis suis concessus sit ita, ut incarcerari, aut in carcere detineri non amplius possit, *L. 1. C. qui bonis cedere possint*, immò etiam de postea acquisitis non conveniri, nisi quantum commodè præstare potest, scilicet reservata sibi ac suis congrua, & moderata sustentatione, *L. 4. & 6. ff. de cessione bonorum*, nihilominus hujusmodi cessio in foro conscientie locum habere non potest, nisi debitor verè sit impotens. Ratio est: quia hic favor ideò duntaxat pro foro externo conceditur, eò quòd miserabilis debitor supponatur non esse potens solvendo omnibus quantum debet, ita, ut secus Respublica aut Princeps nunquam velint tollere Creditoribus Jus suum, vel debitorem ab onere liberare: ergo pro foro conscientie manet obligatus tantum, quantum potest; quam ob rem tam in foro externo, quàm interno compelli potest ad laborandum, & aquirendum, unde solvat, quantum

tum

tum conditio, ac status personæ permittit, veluti habetur *L. 4. de cession. bonor.* Iniquissima igitur praxis est eorum (ait rectè Sporer *cit. n. 95.*) qui cessuri bonis suis, priùs pretiosiora seponunt, & occultant. Laymann *lib. 3. tr. 2. c. 12. n. 5.* Herincx *l. cit. n. 141.*

¶ Jam ad 2dum. Ingressus in Religio-335:
nem eatenus solùm excusat, quatenus ingressurus supponitur hic, & nunc impotens ad satisfaciendum suis Creditoribus, nec intra tam exiguum temporis spatium, quale (teste Babenstuber *cit. a. 6. n. 32.*) hic reputatur biennium, vel ad summum triennium, acquisiturus suis laboribus, vel industriâ &c. unde solvat; cujus ratio redditur hæc; quia debitor non tenetur bona inferioris ordinis, quæ habet in re, restituere cum notabili suo damno in bonis altioris ordinis, secundùm *communissimam DD.* ergo multò minùs tenetur subire multò majus damnum (cujusmodi est neglectus vocationis, vel retardatio à Religione) propter hujusmodi bona, quæ tantùm habet in spe, & quidem valde remota, uti supponantur lucra illa aliquando obtinenda: ergo non tenetur (saltem quantum est de Jure naturæ) abstinere ab ingressu. Secùs per omnem modum dicendum foret, si intra tam breve temporis spatium quocunque demum modo honesto, & congruo

posset obtinere, unde satisfaciat suis Creditoribus, quia tunc procul dubio suadente æquitate naturali ad hoc adstringeretur. Atque hanc ob causam Sixtus V. in sua constitutione edita 1587. vetuit, eos admitti ad Religionem, qui ultra suas Facultates sunt obæratī debitis, eorūque professionem annullavit, etsi postea Clemens VIII. hanc constitutionem nonnihil fuerit moderatus, in tantum scilicet, quòd voluerit professionem talium validam quidem, non tamen licitam. Quin etiam fieri posset, ut talis invalidè profiteretur, in casu scilicet, quo Monasterium, seu etiam Religio expressè protestaretur, sed nolle acceptare, aut ratam habere Professionem Novitii debitis in sæculo relictis obæratī, prout fieri solet in nostra Provincia; quia tunc deficit consensus essentialiter requisitus ad professionem seu contractum Religionem inter, & Novitium profitentem initum, ac per consequens corrui professio, veluti sapienter advertit P. Herincx *cit. n. 136.* Videri etiam de hoc possunt Sanchez *l. 4. decalog. c. 19. d. n. 22.* Lessius *l. 2. c. 16. Dubit. 8. d. n. 76.* Illung *tr. 4. disp. 3. n. 275.*



§. II.

§. II.

Proponuntur, & breviter re-
solvuntur Casus practici de Causis
excusantibus ab onere Restitu-
tionis.

CASUS PRIMUS.

*Titius illustri stemmate natus, homo liberalis-
simus, vel verius loquendò, prodigalissimus,
hinc inde plurima contraxerat debita, tum pro-
pter luxum extraordinarium, quò sese ostentare
assueverat, tum etiam propter continua convivia,
& commessationes à Principe (ut dicere solemus)
factas, ad quæ Uxor Titii, utpote similium ama-
trix magna nimis, haud modicè fuit cooperata.
Contigit proin, ut Titius maturius, quàm crede-
batur, vitâ excederet, quò auditò Creditores il-
licò catervatim convenère Conjugem relictam, po-
stulantes satisfactionem pro debitis: sed quia hæc
& defuncto suo Marito nihil possidet præter copio-
sam prælem, & respectivè modicam bonorum tem-
poralium substantiam, hinc sciscitatur, an ex his
teneatur in conscientia satisfacere Creditoribus
pro debitis à suo Marito defuncto relictis, &
contractis: quid respondebit Confessarius?*

R. Equidem per se loquendo obliganda foret ad solvendum Creditoribus de illis bonis à Coniuge defuncto relictis; hoc enim suadet æquitas naturalis, prout de se

Y s

cuius

cuius facile apparebit; nihilominus, cum supponatur habere proles multas, bonorum verò temporalium exiguam substantiam; hinc procul dubio eam indigebit ad suam, suarumque prolium sustentationem, ac per consequens deobligatur ab onere restitutionis saltem in tantum, ut interea, quousque ad pinguiorum fortunam redierit, possit eam tutam conscientia differre, nisi Creditores, vel aliquis eorum in pari necessitate versaretur. Ratio est: quia secundum mox dicta n. 325. impotentia moralis præbet iustam causam differendi restitutionem: atqui moraliter loquendo, considerato præsertim statu nobilitatis, in quo Titia est constituta, multiplicatione prolium, & similibus circumstantiis, censetur moraliter impossibile, ut de bonis à Marito relictis aliquid tribuat Creditoribus: ergo. Et hac de causa jura permittunt Uxori de bonis mariti (postpositis etiam Creditoribus) retinere sibi necessaria ad sustentationem; nam alimentatio Uxoris, & prolium est privilegiata ante reliquos Creditores, & sicuti talis necessitas debitorem excusabat, ita & hæredes excusat à restitutione saltem differenda. Vide la Croix l. 3. p. 2. n. 432.

337. Dixi tamen: *Nisi Creditores, vel aliquis eorum in pari necessitate versentur.* Ratio hujus limitationis est: quia tunc creditor posset esse rationabiliter invitatus, quandoquidem

dem æquitati minimè consentaneum videatur, ut ex re alteri debita quis suas necessitates sublevet cum pari necessitate (non extrema) alterius; idque vel maximè tenendum tunc, quando debitor per nimum luxum, vel prodigalitatem dedit causam suæ necessitati gravi, veluti communiter satis advertunt Doctores, uti Laymann, Lessius, Dicastillo *disp. 10. n. 30.* Illung *tr. 4. disp. 3. n. 248.* La Croix *cit. n. 430.*

At quid, inquires, si talis vidua nobilis habeat bona sibi propria v. g. paraphernalia &c. tenebitur ne ex his satisfacere Creditoribus?

R. Non tenetur, nisi absolutè se obligasset ad satisfaciendum Creditoribus illis. Ratio est: quia si teneretur, tunc vi contractus: at, ubi deficit consensus, ibi corruit contractus: ergo si talis vidua nunquam se obligavit absolutè ad solvendum, & satisfaciendum Creditoribus, debet absolvi ab hoc onere: Et licet Maritus supponatur sese obligasse ad præstandam satisfactionem, non tamen potuit se obligare ad satisfaciendum de bonis alienis (cujusmodi erant illa bona relictæ viduæ nobili propria) sed tantùm ad satisfaciendum de bonis sibi propriis; de quibus cum parùm, vel respectivè nihil reliquerit, hinc & uxor ad nihil obligari potest. Quin immò sine uxoris consensu Maritus ne quidem de bonis

bonis sibi, & uxori communibus pro libitu suo disponere valet, utputa alienando ea, vel donando donatione excessiva: esto enim Jura Marito permittant potestatem administrandi bona communia, eam tamen limitant ita, ut non possit hoc cum gravi præjudicio Uxoris, veluti pluribus allegatis ostendit Sanchez *in Concil. lib. 1. c. 6. dubit. 7. n. 7. & 8.* Idipsum docent Laymann *l. 3. tr. 4. c. 13.* Gobat *Quin. tr. 5. c. 24. n. 4. & seqq.* Reiffenstuel *Theol. Mor. tr. 7. disp. 4. n. 18.*

Dices tamen adhuc: in hoc casu nostro refertur, Titiam non modicè fuisse cooperatam ad consumptionem, & sine dubio etiam ad illa debita contrahenda: ergo naturali Jure videtur obligata ad solvendum, & satisfaciendum Creditoribus etiam de bonis sibi propriis.

339. & Ob hanc rationem, utique minimè spernendam, attendendum esse à Confessario, an Titia ad hujusmodi consumptionem, & debitorum contractionem bonâ, vel verò malâ fide fuerit cooperata, vel non? si bonâ, utputa quia nihil scivit de debitis in tanto numero à Marito contractis, vel tametsi sciverit, tamen credidit, fore, ut tempore congruo is possit solvere &c. dicendum, quòd pro foro interno ad nihil teneatur. Ratio est: quia de rebus illis alienis nihil supponitur amplius possi-

possidere, nec inde evasit ditior: at, qui bona fide rem alienam consumit, ita ut inde non evadat ditior, propterea nihil tenetur restituere, uti suprà *C. 2. n. 31.* diximus: ergo. Quin immò, tametsi Titia prævídisset, fore, ut Maritus de bonis sibi communibus nunquam ampliùs satisfacere queat; si tamen per illam non stetit, quò minùs debita illa contraherentur, potuit adhuc tutà conscientia, & sine onere ea solvendi ex propriis, acceptare alimenta, & alia sibi necessaria, quippe ad quæ sibi ministranda Maritus fuit obligatus. *L. si cum dotem. §. Sin autem ff. soluto Matrimonio.* At verò, si mala fide fuisset cooperata, ut puta suadens, vel etiam inducens Maritum suum ad nimium luxum, & ad debita contrahenda, esto prævídedit eum fore imparem ad solvendum ex bonis suis, vel etiam communibus sibi, & ipsi, procul dubio Titia teneretur solvere, Creditoribus ex bonis sibi propriis. Ratio est: quia hòc modo fuisset cooperata ad injustum damnum Creditoribus inferendum: atqui omnis injustè cooperans ad damnum alterius, tenetur illud omni modo moraliter possibili resarcire: juxta dicta superiùs *C. 4. n. 94.* Idipsum à fortiori dicendum foret, si Titia proprio suo nomine, & auctoritate illa debita contraxisset. Videatur de hoc la Croix *l. 3. p. 2. n. 381. & 387.*

CA.

CASUS SECUNDUS.

SEmpronius juvenis videbatur sibi nimis coarctatus sub disciplina, & serula sui tutoris, vel potius Curatoris, unde ab eo petiit, & obtinuit licentiam aliud proficiscendi, & (ut dicunt) suam fortunam quarendi: quia verò, ut alter filius prodigus pecuniam omnem, & magnam Patrimonii sui substantiam à Curatore identidem sibi submissam malè dilapidavit, hinc idem Curator rei tandem gnarus, eidem omne subsidium pecuniarium denegavit: quò factum est, ut dictus juvenis in varias infirmitates, calamitates, & miseras inciderit. Jam quatit idem Curator, an hætenus tutâ conscientia potuerit Sempronio denegare pecunias eidem vi Patrimonii debitas. 2. An non ex suis teneatur compensare damna illa, quæ Sempronius defectu pecunia sibi non subministrata incurrit?

340. R. ad primum. Curator tutâ conscientia potuit, & deinceps etiam poterit Sempronio negare subsidia saltem non necessaria, seu illa, quæ prævidit malè dissipanda &c. Ratio est: quia quivis Curator, & Tutor nedum ex Charitate, sed etiam specialiter ex virtute pietatis tenetur gerere curam clientis sibi commissi, ejusdemque negotium utiliter gerere, pro possibili avertendo damna nedum corporis, sed etiam animæ l. de Tutoribus ff. de administr. & periculo Tutor. atqui hoc meliori modo fieri non potuit in nostro

nostro casu, quàm Sempronio subtrahendô subsidia pecuniaria non necessaria: ergo, Accedit, quòd secundùm dicta *n. 329.* nemo teneatur ad restitutionem rei alienæ, quando Dominus illâ vult abuti; quia hic in his circumstantiis irrationabiliter prætenderet restitutionem, & hîc ipso non habet Jus proximum ad repetendam rem suam: ergò à fortiori curator, vel tutor obligatur non subministrare ea, quibus cliens sibi commissus abuteretur ad propriam perniciem. Vide Lugo *disp. 21. n. 26.* Illsungen *tr. 4. disp. 3. n. 256.*

R. jam ad 2dum. Si miseriæ, calamitates, 341.
& damna Sempronio secuta ex subtractione subsidii pecuniarij fuere minora, quàm dissipatio Patrimonii, vel etiam pericula animæ ab eo incurrenda fuerint, tutor, seu etiam curator ad nullam prorsus restitutionem, seu etiam damnorum compensationem obligari potest. Ratio est: quia ex hac suppositione non peccavit contra Justitiam, quin potius negotium sui clientis utiliter, ac laudabiliter gessit, veluti cuius rem ponderanti facile patebit. Quin, etiamsi damna illa fuissent majora, si tamen à curatore non prævisa, vel ex subtractione subsidii necessarij non per se, sed merè per accidens subsecuta, hic ad nullam prorsus restitutionem à Confessario obligari potest, aut debet: quandoquidem nullam intulerit injuriam
for-

formalem suo clienti, veluti post Molinam rectè tenent Lugo *cit.* n. 31. & la Croix l. 3. p. 2. n. 426. & seqq.

CASUS TERTIUS.

CAjus satetur se tempore Studiorum suorum multa contraxisse debita, è quibus principaliter enumerat sequentia 1. à quodam successivè creditò accepit 100. florenos. 2. alteri per furtam minuta successivè clepsit circiter 100. 3. diversis in popinistum pro vino, tum pro aliis etiam victualibus debet circiter 70. florenos. 4. denique ait, se cuidam puella promississe Matrimonium. Quia tamen his non obstantibus putat se vehementer incitari ad statum Religiosum: hinc dubitando quarit, an possit, vel debeat sequi hunc instinctum internum, non solutis Creditoribus, an verò potius teneatur remanere in saeculo, & sua talenta (quibus à Deo insigniter erat ornatus) eò applicare, ut dictis Creditoribus faciat satis. Quid respondebit Confessarius?

342. & Spectato præcisè Jure naturæ videtur satis probabile, Cajum tutâ conscientia posse amplecti statum Religiosum, ad quem se vocatum existimat. Ratio est: quia videtur moraliter impossibile, ut sine detrimento vocationis, & neglectu statûs Religiosi possit satisfacere Creditoribus suis; cum enim aliunde supponatur pauper, & inops, non apparet verosimile: quòd remanendo in saeculo suis laboribus, industria

stria ac ingenio possit lucrari tantum, quantum sibi præter sustentationem propriam, & alia, sufficeret ad expungenda debita: & certè si id aliquando sperare liceret, fieri non poterit, nisi post sat longum temporis tractum, quò Cajus jam evaderet impotens, vel potius ineptus ad statum suæ vocationis exequendum, utique non sine periculo salutis, & magno detrimento in bonis animæ: at, qui sine notabiliter graviori suo detrimento, & præsertim sine periculo animæ nequit solvere debitoribus, ille probabilissimè deobligatur ab hoc onere, ita, ut tutâ conscientia possit amplecti statum Religiosum; veluti satis communiter tenent Doctores, nominatim S. Thomas 2. 2. q. 89. art. 6. ad 3. Sanchez in decalog. l. 4. c. 19. n. 7. Illsung tr. 4. disp. 3. n. 272. & alii plures ab his relati: ergo spectato Jure naturæ Cajus licitè amplecteretur statum Religiosum.

Dixi tamen: *spectato Jure natura*; nam ³⁴³ Jure positivo per Constitutiones Sixti V. & Clementis VIII. mox supra n. 335. allegatas, sub gravissimis pœnis Ecclesiasticis cavetur, ne illi, qui ingenti ære alieno gravati sunt (inter quos meritò recenseri potest Cajus noster) statum Religiosum amplectantur, aut ad hunc acceptentur, si ab ipsis in sæculo remanentibus sperari possit solutio: at, à Cajo, utpote maximè talen-

R. P. Elbel, de Restit.

Z

tato

tato videtur posse sperari, si remaneat in sæculo: ergo vi Juris positivi ad hoc probabilius tenetur. Idcirco à Confessario (nisi is prævidet majora damna, & animæ pericula certò certius à Cajo subeunda) huic potiùs dissuadendum, quàm consulendum arbitror statum Religiosum, eò potissimùm, quòd Religio ipsa non parùm diffamari soleat ex receptione talium, qui ingenti ære gravati, potiùs animò evadendi hoc onus, quam verè poenitendi arguuntur amplecti statum Religiosum, non sine scandalo, immò & præjudicio aliorum, scilicet Creditorum; præsertim si jam priùs in sæculo cuipiam sese obligarunt in ordine ad contrahendum Matrimonium: qui propterea vi statutorum nostrorum à nostra Religione Seraphica specialiter arceri, & excludi debent, & solent.

Dices. Qui defloravit Virginem sub spe Matrimonii, ne quidem de Jure naturæ licitè amplecteretur statum Religiosum, sed potiùs tenetur stare promissis suis, ducendo defloratam: ergo similiter is, qui præter promissionem Matrimonii puellæ factam tot ac tanta contraxit debita: ergo Cajus nequidem de Jure naturæ licitè amplecteretur statum Religiosum.

344. R. negando paritatem; nam deflorator saltem implicitè promittit abstinere à statu Religioso, quandoquidem sub spe, & one-

onere Matrimonii tantum usus corporis à puella supponatur concessus, & acceptatus à defloratore: è contra Cajus noster non promisit solvere suis Creditoribus postposita Religione; quòd, si expressè promississet, etiam ipse teneretur ab ingressu; usque dum satisfecisset Creditoribus, uti rectè tradunt Sanchez *de Matr. lib. 1. disp. 44. n. 38.* Lugo *disp. 21. n. 67.* Illung *cit. n. 279.* & la Croix *lib. 3. p. 2. n. 442.*

At quid, si talis Studiosus jamjam ingressus, & professus Religionem, aliquid lucretur, aut lucrifacere possit, tenebiturne propterea laborare, ut inde possit satisfacere suis Creditoribus?

℞. Probabiliter tenetur, quantum est ex 345.
sua parte, labore, & operà suo statui præfenti conveniente conari, ut satisfaciat Creditoribus: Ita contra S. Antoninum, Ariagam, & alios nonnullos tenent Navarrus, Medina, Lugo *cit. n. 80.* & plures. Ratio est; quia ingressus in Religionem non liberat aliter à solutione debitorum, quàm quatenus impedit modum, & potestatem solvendi: ergo in casu, quò non impedit, non magis liberat, quàm status Ecclesiasticus: ergo si convenienter possit, tenetur talis Religiosus laborare laboritio congruo, ut possit satisfacere Creditoribus suis. Rectè tamen præter alios docet la
Z 2 Croix

Croix *mox cit. n. 449. & 450.* talem Religiosum excusari ab hoc onere procurandi suo labore solutionem, si Prælatus ei neget licentiam laborandi; quia cùm Professus sit, tenetur obedire suo Prælato. Et quia Prælatus nihil debet Creditoribus; hinc etiam ex Justitia non tenetur dare licentiam laborandi suo subdito; esto saltem ex Charitate videatur esse obligatus ad dandam hanc licentiam, si nihil inconueniens inde sit timendum. Sapienter tamen faceret Confessarius obligando hujuscemodi Professum, ut, sin minus temporaliter possit, saltem spiritualiter conetur satisfacere suis Creditoribus, utputa orando, vel etiam Sacrificia Missæ offerendo, quatenus Clementissimus DEUS largiori sua benedictione velit ipsis compensare, id, quod Religiosus Professus hic, & nunc non amplius potest, nam hæc videtur rationabiliter præsumpta voluntas Creditorum, quippe qui sine dubio desiderabunt hõc modo sibi satisfieri à tali Religioso.

§. III.

Corollaria ex dictis inferenda.

346. **C**OLLIGES ex dictis primò, non peccare debitorem differendo restitutionem in tempus opportunius, vel etiam restituendo successivè per partes, si secus deberet ex-
cidere

cidere statu suo *justè adepto*, utputa si persona illustris ad civilem, civilis ad plebejam, ingenua ad servilem conditionem deberet devolvì. Ita cum communi Herincx, Sporer, Mastrius, Lessius *l. 2. c. 16. dubit. 1. n. 25. Illsung n. 246.* Ratio est: quia in his circumstantiis creditor ob neglectam, vel etiam dilatam restitutionem nequit esse rationabiliter invitus, veluti jam dictum fuit *suprà n. 325. & 326.*

Dictum tamen fuit: si propterea deberet excidere statu suo *justè adepto*; Etenim si talis supponatur ad hujusmodi statum injustè, utpote furtis, fraudibus, rapinis &c. effectus, neutiquam excusandus est à restitutione illico facienda, esto cum periculo excidendi hoc statu: quia talis non censetur excidere statu suo, sed potius alieno, sibi prorsus indebito, & redire ad proprium: posset nihilominus juxta Lessium *cit. n. 29.* & alios, adhuc retinere ea, quæ hominibus suæ conditionis sunt necessaria ad tenuem victum, & vestitum. Porro si debitor ob restitutionem solum deberet diminuerè statum suum etiam *justè acquisitum*, utputa pauciores famulos alendo, & conducendo, parcius victitando, vilius se vestiendo, equorum numerum diminuendo &c. non est excusandus ab onere restitutionis. Ratio est: quia hōc modo non excideret suo statu: ergo creditores ratio-

nabiliter postulant sibi satisfieri, esto non sine gravi incommodo debitoris. Videatur P. Mezger *tom. 3. tr. 12. disp. 35. a. 1. n. 7.*

348. Colliges 2dò, neminem adstringi posse in foro conscientiz (quidquid sit de foro externo, & pœnali, seu vindicativo) ad restituendum bona inferioris ordinis cum notabili detrimento in bonis altioris ordinis. Communis apud Laymann *l. 3. tr. 2. c. 12. n. 2.* & Illsung *tr. 4. disp. 3. n. 252.* Ratio est eadem, quæ mox fuit data: quia scilicet Dominus non potest rationabiliter prætere restitutum sibi faciendam cum notabili damno debitoris in bonis altioris ordinis; nam Charitas proximi, & æquitas naturalis suadent contrarium. Quocirca breviter iuvabit animadvertere, à Doctoribus triplex bonorum genus distingui, scilicet 1. infimum, 2. medium, & 3. supremum. De infimo ordine reputantur bona fortunæ, utputa pecunia, vinum, frumentum, agri, animalia &c. De medio, bonum honoris, ac famæ, denique in supremo ordine habentur bonum vitæ, membrorum, sanitas, libertas, virginitas, & similia; unde sequitur, bona fortunæ non esse compensanda cum notabili detrimento in bono famæ, aut vitæ &c. Babenstuber *tr. 7. disp. 4. art. 6. n. 11.*

349. Colliges 3iò, constitutum in extrema necessitate non teneri ad restitutionem, tametsi

meti creditor pariter versaretur in extrema necessitate, vel periculo hanc incidendi. Ratio est: quia in extrema necessitate omnia bona reputantur communia, ideoque sunt primò occupantis: at, primò occupans tunc est ille, qui actualiter eadem possidet; cui etiam in tali casu Charitas suadet, ut sibi potius, quàm alteri consulat, & Dominus, vel potius creditor in hoc casu non amplius esset rationabiliter invitatus. Ita cum aliis tenent Salmanticenses tom. 3. tr. 13. c. 1. n. 272. Sayrus, Bonacina, & Mezger apud Babenstuber *mor. cit.* n. 5.

Colliges 4^{to}, nedum extremam, sed 350. etiam verè gravem necessitatem excusare ab onere restitutionis, & quidem in perpetuum, si talis necessitas supponatur perpetuò duratura. Ita Illung *ubi supra* n. 249. Lugo tom. 1. disp. 21. sect. 1. n. 20. Ratio hujus est: quia manente causa manet effectus ab ea dependens; atqui justa causa differendi restitutionem est nedum extrema, sed etiam verè gravis necessitas: ergo quemadmodum hæc modicè vel ad tempus durans, excusat ad illud tempus; ita pariter si duret in perpetuum, debet in perpetuum excusare.

Excipiendum tamen, & limitandum hoc 351. est: *Nisi creditor pariter ob dilationem, vel neglectum restitutionis devolveretur ad similem verè gravem necessitatem.* Ratio hujus limi-

tationis est: quia tunc debet esse melior conditio ipsius Domini creditoris, qui proin esset meritò invitus ob negatam sibi restitutionem, idque præsertim dicendum, quando restitutio debita est ex delicto; quia iniquum videtur, ut debitor ex sua injuria reportet commodum contra innocentem pari necessitate gravatum. Lessius, Molina, Dicastillo *disp. 10. n. 30.* & alii plures, quos sequitur la Croix *l. 3. p. 2. n. 430.*

Dices tamen contra hoc. Debitor constitutus in extrema necessitate non tenetur restituere, tametsi creditor similiter versaretur in necessitate extrema, veluti paulò antediximus: ergo similiter constitutus in verè gravi necessitate deobligandus est, etsi creditor versetur in pari necessitate.

352. R. negando consequentiam, & paritatem; nam extrema necessitas facit res communes, & tribuit primò occupanti dominium, ut dictum est *n. 349.* at hoc non facit necessitas gravis duntaxat. Ex quo consequens est, creditorem in pari necessitate verè gravi constitutum posse esse rationabiliter invitum, non item constitutum in extrema necessitate: & quemadmodum in casu, quò creditor defectu restitutionis deberet excidere suo statu, tenetur debitor restituere, esto is propterea incideret idem damnum; ita profectò si creditor pariter ver-

versetur in verè gravi necessitate, cogendus est debitor ad satisfaciendum, non obstante aquali periculo, vel necessitate gravi.

Colliges 5to, damnum ex dilatione re 353.
stitutionis quantumvis justè facta, esse compensandum creditori, si is aliquod passus fuerit. Ratio est, quia gratia debitori facta à creditore in hujus præjudicium cedere non debet. Et certè foret conditio iniqua, si debitor obtenta in suum commodum dilatione restitutionis, nollet in se suscipere onus refarciendi damna creditori inde provenientia: profectò nullus etiam creditor facile consentiret in hujusmodi dilationem cum damno proprio: ergo cum debitor sentiat commodum ex dilatione, congruum omnino videtur, ut portet, & onus, scilicet recompensandi damna suo creditori fortè emerita. Ita Laymann l. 3. tr. 2. c. 12. n. 2. Mezger ubi suprà n. 8. Babenstuber l. cit. n. 13.

Colliges denique 6to, etiam remissio-354.
nem præsumptam posse excusare ab onere restitutionis, uti ex communi DD. tradunt Lugo tom. 1. disp. 21. sect. 4. n. 52. & Bonacina de restitutione disp. 1. q. ult. punct. 2. n. 8. Ratio patet ex hætenus dictis; quotiescunque enim Dominus non est invitus, ut sua res ab alio detineatur, toties debitor ab onere satisfactionis liberatur; quia tunc Dominus quodammodo cedit Juri suo:

Z §

at;

at, ubi adest remissio rationabiliter (ut supponimus) præsumpta, ibi Dominus non est invitus, immò supponitur cessisse Juri suo, ut de se liquet: ergo debitor excusatur ab onere restitutionis. Cæterum tunc censetur intervenire remissio præsumpta rationabiliter, quando debitor ex circumstantiis prudenter credere potest, creditorem non esse invitum, quòd res sua ab alio detineatur. Et hanc ob causam sæpè sæpiùs à restitutione excusari possunt filii-familias, & alii domestici, qui, licet peccaverint, aliquid suis Parentibus, aut Dominis subtrahendo, non tamen peccant non restituendo, quotiescunque perpensis omnibus circumstantiis prudenter præsumere, & credere possunt, eos nec esse, nec fuisse invitos saltem quoad substantiam rei acceptæ, esto modus accipiendi sine licentia eisdem displicere noscatur.



Index



Index Alphabeticus Re- rum, seu Materiarum in hoc Opusculo contentarum.

NB. Littera C. Conferentiam; *n. cum cifra*
numerum marginalem denotat.

A.

Adulter, an, vel qualiter teneatur ad restitu-
tionem? C. 8. n. 213.

Advocatus causam sui clientis non satis defendens,
ad quid teneatur? C. 4. n. 103. & seqq.

Anima, an tamdiu in purgatorio detineantur,
quamdiu non fit restitutio debitorum ab ipsis
in hoc saeculo contractorum? C. 1. n. 26. & 27.

Auctoritas Superioris, an, vel quomodo excuset
ab onere restitutionis? C. 12. n. 333.

Aurifaber non indicans pretium rei ignoranti,
proptereaue viliori emens, an ad restitutio-
nem obligetur? C. 6. n. 179.

B.

Beneficium Ecclesiasticum minus digno confe-
rens, an teneatur ad restitutionem? C. 1. n. 29.
à bc.

Index Alphabeticus Rerum, seu Materialium

à beneficio Ecclesiastico aliquem impediens, ad quid teneatur? C. 4. n. 110. & seqq.

Bona spiritualia animæ, quæ? C. 7. n. 180. An, vel quomodo teneatur ad restitutionem, qui alium in his bonis spiritualibus damnificavit? ibidem n. 181. Ad quid teneatur, qui alium induxit in errorem, vel in peccatum? ibid. n. 182. & seqq. Bonorum triplex genus recensetur, & an bona inferioris ordinis restituenda sint cum detrimento in bonis altioris ordinis? C. 12. n. 348.

C.

Calumnia, & contumelia quid sint? C. 9. n. 234.

Candidatum, vel Novitium avertens à Religione, quomodo peccet, & an teneatur ad aliquam satisfactionem? C. 7. n. 188. & 189. Quomodo delinquat, qui eidem negat suffragium ad Professionem? ibid. n. 203. & seqq.

Caupo minori pretio quàm alii victualia vendens, an teneatur ad aliquam restitutionem? C. 4. n. 99. & seqq. Quid si cerevisiam praxet meliorem, quàm alii? ibid. n. 102. Caupo recipiens fures ad hospitium, eos abscondens, ne capiantur, an delinquat, & ad quid teneatur? C. 5. n. 138. Quid si recipiat filios-familias dilapidantes bona suorum Parentum? ibid. n. 141.

Causa excusantes à restitutione sæpè sæpius occurrere solent. C. 2. n. 29. Causæ cooperantes ad injustam damnificationem recensentur novem. C. 5. n. 117. Explicantur breviter singulæ.

gulæ. *ibid.* n. 118. & seqq. Causa partialis, & totalis, quæ cenleatur, & quænam inter utramque differentia in ordine ad restitutionem? C. 5. n. 148. Causæ excusantes à restitutione famæ, quæ? C. 9. n. 240. Causæ universim excusantes à restitutione vel differenda, vel omnino intermittenda explicantur breviter. C. 12. à n. 324.

Cessio bonorum, an, vel quomodo excuset à restitutione? C. 12. n. 334.

Circumstantia restitutionis, quot, & quæ? C. 11. à n. 292.

Compensatio debiti, an, vel quomodo excuset ab onere restitutionis? C. 12. n. 332.

Confessarius quomodo habeat procedere cum possessore malæ fidei? C. 3. n. 91. Quomodo cum injusto damnificatore? C. 4. n. 109.

Confessarius advertens se malè consuluisse, ad quid teneatur? C. 6. n. 176. Quomodo Confessario procedendum cum homicida? C. 8. n. 226. Quomodo cum injusto diffamatore?

C. 9. n. 260. Quomodo cum pœnitente, qui pluries admonitus non restituit, & vult semper differre restitutionem? C. 11. n. 319. & seqq.

Consulens injustam damnificationem, an sit obligatus ad restituendum? C. 5. n. 119. item n. 135. & seqq. Quid si Consilium suum revocavit? *ibid.* n. 143. An, vel quando volenti committere malum majus, liceat consulere, & suadere minus? C. 5. n. 144. Malè consulens, an teneatur ad restitutionem, si debuisse

Index Alphabeticus Rerum, seu Materialium

buiſſet vi officii bene conſulere? C. 6. n. 175.
Conſulens juxta Sententiam probabilem, an
propterea teneatur ad aliquam reſtitutionem?
ibid. n. 178. Conſulens puellæ à ſe impræ-
gnatæ, ut alium nominaret Patrem proliſ, ad
quid teneatur? C. 11. n. 303. Quid in hoc
caſu puellæ alium dictitanti incumbat? ibid.
n. 305. An poſſit tutâ conſcientia ab illo no-
minato acceptare alimenta ſuæ proliſ? C. 11.
n. 306.

Contractus quid ſit? C. 6. n. 149. Et quid quaſi
contractus? ibid. n. 150. Quænam inde oria-
tur obligatio reſtituendi? ibid. n. 151. Quid
ſi res ex contractu alteri debita caſu, vel cul-
pâ pereat? C. 6. n. 152. item n. 168. & ſeqq.
An quis teneatur in communi periculo rem
alteri debitam ex contractu præferre rebus
ſibi propriis? ibid. n. 158. Quô loco res ex
contractu debita ſit reſtituenda? C. 6. n. 156.
Vendens equum cœcum pro vidente, an te-
neatur ad aliquam compensationem? ibid.
n. 160.

Cooperantes ad injuſtam damnificationem, quô
ordine teneantur ad reſtitutionem? C. 5.
n. 128.

Culpa alia dicitur Theologica, alia Civilis, ſeu
etiam Politica duntaxat. C. 3. n. 62. Ex qua
culpa tum in interno, tum etiam in foro ex-
terno oriatur obligatio reſtitutionis? ibid.
n. 63. & 64. An culpa venialis ſufficiat ad con-
trahendam gravem obligationem reſtituendi?

C. 3.

C. 3. n. 65. & 66. item n. 88. & 89. Quid de damnificante cum ignorantia? C. 3. n. 86. Et quid de eo, qui scienter quidem damnificavit, ignoravit tamen omnimodam gravitatem damni? ibid. n. 90. Quid si operi illicito quidem vacans, studuit tamen pro possibili avertere damnum proximi? C. 3. n. 87. Qualis culpa debeat præcedere, ut injustè damnificans possit justè condemnari ad satisfactionem? C. 4. n. 95.

D.

Damnificatio injusta quid? C. 4. n. 92. Quotupliciter fieri nata sit? ibi n. 93. Quantum teneatur restituere injustus damnificator? ib. n. 94. Qualis debeat præcedere culpa? ibid. n. 95. Quid de damnificante ignoranter, vel etiam scienter? C. 3. n. 86. 87. & 90. Damnum inferens, quod prævidet alteri imputandum, ad quid teneatur? C. 4. n. 98. Damnificantes ex communi Consilio, an teneantur ad aliquam restitutionem? C. 5. n. 132. & seqq. Dubitans an effectivè damnificaverit, ad quid teneatur? ibidem n. 145. & 146. Damnum à debitore incurrendum, an, vel quomodo excuset ab onere restitutionis? C. 12. n. 329. item n. 342. & 346. Damna ex dilatione restitutionis creditori secuta, à quo compensanda sint? C. 12. n. 337. & 353.

Debita Privilegiata, quæ sint? & qualis ordo sit servandus inter debita solvenda? C. 5. n. 130. & 131.

Index Alphabeticus Rerum, seu Materialium

& 131. Debita alia certa, alia dicuntur incerta. C. 11. n. 293. Cuinam singula sint restituenda, seu etiam solvenda? ibid. n. 294, 295. & seqq.

Defraudans gabellas, an teneatur ad earum restitutionem? C. 1. n. 10.

Detentio iniusta rei alienæ, quale sit peccatum? C. 1. n. 25. Detentor an teneatur alteri de damno inde secuto? C. 12. n. 337. & 353.

Detractio quid, & quoduplex? C. 9. n. 235, & 236. Detractor, quomodo peccet? ibid. n. 241. Quomodo teneatur ad restitutionem famæ, & aliorum damnorum? ibidem. Quid si dubi et, an detrahendo intulerit alteri damnum? C. 9. n. 242.

Diffamans proximum injustè quomodo peccet, & ad quid obligetur? C. 9. n. 247. & seqq. An, vel quando liceat proximum diffamare? ibid. n. 251. An injustus diffamator teneatur revocare sua dicta præsertim apud audientes, mediatos etiam? C. 9. n. 256. & 257. Spargens, puellam non à se, sed ab alio fuisse imprægnatam, ad quid teneatur? C. 11. n. 303.

Dubitans rationabiliter de damno à se illato v. g. per suffragium injustum, an teneatur ad aliquam restitutionem? C. 5. n. 145. & 146.

Ad *Duellum* provocatus, an teneatur ad aliquam restitutionem, si occidat provocantem? C. 8. n. 217. & 218. Quid, si duellando excessit modum defensionis inculpatæ tutelæ? ibid. n. 219.

E. Er.

E.

Error alius potest esse practicus, alius speculativus duntaxat. C. 7. n. 182. Quomodo peccet, & an teneatur ad restitutionem, qui alium inducit in errorem? ibid. n. 183.

Emere à militibus prædas, an sit licitum tempore belli? C. 2. n. 41. & seqq. Emens rem furtivam bona fide, & rursus eam vendens, an postea ad restitutionem sit obligandus? C. 2. n. 47. Famula emens rem minori pretio, an residuum sibi possit reservare? C. 3. n. 82. & seqq.

F.

Fama, & honor, quid? & quomodo inter se differant? C. 9. n. 231. Fama quomodo lædi possit, & soleat? ibid. n. 232. & seqq. Quomodo fama sit restituenda? C. 9. n. 237. Diffamans ex inconsideratione duntaxat, an sit obligandus ad restitutionem famæ? ibi. n. 243. Diffamans puellam imprægnatam an teneatur revocare sua dicta? C. 9. n. 255. item C. 11. n. 302. Famam lædens, an etiam apud audientes mediatos teneatur revocare sua dicta? C. 9. n. 256. Fama an mortuis etiam sit restituenda? ibidem n. 258.

Famulus an licitè ultrà salarium sibi constitutum aliquid subtrahat suo Domino? C. 3. n. 71. & seqq. Famula minori pretio res pro culina necessarias comparans, an residuum possit

R. P. Elbel, de Restit.

A a

sibi

Index Alphabeticus Rerum, seu Materialium

sibi reservare, vel cui illud restituendum?
C. 3. n. 82.

Feripeta jaculando feras, an peccent, & an teneantur ad restitutionem? C. 1. n. 14. & 16.
an multam sibi impositam à Judice, postea possint compensare? ibid. n. 15. Feras jam actu inclusas petendo graviter peccant cum onere restitutionis. ibid. n. 17. *Et quid* si feripeta dicat, se à tali fera fuisse continuo molestatum, & damnificatum? C. 1. n. 18.

Filius-familias subdolè impediens Parentem suum à Testamento condendo, ad quid teneatur? C. 4. n. 106. An Parentibus subtrahendo peccent filii, aut filiae, & an teneantur ad restitutionem? C. 10. n. 276. & seqq.

Fornicator ad quid teneatur? C. 8. n. 212. Quid si is vera, vel etiam ficta promissione Matrimonii à puella obtinuit usum corporis? C. 8. n. 230. Quid si postea sparsit, puellam ab alio fuisse imprægnatam? C. 11. n. 302.

Fraudulenter impediens aliquem à consecutione alicujus boni, an fiat propterea obnoxius restitutioni? C. 4. n. 96. item ibidem n. 106. Fraudulenter inducens alium in errorem vel peccatum, ad quid teneatur? C. 7. n. 182, item n. 194. & seqq.

Fructus rerum diversi assignantur. C. 2. n. 33. An ex re aliena percepti debeant restitui? n. 34. Quid si jam sint consumpti, vel etiam præscripti? ibid. n. 51. 52. & seqq. Possessor malæ fidei,

fidei, quosnam fructus teneatur restituere?

C. 3. n. 67. & 68.

Furtiva res, an licitè reddatur furi ad recuperandum pretium? C. 2. n. 38. & 58. Per furta minuta successivè inferens grave damnum, an sub gravi culpa illud teneatur resarcire? C. 3. n. 66. Fur Domesticus, subtrahens aliquid ultra suum salarium, an peccet, & teneatur ad restitutionem? ibid. n. 71. & sequent. Auferens equum alienum, ad quid teneatur, præsertim si interea periit? C. 3. n. 77. Quid si dubitetur, an non apud Dominum remanens, similiter periisset, vel, an Dominus illum reservasset &c.? n. 78. & seqq. Fures recipiens ad hospitium suum, an teneatur ad aliquam compensationem? C. 5. n. 138. Quid si eos abscondat, ne capiantur à ministris Justitiæ? ibidem n. 139. & seqq.

Furtum quid sit, & quale peccatum? C. 10. n. 262. furti materia quænam gravis, & quænam levis reputetur? ibid. n. 265. & 266. In necessitate gravi duntaxat, non licet furari. ibid. n. 268. item n. 282. & seqq. Quanta obligatio restitutionis furi incumbat? ibid. n. 272. In fure domestico ad mortaliter peccandum major requiritur quantitas, quàm in extraneo. C. 10. n. 280. item n. 290. Quid si fur rem alienam consumat in extrema necessitate? C. 10. n. 285. Quid si ex ablatione rei levis Domino emergat grave damnum? ibidem n. 288. Quid denique de Sartoribus sibi retin-

Index Alphabeticus Rerum, seu Materialium

inentibus fragmenta &c. residua panni &c. ?
C. 10. n. 289.

G.

Gabellas defraudans, vel ad earum defraudationem inducens, an sit condemnandus ad restitutionem? C. 1. n. 10. & 11. An gabellæ justè defraudari possint à subdito, cui Princeps aliquid debet? ibid. n. 12. Quid si Princeps eas alteri elocasse supponatur? C. 1. n. 13.

H.

Homicida, an, vel quomodo teneatur ad restitutionem? C. 8. n. 206. & seqq. An pro vita, vel membris? ibid. n. 208. An Uxori, vel prolibus defuncti? ibidem n. 210. item an Creditoribus, amicis, vel pauperibus, cui defunctus benefacere assuevit, teneatur compensare damnum? C. 8. n. 216. An vel pro ipsa animâ? n. 226. Quæ poenitentia homicidæ sit imponenda à Confessario? ibidem. Occidens in duello, an teneatur ad aliquam satisfactionem? C. 8. à n. 217.

Honor quid sit? C. 9. n. 231. Injustè læsus, quomodo reparari, & relarciri debeat? ibidem. n. 259.

I.

Ex Ignorantia concomitante damnum inferens, an contrahat obligationem restituendi? C. 3. n. 86. Quid si solum ignoravit omnimodam gravitatem damni? ibi. n. 90. Ignorantia quæ,
vel

vel quomodo excuset ab onere restitutionis?

C. 12. n. 328.

Impediens alium à consecutione beneficii, vel alterius boni, an, vel quando teneatur ad compensationem damni? C. 4. n. 96. & 97. item à n. 106. Quid si sine vi, vel fraude ex mero odio alium impediat? *ibid.* n. 108. Quid si Episcopum jam resolutum falsis criminationibus avertat, ne conferat beneficium alteri, sed potius sibi? *ibid.* n. 110. Quid de impediante opifices à lucro competente? n. 112. & seqq. An teneatur ad restitutionem aliquam, qui fraude, vel dolo impedit, ne reus à *Judice* capiatur, aut puniatur? C. 4. n. 116. Impediens aliquem ab assequenda arte, aut scientia, an peccet, vel teneatur ad restitutionem? C. 7. n. 99.

Impotentia an, vel quæ, & quomodo excuset à restitutione? C. 12. n. 325.

Inducens alium in errorem vel in peccatum, quomodo peccet, & ad quid teneatur? C. 7. n. 182. & 184. item n. 200. & 201. Inducens mulierem ad carnalia; & fraudulenter ad connubium, ad quid obligetur? *ibidem.* n. 197. & 198. Inducens puellam cum fraude, ut imprægnaretur, an teneatur ad aliquam compensationem damni? C. 7. n. 194. & seqq. Quid si inducat puellam, ut nominet alium Patrem prolis, qui revera non est talis? C. 11. n. 304.

Index Alphabeticus Rerum, seu Materialium

Ingressus in Religionem, an, vel quomodo excuset à restitutione? [C. 12. n. 335. item n. 342.](#) & seqq.

Interitus rei in individuo debitæ, an, vel quomodo excuset ab onere restitutionis? [C. 12. n. 330.](#)

Inventor rei alienæ, ad quid teneatur? [C. 11. n. 297.](#) Inveniens rem in superficie alieni fundi, vel soli, ad quid teneatur? [ibid. à n. 307.](#)

L.

Quo Loco res ex contractu, vel etiam ex delicto debita sit restituenda? [C. 6. n. 158. & 159.](#) item [C. 11. n. 298.](#)

M.

Mandans damnum injustum akeri inferendum, qualem contrahat obligationem? [C. 5. n. 118. & 132.](#) Quid, si revocasset suum mandatum? [ibid. n. 42.](#)

Non manifestans, quis dicatur? [C. 5. n. 126.](#)

Materia furti, quænam gravis censeatur, & quænam levis? [C. 10. n. 265. & seqq.](#)

Melioramenta facta à possessore bonæ fidei, an licitè subtrahantur, dum restituitur res aliena? [C. 2. n. 35.](#) An etiam possessori malæ fidei licitum sit ea subtrahere? [ibid. n. 39. item C. 3. n. 69.](#)

Mensura restituendi incumbens possessori bonæ fidei, quæ? [C. 2. n. 31.](#) Quanta mensura restitutionis-

tutionis incumbat possessori malæ fidei? C. 3.

n. 67. item C. 10. n. 272.

Mutilans aliquem membro corporis humani, an teneatur ad satisfactionem? C. 8. n. 208.

Mutuum negans, an teneatur resarcire damnum alteri propterea emersum? C. 1. n. 19. & 20.

Musus, quis censeatur? C. 5. n. 124.

N.

Necessitas alia dicitur extrema, alia gravis, & alia communis. C. 10. n. 271. Quænam ex his tribuat justam causam contrahendi rem alienam? ibid. n. 268. item n. 282. & seqq. An, vel quænam necessitas excuset ab onere restitutionis? C. 12. n. 326. & 327. item n. 337. & n. 349. ac seqq.

Novitium avertens à Religione, an peccet, vel teneatur ad aliquam restitutionem? C. 7. n. 188. Quomodo peccet, qui illi negat suffragium ad Professionem? ibid. n. 203. Quæ justæ sint causæ negandi suffragium Novitio? C. 7. n. 205.

O.

Non Obflans, quis dicatur? C. 5. n. 125.

P.

Palpo, quis censeatur? C. 5. n. 121.

Possessor bonæ fidei, quisnam sit censendus? C. 2. n. 30. Quando, vel quantum teneatur resti-

Index Alphabeticus Rerum, seu Materialium

tuere possessor bonæ fidei de re aliena? *ibid.*
n. 32. item quantum de fructibus rei alienæ?
ibid. *n.* 34. 35. item *n.* 50. & seqq. Quid si
incipiat dubitare, an res bona fide hætenus
possessa non sit aliena? C. 2. *n.* 37. item *n.* 59.
Post agnitionem veritatis tenetur rem alie-
nam illicò restituere. C. 2. *n.* 40. item *n.* 54.
Prædæ tempore belli Bavarici emptæ à mili-
tibus, an postea fuerint restituendæ Dominis
comparentibus? C. 2. *n.* 41. & 42. Quid si
vili duntaxat pretio fuissent emptæ, & qui-
dem animò, eas denuo reddendi pristino
Domino? C. 2. *n.* 43. Quid si milites injustè
rapuissent illa bona, vel etiam rapta hostibus
denuo ademissent? C. 2. *n.* 44. 45. & seqq.
Quid si possessor bonæ fidei rem alienam jam
consumpsisset, aut vendidisset alteri? *ibidem*
n. 47. & 48. item *n.* 56. Unde colligendum,
an possessor ex aliena re evaserit ditior, vel
non? *ibid.* *n.* 49. An possessor bonæ fidei pos-
sit tutâ conscientia subtrahere impendia, vel
melioramenta circa rem alienam facta? *ibid.*
n. 57. item an licitè possit rem furto ablatam
reddere furi ad recuperandum suum pretium?
C. 2. *n.* 38. & 58. Quid si rem alienam mo-
dò bona, modò autem mala fide possedisse
supponatur? C. 2. *n.* 60.

Possessor malæ fidei quis censeatur? C. 3. *n.* 61.

Ex qua culpa talis pro foro conscientie te-
neatur ad restitutionem? *ibid.* *n.* 62. & seqq.

Per furta minuta successive inferens grave
damnum,

damnum, an sub gravi culpa teneatur illud
resarcire? ibid. n. 66. Quantum possessor malæ
fidei restituere, aut compensare teneatur?
C. 3. n. 67. An etiam fructus non perceptos?
ibid. n. 68. An etiam huic liceat subtrahere
expensas, & melioramenta facta circa rem
alienam? ibid. à n. 68.

Præceptum restitutionis, an sit principaliter affir-
mativum, vel verò negativum? C. 1. n. 7.
& 8.

Pralatus conferens beneficium Ecclesiasticum
minùs digno, an teneatur ad restitutionem
aliquam? C. 1. n. 23.

Pretium rerum est triplex, scilicet summum, me-
dium, & infimum: & quomodo illud in
contractibus sit attendendum, & observan-
dum? C. 6. n. 165. & seqq.

Q

Quando, seu quo tempore restituendum sit, &
cujus expensis? C. 11. n. 299. item n. 301.
An restitutio fieri debeat ante absolutionem
dandam? ibid. n. 317. Potens statim resti-
tuere, an satisfaciat differendo restitutionem?
ibidem n. 319. Quid si pœnitens sæpiùs jam
promisit, quòd velit statim restituere, & ta-
men non restituit? n. 319. Quò modo resti-
tuendum sit? C. 11. n. 301. An possit etiam
fieri sub schemmate donationis? ibid. n. 315.
Quid si res non perveniat ad manus legitimi

Aa 5

Do-

Index Alphabeticus Rerum, seu Materialium

Domini ob infidelitatem alterius tertii? *ibid.*
n. 311.

Quantum generaliter loquendo sit restituendum?
C. 2. n. 28. Quantum possessor bonæ fidei
teneatur restituere? C. 2. n. 31. Et quantum
possessor malæ fidei? C. 3. n. 67. Quantitas
damni illati, quo modô indaganda sit? *ibid.*
n. 79. Quid sit restituendum? C. 11. n. 292.

R.

Recipientis nomine, quid intelligatur? C. 5. n. 122.
Recipiens latrunculos ad hospitium, an teneatur
ad restitutionem? C. 5. n. 138. Recipiens
filios familias, dilapidantes bona suorum parentum,
an sit obligatus ad restituendum? *ibid.* n. 141.
Recipiens ab alio, & consumens
id, quod putat sibi donatum, an teneatur
postea restituere, si alter protestetur, se non
habuisse animum gratis dandi? C. 7. n. 190.

Religiosus moribundo persuadens, ut suo potius
Monasterio, quàm alteri aliquid leget, an
peccet, & ad quid teneatur? C. 4. n. 114.
Quomodo Religioso in hoc passu cautè procedendum,
& quid observandum? *ibidem* n. 115.
Religiosum seducens, & faciens eum
apostatare, quomodo delinquat, & ad quid
obligetur? C. 7. n. 185. & *seqq.* An Religiosus
teneatur laborare post professionem, ad
satisfaciendum pro debitis in sæculo relictis?
C. 12. n. 345.

Remis-

Remissio Creditoris, quomodo excuset à restitutione? C. 12. n. 331. Remissio præsumpta, an, vel quomodo excuset? ibid. n. 354.

Restitutio quid? C. 1. n. 1. Hujus radices ultimæ sunt duæ. ibidem n. 2. Restitutionis Regulæ Generales semper ante oculos habendæ. ibid. n. 4.

Restituendi obligatio oritur ex læsione solius Justitiæ commutativæ? C. 1. n. 5. Præceptum restitutionis principaliter est affirmativum. ibid. n. 7. Restitutio ad salutem est necessaria necessitate præcepti duntaxat. ibid. n. 9. Quantum generaliter loquendo restituendum sit? C. 2. n. 28.

Mensura *Restitutionis* debitæ ex delicto materiali quæ? ibid. n. 31. An præter rem alienam etiam melioramenta sint restituenda? C. 2. n. 34. & seqq.

Mensura *Restituendi* incumbens possessori malæ fidei, vel ex delicto formali, quæ? C. 3. n. 67. an talis teneatur etiam restituere fructus? ibi. n. 68. Quantum teneatur restituere, qui alium injustè damnificavit? C. 4. n. 49.

Quantum teneantur *restituere* cooperantes ad injustam damnificationem? C. 5. n. 127. & seqq.

Restitutionis obligatio ex contractu quæ, & quanta? C. 6. n. 151. An hæc supponat culpam commissam? ibid. n. 154. Quò loco, & cujus expensis restituenda sit res ex contractu debita? ibid. n. 158.

Resti-

Index Alphabeticus Rerum, seu Materialium

Restitutio an sit debita ex læsione injusta in bonis animæ? C. 7. n. 181. & seqq.

Restitutio debita ex læsione in bono corporis, quæ, quando, & unde oriatur? C. 8. n. 206. & seqq.

Restitutio debita ex læsione famæ, quæ? C. 9. n. 237. & seqq.

Quanta obligatio *restituendi* incumbat furi? C. 10. n. 272.

Restituendi circumstantiæ, quis, quid, ubi & quando, quô item ordine sit restituendum? C. 11. à n. 292.

Restitutio quandonam cesset omnino, & quandonam differri valeat? C. 12. à n. 324.


S.

Sartores, an licitè retineant fragmenta residua de panno &c. C. 10. n. 289.

Studiosus multis debitis gravatus, & solvendo impar, an licitè ingrediatur Religionem? C. 12. n. 342. & seqq.

Stuprator, an, vel quando teneatur ad restitutionem damnorum? C. 8. n. 211. Quid si stuprum à sola puella divulgetur, & hæc propterea patiatur? ibid. n. 221. An consultum sit, ut puella stupratorem deferat ad Judicem? ibid. n. 222. Quid si puella stuprata remittat injuriam? C. 8. n. 227. Quid si sponte consensit in copulam? ibid. n. 212. Quid si alium falsò, & injustè dicat, seu nominet Patrem prolis à se conceptæ? C. 8. n. 229.

Suffra-




Suffragator iniquus, dubitans an suô suffragio nocuerit alteri, an teneatur ad restitutionem? C. 5. n. 145. Suffragium negans Novitio, an peccet, vel ad quid teneatur? C. 7. n. 203.

V.

Vendens viſtuala, vel alias merces minori pretio, ut sibi plures attrahat emptores cum præjudicio aliorum, an his teneatur aliquid compensare? C. 4. n. 99. Vendens mercem vitiatam v. g. equum cœcum pro vidente, ad quid sit obligandus? C. 6. n. 160. & seqq. Vendens vinum aquâ delibutum, an peccet, vel incurrat onus restitutionis? C. 6. n. 164. Vendens uni carius, quàm reliquis, an peccet, vel ad quid teneatur? *ibid.* n. 166. & n. 167.

Uxor subtrahens aliquid de bonis sibi, & marito suo communibus, an peccet, & ad quid teneatur? C. 10. n. 273. & seqq. Uxor, an teneatur solvere debita à marito suo contrahita? C. 12. n. 336. Uxori maritus debet alimenta, *ibid.* n. 338.

I O D G.



MAG 2005304

